

ЎЗБЕКИСТОН РЕСПУБЛИКАСИ ФАНЛАР
АКАДЕМИЯСИ
АЛИШЕР НАВОЙЙ НОМИДАГИ ТИЛ
ВА АДАБИЁТ ИНСТИТУТИ

Зулхумор МИРЗАЕВА

ХХ АСР ЎЗБЕК
АДАБИЁТИНИНГ
АМЕРИКАДА
ЎРГАНИЛИШИ



Ўзбекистон Республикаси Фанлар академияси
«Фан» нашриёти
Тошкент – 2011

**УДК 821.512.133(73)
ББК 83.3(5Ў)6
М 54**

Ёш адабиётшунос олима Зулхумор Мирзаеванинг мазкур монографияси ўзбек жадид адабиётининг Америкада ўрганилиши муаммоларини тадқиқ ва таҳдил этишга бағишлиланган. Монографияда хориж олимларининг адабиётимизга қизиқиш сабаблари, уларнинг таҳдил ва тадқиқ принциплари, хулоса ва муносабатларидағи ўзига хос жиҳатлар атрофлича ёритилади. Бу масала илк бор маҳсус ўрганилаётганлиги билан аҳамиятладир.

Монография олий ўқув юртларида ўзбек филологияси йўналиши бўйича ихтинослик курсларини ўқиши, маъруза ва семинарлар олиб бориши, таржимашунослик, қиёсий адабиётшунослик бўйича дарслик ва ўқув кўлланмалар тузишда кўл келади. Шунингдек, ундан ўзбек адабиёти намуналари таржимаси масалаларини ўрганувчи таржимашунос ва таржимонлар фойдаланишлари мумкин.

Масъул мұхаррир:

ЎзР ФА академиги, филология фанлари доктори, профессор
Бахтиёр Назаров

Тақризчилар:
филология фанлари номзодлари
Сувон Мели
Узоқ Жўракулов

ISBN 978-9943-19-154-9

©Ўзбекистон Республикаси ФА
«Фан» нашриёти, 2011 йил.

Зулхуморнинг дадил қадами ёки хосиятли изланишлар

Дунё янгиланяпти. Одамлар янгиланмоқда. Дунёқараашда жиiddий ўзгаришлар рўй бермоқда. Интеграция жараёнлари йилдан-йилга кучайиб бормоқда.

Мустақилликка эришилгандан сўнг Ўзбекистонда шу вақтгача мисли кўрилмаган ўзгаришлар, янгиланишлар ўз ватандошлиримизгина эмас, ҳалқаро миқёсдаги мана-ман деган давлат арбоблари, турли йўналишидаги мутахассислар томонидан ҳам эътироф этилмоқда-ки, буларнинг барчаси, шубҳасиз, фақат ва фақат Истиқлол шарофати туфайлидир.

Бунинг учун кўпдан-кўп сермижес ва салмоқли далилларни келтириши мумкин. Унинг асосий далили ҳозирги ҳаётимиздир.

Мазкур камтаргина китоб ҳам фақат истиқлол даврида юзага чиқиши мумкин бўлган изланишлардан биридир, десак, уни ўқиб чиққач, ишонасиз, деган умиддамиз.

Гап шундаки, жадидчиликни ўрганиш эшиклари ўзгариши арафалари, ва асосан, Истиқлол даврига келиб очилди. Шунингдек, хориждаги ўзбекшунослар фаолиятини холис, том маънодаги илмий талаблар асосида ўрганиш ҳам мустақиллик самарасидир.

Тўғри, шўро даврида ҳам хорижлик ўзбекшунослар фаолияти эътибордан четда қолган эмас, гоҳ узук-юлуқ, гоҳ муттасил бўлса-да, ажабтовур ўрганилган. Бироқ, у ўрганишлар, аввалимбон, бориб турган мағкуравий найзабозликдангина иборат бўлган. Қолаверса, бу йўналишидаги мақола, тадқиқотларни ёзган деярли бирор-бир мутахассис (мен, асосан адабиётчиларни назарда тутаянман) хорижий аслият тилни билган эмас. Уларга узиқ-юлиқ таржима қилинган материаллар устида ишилашга

тўгри келган. Камина ҳам ана шулардан бири бўлганини афсус билан эътироф этади.

Замонлар ўзгарди. Адабиётишунослик майдонига ҳам янги авлод кириб келди. Қўлингиздаги китоб муаллифи Зулхумор Мирзазева ана шу – янги авлодга мансуб ёши олималардан биридир. Инглиз тилини мукаммал билади. “Ўзбек жадид адабиётининг Америкада ўрганилиши” мавзууда номзодлик диссертациясини ёқлаган. Ҳозир Ўзбекистон Фанлар академияси Алишер Навоий номидаги Тил ва адабиёт институти докторантурасини битириши арафасида. Аввалги изланишиларини янада салмоқлироқ, яхлитроқ ўйналишида давом эттироқда. Энди, умуман XX аср ўзбек адабиётининг Америка олимлари томонидан ўрганилиши муаммолари устида тадқиқот олиб бормоқда.

Америкалик мутахассислар томонидан ўзбек адабиёти масалаларининг ўрганилишини тадқиқ этиши учун инглиз тилини билишининг ўзиёқ кифоя қиласлиги, аниқ, албатта. Бунинг учун, аввалимбор, энг камида, XX аср мобайнидаги ўзбек адабиётининг ўзидаги ютуқ ва камчиликларни, уларнинг сабаб ва омилларини, миллий адабиёт равнақида ўзига хос из қолдирган адивларнинг маҳорати, умуман бадиий адабиёт нуқтаи назаридан юзага келган муаммоларни яхши билиш талаб этилади. Буларни билмасдан түриб, улар ҳақида фикр-мулоҳаза юритиган олимлар фикрининг қадр-қимматига қандай қилиб баҳо бериш мумкин?

Бундан ташқари, энди, изланувчи олдига навбатдаги асосий вазифа келиб чиқади: американлик олимлар ўзбек адабиётини тадқиқ этиб, қандай ютуқларга эришидилар-у, қандай камчиликлари мавжуд? Кенг миқёсда олиб қаралганда, бу эришилган ютуқлар ҳалқаро адабиётшуносликка нима беради-ю, макон нуқтаи назаридан олиб қаралганда, ўзбек адабиётини ўрганишишига қандай ҳисса қўшади? Шу ўринда, навбатдаги масала келиб чиқиши ҳам табиий, унинг ечимида бир тарафдан Америка олимларининг ўзбек адабиётини ўрганишидаги ишлари ўзбек олимлари бу борада амалга оширганларидан фарқли ўлароқ қай

жихатлари билан қимматлидир; ва иккинчи бир жиҳатдан, шуларни очиб бера олишида тадқиқотчи Зулхумор Мирзаеванинг иқтидори ва илмий салоҳияти намоён бўлади.

Кўриниб турибди-ки, Зулхумор Мирзаева олдида турган илмий вазифалар айримларга туюлганидек, кўп ҳам осон эмас. Чунки ёш олиманинг вазифаси: у олим бу ўзбек адаби ҳақида ундаи дебди – бундай дебди қабилидаги эътирофлар эмас, XX аср ўзбек адабиёти тараққиёти давомидаги муаммоларнинг американлик олимлар томонидан нечоглик реал очиб берила олган ёки кўрсатиб берила олмаган нуқталарини илмий суратда аниқлаш ва илмий баҳолашдан иборатдир.

Зулхумор Мирзаева ана шундай – теран ва чукур билими талаб қиласиган, асосли хуносалар чиқарилиши зарур илмий муаммога дадил қўй урди ва, айтиши мумкинки, ҳозиргача эришаётган натижалари чакки эмас. Зеро, бу борада унинг эълон қилинган айрим мақолаларига, маъruzalalariga, хориждаги қатор мутахассислар ҳам ижобий баҳо бермоқдалар. У Америка Қўшима Штатлари, Англия, Германия, Россия, Ҳиндистон, Турция, Қозогистон сингари мамлакатлардаги илмий анжуманларда, семинар ўқув машгулотларида ўз маъruzalari, илмий лойиҳалари билан иштирок этиб, мутахассислар, тенгқурлари билан таляшиб-тортишиб келяпти. У мамлакатларда Зулхумор ҳақида эълон қилинган мақолаларга қараганда, хорижлик биродарларимизнинг ёш ўзбек олимаси ҳақидаги фикрлари ёмон эмас.

Уибу китобдаги тадқиқот ва мақолалар ёш олиманинг иқтидори, илмий салоҳияти ҳақида сизга бир қур тасаввур бера олар деган умиддамиз.

Жадид адабиётимизнинг хорижда ўрганилиши хусусида турли даражадаги алоҳида мақолалар мавжуд эса-да, ўзбек жадид адабиётининг Америкада ўрганилиши деган муаммо яхлит равишда, бирламчи материаллар асосида наинки Ўзбекистон, балки, умуман, ҳалқаро миқёсда ҳам илк бор тадқиқ этилмоқда. АҚШ нинг ўзида ҳам бу йўналишидаги ишга қўй урилган эмас. Таж-

рибали киши зимдан бу мулоҳазалардаги мақсадимизни уқаётган бўлса керак. Мақсад ёш олимани мақташи эмас, илк бор қўл урила-ётган шида айрим камчилик, етишмовчиликлар бўлиши мумкинлигини эслатиб қўйиш, холос.

Шу маънода, Зулхумор келгусида бу йўналишдаги ишини давом эттиради, ҳозир ҳам бу йўналишда изланшилар олиб бормоқда, кеча сезмаган, ўзи пайқамаган, тажриба озлиги туфайли йўл қўйилган камчиликларини, эртага бартараф этишига бор билимини сарфлайди. Бунга шонса бўлади. Зотан, ҳозирги дадил қадамлариёқ кишида шонч уйготади.

Зулхумор Мирзаева ушбу китобдаги асосий тадқикотни яратшида бирламчи материаллар – инглиз тилидаги газета, журнал, монографияларга таяниши билангина кифоялангани йўқ. У Эдворт Олворт, Эден Наби, Жон Соупер, Эдворт Лаззерини, Христофор Мурфи, Адив Холид ҳамда Роберта Мария, Лайонс Шон, Огир Аҳмет, Рейчел Харрел каби ўзбекшунос – ўзбек адабиёти, маданияти, тарихи, миллий сўз санъатимизнинг инглиз тилига таржималари билан шугулланувчи таржимон-мутахассисларнинг айримлари билан шахсий илмий алоқани ҳам йўлга қўйган. Бу борада замоннинг кўз-қулоги бўлган интернет, электрон алоқа имкониятларидан унумли фойдаланади. Таникли ўзбекшунос Эдворт Олворт ўзининг азиз тўқсон ишилигига багишиланган халқаро илмий анжуманга Марказий Осиёдан биргина Зулхуморни таклиф қилганига ва анжумандада маъруза билан қатнашганига ёш олимамиз пинҳона гурурланиб ҳам юради.

Бундан ташқари, шахсий илмий алоқалар ёш ўзбек олимаси фаолиятининг кенгайшишига таъсир этмай қолмайди. У Фарб олим-таржимонлари билан ҳамкорликда мумтоз ўзбек адабиётимиз намояндаси Алишер Навоийнинг “Лисон ут-тайр” асарини инглизчалашибир, китобнинг иккинчи наширини тайёрлади. Шунингдек, “Алишер Навоий асарлари тилининг изоҳли лугати”ни инглиз тилига таржима қилишдаги хизматлари учун Англиянинг “Фонс Витае” фонди директори Грей Ҳенри Зулху-

морга маҳсус миннатдорчилик мактубини йўллаган эди. Ёш таржимон-олима Америка ёзувчиларидан бири Жони Эрексоннинг “Жони” романини, замонавий корейс адабиётининг ёрқин вакили Ли Хо Чулнинг “Хоргинлик”, “Уйдан йироқда” номли ҳикояларини, “Шимолликлар ва жанубликлар” романидан парчаларни, Америка, Туркия олимларининг XX аср ўзбек адабиёти таҳлилига оид бир қатор илмий мақола ва тадқиқотларини инглиз, турк тилларидан ўзбек тилига ўгирди. Бу йўналиш эса, ўз навбатида, Зулхуморнинг илмий изланишиларига ўз таъсирини кўрсатяпти. Ҷунончи, ушибу китобдан ўрин олган айрим изланишиларда баъзи ўзбек жадид адаблари асарларининг инглиз тилига таржима қилининиши хусусидаги ютуқ ва камчиликлар таҳлил этилган саҳифалар бунинг даилии бўла олади. Хуллас, изланишилар давом этяпти. Тер тўкиб қилинган меҳнат натижасидаги изланишилар хосиятили бўлади.

Бахтиёр НАЗАРОВ

Она-Ватанимиз Ўзбекистон
Мустақиллигининг 20 йиллигига багишланади

Дебоча ўрнида

“Маълумки, бирор-бир ҳалқ маънавиятига хос қадриятларнинг бошқа ҳалқлар томонидан тан олиниши, табиийки, ана шу ҳалқ тарихига нисбатан чуқур ҳурмат ифодасидир. Бундай эътироф ҳалқнинг ғурур ва ифтихори, миллий ўзлигини янада юксалтиришга хизмат қиласди.

Шу маънода, кейинги пайтда буюк аждодларимизнинг сўнмас даҳосига ҳурмат-эҳтиром, уларнинг бой илмий меросини ўрганишга бўлган қизиқиши хорижий элларда ҳам ортиб бораётгани барчамизни қувонтиради”¹. Бунинг бир мисоли сифатида XX аср ўзбек адабиётининг яқин қардош ҳалқлар ва узоқ хорижлик тадқиқотчилар томонидан ўрганилиб келинаётганини кўрсатиши мумкин. Бу масалага алоҳида эътибор бериб келаётган мамлакатлардан бири Америка Кўшма Штатлари дидир.

Миллий сўз санъатимизнинг чет элдаги тадқиқини ўрганиш жараёнида хориж олимларининг асосий эътибори ўзбек жадид адабиёти намуналари таҳдилинга қаратилгани маълум бўлди. Ушбу муаммони тадқиқ қилишда америкалик² тадқиқотчилар Э.Олворт, Д.Монтгомери, В.Фиерман, Ж.Соупер, А.Матушевский, Р.Ж.Баррет, Э.Наби, И.Сиртаутас, В.Хоновей, Э.Лаззерини, Б.Элизабет, Х.Мурфи, А.Холид, Роберта Мария,

¹ И с л о м К а р и м о в . Юксак маънавият – енгилмас куч. Тошкент: Маънавият, 2008. 48-бет.

² Иш давомида “америкалик” дейилганда Америка Кўшма Штатлари олимлари назарда тутилади.

Ш.Лайонс, Оғир Аҳмет, Ж.Маккейн каби олимларнинг ўзига хос хизматлари бор.

Ўзбек жадид адабиётининг Америкада ўрганилиши, аввало, бу масаланинг ҳалқаро адабиётшунослик миқёсида ҳам муҳим муаммолардан бири эканини кўрсатади. Иккинчи жиҳатдан, бу мавзу ҳалқаро миқёсда қай даражада, қай йўсин ва йўналишларда, нечоғлик чуқур ва теран тадқиқ этилганлигини ўрганиш, мазкур тадқиқотларни теран таҳдил этиш ўзбек жадид адабиёти муаммоларини атрофлича ва яхлит тасаввур этишда муҳим аҳамият касб этади. Ўзбек жадид адабиётининг хорижда, жумладан, АҚШ даги тадқиқи унинг долзарб илмий вазифалардан бири сифатида эътироф этилгани ва тан олинганининг кўрсаткичигина эмас, балки у сув ичган булоқлар хусусида янгича қарашларнинг шаклланишида ҳам ўзига хос аҳамиятга эгадир.

Ўтган асрнинг 50-йилларидан 90-йилларига қадар ўзбек маърифатпарварлик адабиётининг тадқиқи америкалик олимлар изланишида кўпроқ маълум бир мақсадга асосланган бўлса, Ўзбекистон мустақилликка эришгандан сўнгги тадқиқотларда янги йўналиш ва тамойиллар кузатилмоқда. Шу маънода америкалик олимларнинг ўзбек жадид адабиёти ҳақидаги ишларини маҳсус, босқичма-босқич, тадрижан, турли давр авлод вакиллари тадқиқотлари мисолида таҳдил қилиш бугунги ўзбек адабиётшунослигининг муҳим масалаларидан бири бўлиб келмоқда.

Ўзбек жадид адабиётининг Америкада ўрганилишини тасниф қилиш, ушбу мавзуда изланишлар олиб бораётган олимларнинг концепциялари, тадқиқотларидағи етакчи тамойилларни аниқдаш муҳимдир. Шунингдек, Америка жадидшунослари нинг жадид адабиёти намуналари билан боғлиқ таржима ишларини қиёсан таҳдил ва талқин этиш, таржимонлар маҳорати аслият билан таржима нусхаларининг адекватлиги, яъни қай даражада мувофиқлиги, ўзбек – америка адабиётшунослари амалга оширган бадиий асарларнинг нашр варианtlарини текс-

тологик жиҳатдан ёритиш, мутаржимларнинг жадид адабиётига багишланган тадқиқотлари ва бадиий асарлари таржимасини қиёсан, хусусан, герменевтик таҳдил принципига асосланиб тадқиқ этиш мутахассисларнинг муҳим натижаларни қўлга киритишларида зарур омил бўлиши шубҳасизdir.

Мазкур масаланинг тадқиқи айни вақтда ўзбек ва америка олимларининг жадид адабиёти хусусидаги қарашларини, хуласаларини қиёслаш имконини ҳам берадики, фикримизча, бу ҳам ўрганилаётган муаммога доир кўплаб мунозарали жиҳатларга ойдинликлар киритиш, уларни бугунги кун нуқтаи назаридан баҳолаш имконини беради.

Ушбу монография XX аср ўзбек адабиётининг сермаҳсул ва курашchan даври бўлмиш жадид маърифатпарварлик сўз санъати жаҳон эътиборига тушганини илмий жиҳатдан очиб беришда кичик бир манба сифатида хизмат қилиши билан бирга, айни пайтда, ўзбек-америка адабий-маданий алоқаларининг ривожланиши ва мустаҳкамланишига ўз таъсирини кўрсатади, деб умид қиласиз.

Мазкур иш ўз мазмун-моҳиятига кўра худди бадиий адабиётда бўлгани каби адабиётшуносликда ҳам муайян муаммолар хусусида жаҳон миқёсида яхлит жараёнлар мавжуд экани ва бўлиши мумкинлигини кўрсатиш ҳамда тасдиқдашга хизмат қиласи.

Ўтган асар 20-йиллари ўзбек адабиётининг Америкада ўрганилиши билан боғлиқ айрим масалалар олимларимизнинг бир қатор изланишларида маълум даражада таҳдил қилинган. Улар ўзбек жадид адабиётининг, умуман, хориждаги тадқиқлига оид фрагментал, яъни мухтасар ва ихчам кузатишлардан, мақолалардан иборат бўлиб, бу мавзу ҳақида ҳозиргача маҳсус тадқиқот яратилмаган. Бу борадаги мавжуд тадқиқотларнинг мустақилликкача яратилган аксарида эса мафкуравий ёндашув устунлик қилишини таъкидлаш ўринлидир.

Америкада жадид адабиёти ҳақидаги изланишларни холис ўрганиш ўзбек адабиётшунослигида, асосан, ўтган асрнинг

90-йилларидан бошланди. Ушбу масала бўйича Х.Исматуллаев³, Ш.Турдиев⁴, И.Ҳаққул⁵, Ҳ.Болтабоев⁶, Р.Иногомов⁷, Б.Каримов⁸ ва бошقا олимларнинг айрим мақолалари мавжуд. С.Мирвалиев⁹, К.Рафиқов¹⁰ларнинг ушбу йўналишдаги тадқиқотлари, “Гоявий кураш ва ўзбек адабиёти”¹¹ номли тўпламга киритилган мақолалар, шунингдек, М.Нурмуҳаммедов, Ҳ.Иноятов, Л.Қаюмов, М.Қўшжонов, Б.Назаров, С. Мирзаев каби адабиётшуносларнинг хориж советшуносларига қарши шўро даврида ёзган рисола, изланишлари, моҳият эътибори билан, мафкуравий йўналишда эканлиги билан ажralиб туради.

³ И с м а т у л л а е в Х. “Ўтган кунлар”, насрлар, таржималар, тадқиқотлар // Ўзбек тили ва адабиёти. 1989. 4-сон. 122–134-бетлар; И с м а т у л л а е в Х. Абдулла Қодирий агадияти // Ўзбекистон адабиёти ва санъати. 1994. 14 октябрь, 11 ноябрь; И с м а т у л л а е в Х. Ўзбек адабиётининг оламшумул шуҳрати. Тошкент: Фан, 1996; И с м а т у л - л а е в Х. Чўлпон ва жаҳон // Reform movements and revolutions in Turkistan: 1900-1904. ed. Timur Kosaoglu. Haarlem, 2001, pp. 227–286 (китоб инглиз ва турк тилларида, мақола ўзбек тилида – З.М.).

⁴ Т у р д и е в Ш. Беҳбудий Америкада // Ўзбекистон адабиёти ва санъати. 1992. 17 апрель.

⁵ Ҳаққул ов И. Чўлпон шеъриятининг хорижда ўрганилишига доир // Ўзбек тиин ва адабиёти. 1992. 3–4-сон. 19–21-бетлар.

⁶ Б о л т а б о е в Ҳ. Хорижда фитратшунослик // Ўзбекистон адабиёти ва санъати. 1992. 27 марта; Б о л т а б о е в Ҳ. Ўзбек адабиётининг америкалик дўсти // Туркистон. 1997. 15 октябрь; Б о л т а б о е в Ҳ. Хорижда чўлпоншунослик // Туркистон. 1997, 26 ноябрь.

⁷ И н о г о м о в Р. Қодирий жаҳон кезади // Шарқ юлдузи. 1994. 3–4-сон. 189–196-бетлар.

⁸ К а р и м о в Б. XX аср адабиётшунослигида талқин муаммоси (қодирийшунослик мисолида): Филол.фан.док ... дисс. Тошкент: ЎзР ФА ТАИ, 2002.

⁹ Мирвалиев С. Қалблардан қалбларга (Ўзбек адабиёти чет элларда). Тошкент: Ўзбекистон, 1966.

¹⁰ Р а ф и к о в К. К. Узбекская литература в зарубежном литературоведении (по материалам американской печати): Автореф. дис. ... канд. филол. наук. Ташкент, 1981.

¹¹ Гоявий кураш ва ўзбек адабиёти / Л.Қаюмов, М.Нурмуҳаммедов, М.Қўшжонов ва б. Тошкент: Фан, 1985.

– ўзбек жадид адабиётининг Америкада ўрганилиш дара-жасини белгилаш ва америкалик тадқиқотчиларнинг бугунги кундаги асосий тадқиқот тамойилларини кузатиш.

Шунингдек, Америка олимларининг ўзбек жадид адабиёти мавзусидаги илмий изланишларини инглиз тилидаги асл манбалар асосида ўрганиш, ушбу давр ўзбек адабиётининг халқаро миқёсда, ҳар тарафлама юксак тараққий этган мамлакатлардан бирида концептуал тадқиқ этилишини изчили таҳлил этиш, ҳар бир олимнинг ўз илмий “дастхат”ини аниқлашга интилиш мазкур тадқиқотмизнинг янгилигини кўрсатади. Шунингдек, ишда америкалик олимларнинг мазкур масала юзасидан изланишлари тарихи илк бор даврлаштирилиб, тадқиқотлари тасниф қилинди, уларнинг илмий-танқидий ва таржимонлик фаолиятлари узвий боғлиқликда тадқиқ этилди. Ўзбек жадид адабиётининг инглизчалаштирилган намуналари қиёсан ўрганилиб, “Падаркуш”нинг нашр вариантлари биринчи маротаба текстологик жиҳатдан қиёсий тадқиқ этилди.

Шуни ҳам алоҳида таъкидлаш керакки, бевосита манбалар, шунингдек, хорижлик олимлар билан бу йўналишда тадқиқот олиб бориш имконияти ҳам Ўзбекистон Мустақиллигининг шарофатидандир.

ХХ аср бошидаги ўзбек адабиётининг Америка олимлари томонидан тан олингани ва эътироф этилгани, бу йўлдаги изланишлар жаҳон адабиётшунослиги муайян маънода яхлит система эканлигини кўрсатади. Ана шу бутунликнинг маълум қирраларини ўрганиш асосида чиқарилган хulosалар унинг бардавом ва барқарор бўлишига хизмат қиласди. Ўзбек жадид адабиёти муаммоларининг бошқа халқдар ва мамлакатлар адабиётшунослиги томонидан ҳам ўрганилишига кўрсатажак камтарин таъсири ушбу тадқиқотларнинг аҳамиятини янада оширади.

Тадқиқот материали ҳамда унинг илмий-назарий хulosаларидан кенг маънода компаративистика муаммоларини тадқиқ

этишда, шунингдек, олий ўқув юртларида XX аср ўзбек адабиёти, таржимашунослик, қиёсий адабиётшунослик бўйича дарслик ва турли ўқув қўлланмалари, методик тавсияномалар тузиш, маъруза ва семинарлар олиб боришда фойдаланиш мумкин. Бундан ташқари, тадқиқот ўзбек-америка, америка-ўзбек адабиётлариаро алоқалар билан шуғулланувчилар, жадид адабиёти намуналарининг таржимаси масалаларини ўрганувчи таржимашунос ва таржимонлар фаолиятида ҳам қўл келади. Шу билан бирга монография Ўзбекистон – Америка илмий-маданий алоқаларининг мустаҳкамланишига маълум даражада ўз ҳиссасини қўшади, деб умид қиласиз. Иш жадид адабиёти муаммоларида кўпдан-кўп муштарак фазилатларга эга бўлган озарбайжон, татар, қозоқ, тоҷик, туркман ва қирғиз халқлари адабиётини мазкур масала юзасидан ўрганувчи мутахассисларга ҳам ёрдам беради, деб ўйлаймиз.

Олиб борган тадқиқотлари қўлами жиҳатидан ўзига хос ўринга эга бўлган ва ўзбек жадид адабиёти ҳақида жиiddий илмий асарлар яратган Э.Олворт, Х.Мурфи, А.Холидларнинг изланишлари мазкур ишимизнинг асосий манбаи вазифасини бажарди. Шунингдек, монография йўналишидан келиб чиқиб, мақсаднинг муҳим қирраларини атрофлича талқин қилиш ҳамда мулоҳазаларни чуқурроқ асослаш мақсадида А.Бенингсен, А.Матушевский, К.Х.Менгес, Р.Ж.Баррет, Ж.Соупер, Э.Наби, Э.Лаззери, Р.Мария, Ш.Лайонс, Оғир Аҳмет, Ж.Маккейнларнинг илмий ишлари, таржималари ва ўзбек олимларининг изланишлари ҳам тадқиқотга жалб этилди.

Монографиядан мазкур тадқиқотларимизнинг давоми – XX аср ва замонавий ўзбек адабиётининг Америкада ўрганилиши мавзуи доирасидаги адабий-танқидий мақолалар ва АҚШ ўзбекшунос-таржимонлари билан олиб борилган сұхбатлар ҳам ўрин олган.

ЖАДИД АДАБИЁТИНИНГ АМЕРИКАДА ЎРГАНИЛИШ БОСҚИЧЛАРИ

Жадид адабиёти ҳаётийлиги, турмушни реал кўрсатиши, ўлмас мавзулар орқали долзарб миллий муаммоларни ёритиши билан ўзбек сўз санъати ва маданияти ривожида муҳим ўрин тулади. Бу давр адабиёти, Б.Қосимов таъбири билан айтганда, янгиланиш адабиётидир¹⁶. Унинг ўзига хос, муҳим жиҳатлари хусусида ўзбек адабиётшунослигида кўплаб жиҳдий тадқиқотлар яратилган.

ХХ аср бошида Туркистонда кечган тарихий воқеалар сабаб маҳаллий халқ ҳаёти учун хос бўлган икки ҳолатни алоҳида кўрсатиб ўтиш керак бўлади: булардан биринчиси – Россия империяси мустамлака сиёсати асосига қурилган босқинчилик,adolatsizlik, тенгсизлик зулмининг кучайиши туфайли пайдо бўлган маҳаллий парокандалик бўлса; иккинчиси – халқ орасидан Беҳбудий, Абдулла Қодирий, Чўлпон, Фитрат каби маърифатпарварларнинг етишиб чиқиши ҳамда зулм ва гафлатдаги халқнинг улар яратган асарлар таъсирида уйғониши, миллат тафаккурининг янги босқичдаги шакланниш жараёнидир.

Америка Кўшма Штатларидағи машҳур Нью-Йорк миллний кутубхонаси (“New York National - Public Library”) архивида сақланаётган ХХ аср ўзбек адабиётининг чет элдаги тадқиқига оид манбаларни яхлит ўрганиш натижасида ўтган асрда юртимизда содир бўлган ижтимоий-сиёсий ҳаётни ўрганиш ва уни тарғиб қилишга интилиш хорижда 1927 йиллардан бошланганлиги маълум бўлди. Усмон Хўжа ўғли, Мустафо Чўқай,

¹⁶ Миллий уйғониш даври ўзбек адабиёти / Б. Қосимов, Ш. Юсупов, У. Долимова б. Тошкент: Маънавият, 2004. 21-бет.

Заки Валидий Тўғон, Мажиддин Аҳмад, И.Тўлқин, Тоҳир Шоқир ўғли Чифатой, Абдуваҳоб Исҳоқ ўғли Ўқтой, Вали Зуннун ва бошқа миллатпарвар юртдошларимиз миллий адабиётизмизнинг хориждаги илк тарғиботчилари бўлганлар. Мазкур йилларда яратилган мақолалар, асосан, Чор мустамлакаси зулмига қарши ҳаракатларнинг бадиий адабиётдаги талқинига багишланган. Номлари юқорида тилга олинган тадқиқотчилар ўз қарашларини 1927 – 1932 йилларда Истанбулда чоп этилган “Янги Туркистон”, 1929 – 1939 йиллар оралиғи ва Иккинчи жаҳон урушидан кейин Олмонияда босилган “Ёш Туркистон”, “Миллий Туркистон” журнallари воситасида тарғиб қилганлар. “Янги Туркистон”нинг 1927 йил 1-сонида Усмон Хўжа ўғлиниң “Туркистонда турк адабиётининг мафкуравий таҳаввулларина умумий бир назар”, Абил Завқий ва И.Тўлқин қаламига мансуб, “Миллий Туркистон”нинг инглиз тили вариантида чоп этилган “Шоир Чўлпон”, Вали Зуннуннинг “Шарқий Турк Мушоҳадаси” журналиниң 1958 йил 1-сонида инглиз тилида чоп этилган “Чўлпон ва ўзбек адабий қаршилик ҳаракати” номли тадқиқоти, Т.О имзоси билан “Чўлпоннинг “Уйғониш” деган китоби ҳақида”, А.Тошкантлиниң “Кишанланган ижод” номли мақолалари эътиборга молик. Аммо мазкур йиллардаги ўзбек адабиётининг хориждаги тарғиботи, юқорида таъкидланганидек, асосан у ердаги мухожирлар томонидан амалга оширилган.

Ўзбек жадид адабиётининг Америкада ўрганилиши эса XX асрнинг 50-йилларидан бошланган. Жадид маърифатпарварлик адабиёти билан боғлиқ масалаларнинг Европа ва Америка олимлари томонидан атрофлича ўрганилишига дастлаб халқаро миқёсдаги ва собиқ шўролар иттифоқидаги сиёсий жараёнлар ва “совуқ уруш” сабаб бўлган.

XX аср ўрталарида АҚШ нинг Колумбия университетида Марказий Осиё халқлари ҳаёти, тарихи, маданиятини ўрганувчи илмий марказ ташкил ~~училиш~~ Университети

секин-аста ривожланиб, имкониятлари кенгая бошлади. Ке-йинчалик бундай тадқиқот маркази Гарвард ва Жанубий Ка-лифорния университетларида ҳам ташкил этилди¹⁷. Бугунги кунга келиб АҚШнинг кўплаб университетларида “Марказий Осиёни ўрганувчи бўлим” (“Central Asian Studies Department”) лар мавжуд. Хусусан, Индиана университети ўзбек тили ва ада-биёти бўйича кадрлар етказиб берувчи асосий олий ўқув юрт-ларидан бири бўлиб, мазкур соҳага оид адабиётлар кўпинча ушбу университет нашриётида чоп этилади. Бундан ташқари, Америка Кўшма Штатларида ўзбек тили ва адабиёти масала-ларини ёритувчи бир қатор журнал ва газеталар ҳам фаолият кўрсатмоқда. Шулардан энг йириклари – “Мусулмон Дунёси” (“Muslims’World”), “Марказий Осиё шарҳи” (“Central Asian Review”, “Central Asian Survey”), “Марказий Осиё журнали” (“Central Asian Journal”), “Ўрол – Олтой ийлномаси” (“Ural-Altaic Year-book”), “Ўзбек сўзи” (“Uzbek’s word”), “Ватандош” (“Countryman”) сингари ўзбек ва инглиз тилларида нашр эти-ладиган рўзнома ва ойномалардир.

Жадидчилик ва ўзбек жадид адабиётини Америкада из-чил ўрганиш ҳамда ушбу маърифатпарварлик ҳаракати вакилларининг асарларини инглизчалаштириш XX асрнинг 2-ярмидан бошланиб, бу жараёнда Э.Олворт, Д.Монтгомери, В.Фиерман, Ж.Соупер, А.Матушевский, Р.Ж.Баррет, Э.Наби, Э.Лаззерини, Б.Элизабет, И.Сиртаутас, В.Хоновей, Х.Мурфи, А.Холид, Роберта Мария, Ш.Лайонс, Оғир Аҳмет, Ж.Маккейн каби олимлар фаол иштирок этишган. Ушбу олим-лар тадқиқоти учун объект бўлган даврдаги сиёсий-ижтимо-ий жараёнларни, жадид адабиётига муносабатда кўринувчи ўзига хосликларни эътиборга олган ҳолда, ушбу изланишлар-

¹⁷ Ушбу марказ Туркия, Англия, Германия, Франция... олимлари билан ҳамкорликда иш юритган ва марказ ҳомийлигида давр адабиёти билан боғлиқ илмий китоблар, мақолалар нашр этилган. Биз фақат Америка ўзбекшуносларининг жадид адабиётига оид тадқиқотлари хусусида сўз юритамиз – З.М.

нинг мақсад ва йўналишларидан келиб чиқиб, уларни шартли равишда уч гуруҳга тасниф қилиб ўрганиш маъқул кўринади:

- а) кекса авлод вакиллари томонидан яратилган тадқиқотлар;
- б) ўрта бўғин мутахассисларининг ишлари; в) янги авлод жадидшуносларининг тадқиқотлари.

Жадид адабиёти ва ушбу давр масалалари билан боғлиқ изланишларнинг дастлабки тадқиқотчилари – кекса авлод вакиллари Э.Олворт, унинг сафдошлари А.Бенингсен, Э.Уимбуш, Роберт Ж.Баррет, Д.Монтгомери каби олимлар ҳисобланиб, уларнинг илмий ишлари ўтган асрнинг 50–70-йилларини ўз ичига олади. Жадидчилик билан боғлиқ масалаларни тадқиқ этишнинг фаоллаша бошлаши ҳам айнан шу йилларга тўғри келади. Бу даврларда Америкадаги Гарвард ва Колумбия университетлари жадид адабиётини ўрганувчи асосий марказ эди. Ушбу марказ фаолиятига Э.Олворт раҳбарлик қилган. Бу илмий марказнинг ташкил этилишига ўтган аср ўрталаридағи сабиқ СССР – Америка ўртасида юз берган сиёсий келишмовчиликлар ҳамда Ўзбекистоннинг ҳалқаро миқёсдаги нуфузи орта боргани сабаб бўлган, деийиш мумкин. Кекса авлод вакилларига мансуб олимлар изланишларининг аксарияти Туркистондаги ижтимоий-сиёсий ҳодисаларни таҳдил қилишга бағищланган. Уларнинг асосий тадқиқот объектини Марказий Осиёдаги сиёсий вазият, мустамлакачилик, озодлик курашлари, шундай шароитни ҳаракатга келтирувчи шахслар ва уларнинг ижоди ташкил этади. Номлари келтирилган олимларнинг ҳаммаси ҳам жадидчилик ёки жадид адабиёти билан маҳсус шуғулланган, дейишга шошмаслик лозим. Уларнинг айримлари даврнинг ижтимоий-сиёсий ҳаётини таҳдил этиб, бир-икки мақола билан чекланганлар, холос. Э.Олворт тадқиқотлари эса наинки ҳажмининг катталиги, миқдорининг кўплиги, балки жадид адабиётини маҳсус кенг тадқиқ этганлиги билан ҳам ажralиб туради. У сермаҳсул ва жиҳдий жадидшунос сифатида кекса

авлод вакиллари орасида муҳим ўрин тутган олимлардан биридир¹⁸.

ХХ асрнинг 50–70-йиллари Америкада ўзбек жадид адабиётини ўрганишга бўлган қизиқиш ва интилишларнинг ривожлана бошлаган даври бўлгани ҳолда, бу даврда асл намуналарни тадқиқ қилишда, асосан, мафкурага ургу берилиши туфайли бир ёқламаликка йўл қўйилгани, асарлардаги бадииятга етарлича эътибор берилмай, кўпроқ, сиёсий жиҳатлар таҳдил қилинганлигини ҳам таъкидлаб ўтиш зарур. Мисол тариқасида, Э.Олвортнинг “Ўзбек адабий сиёсати” номли илмий асарини кўрсатиши мумкин. Мазкур китобнинг олтинчи қисми “Ўқиш, ёзиш ва нашриётлар” деб аталади. Олим ушбу бўлимда рус ва ўзбек тилидаги газета ва журналлар, нашр этилаётган бадиий асарларнинг қанчаси рус, қанчаси ўзбек тилида эканлиги ҳақида “бафурж” маълумот беради. Улардаги сўз ва терминлар-

¹⁸ Қаранг: Allworth E. Uzbek Literary Politics.-The Hague: Mauton and Co.,1964; Allworth E. The Beginnings of the Modern Turkestanian Theater // Slavic Review. 23(1964), pp.676–687; Allworth E. Central Asian Publishing and The Rise of Nationalism. New York: New York Public Library, 1965; Allworth E. Central Asian. A Century of Russian Rule/ ed. E. Allworth. New York: Columbia University Press, 1967; Allworth E. Nationalities of the Soviet East Publication and Writing Systems. New York – London: Columbia University Press, 1971; Allworth E. Central (Soviet) Asia: A compilation of social science and humanities sources on the Iranian, Mongolian, and Turkic nationalities. With an Essay on the Soviet Asian Controversy. New York – London: Praeger Publishers, 1975; Allworth E. Murder as Metaphor in the First Central Asian Drama // Ural-Altaic Year-book.-58(1986), pp.65–95; Allworth E. Modern Uzbeks.-Stanford:Hoover Institution Press, 1990; Allworth E. The pre-occupations of Abdalrauf Fitrat, Bukharan nonconformist:an Analysis and list of his writings.-Berlin: Buch, 2000; Allworth E. Evading Reality. Devices of Abdarauf Fitrat, Modern Central Asian Reformist. Netherlandz: Brill Academic Publishers, 2002. Бундан ташқари олимнинг кўплаб мақола ва маъруза матнлари мавжуд. Шунингдек, Э.Олворт ўтган аср 20-йиллар адабиётига тааллуқли бир қанча илмий, бадиий китобларга муҳарририлик қилган, ҳаммуалифликда асарлар яратган.

ни тил гурухларига бўлиб, эринмай ҳисоблаб чиқади. У “Адабиёт”, “Назм ва наср” бўлимларида ҳам ўз “услуби”дан адашмаган. Бундай мисолларни кўплаб келтириш мумкин. Унинг ҳамкаслари К.Х.Менгес, А.Бенингсен, Э.Уимбуш, Р.Ж.Баррет каби ўзбекшунослар тадқиқотларини кузатганимизда ўтган асрнинг 50–70-йилларида олиб бориаган ишларнинг деярли барчасида сиёсий мавқени мустаҳламлаш ҳаракатининг устуналигига гувоҳ бўламиз. Улар бу даврда ўз маҳоратини адабиётшуносликдан ҳам кўра, сиёсатшунос олим сифатида намоён қилишган ва маълум маънода бунга эришишган ҳам.

Ўша даврдаги Farb олимларининг ўзбек адабиёти ҳақидаги мақолаларига ҳамда ўзбек олимларининг гарбдаги мутахассислар яратган бу тарздаги тадқиқотларига жавоб тарзида ёзилган ишларига назар ташласак, улардаги бир ўхшашликни, умумий методологик ёндашувни пайқаш қийин эмас. Ҳар икки томон ҳам масалага, асосан, сиёсий нуқтаи назардан ёндошаётганини яшира олмайди ва, ҳатто, ўз корчалонларига хуш келиш мақсадида, буни очиқдан-очиқ ва ёрқин намоён этишга ҳаракат қиласади¹⁹.

Америкалик олимларнинг катта авлод вакиллари изланишларида “XX асрнинг биринчи чорагида яратилган ижод намуналари бадиий асардан кўра кўпроқ адабиёт орқали советлар сиёсатига қаршилик кўрсатиш ёхуд қўллаб-кувватлашдан иборат бўлган жараён маҳсулидир”, деган қарашлар илгари суриласди.

Бироқ шуни ҳам таъкидлаш ўринлики, америкалик олимларнинг шу даврдаги аксар ишларида ёк жадидчилик билан боғлиқ ҳолатлар фақат субъектив муносабат анъана тусини олгандек туюлса-да, бу қарашларда ўзбек жадид адабларининг асарларидағи мақсадлар, ўзбек жадид адабиётининг эстетик

¹⁹ Гоявий кураш ва ўзбек адабиёти / Л. Қаюмов, М. Нурмуҳаммедов, М.Кўшжонов ва б. Тошкент: Фан, 1985. 36-бет; М и р з а е в С. Адабиёт ва мафкуравий кураш. Қаранг: Адабиёт ва замон (Мақола, очерк, адабий портретлар). Тошкент: Ғафур Гулом номидаги Адабиёт ва санъат нашриёти, 1980.

идеали масалалари тўғри очиб берилади. Хусусан, “жадид сўз санъатидаги баъзи европалик, шунингдек рус кишилари образи совет сиёсати билан боғлиқ”, деган фикрлар ҳаёт ҳақиқати ва адабий жараён ҳақиқатига у қадар зид эмасди. Иккинчи бир жиҳатдан, американлик олимлар ушбу муаммо тадқиқида ҳам фақат бир томонлама фикр юритганлигини кузатиш мумкин. Жадид асарларида европалик ва рус кишилари образи фақат ва буткул сиёсат таъсирида киритилган десак, биз тарихий ва мантиқий ҳақиқатга қарши борган бўламиз. Чунки ўша давр ёки бугунги кун нуқтаи назаридан қараганда ҳам маҳаллий (ерлик) аҳолининг рус миллати вакиллари билан сиёсий ва ижтимоий яқинликда (муносабатда) бўлишига зарурат бўлган. Бу, аввало, сиёсий-ижтимоий ҳаёт тақозоси ўлароқ бўлса, иккинчидан, шу ҳодисанинг бадиий адабиётда акс этиши билан узвий боғлиқ. Шунингдек, Туркистонда маърифатпарварлик адабиётининг вужудга келишида Европа ва қардош халқлар адабиёти, маданияти таъсирини унутмаслигимиз керак.

Зеро, азал-азалдан Шарқ ва Фарб фалсафаси ҳаётнинг туб ва ўзак масалалари бўйича бир-бирини тўлдириб, бойитиб келган. Улар бир-биридан озиқланган ва таъсиранланган. Қомусий билим соҳиблари ҳамиша меъёрий уйғунликни сақлашга интилишган. Шунга қарамасдан, давр руҳи, тафаккур тарзи, менталитетдаги ўзига хос томонлар таъсирида шарқона ва гарбона қарашларда муайян фарқлар ҳам келиб чиқсан. Шунингдек, маърифатпарварлик ҳаракатининг моҳиятида миллат сифатида шаклланиш, билим ва маърифат эвазига миллатни жаҳоннинг мутараққий давлатларига тенглаштириш жараёнини такомиллаштириш мотивлари ётади. Маърифатпарварлик миллат маънавий қиёфаси, тафаккур тарзини, умуминсоний қадриятларни бағрикенглик билан ўзлаштириш асосида янгилашга асосланади. Жамиятни бундай ақлга мувофиқ тарзда ўзгартириш миллий озодлик ҳаракатларининг асосий стимули эди. Бинобарин, маърифий-маънавий такомиллашиш ўз келиб чиқиши, руҳи ва амалга

ошириш воситаси жиҳатидан миллий нафсониятга зид ташки таъсирлар, истилочилик ва зулмга қаршигина эмас, балки ҳар қандай инқилобларга зид эканлигини ҳам таъкидламоқ жоиз.

1970 йиллардан бошлаб жадидшунос ва ўзбек адабиётини ўрганувчилар қаторида янги тадқиқотчилар Э.Лаззерини, Б.Элизабет, И.Сиртаутас, Ж.Супер, Э.Наби, Х.Мурфилар майдонга чиқди.

Жадидчиликни ўрганиш бўйича ўрта бўғин вакилларининг етакчи олимларидан бири Э.Ж.Лаззеринидир²⁰. У жадидчиликнинг гоявий раҳнамоси Исмоилбек Гаспирали²¹ нинг ҳаёти, ижоди ва сиёсий фаолиятини монографик планда ўрганган ягона Америка олими ҳисобланади.

Б.Элизабет²², И.Сиртаутас²³ каби олимларнинг ҳам жадидчилик ҳамда жадид адабиётига багишланган эътиборга мо-

²⁰ L a z z e r i n i E. J. Ismail Bey Gasprinskii and Muslim modernism in Russia, 1878–1914. University of Washington, 1973. – 312 p; Tatarovedenie and the “New Historiography” in the Soviet Union: Revising the Interpretation of the Tatar-Russian Relationship. Slavic Review, Volume 40, Issue 4, 1981, pp. 625–635; From Bakchisarai to Bukhara in 1893: Ismail Bey Gasprinskii’s journey to Central Asia // Central Asian Survey-4(1984), pp.77–88; “Ismail Bey Gaspirinskii (Gaspirali), the Discourse of Modernism and Russians”, Tatars of the Crimea: Their Struggle for Survival, ed. Edward Allworth. Durham: Duke University Press, 1988; The revival of Islamic culture in pre-revolutionary Russia: or why a prosopography of the Tatar Ulema.Torco-Tatar Past Soviet Present. Studies presented to Alexnadre Benningsen, ed. Ch.Lemercier-Quelquejay, G.Veinstein, S.E.Wimbush, Paris, 1986 (Мазкур журнал француз тилида, мақола эса инглиз тилида чоп этилган – З.М.).

²¹ Шу ўринда, сўнгги йилларда, хусусан Туркияда И.Гаспирали ҳаёти ва ижодини ўрганиш, асарларини чоп этиш бўйича хайрли ишлар амалга оширилаётганини таъкидлаш лозим. Масалан, 2003–2008 йиллар мобайнида Ёвуз Оқгунар томонидан Туркиядаги “Отукен” нашриётида И.Гаспиралининг уч жилдлик асарлари чоп этилди.

²² Elizabet B. Central Asians under Russian Rule. N.Y.: Ithaca, 1966.

²³ C i r t a u t a s I. The Continuing Importance of Autobiographical Writings in Eastern Turkic Literature // A paper presented at the 1981 Middle East Studies Association Annual Meeting.-USA, 1981, pp. 65–76.

тадрижини таҳдил қилганимизда, энди улардаги йўналишлар олдинги тадқиқотлардан фарқ қилиб, илмий мезонлар бирмунча чукурлаша бошлаганини кузатамиз. Бу даврдаги изланишларда ҳам, гарчанд ижтимоий масалалар билан боғлиқ қарашлар мавжуд бўлса-да, лекин уларда 70-йилларгача қилинган ишлардаги сингари масалага бир ёқлама (кўпроқ сиёсий) ёндашиш тенденцияси устувор эмаслигини пайқаш қийин эмас. Шунингдек, мазкур йиллардаги изланишларда бадиий асарлардаги қаҳрамонларга образ ва характер сифатида ёндашиш кучайланлиги ҳам тадқиқотларнинг илмийлиги ва холислигини оширган дейиш мумкин.

Кўплаб америкалик ўзбекшуносларга устозлик қилган Э.Олворт ўтган асрнинг 70-йилларида ҳам Марказий Осиё масалалари билан боғлиқ тадқиқотлар яратишида, жадид адабиётини сиёсий мезонлар билан тадқиқ этиб, мақолалар эълон қилишда давом этди³¹. Бу олим XX аср 50–70-йилларидағи қарашларини 2-босқич (1970–1990 йиллар) да ҳам изчил давом эттириб, ўзига хос “анъанавий йўналиши”ни сақлаган.

А.Бенингсен, Э.Уимбуш каби олимлар ҳаммуаллифликда яратган “Совет Иттифоқида Миллий Коммунизм” номли тадқиқотида XX асрнинг 20–30-йилларида яратилган бадиий асарлардаги тил муаммолари, ўзбек адабиётига кириб келган русча сўзлар, уларнинг салбий таъсирлари ҳақида танқидий фикр-мулоҳазалар билдириб, Қодирийнинг “Ўткан кунлар” романини ҳам “руслаштириш сиёсати” билан боғлайдилар. Уларнинг фикрича, Ўрта Осиёда, аниқроғи ўзбек адабиётида роман жанрининг пайдо бўлишига рус тузумининг қарор то-

³¹ Allworth E. Nationalities of the Soviet East publication and writing systems. New York – London: Columbia University Press, 1971; The Nationality Question in Soviet Central Asia / E.Allworth, Timur Kocaoglu, Eden Naby and etc.;ed. E.Allworth. - NY.: Praeger Publishers, 1973; Allworth E. Central (Soviet)Asia: A compilation of social science and humanities sources on the Iranian, Mongolian, and Turkic nationalities. With an Essay on the Soviet Asian Controversy. New York – London: Praeger Publishers, 1975.

пиши сабаб бўлган³². Назаримизда, бу фикрга қўшилиш қийин. Олимларнинг ушбу холосасида уларнинг гоявий мухолифлиги яққол акс этган бўлиб, уларнинг фикрида биз билан келишмовчи туйғулари устуналик қилган кўринади. Зеро, ўзбек адабиётида роман жанрининг пайдо бўлиши фақат рус тузумининг таъсири натижаси бўлмай, давр ва ҳаёт тақозоси, ўзбек адабининг бу жанрда асар яратса олиш қобилияти тўла шаклланиб улгурганлиги оқибати эди, албатта. Шунингдек, бирор-бир халқ адабиёти маълум бир даврда бирон-бир янги жанрнинг яратилиши давр кишиларининг шундай жанрдаги асарга эҳтиёжи ҳамда сиёсий-иқтисодий-маданий ҳаёти ва муайян даврдаги ижтимоий ҳаётда пайдо бўладиган ўзгаришлар билан боғлиқ жараёндир.

Шу ўринда Америка ўзбекшунослигининг “йўлбошчиси” деб эътироф этилган Э.Олвортнинг яна бир муҳим тадқиқоти хусусида тўхталиб ўтиш ўринлидир. Сабаби, олим ушбу асарида олдинги барча илмий китоблари ва мақолаларида биринчи ўринга олиб чиқсан услубидан фарқди равишда наинки адабиётшунос, балки таржимонлик маҳоратини ҳам намоён қилган. Ушбу тадқиқот 1986 йилда яратилган бўлиб, у Беҳбудий ва унинг “Падаркуш” драмасига бағишлиланган³³.

Республикамиз Мустақилликка эришгач, америкалик олимлар ҳам жадидшунослик масалалари билан боғлиқ муаммоларни янгича йўналишлар асосида тадқиқ қила бошладилар. Бунга Ўзбекистоннинг Марказий Осиё минтақасидаги обрӯ-эътибори, халқаро миқёсдаги нуфузи ортиб бораётгани, ўтган асарнинг 20–30-йилларидағи орзу-умидларни ўзида мужассамлаштирган жадид адабиётининг бугунги порлоқ истиқболи, қолаверса Америкага аксарият ижтимоий масалаларда мухолиф бўлган собиқ Иттифоқ парчалангач, ўзаро сиёсий-мафкуравий вазият ўзгариб, бу тадқиқотчиларнинг 1950–1960 йиллардаги-

³² Гоявий кураш ва ўзбек адабиёти / А. Қаюмов, М. Нурумхаммадов, М.Қўшжонов ба. Тошкент: Фан, 1985. 27-бет.

³³ All who thrill E. Murder as Metaphor in the First Central Asian Drama// Ural-Altaic Year-book.- 58 (1986), pp.64–95.

дек “совуқ уруш” позициясида туриб фикрлашидаги методологик ёндашувлардан воз кечишлари сабаб бўлди. Бундан ташқари, кузатишлардаги бу ўзгаришлар кейинги йилларда АҚШдаги айрим университетларда ўзбек тили ва адабиёти атрофлича ва чуқурроқ ўрганилаётганлиги, жадид адабиёти ва таржимонлик бўйича изланиш олиб бораётган олимлар сафига янгича фикрлайдиган ёш тадқиқотчиларнинг кириб келаётганлиги билан ҳам изоҳланади. Лекин ўтган асрнинг 70–80-йиларида яратилган тадқиқотлардаги кузатишлар даражасида бўлмаса-да, 1990 йиллардан кейин ҳам американлик тадқиқотчиларнинг изланишларида асарнинг бадиий жиҳатига эътибор нисбатан кам бўлиб, тадқиқотлардаги асосий хуносалар аксар ўринларда сиёсий-ижтимоий масалаларга қаратилганлигича қолаверди.

Э.Олворт Ўзбекистон мустақиллигининг кейинги йилларида ҳам ўз илмий изланишларини давом эттириди. Унинг 1990 йиллардан кейин яратган тадқиқотлари кўпроқ Абдурауф Фитрат фаолияти ва асарлари таҳдилига багишлиланган. Олворт Фитрат ижодини тадқиқ қилиш баробарида унинг “Қиёмат” (“The Judgment Day”), “Бедил. Бир мажлисда” (“Bedil. In one Session”), “Шайтоннинг Тангрига исёни” (“Satan’s Mutiny against the Lord”) каби асарларини бирламчи манбалар асосида инглиз тилига таржима қилган. Шунингдек, олим жадидчilik ва жадид адабиёти ҳақида кичик рисолалар нашр эттириши билан бирга, матбуотда ҳам чиқишилар қилиб турибди³⁴. Адабиётшунос олим Б.Назаров Э.Олвортнинг “Падаркуш” драмаси таржимасига багишлиланган сўзбошисида “... серкўлам, билим-

³⁴ Allworth E. Modern Uzbeks.-Stanford: Hoover Institution press, 1990; Reform Movements and Revolutions in Turkistan: 1900–1924. Studies in Honour of Osman Khoja / Edw ard A, A deb Khalid, Baymirza Hayit etc.; ed. Timur Kocaoglu. Netherlands: Haarlem, 2001, pp. 77–109; Allworth E. The preoccupations of Abdalrauf Fitrat, Bukharan nonconformist: an Analysis and list of his writings. Berlin: Buch, 2000; Allworth E. Evading Reality. Devices of Abdarauf Fitrat, Modern Central Asian Reformist. Netherlandz: Brill Academic Publishers, 2002.

дон, XX аср ўзбек адабиётининг қатор долзарб муаммолари ва фидойи миллатпарвар адилари ижодини ўрганишда деярли эллик-олтмиш йилдан буён изчил изланиш олиб бораётган, бу йўналишда қатор салмоқли тадқиқот, монографиялар эълон қилган, умрини ўзбек адабиётини ўрганишга багишлаган олимлардан бири, эҳтимол улар ичида энг забардасти американалик Эдворт Олвортдир³⁵, – деб ёзган эди.

Мустақилликдан кейин американалик жадидшунос олимларнинг ўрта бўгин вакиллари Э.Ж.Лаззерини³⁶, Х.Мурфи³⁷, Д.А.Бравер³⁸ кабилар жадидчилик ҳаракати ва жадид адабиётини ўз қизиқишиларидан келиб чиқиб, таҳдил қилишда давом этдилар. Бу борада Х.Мурфининг илмий ишлари, айниқса ўзининг теран таҳдиллари, асосли талқинлари билан дикқатга сазовор. У “Абдулла Қодирий ва большовайлар: ислоҳотдан инқилобгача” номли илмий ишида муаллифнинг “Бахтсиз куёв” драмаси, “Жинлар базми”, “Жувонбоз”, “Тинч иш”, “Отам ҳам большевик”³⁹ каби ҳикояларини бошқа американалик тадқиқотчилардан фарқли равишда ўзбекона руҳда, замон ва макон билан боғлиқ ҳолда ўрганишга ҳаракат қилган. Шунингдек, “Ўткан кунлар” “Мехробдан чаён” романлари ҳақида ҳам бирмунча тўхталиб,

³⁵ Н а з а р о в Б. Ижодий ҳамкорлик. Э.Олвортнинг “Биринчи ўзбек драмаси” мақоласи таржимасига ёзилган сўзбоши // Жаҳон адабиёти. 8-сон, 2009 йил (инглиз тилидан З.Мирзаева таржимаси).

³⁶ Russia's Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J. Lazzerini and etc.; ed. Daniel R.Brower and E.J.Lazzerini.-Bloomington:Indiana University Press,1997, pp. 169–188.

³⁷ Muslims in Central Asia / Ch. Murphy and etc. Durham-London: Duke University Press, 1992, pp. 191–203.

³⁸ Russia's Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini and etc.; ed. Daniel R.Brower and E.J.Lazzerini.-Bloomington: Indiana University Press,1997, pp. 115–138.

³⁹ Х.Мурфи А.Қодирийнинг “Отам ҳам большевик” ҳикоясини 1969 йилдаги нашри асосида “Отам ва большевик” (My father and Bolshevik) деб инглизчалаштирган. Асл манбага кўра ва У.Норматовнинг татьқидлашича, мазкур асрар “Отам ҳам большевик” деб номланган – З.М.

Абдулла Қодирийнинг ҳаёти, ижоди ва инқилобий ўзгаришгача бўлган ижтимоий фаолияти тўғрисидаги фикрларини, кузатишларини эълон қилган⁴⁰. Тадқиқотнинг характерли жиҳати шундаки, олим мазкур изланишида Абдулла Қодирий ижтимоий ҳаракати билан боғлиқ воқеа-ҳодисаларни унинг асарлари асосида изоҳлаб, “Ўткан кунлар”га оид олдинги таҳдилларини Қодирийнинг ҳикоячилигига бағишлиланган изланишида ҳам ривожлантирган. Х.Мурфи унда “Қодирий ислоҳ этиш йўли билан жамиятни тузатиб бўлмаслигини, фақат инқилобий йўл билангина жамиятдаги ёмон одатларни бартараф этиш мумкинлигини тушуниб етди ва 1923 йилдан бошлаб у жамиятни ўзгартириш, фафлат уйқусидан уйғотиш мақсадида инқилобий йўлга тўла ўтган”⁴¹, – деган хуносага келиб, муаллифнинг асардаги гоявий мақсадини шу тарзда талқин этади.

Олимнинг мазкур қарашларида бир қатор баҳсталаб нуқталар ҳам мавжуд. Хусусан, “Қодирий 1923 йилдан инқилоб йўлига тўла ўтди, у жамиятни ислоҳ қилиш эмас, инқилоб билан ўзгартириш мумкин, деган тушунчага етиб келди”, қабилидаги қарашлар Х.Мурфиники бўлмай, аслида адабни халққа қайтариш мақсадида шўровийлаштиришга уринган ва миллатчилик балосидан сақлаб қолишга ҳаракат қилган ўзбек олимлари тадқиқотларидан, мақолаларидан олинган фикрлардир. Қодирий аслида ҳеч қачон шўровий тўнтарув йўлидаги инқилоб тарафдори бўлган эмас.

1991 йилдан кейинги даврда жадид адабиёти билан шуғулланувчи авлод вакиллари орасида А.Холид изланишлари ўз кўлами жиҳатидан алоҳида ажralиб туради⁴². У кўпроқ жа-

⁴⁰ Muslims in Central Asia / Ch. Murphy and etc.; Durham-London: Duke University Press, 1992, pp.191–203.

⁴¹ Muslims in Central Asia/ Ch. Murphy and etc.;- Durham-London: Duke University Press, 1992. P.200.

⁴² Қаранг: Khalid A. The politics of Muslim Cultural Reform: Jadidism in Tsarist Central Asia: Wisconsin University, 1993; Khalid A. The Politics of Muslims Cultural Reform. Jadidism in Central Asia.- Berkeley – Los

диңчилик тарихи билан шуғулланади. А.Холид айни вақтда ўз изланишларида адабиётшуносликнинг бошқа муаммоларини ҳам таҳдил қилишга ҳаракат қылган⁴³. Олим таҳдил жараёнида ўзигача бўлган олимлар ва тенгдошлари билдираётган фикрларга нисбатан холисроқ қарашларга эга эканлиги, мақола ва тадқиқотларига долзарб мавзу танлай олиши билан эътиборлиdir. А.Холид Беҳбудий (“Падаркуш”), Фитрат асарлари (“Мунозара”, “Баёноти сайёхи ҳинди”)нинг бадиий-ижтимоий хусусиятлари, Ҳамза драмалари (“Заҳарли ҳаёт ёхуд ишқ курбонлари”), шунингдек, шеърияти (“Йигла, Туркистон”) нинг ижтимоий-сиёсий жиҳатларига тўхталиб, бутун Шарқда, Туркистонда, жадид сўз санъатида назм ўз мавқеини сақдаб қолганини қўйидагича изоҳлади: “Шеърият Ўрта Осиё адабиётида муносиб ўринни эгаллаб қолди ва кўпгина жадид намояндалари лирик жанрлар билан шуғулланди. Шунингдек, шеърият янгича услубдаги мактаб дастурларини тузишда муҳим ўрин тутди”⁴⁴. Э.Олворт ҳам 1950–1970 йилларда, аниқроғи,

Angeles – London: California University Press, 1998; Reform Movements and Revolution in Turkistan: 1900–1924 / T.Kocaoglu, D.Hasan, Khalid A. and etc.; ed. T.Kocaoglu.-Netherlands: Haarlem, 2001, pp.287–298; A state of Nations/D.E.Schafer, D.Northrop, A.Khalid and etc.,ed. R.G.Sunny, T.Martin.-Michigan: Oxford University Press, 2001, pp.145–162; Khalid A. Tashkent 1917: Muslim Politics in Revolutionary Turkestan// Slavic Review. 55 (1996), pp.270–296; Khalid A. Russian History and the Debate over orientalism //Explorations in Russian and Eurasian History. 4 (2000), pp.691–699; Russia's Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini, A.Khalid and etc.;ed.Daniel R.Brower and E.J.Lazzerini.-Bloomington:Indiana University Press, 1997, pp.188–202; Khalid A. Printing,publishing, and reform in Tsarist Central Asia // Middle East Stud. 26 (1994), pp.187–200.

⁴³ Унинг адабиётшуносликка оид тадқиқотлари ҳақида ишнинг кейинги бобларида кенгроқ тўхталамиз.

⁴⁴ Khalid A. The Politics of Muslims Cultural Reform. Jadidism in Central Asia.- Berkeley – Los Angeles – London: California University Press, 1998. P.128.

А.Холиддан анча олдин шеърият ўзбек адабиётиниң ривожида етакчи жанр эканини эътироф этган эди⁴⁵. Кўриб турганимиздек, ҳар иккала олимнинг фикрлари бир-бирига яқин. Лекин Шарқ, хусусан ўзбек адабиёти поэзияси билан яқиндан таниш бўлган тадқиқотчилар учун бу янгилик эмас, албатта.

Жадид адабиёти тарихида драма жанри алоҳида ўрин тутганилиги боис А.Холид “Падаркуш”, “Заҳарли ҳаёт ёхуд ишқ қурбонлари”, “Мазлума хотун”, “Бахтсиз куёв” каби асарларни атрофлича таҳдил қилиб, “уларда дидактика устунлик қилган, жадид адабиёти панд-насиҳатни олга сурувчи гоялар билан тўлиб-тошган”, деган қарашни илгари суради.

Олим ўз фикрини давом эттириб, “адабиётнинг дидактикага тобе бўлиб қолганлигини, уларнинг деярли барчасида оғзаки достончилик анъанааларининг кўп марта тақрорланишини, саҳна асарларида инсон руҳиятининг ички кураши билан боғлиқ на бир характер, на бир сюжет ривожи мавжуд”лигини таъкидлайди. “Жадид драмасининг сюжет марказида ижтимоий бахтсизликлар туради ва жадидлар уларнинг ҳимоячиси сифатида кўрсатилади. Жадидларнинг ҳимояси сюжет ривожи орқали намоён бўлади, лекин натижа ўшандай ўзгаришсиз қолаверади”, деган хуносага келади. Олим ўзининг бу хуносаларини Абдулла Бадрийнинг “Аҳмок” (Самарқанд, 1915), Абдулла Авлонийнинг “Адвокатлик осонми?” (1916) каби асарлари мисолида исботлашга ҳаракат қиласди⁴⁶.

Қодирий ва Айний романларини қиёсий типологик жиҳатдан тадқиқ этган олма Эден Наби ҳам Адиг Холид қарашларига яқин фикрлаб, XX аср бошларини ўзбек ва тожик адабиётида дидактик асарлар яратилишининг энг юқориги чўққиси сифатида баҳолайди ва “Раҳбари дониш”, “Худосизлар”

⁴⁵ A 11 w o r t h E. Uzbek Literary Politics.-The Hague: Mauton and Co.,1964, pp. 201–205.

⁴⁶ K h a l i d A. The Politics of Muslims Cultural Reform. Jadidism in Central Asia. Berkeley – Los Angeles – London: University of California Press,1998. P.128.

журналларида чоп этилган айрим қисқа ҳикояларнинг зерикарли ва такрордан иборатлигини айтиб, жадид адабиёти вакилларига ўзига хос тарзда эътиroz билдиргандек бўлади⁴⁷.

Дарҳақиқат, Э.Наби ҳам, А.Холид ҳам XX аср бошларида яратилган айрим асарларга хос баъзи хусусиятларни тўғри аниқлай олганлар, дейиш мумкин. Лекин улар миллый адабиётимиздаги, хусусан жадид драмаларидағи дидактика жиiddий сабабларга асосланишини етарлича таҳдил эта олмаганлар.

Шуни таъкидлаш керакки, XX аср бошидагина эмас, бу гун ҳам ўзбек сўз санъатида дидактикага мойиллик сақланиб келади. Бундан ташқари, биз А.Холиднинг “саҳна асарларида на бир характер, на бир сюжет ривожи йўқлиги” ҳақидаги фикрига ҳам қўшила олмаймиз. Чунки ўша даврдаги ўзбек драмаларида ҳам ўзига хос композиция, сюжет мавжудлиги, улардаги воқеалар маълум бир образлар билан боғлиқлиги, характерлар эса портрет, монолог, диалог, қаҳрамоннинг маънавий – ички дунёси, ҳаракатлари орқали очилганлиги бизга яхши маълум. Бадий асардаги сюжет ривожи қаҳрамон характерининг тақомили билан чамбарчас боғлиқ жараёндир. Ҳар қандай асар композицияси ушбу бадий унсурлар асосига қурилиши шубҳасизdir. Америкалик олимнинг юқоридаги фикрларидан у жадид драмалари, аниқроғи, ўша давр билан боғлиқ муҳитни, халқимизнинг ўзига хос дунёқарashi ва тафаккур тарзини чуқур билмаган, тушунмаган, деган хуносага келиш мумкин. Иккинчи бир жиҳатдан, жадид адабиёти вакиллари “яратилажак пъесаларнинг барчаси ё дидактика ёки руслар истилосига қарши курашиш асосига қурилиши керак”, деган фикрни олга сурган эдилар.

А.Холид яна бир ўринда XIX асрда Марказий Осиёда, одоб – хушмуомаликнинг энг гўзал белгиси сифатида эътироф этилганлигини ва бу маданий асосларнинг ҳал қилувчи, асосий

⁴⁷ N a b y E. The Transitional Central Asian Literature: The Tajik and Uzbek Literary prose fiction from 1909 till 1932: Columbia University, 1975, pp. 74–86.

элементи бўлганлигини қайд этади⁴⁸. Одоб билан бир қаторда таълим ҳам дидактиканинг асосий унсурларидан биридир. Бинобарин, шу ўринда адабиётнинг ўзи ҳам аввало маданий асосларнинг энг муҳим соҳаларидан эканлигини, бадиий ижод тарбиянинг асосий таркибий қисмлари билан узвий боғлиқликда яратилишини яна бир карра қайд этмоқ зарур. Дидактик мазмунни таъминловчи асосий хусусиятлар муайян адабий жанр тараққиётини таъминлашда индивидуал ўзига хослик касб этади. “Дидактика” педагогиканинг умумий таълим-тарбия методлари асосига қурилганлиги, бундай асалар ижодкорнинг зеҳн мантиқи, интеллектуал салоҳиятини кўрсата олишда ва унинг индивидуал хусусиятларини намойиш этишда айрича аҳамиятга эга эканлигини ҳам айтиб ўтиш лозим. Шунингдек, дидактика ижтимоий-сиёсий муносабатларда, гоявий-эстетик муаммоларнинг ечимини топишда, ёзувчи симпатиясини ҳаёт ҳодисалари билан боғлиқ акс эттиришида ҳам муҳим ўринга эгалигини таъкид этсак, американлик олимлар (Э.Наби ва А.Холид)нинг юқоридаги эътиrozлари асоссиздек кўринади.

Тўғри, XX аср бошларида яратилган ва 1928 йиллардан кейин авж олган асалардаги тавтологик камчиликларни, бадиий-гоявий жиҳатдан заиф асаларни биз ҳам оқламаймиз. Зоро, бу маълум маънода ўша даврдаги мафкура билан ҳам боғлиқ жараёнлар эди. Аммо иккинчи бир жиҳатдан, мана шундай кичик, дидактик компонентлар асосига қурилган асалар “Ўткан кунлар” ва “Мехробдан чаён” каби бетакрор асалар яратилишига ҳам маълум маънода асос бўлган, дейишга ҳақдимиз. Чунки, бадиий ижод тажрибаси тадрижи, ижодкор бадиий маҳоратининг ҳар жиҳатдан шакланишини таъминлайди. Шунингдек, Марказий Осиё адабиётида дидактикага мурожаат қадимдан мавжудлиги ва унинг элементлари узоқ тарихга бориб тақалиши, бу Шарқقا

⁴⁸ A d e e b K h a l i d . The Politics of Muslim Cultural Reform. Jadidism in Central Asia.- California University Press: Berkeley – Los Angeles – London. 1998. P.20.

хос миллий менталитет, дунёқараш ва ахлоқ қоидалари меъёрлари билан боғлиқлигини ҳисобга олиш зарур. Нафақат XX аср бошида, балки бугун ҳам ўзбек сўз санъатида дидактикага мояиллик сақланиб қолганлиги ва келгусида яратилажак асарларда ҳам унинг шубҳасиз мавжуд бўлиши, адабий анъана сифатида давом этиб, Марказий Осиё халқлари адабиётида ўзига хос аҳамият касб этишини ҳам инкор қила олмаймиз. Албатта, Farb маданияти нуқтаи назаридан қаралганда, дидактик асарлар ўз моҳиятини тўлиқ ифодалай олмаслиги билан бирга, муайян бадиий шакл сифатида ҳам ўзини оқдамайди, чунки буларнинг барчаси Шарқ ва Farb ўртасидаги тафаккур тафовути, менталитет ва шахснинг индивидуал қарашлари билан боғлиқ бўлади...

Миллат равнақининг асоси таълим - тарбия эканлигини англаган жадидлар ҳам ислоҳотни мактаблар қуришдан бошлаганлиги маълум. Жадид адабиётининг маданий-ижтимоий ҳаётда ва адабиёт соҳасида чуқур мулоҳазага эга бўлган пешқадам вакиллари ҳам жаҳолатни қоралаганлар ва ўз асарларида нодонликка қарши изчил курашганлар. Фитрат асарларидағи ўзига хослик муаллифнинг фикр ва идроки, индивидуал ўтмиши ва темпераменти асосида қашф қилинган. Унинг ҳаётий тажрибаси, билим салоҳияти асарларидағи ўзига хос чуқур фикрларнинг яратилишига асос бўлган⁴⁹.

Демак, таълим-тарбия – дидактиканинг асосий хусусиятларини тор ва бирёклама нуқтаи назар билан, юзаки таҳдил этиш керак эмас. Шу ўринда таълим-тарбия меъёрларининг бузилиши ижтимоий-сиёсий, маданий инқирознинг илдизи эканлигини, отасининг ўлимига сабабчи қотил ўғил – Тошмурод (М.Беҳбудий “Падаркуш”)нинг аянчли қисмати ва яна минглаб миллат вакиллари фожиаларининг асосида ҳам таълим-тарбияга лоқайд муносабатда бўлиш ётганлигини алоҳида таъкидлаш зарур. Бинобарин, юқоридаги фикрлар асосида ўзбек адабиё-

⁴⁹ Allworth E. The preoccupations of Abdalrauf Fitrat, Bukharan non-conformist: an Analysis and list of his writings. Berlin: Buch, 2000. P. 12.

тида дидактиканинг қанчалик муҳим эканлигига, унинг Шарқ ҳалқлари адабиёти тараққиётида объектив тарихий қонуният сифатида яшаб келаётганлигига яна бир бор иқрор бўламиз.

Ўз ҳалқи ҳаётидаги муҳим ўзгаришларни таълим-тарбия, маданият ва санъат орқали амалга оширилиши мумкинлигини англаб етган маърифатпарвар адаб Беҳбудийнинг “Падаркуш” драмаси ҳам жаҳолатнинг илдизлари, нодонлик сабаб жиноят содир бўлишига сабабчи бўлган кишиларнинг даҳшатли қисмати ҳақида ҳикоя қилувчи асар эди. Драмадаги мотивлар жамият ҳаётида таълим ва тарбияни кучайтириш, жиноят ва жазо, мажбурият ва жавобгарлик ўртасидаги боғлиқликка ишончни камраб олишда асосий (бош) ижтимоий восита бўлган⁵⁰.

Агар жамиятнинг кичик бўлаги ҳисобланмиш оиласа одоб, ахлоқ ёки таълим талаблари бузилиб, одатий мувозанат йўқолса, бу оила фожиага юз тутади. Жадид адабиёти вакиллари ўз асарларида мана шу ҳолат бутун бир миллат, жамият ҳаётида содир бўлса жуда катта тартибсизлик, маданий, ижтимоий, шунингдек сиёсий инқироз вужудга келиши муқаррар эканлигини, ва ҳатто Туркистон давомчиларининг фожиага юз тутиши оқибатида миллатнинг тамоман тугатилиши каби даҳшатли оқибатлар келиб чиқишидан ўз замондошларини огоҳ этишга интилганликларини яна бир бор эслатиш жоиз.

Ўзбек театри тарихини жиiddий ўрганган А.Холид Э.Олвортнинг ўзбек масҳарабозлик ва қизиқчилик театрлари ҳақидаги “ўзини ва ўзгаларни ҳурмат қилишни билмайдиган бетавфиқ театр”⁵¹, деган фикрига қарши чиқиб, “Марказий Осиёдаги замонавий театрларнинг пайдо бўлишида узоқ давом этиб келган “масҳарабозлик” номи билан машҳур бўлган анъанавий оғзаки театр ҳам асос бўлган. Лекин жадидлар замонавий ва оғзаки театр ўртасида маълум бир масофа

⁵⁰ All worth E. Murder as Metaphor in the First Central Asian Drama // Ural-Altaic Year-book. 58(1986), pp.65–95.

⁵¹ All worth E. Murder as Metaphor in the First Central Asian Drama // Ural-Altaic Year-book. 58 (1986). P.66.

ўрнатишга ҳаракат қилганлар. Қадимий миллый театрларни асос қилиб, жиддий ва ҳамманинг ҳурматига сазовор бўлиши керак бўлган замонавий саҳна кўринишларини ислоҳ қилишга ҳаракат қилганлар ва бунинг уддасидан чиққанлар”⁵², дея холис хуносага келади. Бугунги ўзбек драматургиясининг пойдевори бўлган масхарабозлик ва қизиқчилик театрлари, уларнинг қиймати ҳақида салмоқди тадқиқотлар олиб борган санъатшунос М.Қодиров Э.Олвортнинг қарашлари асоссиз эканлигини қўйидагича исботлайди: “Бир замонлар бу тушунчалар “масхара”, “муқаллид” шаклида ифода қилинган. Уларда ўзига хос драматургия бор, қаҳрамонлар қиёғасини ўз қобилияти, ақли, мижози, ҳиссиёти, танаси, ҳаракатлари билан гавдалантирувчи актёрлар бор, уларнинг ўйинларидан завқдана оладиган томошабинлар бор – кўйингки, театр санъатининг барча аломатлари муҳайё. Масхарабозлик ва қизиқчилик – бу халқнинг маросимлари, урф-одатлари билан туташиб кетган ибтидоий шаклдаги театр эмас, балки оғзаки анъанадаги профессионал театрдир”⁵³.

Эътибор берилса, ўзбек жадид адабиётини турли даврларда ўрганган А.Холид ва Э.Олворт қарашларида муайян фарқ сезилади. Устози холис муносабат билдирганда уни қўллаб-куватлаган А.Холид Э.Олвортнинг айрим мавҳум қарашларига аниқдик киритишига ҳаракат қилган⁵⁴.

Америкалик мутахассисларнинг изланишларини кузатганимизда, улар юртимиизда юз берган ижтимоий-сиёсий ҳодисаларни ҳаракатга келтиришда, сиёсий ислоҳотларни

⁵² Khalid A. The Politics of Muslims Cultural Reform. Jadidism in Central Asia.- Berkeley – Los Angeles – London: University of California Press,1998. P.131.

⁵³ Қодиров М. Ўзбек халқ томоша санъати. Тошкент: Фан, 1981. 36–37-бетлар.

⁵⁴ Қаранг: Allworth E. Uzbek Literary Politics.-The Hague: Mauton and Co., 1964. P.60; Khalid A. The Politics of Muslims Cultural Reform. Jadidism in Central Asia.- Berkeley – Los Angeles – London: University of California Press,1998. P.127.

амалга оширишда етакчи бўлган ҳамда ўша даврда яратилган асарларнинг демократик мақсад касб этишида айниқса фаоллик кўрсатган истеъдодли жадид адабиёти намояндаларини ўрганишга ҳаракат қилганинига амин бўлдик. Улар ўз тадқиқотларида бир вақтнинг ўзида ҳам сиёсий, ҳам адабий майдонда империя истибодига қарши кураш олиб борган ватан фидойилари Чўлпон, Фитрат, Қодирий, Беҳбудий, Ҳамза, У.Носир, А.Авлоний, Мунаввар Қори, Вадуд Маҳмуд кабилар хусусида кенгроқ тўхталганини кузатилади. Шу билан бирга америкалик тадқиқотчилар фақат ана шу машҳур шоир ва ёзувчилар ижоди билангина чекланиб қолмаганлар. Улар юқоридаги адиллар фаолият юритган даврдаги умумий адабий жараённи ҳам атрофлича қамраб олиш ва у ҳақда тўқисроқ тасаввур бериш учун Қодирий, Чўлпон, Беҳбудий, Фитрат каби етакчи адиллардан ташқари А.Мажидий, Элбек, Гулом Зафарий, Боту, Ш.Сулаймон, Тошқин каби ёзувчиларнинг жадидчилик ҳаракати руҳини ёритишга бағишлиланган асарларига ҳам эътибор берганлар. Наинки эътибор берганлар, балки уларнинг айрим асарларини инглиз тилига таржима ҳам қилишган. Тадқиқот давомида асарнинг асл нусхасига ҳам, таржимасига ҳам мурожаат этиб, фикр юритишган⁵⁵. Бунга мисол сифатида А.Мажидийнинг “Лоҳутий хотираси”, Гулом Зафарийнинг “Ҳалима”, “Бахтсиз шогирд” драмалари юзасидан америкалик олимлар олиб борган тадқиқотларни кўрсатиш мумкин.

Шуни алоҳида таъкидлаш керакки, уммон орти олимларининг Фитрат асарлари – “Мунозара”, “Ҳинд сайёхи баёни”, “Қиёмат”, “Ҳинд ихтилочилари”, унинг ватан ҳақидаги шеърлари киритилган илк шеърий тўплами “Сайҳа”, Чўлпоннинг “Кеча ва кундуз” романи, лирикасидан намуналар (“Хазон”, “Бузилган ўлкага”, “Кишан”, “Ҳалқ”), Қодирийнинг роман ва

⁵⁵ All worth E. Uzbek Literary Politics.-The Hague: Mauton and Co., 1964; Khalid A. The Politics of Muslims Cultural Reform. Jadidism in Central Asia. Berkeley - Los Angeles - London: California University Press, 1998.

ҳикоялари, Беҳбудийнинг “Падаркуш”, Ҳамзанинг “Заҳарли ҳаёт ёхуд ишқ қурбонлари” драмаларини ўрганишга қизиқиши ҳамма даврларда, аниқроғи, ўтган асрнинг 50-йилларидан то бугунга қадар ҳам давом этаяпти. Мисол тариқасида юқорида номлари қайд этилган Америка олимлари (Э.Олворт, Х.Мурфи, А.Холид) қаторида Роберта Мария, Шон Лайонс, Оғир Аҳмет каби тадқиқотчиларнинг ҳам илмий изланишларини кўрсатиш мумкин. Америка тадқиқотчилари 1960 йиллардан 1980–1990 йилларга қадар кўпроқ Чўлпоннинг сиёсий руҳдаги шеърларини ўрганишга ва инглизчалаштиришга эътибор берганлар. Жумладан, Э.Олворт “Бузилган ўлкага”, “Бас энди” каби шеърларни инглиз тилига ўгириб, кенг таҳдил қиласан⁵⁶. Истиқлодан кейин Чўлпон лирикасини атрофлича ўрганиш, уни англашга бўлган қизиқиш ва бу соҳада тадқиқот олиб бориш ёш ўзбекшунослар орасида янада кучайди. Чўлпоннинг кўплаб шеърлари инглиз тилига таржима қилиниб, чоп этилди⁵⁷.

Қодирий, Чўлпон, Фитрат, Беҳбудий каби жадидчилик ҳаракати вакилларининг ҳаёти ва ижодини ҳамма даврларда бирдай қизиқиш билан ўрганилишининг маълум сабаблари бор, албатта. Фитрат бадиий меросининг асосий қисми Туркистон тарихини, ўз даврида юз берган воқеа-ҳодисаларни акс эттиришга багишланган, шунингдек у ўз замонасининг долзарб муаммоларини кўрсатишга ҳам ҳаракат қиласан. Чўлпон лирикасини олайлик. У чиндан ҳам озодлик куйчиси, миллый адабиётнинг байроқдори, “халқ туйғуларининг таржимони” эди. У деярли барча асарларида озодлик, инсон эрки, юрт, миллат мустақиллиги фояларини илгари сурган. Чўлпон поэзияси дол-

⁵⁶ Ch o’l p o n. To Destroyed Land // Central Asian Review-10 (1995), pp.61–70 (Э.Олворт таржимаси).

⁵⁷ The Oxford Encyclopedia of the modern Islamic World. vol 1.-New York: Oxford University Press, 1995, pp. 270–275; Макеин Ж. Буюк Чўлпон шеърияти инглиз тилида // “Ўзбек сўзи”. Американинг ўзбек тилидаги биринчи газетаси. 2000. 17 марта (Олимларнинг Чўлпон шеърлари таҳдили ва таржимаси хусусида кейинги бобларда тўхталамиз – З.М.).

зарб мавзулари, теран миллий гояси, ифодадаги ўзига хослиги, гўзал тили ва бетакрор образлилиги билан ажralиб туради.

Қодирий романлари (“Ўткан кунлар”, “Мехробдан чаён”), ҳикоялари (шу билан бирга “Бахтсиз күёв” драмаси), Беҳбудий (“Падаркуш”), Ҳамза асарлари (“Заҳарли ҳаёт ёхуд ишқ қурбонлари”)да инсон фожиаси ва бу фожиавийликни келтириб чиқарувчи омиллар кенг тасвирланади. Асарлардаги характерларнинг моҳияти, миллат ўтмиши ва чор Россияси мустамлакаси давридаги вазият асосида очиб берилади.

Юқорида номлари келтирилган ватан фидойиларининг асарлари асосида масалалар умумбашарий бўлганлиги учун ҳам уларни ўрганишга бўлган қизиқиш нафақат ўзбек олимлари, балки хорижлик олимлар ўртасида ҳам долзарб ва муҳим бўлиб келмоқда. А.Авлоний, У.Носир, А.Мажидий, Элбекларнинг бадиий публицистик меросини ўрганишга бўлган талаб эса ҳар бир даврда турлича кечган. Бу эътиборнинг ҳар хиллиги ҳам шубҳасиз Ўзбекистондаги ижтимоий-сиёсий воқеалар билан боғлиқдир.

Жадид адабиётида етакчилик қилган мавзуларни ва бу йўналишдаги адабиётни тутиб турувчи, мустаҳкамловчи гояларни ўрганиш, тадқиқ қилиш американлик олимлар изланишидаги умумий жиҳатларни белгилайди. Лекин тадқиқотлардаги қарашлар хилма-хил. Бу ҳар хиллик асосида тадқиқотчи олимнинг билим савијаси, салоҳияти, кузатиш ва натижаларининг қай даражада илмий далилларга таянганлиги ёки, аксинча ижтимоий-сиёсий таъсирга берилиши оқибатида бир ёқдамаликка йўл қўйиши, тадқиқотчи мақсадини тўлдириш учун хизмат қилган мавжуд-номавжуд фактларга мурожаат қилиши каби ҳолатлар ётади.

Ўтган асарнинг 80-йилларидан кейин олиб борилган изланишлар таҳдилида 1920 йилларда Туркистонда қарор топган ижтимоий-сиёсий ҳодисалар, маиший турмуш воқеалари билан биргаликда бу ерда мавжуд адабий жараённи ҳам атрофлича

ўрганиб, уларга таҳдилӣ ёндашиш тамойили чуқурлаши. Ўша даврда яратилган бадий асарларнинг инглизчалаштирилиши ҳам, жадидлар ҳаракати бадиият намуналаридаги сиёсий, бадий тафаккурни афкор оммага кўрсатишнинг муҳим жиҳати ҳисобланади. Шунингдек, бу тадқиқотлар орқали биздан олисдаги фуқороларга бугун биз эришган мустақиллик, истиқдол, баъзилар айтганидек, “жанг-жадалсиз, осонлик билан” қўлга киритилмаганлиги ҳам аён бўлди. Ярим асрдан кўпроқ вақт давомида жадидлар адабиёти воситасида ҳалқ онги, бадий тафаккурида эрк учун кураш шаклланганлиги, руҳиятига сингдирилганлиги очиб берилди.

Юқоридаги изланишлардан келиб чиқиб, ўзбек жадид адабиётининг Америкада тадқиқ этилишини шартли равишда уч босқичга бўлдик. Унда маълум бир даврда яратилган илмий тадқиқотлардаги ўзига хосликлар инобатга олинди.

1-босқич: Ўтган асарнинг 50–70-йиллари. Бунда, асосан, жадид адабиёти намуналари сиёсий мақсадлар нуқтаи назаридан ўрганилганлиги, кўпроқ адаб дунёқарашига эътибор берилганлиги кузатилади;

2-босқич: Ўтган асарнинг 70–90-йиллари. Бунда бадий асарнинг гоявий-бадий жиҳатлари синкретизм нуқтаи назаридан ўрганила бошланишини кўриш мумкин;

3-босқич: 1991 йилдан то бугунги кунгача. Эндиликда адаб-шоирлар ижодининг ўзига хослиги ва услубининг таҳдил этилиши, жадид адабиёти намуналарини таржима этишдаги жадаллашув кўзга ташланади.

Юқорида айтиб ўтганимиздек, дастлабки босқичнинг фаол вакили санаалган Э.Олворт айрим ўринларда таҳдилдан кўра умумлашма фикрлар айтишга интилади, у ўзбек жадид адабиётига хос асарларни кўпроқ сиёсий нуқтаи назардан баҳолайди.

А.Холид эса жадид асарларини кўпроқ тарихий аспектда, айрим ўринларда бадиият талаблари асосида таҳдил қилишга, шоир-ёзувчиларнинг ўзига хослиги ва индивидуал услубини

ҳам очишига ҳаракат қиласиди. Лекин жадид адабиётини тадқик қилишда давом этаётган ўрта бўғин вакиллари 1991 йилдан кейин ҳам устозлари бошлаб берган анъанадан тўлиқ воз кечада олганлари йўқ. Масалан, А.Холиднинг 1998 йилда нашр қилинган монографиясининг номланиши (“Мусулмон маданияти ислоҳотининг сиёсати”)ни ўзиёқ бунинг ёрқин далилидир. Аввал ҳам тъкидлаганимиздек, А.Холид тадқиқотларида адабиётшуносдан кўра тарихчи олим услуби устуворлик қиласиди.

Ўрта бўғин вакилларидан Х.Мурфини чин маънодаги адабиётшунос сифатида эътироф этиш мумкин. Бошқа жадидшунос олимлар билан қиёслаганда, унинг тадқиқот объектлари, мавзулари, эътибор берган муаммолари, таҳлил усуллари негизида асосан адабиётшунослик талаблари ётади. Унинг изланишлари мундарижасини сиёсат эмас, балки кўпроқ адабиёт масалалари ташкил ётади.

Америкалик олимларнинг Республикализ мустақиллигидан кейинги жадидшунослик муаммоларига бағишлиланган тадқиқотларини кўриб чиқиб, шундай хуносага келдикки, улар муайян бир асарга турлича ёндашиб, таҳлил қиласидар, лекин бир-бирлари билан баҳслашмайдилар. Ҳар бир тадқиқотчнинг ўз обьекти, йўналиши мавжуд. Бироқ, деярли барча тадқиқотларга хос бўлган умумий жиҳат шуки, ҳатто жадид асарлари бадиияти ҳақида 1991 йилдан кейин сўз юритганда ҳам аксар ҳолларда уларнинг сиёсий жиҳатларига ургу беришни унтишмайди.

Жадид адабиётининг Америкада ўрганилиши ва унинг босқичларини тасниф қилиб, тадқиқ этиш натижасида қўйидагича хуносаларга келинди:

– жадид адабиётининг Америкада ўрганилиши тарихи XX асрнинг 50-йилларидан бошланган. Э.Олворт бошчилигидаги кекса авлод вакиллари Э.Бенингсен, Э.Уимбуш, Р.Ж.Баррет сингари тадқиқотчилар ўзбек жадидчилик ҳаракати ва адабиётини, бадиият, адабиётшунослик нуқтаи назаридан эмас, асосан,

сиёсий-ғоявий жиҳатдан тадқиқ этишди. Бу олимларнинг ишлари уларнинг асосий эътибори Туркистондаги сиёсий-ижтимоий жараённи таҳдил этишга қаратилганлиги билан характерланади;

– 1970–1990 йилларда ўзбек жадид адабиёти намояндаларининг ҳаёти ва ижодига доир манбалар билан шугулланиш билан бирга жадид адабиётини ижтимоий масалалардан ташқари, адабиётшунослик талаблари асосида тадқиқ этиш шаклланди. Илк босқичдаги кузатишларга нисбатан Х.Мурфининг Қодирий романлари ва ҳикоялари хусусидаги тадқиқотини бадиий мезон принциплари асосида яратилган яхши изланиш сифатида кўрсатиш мумкин;

– янги авлод жадидшуносларидан А.Холид дастлабки икки авлод вакилларидан фарқли ўлароқ, жадид адабиётига хос жиҳатларни, атрофлича таҳдил қилиб, бадиий асарлардаги маълум бир образ, характер юзасидан ҳақли саволлар қўяди. 1990 йилдан кейин жадид асарларига турли нуқтаи назардан баҳо бериш, уларни таҳдил этишнинг янги услубларини талқин этиш вужудга келди;

– америкалик тадқиқотчилар жадид адабиётини даставвал бирёқлама, баъзан ноҳолис талқин этишган бўлса, кейинчалик 1990 йилларга келиб, уларда ҳам холис баҳолаш таомили қарор топа бошлади. Шундай бўлса-да, америкалик тадқиқотчиларнинг анча илгари билдирган илмий-назарий хуносаларига ҳамоҳанг менталитет, миллий характер табиатини етарлича англаб билмасдан чиқарилган бирёқлама, мавҳум, ноаниқ фикрлар баъзан ҳозир ҳам учрайди;

– америкалик тадқиқотчилар жадид адабиёти ва Туркистондаги ижтимоий-сиёсий жараённи ўрганишар экан, ушбу ҳаракатда фаол иштирок этган етакчи жадид адилларидан ташқари адабий жараёнда ўзларининг муайян ўринларига эга бўлган ёзувчилар ижодини ҳам тадқиқ этмоқдалар. Бундай ёндашув давр ҳаётини, адабий жараённи, адабиёт тарихи манзараларини чуқур очишга хизмат қиласи.

Талқинда ижтимоий ва адабий муаммолар синкремтизми

Эрнест Хемингуэй бадиий асарни айсбергга ўхшатади. Бадиий асар хусусида минглаб турфа хил фикрлар мавжуд. Аммо бадиий асарнинг очилмаган янгидан-янги қирраларини кашф қилиш ҳамон давом этади. Э.Хемингуэй таъкидлаган фикрда катта фалсафа мавжуд. Бинобарин, муз тогининг кўзга кўринарли кичик қисмиёқ кимларни дир маҳлиё этса, кимлардир учун унинг сув остига яширинган улкан, ҳайбатли қисми ўрганиш манбаи, кашфиёт майдонига айланиши шубҳасиз.

Жадидшунос олимлар асосий диққатни ўша даврдаги Туркистон ижтимоий-сиёсий ҳаётидаги эврилишларга қаратганлиги ҳақида юқоридаги фаслда қисман фикр юритган эдик. И.Ҳаққул ёзади: “Маълумки, санъат ва адабиёт ҳеч қандай сиёсат доирасига сигмайди. Адабиётни фақат сиёсат мезонлари ва сиёсий манфаатлар нуқтаи назаридан туриб баҳолаш унинг имконият ва бадиий хусусиятларини ниҳоятда чеклаш ёки етарли даражада англай олмаслик демак”⁵⁸. Афсуски, жадид сўз санъати моҳиятини тадқиқ қилишга багишланган ишларнинг кўпида юқоридаги каби камчиликлар кузатилади. Айни вақтда, шуни ҳам таъкидлаш жоизки, санъат ва адабиётни сиёсатдан, ижтимоиётдан тамомила ва буткул ажратиб ҳам қараб бўлмайди. У ёки бу халқ ҳаётининг, тарихининг бурилиш паллаларида эса бу масала янада ёрқинроқ юзага чиқади. Жадид адабиётига муносабатда буни назардан қочирмаслик керак бўлади. Бадиий асарларда ҳам

⁵⁸ Ҳаққулов И. Чўлон шеъриятининг хорижда ўрганилишига доир // Ўзбек тили ва адабиёти. 1992. 3–4-сон. 19-бет.

сиёсий масалалар ўз ифодасини топар экан, уни ўрганувчи танқидчилик ҳам буни четлаб ўтиши мумкин эмаслиги ўз-ўзидан аён бўлади. Лекин бу жадид адабиётини фақат сиёсат билангина боғлаб ўрганиш лозим, дегани эмас, албатта. Барча масалаларда бўлганидек, бу ўринда ҳам ҳар томонлама ва теран фикр-мулоҳазага таяниш илмий тадқиқотлардаги асосий мезон ҳисобланмоғи лозим.

Деярли барча тадқиқотчилар Маҳмудхўжа Беҳбудийни жадидчиликнинг етакчиси ҳамда гоявий йўлбошчиси, деб тарьифлайдилар. Унинг турли соҳалардаги чуқур билими ўз замондошлари, хусусан Файзулла Хўжаев, Ҳожи Муъин, Абдураҳмон Саъдий, Миён Бузрук Солиҳов, кўплаб шогирдлари ва бошқа тадқиқотчилар томонидан ҳам эътироф этилган.

Мустамлакачилик йилларидағи мавжуд мафкурага бўйсуниш, унга хизмат қилиш оқибатида Беҳбудий ижодий меросини ўрганиш тақиқланди. Тадқиқ қилинганда эса, аксар долларда, ноҳолис, ноилмий фикрлар айтилди. Янги даврга келиб Беҳбудий ва унинг фаолияти, ижодини холис ўргангандан ва ўрганаётганлар қаторида С.Қосимов, А.Алиев, Э.Каримов, Б.Қосимов, Ш.Турдиев, Б.Назаров, Н.Каримов, Ш.Ризаев ва бошқа олимларни кўрсатиш мумкин. Мазкур олимлар қаламига мансуб тадқиқотларнинг аксариятида Беҳбудийнинг ислоҳотчи сифатидаги фаолиятини ёритишга алоҳида эътибор қаратилади. Хусусан, адабнинг машҳур пьесаси “Падаркуш”нинг бадиий-гоявий талқинига бағишлиланган ишлар нисбатан оз. Америкалик мутахассисларнинг тадқиқотларидағи каби асардаги хроникал, концентрик сюжет ёки аниқ образлар таҳлили билан боғлиқ жиҳдий тадқиқотлари эса деярли учрамайди. “Падаркуш” арамасидаги ижтимоий ислоҳот ва асарнинг мазмун мундарижасига киритилган маърифатпарварлик гояларининг илгари сурлиши, Туркистонни фожиага етакловчи асосий омилларни акс эттирувчи ижтимоий масалалар хорижлик олимлар томонидан ҳам атрофлича ўрганилган. Бир тарафдан, улар чиндан ҳам

асарнинг муҳим ва муаллиф мақсадини ифодаловчи жиҳатлари экани тӯғри. Аммо юқоридаги хусусиятлар “Падаркуш”нинг асосий ғоявий мазмунига алоқадор масалалар бўлиши билан бирга, улар драма поэтикасининг бир қиррасигина эканини ҳам унутмаслик даркор.

Беҳбудийнинг “Падаркуш” драмаси, Қодирийнинг “Ўткан кунлар”, “Мехробдан чаён” романи сюжети, образлар дунёси, мавзу мундарижаси, қаҳрамонлар руҳий олами, асар қаҳрамонлари исмларининг муаллиф мақсадларидағи ўрни, уларнинг рамзий маънолари, образларнинг сюжет ривожига таъсири, асарлардаги гоя ташувчи – гапиравчи исмлар, рамзий образлар хусусида қизиқарли, баҳсли фикр-мулоҳазалар американалик олимлар – кекса авлод вакилларидан Э.Олворт, ўрта бўғин вакилларидан Х.Мурфи, янги авлод намояндаларидан А.Холидларнинг илмий изланишларида кўзга ташланади.

Э.Олворт ва А.Холид “Падаркуш”ни бадиият мезонлари асосида талқин қилишлари натижасида драманинг ўзбек олимлари эътиборидан бирмунча четда қолгани очилади⁵⁹. Хусусан, “Падаркуш” драмасини ўрганар экан, Э.Олворт бошқа тадқиқотларидағи ўз тамойилларидан фарқи үлароқ ҳамда ўзбек олимларидаң қисман тафовутли равишда, асарда илгари сурилган мавзу ва гоя, образлар, ҳар бир кичик деталь, жумладан, персонажлар хатти-ҳаракати, характеристи ва ҳар бир ҳолат замирида чуқур рамзийликни кўриб, кўчма маъноларни нозик илғаб олишга, уларни атрофлича таҳлил қилишга интилади. Олим, ҳатто, драма структураси ва унинг матнидаги персонажлар нутқининг миқдорини, қаҳрамонлар ҳаракатининг ҳар бир пардага жойлаштирилувидағи вақт жиҳатдан эгалла-

⁵⁹ Allworth E. Murder as Metaphor in the First Central Asian Drama // Ural-Altaic Year-book. -58(1986), pp.64–71; Russia's Orient. Imperial Borderlands and Peoples, 1700–1917 / M.Khodorkovsky, Slezkine, E.J.Lazzerini,A.Khalid and etc.; ed.Daniel R.Brower and E.J.Lazzerini.- Bloomington: Indiana University Press,1997, pp.188–201.

ган ўрнини аниқлашга эътибор беради⁶⁰. “Илк Ўрта Осиё драмасида қотиллик метафора сифатида” (“Ўрта Осиё драмасида фожиавий асос” – Ш.Турдиев таржимаси) деб номланган мақоласида Э.Олворт “Падаркуш”ни “ўз даврининг энг сара ва ҳақиқий бадиий ижод намунаси”, деб эътироф этади. Фикрларини давом эттириб: “Беҳбудий ўзбек ижодкорларидан биринчи бўлиб миллий драма яратди ва драматургияда ўзига хос ўринга эга бўлди. Шу билан бирга, ватандошларига бадиий тилнинг яна бир янги шаклини намойиш этиб, янги ахборот воситасига ижтимоий ва маданий жиҳатдан мос келадиган ва унча мураккаб бўлмаган бадиий асар яратишга муваффақ бўлди”⁶¹, – дейди олим. Юқоридаги фикрлардан кўринадики, америкалик олим ўз тадқиқотида Беҳбудийни ижодкор шахс сифатида ва бадиий асарни эса бадиий тафаккурнинг ўзига хос маҳсули тарзида кенгроқ доирада ўрганишга интилади. Драматург маҳоратидаги муҳим нуқталарни ва бу маҳоратни белгилаган омилларни тўғри англайди. Албатта, Беҳбудий қаламига мансуб ушбу драмани хорижлик тадқиқотчилар қанчалик чуқур ўрганмасинлар ва ундан фазилат топмасинлар, Қодирий, Фитрат, Ҷўлпон асарлари даражасидаги мукаммал бадиий ижод намунаси деб айта олмаймиз. Балки “Падаркуш” “Ўткан кунлар”, “Мехробдан чаён”, “Кеча ва кундуз” каби романлар билан қиёсланиб таҳлил этилганда унинг айрим заиф нуқталари ҳам, муваффақиятлари ҳам янада яққолроқ кўзга ташланган бўлар ва пьесанинг XX аср тонги Туркистон ҳаётидаги ўрни янада теранроқ очилган бўларди, деб ўйлаймиз. Бироқ шунга қарамасдан, ўзга қитъя ва миллат вакилининг ўзбек адабиёти ҳақида бу қадар ўзига хос, тиниқ ва салмоқли хуносалар билдириб, ҳатто ўзбек олимлари эътиборидан ҳам маълум муддат четда қолган жиҳатларни илк бор кашф қилиши – унинг тадқиқоти қимматини оширади.

⁶⁰ Allworth E. Murder as Metaphor in the First Central Asian Drama // Ural-Altaic Year-book. -58 (1986). P.65.

⁶¹ Ўша жойда.

Жадид зиёлилари, адилари Туркистон халқарини озодликка чорлаш, бу йўлдаги мақсад ва вазифаларни амалга оширишда, ўз ниятларини халқقا етказишда дастлаб уч нарсани асос қилиб олдилар. Улардан бири – театр эди. Театрсиз драмани, драмасиз эса театрни тасаввур қилиб бўлмайди. Драма-нинг асосий хусусияти воқеа-ҳодисаларни баён воситасида эмас, хатти-ҳаракат орқали кўрсатилишида бўлгани учун ҳам жадидларга бу ниҳоятда мақбул йўл эди. Э.Олворт ёзади: “Калта ўйлайдиган консерватив руҳонийлар ва қўмита, ташкилот раҳбарлари қаршилигига қарамасдан, XX аср бошларида драманинг етакчи жанр сифатида танланиши, албатта, мантиқан тўғри эканлиги билан бирга, Беҳбудий баҳтига, замонавий драмада Ўрта Осиё адабиётига хос бўлган анъанавий талаблар акс эттирилиши мумкин ва, ҳатто зарур эди. Бу жанр орқали ўз мақсадини ифода этиш ва етказиш бошқа адабий турларга нисбатан тез ва самарали кечди. Лекин Ўрта Осиёдаги илк замонавий драма “Падаркуш” учун бундай мураккаб – падаркушлик (отани ўлдириш) мавзусининг танланиши у даражада тўғри бўлмаган дейиш мумкин”⁶².

Э.Олворт “мураккаб мавзу” ҳақида гапирганда асарнинг фожиавийлигини назарда тутаяптими ёки бу асарнинг номланиши “падаркуш”лик муаммосига ургу беряптими? деган ҳақли савол туғилади. Тадқиқотчининг бу хусусдаги ўйлари бизга қоронғи, чунки у бу борадаги қарашларини давом эттирманган. Лекин нима бўлган тақдирда ҳам, назаримизда Э.Олворт ушбу ўринда ҳақ эмас. Фикримизча, асар мавзеи ҳам, муаммоси ҳам ўз даври учун ниҳоятда муҳим ва долзарб бўлиб, у фақат Беҳбудий хоҳиши билангина эмас, давр ва замон эҳтиёжи билан ҳам танланган эди. Падаркушлик асар матнининг юзасидагина кўриниб турган масала эди, холос. Асосий масала эса уни келтириб чиқарган омилларга ишорада эди. Халқ ҳаётини яхшилаш,

⁶² Allworth E. Murder as Metaphor in the First Central Asian Drama // Ural-Altaic Year-book. -58 (1986). P.66.

янгилаш учун ижтимоий ислоҳотларни амалга ошириш кераклигида, бунинг учун эса ҳалқни ўқимишли, маърифатли қилиш зарурлигида эди. Драматург бусиз ҳаётнинг ўзгармаслигига ва ҳатто асарда кўрсатилгани каби фожеалар рўй беравериши мумкинлигига ургу берган эди. Шу боисдан Олвортнинг “биринчи миллий драма учун “Падаркуш” мавзусининг танланиши уччалик тўғри эмас” деган кескин холосаси унинг бирёзламаликка йўл қўйганлигини тасдиқлади. Назаримизда, бу масалага муносабатда у ўзининг ғарбона, миллий қарашларидан келиб чиқиб ёндашади. Беҳбудийнинг драмаси яратилган даврга қадар Туркистонда миллий драматургия, саҳна санъати пьеса кўринишида эмас, балки аскиябозлик, дорбозлик, масхарабозлик ва қизиқчилик сингари санъат турлари кўринишларида мавжуд бўлиб, улар шубҳасиз, ўзбек адабиётида драма жанрининг вужудга келишига, тараққий этишига пойдевор бўлди. Айни пайтда ана шундай ҳалқ ижро санъатлари “Падаркуш”дек драмани намойиш этувчи саҳналарга ҳам замин яратди. Бу асос Ш.Ризаев айтганидек, бундай асарларда “...аввалимбор соғ томоша мақсадларини кўзлаган...” қолаверса, ҳажв, “фош қилиш” орқали ҳалқнинг кўзини очиш, ижтимоий туйғусини чарҳлаш ният қилинган, уларда ижтимоий адабий тип яратиш нияти бўлмаган”⁶³. Шунинг учун Туркистон ҳалқининг юрагига етиб борадиган, кўзини очишга, ўзлигини англашга, энг муҳими, уларни кутаётган изтиробли фожиа ва унинг даҳшатли оқибатларини кўрсатишга асос бўладиган ўткир сюжетли саҳна асари яратилиши керак эди. Бу мураккаб вазифани Беҳбудий ўз зиммасига олди ва буни етарли даражада уddyалади. Муаллифнинг ўзи ушбу асарини “миллий фожиа” деб таърифлагани ҳам бежиз эмас. Аристотель ўзининг машҳур “Поэтика” асарида трагедия, яъни фожиа хусусида шундай ёзади: “Фожиавий асар изтироб билан инсон руҳини покловчи муҳим ва тугал воқеа

⁶³ Ризаев Ш. Жадид драмаси. Тошкент: Шарқ нашриёт-матбаа концерни, 1997. 19-бет.

тасвиридир”⁶⁴. Шу сабаб ҳам Беҳбудий илк драма учун трагик мавзуни танлади ва бу тўғри йўналиш эди. Бу муаммонинг бир жиҳати бўлса, иккинчиси драманинг номланиши (“Падаркуш”) билан боғлиқ масала.

Тадқиқотларимиз учун танланган давр адабиётига хос умумий хусусиятлардан бири жадид ислоҳотидаги ижтимоий мақсадлар асарларнинг яширин моҳиятига сингдирилиши билан ҳам ажralиб туради. “Падаркуш”да ҳам бу хусусият мавжуд. Бу ҳақда АҚШ нинг Карлетон коллежи профессори А.Холид ҳам ўз фикрларини билдирган. “Беҳбудий ўз асарида саводсизлик, тураги хил ахлоқсизликлар, “замонавий маданият”нинг жамиятда авж олиши, диний эътиқод сусайиши натижасида юзага келган тартибсизликларнинг Марказий Осиё мусулмонлари ва ёшларга салбий таъсирини рамзий йўл билан ифодалайди”⁶⁵. Э.Олворт эса драманинг “Падаркуш” деб номланишида катта ижтимоий маъно ётганлигини айтади ва фикрини қўйидагича изоҳдайди: “Беҳбудий драмани “Падаркуш” деб номлашида ҳам муайян мақсадни кўзлайди, яъни у бу ерда нафақат аниқ шахс – инсон отаси тасвиrlанганини, балки бу билан рамзий образ сифатидаги ота-она, ота-Ватан ва Туркистон мусулмонларининг бирлашиши ҳақида ҳам ўйлашлари лозимлигини уқтиради. Агар жамиятнинг ҳаётига ташқи таҳдидлар етказилса-ю, ватан мустамлакага айланса, бунга кимдир айбдор ёки нимадир сабаб бўлади. Беҳбудий ўша айбдор ким эканлигини ойдинлаштиришга ҳаракат қилгандек бўлади”⁶⁶.

⁶⁴ А р и с т о т е л ь . Поэтика. Тошкент: Faфур Ғулом номидаги Адабиёт ва саънат нашриёти, 1980. 13-бет.

⁶⁵ Russia’s Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini, A.Khalid and etc.; ed. Daniel R.Brower and E.J.Lazzerini.-Blooming-ton: Indiana University Press, 1997, pp.197–198.

⁶⁶ Allworth E. Murder as Metaphor in the First Central Asian Drama // Ural-Altaic Year-book. -58 (1986). P.70.

Эътибор беринг, Олворт бу ўринда образ талқинида драматург ғоявий ниятининг бадиий таҳдилида жуда чуқур кетади. Драмадаги матнда, унинг структурасида, қаҳрамонлар диалогида, монологида олим айтгаётган фикрлар йўқ. Лекин олим асар замиридан шундай фикрлар келиб чиқади, деб баҳолайди. Хўш, бу мулоҳазаларида у ҳақми ёки ноҳақ? Бизнингча, ҳақ. Ушбу фикрлари билан Олворт у асар салмоғини янада бойитгандек бўлади. Энг асосийси, бу фикрлар, бу хулосалар асарнинг умумий ғоясига зид эмас, қарама-қарши эмас, у билан ҳамоҳангир. Олвортнинг бу хулосаларини кимдир маъқуллар, кимдир маъқулламас, лекин бундан қатъи назар америкалик жадидшунноснинг бу мулоҳазалари кишини мушоҳада юритишга ундайди. Бу фикрлардан тадқиқотчи ҳам, “Падаркуш” ҳам ютади. Ўз навбатида бу фикрлар янги-янги мулоҳазаларга, фикрий уйғонишларга туртки, доя бўлиши мумкинлиги билан ҳам қимматлидир.

Юқорида биз Э.Олвортнинг баъзи бир фикрларига кўшилмаслигимизни таъкидлаган эдик. Аммо бундан қатъи назар, олим “Падаркуш”нинг рамзий – мажозий маъноларини пухта англай олганини, уларни янгича нуқтаи назар билан мустақил ёритишга интилганини эътироф этиш лозим. Бойнинг қотили ўз ўғли эмас, Тангриқул. Лекин муаллиф асарни “Падаркуш” (отасини ўлдирувчи) деб номлаган. Э.Олворт айтганидек, муаллифнинг бундай йўл тутишида асарнинг бош ғоявий йўналиши марказида турган мақсади бор. Бироқ бу мақсадни Олворт неғадир “сиёсий мақсад” деб атайдики, бу фикримизча у қадар тўғри эмас. Маълумки, ҳар қандай фожиада ҳам уни амалга оширувчидан кўра унга сабабчи бўлган кишилар кўпроқ айбдор ҳисобланади. Жиноятни амалга оширган жиноятчи, одатда, жазоланади. Беҳбудий ўз асарида турли ижтимоий иллат ва гуноҳларни келтириб чиқарган сабабларни аниқлашга ва уларни кичик деталлар орқали очишига ҳаракат қилди. Бу орқали гўё “айбдор жоҳил ота қисмати ҳаёт қонунига кўра жазосиз қолмаслиги лозим” деган нуқтаи назарда туради. “Падаркуш”

мавзуси Туркистоннинг наинки ўша давр ҳаёти, балки кела-жагига хавф солиши мумкин бўлган иллатларни акс эттириш учун қўл келган. Шу билан бирга, маърифатга эътиборсизлик жаҳолатга олиб келишидан жамиятни огоҳ этади. Отасининг ўлимига сабабчи бўлган Тошмурод образи томошабин – оми халқни сергаклантирмаслиги мумкин эмас эди. Айни вақтда, асарнинг “Падаркуш” деб номланишида ҳозирча тадқиқотчилар эътиборидан четда қолаётган бошқа сабаблар ҳам мавжуд.

Беҳбудий ўзи яшаётган жамият, унинг аъзолари руҳиятида юз берәётган ўзгаришларни кузатган ва илғай олган. Фикри-мизча, унга энг қаттиқ таъсир қилгани истибодд сиёсати ва мафкурасининг Марказий Осиё халқлари, жумладан, миллатимиз вакиллари, айниқса, ёшлар онгига, сиёсий-ижтимоий қарашларига таъсири ва нисбатан қисқа муддатда (1865 йилдан кейин) бу масалада истибодд тарафдорларининг муваффақиятга эриша бошлагани бўлган. Асар муаллифи аҳвол агар шу тарзда давом этаверса, яқин йилларда ёшлар миллат учун ўлмас қадрият саналмиш тушунчаларни, минг йиллаб ота-боболаримиз гуурланиб келган тарихимизни, маданиятимизни байнал-милалчилик кўриниши остида никобланган сиёсат натижасида унутишлари мумкинлигини, бу эса нафақат шахс, балки миллат фожиасига айланишини, оқибатда ёш авлод ўз шажарасини ҳам эсдан чиқариши, ўз насли насабидан бебаҳра, ғофил, манқурт бўлиб қолиши, ҳатто ўз ота-оналарини маданиятсизлиқда, билимсизлиқда айблашлари мумкинлигини, натижада мустамлакачилар ташвиқоти туфайли падари бузрукворларидан воз кечишга ҳам тайёр бўлиб қолишини англаб етган. “Падаркуш” яратилишида муаллиф тафаккурида кечган шу англов жараёнининг ёрқин изларини сезмаслик мумкин эмас. Эҳтимол, драмага бошқа мавзу асос қилиб олинганда, асар бу даражада машҳур бўлмас эди. Ушбу пьеса таъсирида ёзилган кўплаб саҳна асарлари, шубҳасиз, “Падаркуш”дек машҳур бўлмаган. Б.Назаров: “Падаркуш”да бундан саксон йил аввал айтилган гаплар ҳозирги

замондошимизни ҳам ўйлашга ундей олади⁶⁷, деб ёзганида бут-кул ҳақ. Олим А.Алиев ҳам Б.Назаров фикрларини давом эттириб, қуидагича хulosага келган: “Падаркуш”да олға сурилган гоялар, масалалар чуқурроқ қаралса, Туркистон халқини бугунги кунларигача акс эттирган маънавий хазина бўлиб чиқади”⁶⁸.

Э.Каримов пьесанинг яратилишини Фонвизиннинг “Думбул” (“Чалавой”) комедияси билан боғлайди ва Беҳбудийнинг ушбу саҳна асари юқоридаги рус адабиёти намунаси таъсирида пайдо бўлганлигини таъкидлайди. Тадқиқотчи уларнинг номланишидаги ўхшашлик, салбий, ижобий образлардаги умумий уйгунлик ва асарларда илгари сурилган гояларнинг бир-бирига мутаносиб жиҳатларини кўрсатиш билан хulosаларини яна бир бор тасдиқлайди⁶⁹. Лекин, бизнингча, “Падаркуш”да асос қилиб олинган муаммо, тарғиб қилинган гоя ва унинг мундарижаси, шу билан бирга, ёзиш режаси ҳам муаллифда бирдан туғилган эмас. Демакки, драманинг пайдо бўлишига фақат Фонвизиннинг “Думбул” (“Чалавой”) комедияси таъсир этган, деб хulosса чиқариш ҳам у қадар тўғри бўлмайди. Фикримизча, асар мавзусининг туғилишига муаллиф яшаган даврга қадар миллатимиз тарихидаги унтутилмас фожиалар ҳам маълум даражада таъсир этган. Шуни алоҳида таъкидлаш жоизки, драманинг гоявий марказини банд этган маърифатпарварлик муаммосидан ташқари, Туркистон халқари учун муҳим ва кутилиши мумкин бўлган бошқа оғир муаммолар, хусусан истибоддога қарши кураш ҳақида ҳам жиддийроқ бош қотириш лозимлигини англагани учун ҳам Беҳбудий айнан шу мавзуни танлаган. “Падаркуш”да ўз даврига нисбатан айрим “теша тегмаган” муҳим масалалар қўйилганки, бу муаммолар то ҳануз нафақат китобхонлар, балки мутахассис-тадқиқотчилар томо-

⁶⁷ Қаранг: Назаров Б. Маҳмудхўжа Беҳбудий // Ўзбек тили ва адабиёти. 1992. 3–4-сон. 71-бет.

⁶⁸ Алиев А. Маҳмудхўжа Беҳбудий. Тошкент: Ёзувчи, 1994. 9–10-бетлар.

⁶⁹ Каримов Э. А. Развитие реализма в узбекской литературе. Ташкент: Фан, 1975. С.41–42.

нидан ҳам етарлича талқин қилингани йўқ. Шунинг учун бу масалалар билан боғлиқ баҳслар ҳали анча вақтларгача давом этиши шубҳасиз.

Биринчи парданинг дастлабки қўринишидаги ота ва ўғил ўртасидаги ёқимсиз сұхбат – Тошмуроднинг отасидан “томошаға бориш” учун пул сўраши, Бойнинг ҳам бойваччага эътироэсиз рухсат бериши – фожианинг бошланиш нуқтасидир. Уларнинг сұхбатига гувоҳва норизо тарзда Бой, унинг ўғли Тошмуродга “бадбинона боқиб, бошини соллар” ҳолатда ўтирган Домулла билан боғлиқ эпизод драманинг дастлабки тугунини юзага келтиради. Э.Олворт Домулланинг бошини башоратомуз қимирлатиб қўйишини қўйидагича изоҳлади: “Домулланинг Тошмуродни кузатиб, кейин бошини маъноли қимирлатиб қўйишида қандайдир жиноят содир бўлиши мумкинлигига ишора бор. Иккинчидан, бу Домулла ва Бой ўртасида халқнинг зиёлиларга бўлган хурматининг устуналиги ва ҳурмат фақат бойликка нисбатан бўлмаслиги тўғрисидаги қисқа сұхбатидан дарак берувчи белги ҳамдир”⁷⁰.

Дарҳақиқат, Э.Олворт ушбу эпизоддаги Домулланинг бошини қимирлатиб ўтиришидаги рамзий маъноларни илғаб таҳдил қилас экан, биз олимнинг фикрларини қўллаб-қувватлаймиз. Бизнингча, тадқиқотчи драмадаги персонажлар билан боғлиқ ҳар қандай кичик деталларда ҳам муҳим маъно борлигини юқоридағи таъкиди орқали тўғри ва аниқ далиллаб берган.

Америка тадқиқотчиларининг жадид адабиётини таҳдил қилиш билан боғлиқ изланишларидағи яна бир умумий жиҳат улар томонидан ўша даврда яратилган асарлардаги бош ва иккинчи даражали мавзулар ҳамда образларнинг аниқданиши, адабиётдаги мавжуд назарияларга асосан уларнинг асардаги ўрнини, сюжет чизигига таъсирининг чуқур ўрганилиши билан белгиланади.

⁷⁰ Allworth E. Murder as Metaphor in the First Central Asian Drama// Ural-Altaic Year-book.- 58 (1986). P.67.

Қодирийшунос олим Х.Мурфи бадий асардаги бош ва иккинчи даражали мавзуларни аниқлаш, образлар ривожини тадқиқ қилиш ҳам жуда муҳим деб ҳисоблайди ва тадқиқотида шу масала юзасидан фикрларини баён этади⁷¹.

Э.Олворт “Падаркуш”нинг ҳар бир саҳна кўринишида иштирок этувчи персонажларига тўхталиб, уларда акс этган хусусиятларни қуидагича таснифлайди: “Бой образи, – дейди олим, – биринчи парданинг марказида туради, бутун бир саҳна давомида кўрсатилган суҳбатларда иштирок этади ва ушбу кўринишдаги бошқа характерларга нисбатан икки ҳисса кўп гапиради. Шундай бўлса-да, Бой ўз фикри ва маслаҳати билан ушбу парданинг охирида унинг уйқусини келтирган зиёlideк сергап эмас. Замонавий танқидчилар Бой образини драмада асосий, марказий фигура деб ҳисоблайдилар”⁷². Олим қайдларини унинг нуқтаи назаридан келиб чиқиб, маълум маънода тўғри, деб айтишимиз мумкин. Чунки бадий асарга бўлган қарашларнинг хилма-хиллиги уларнинг қандай бўлишидан қатъи назар адабий жараёндаги ривожланишни кескинлаштиради, ҳар қандай бадий ижод намунасидағи гоявий позицияни чуқурроқ, ҳар тарафлама англаш имконини беради. Аммо, американлик жадидшуноснинг Бой образи воситасида Зиёлига муносабати жиддий баҳсга сабаб бўлиши мумкин. Америка тадқиқотчиси назаримизда, образларнинг пьесадаги мавқенини, уларнинг жадидчиликка муносабати, дунёқарashi, фикрлаш доираси, характери, жамиятдаги ўрнини ўз мақсадларидан келиб чиқиб таҳдил қилган. Ҳолбуки, Беҳбудий назарда тутган маърифатпарварлик гоясини илгари суришда, муаллиф ислоҳотининг тарғиб қилинишига муносаба-

⁷¹ Қаранг: M u r p h y Ch. The Relationship of Abdulla Qadiriy's Historical novels to the Earlier Uzbek Literaty Traditions: Washington University Press, 1980, pp.123–127; 136–139.

⁷² All w o r t h E. Murder as Metaphor in the First Central Asian Drama // Ural-Altaic Year-book. -58 (1986). P. 68.

батда Зиёлини “сергап” деб бўладими? Гап шундаки, Беҳбудий Зиёлини жадид ислоҳотларига хайрҳоҳ, миллат равнақига жиддий эътибор қарататётган киши сифатида тасвираган. Ушбу персонаж муаллиф – Беҳбудийга маслакдош. Давр учун муҳим бўлган шахс. Бу образ муаллиф ниятларини рӯёбга чиқаришдаги асосий восита – резонёр. Қолаверса, Зиёлининг “узундан-узоқ, зерикарли” нутқи эпизодида ушбу образга юклатилган ғоявий-эстетик функциянинг кульминацион, яъни авж нуқтаси акс этган. Олимнинг бундай хуносага келишига сабаб унинг асосий эътибори образларнинг ташки шаклига қаратилганлигидан, қолаверса у асаддаги персонажлар фаолиятидан келиб чиқадиган тагмањо ва уларнинг драмадаги ўрнига жиддий эътибор бермаганлиги, деб ҳам белгилаш мумкин.

Бойни асаддаги асосий шахс деб ҳисоблаган “замонавий танқидчилар” нималарга асосланиб бундай фикрга келганликлари бизга маълум эмас. Шунга қарамасдан, уларнинг хуносаларини қувватлаган ҳолда бу ҳақдаги ўз нуқтаи назаримиз ва қарашларимизни асослашда давом этайлик.

Таҳлил қилинаётган драмадан маълумки, Бой образи асар сюжети марказида ҳар қандай муҳим ва содир бўлиши мумкин бўлган воқеаларнинг бевосита иштирокчиси. Пъесадаги манзараларнинг кўп қисми Бойнинг уйида содир бўлиши ва драманинг ҳар тўрт пардасида унинг “қўргони” мунтазам намойиш этиб борилишини ҳам назардан қочирмайлик. Зоро, драмадаги барча воқеалар, асосан, унинг хонадонида бўлиб ўтади.

Эдворт Олвортнинг яна бир фикри хусусида: “Марказий Осиё жамиятининг бу (Беҳбудий – З.М.) жадидчиси концепциясида, шу билан бирга, “Падаркуш”да ҳам асосий персонажлар (Бойнинг хотинидан ташқари) тўлалигича қора бўёқ билан тасвиранади”⁷³. Тадқиқотчи қора бўёқлар билан тасвиранган образлар қаторида Бойни ҳам назарда тутган. Чунки у салбий (“negative”) персонаж. Бой ҳам асосий образлар қаторида

⁷³ Allworth E. Murder as Metaphor in the First Central Asian Drama// Ural-Altaic Year-book. -58 (1986). P.69.

салбий қилиб кўрсатилган. Бу жиҳатдан қараганда, Э.Олворт ҳам Бойнинг асарда муҳим шахслардан бири эканлигини тасдиқлаяпти.

Америкадаги йирик кутубхоналардан бири – Конгресснинг “Африка ва Яқин Шарқ” бўлими (African and Middle Eastern Division) да фаолият кўрсатиб келаётган X.Мурфи “Ўткан кунлар” романидаги етакчи образ – Кумушнинг асардаги ўрни ҳакида шундай ёзади: “А.Қодирий Кумушни ҳар томонлама етук маъшуқа сифатида тасвиirlайди, лекин унинг номи роман марказида турса-да, у фаол эмас, пассив характер. Бошқа образларга нисбатан Кумуш образи ривожланмай қолган”⁷⁴. Бу фикр ҳам баҳсли. Ёки юқоридаги фикр хориж тадқиқотчисига “Ўткан кунлар”ни танқид қилиб ёзган айрим шўро мунаққидларидан беихтиёр ўтиб қолган бўлиши ҳам мумкин. Биз эса Кумуш образи муаллиф мақсади доирасида бўй-басти билан бадиий мукаммал тарзда тасвиirlangan, деган фикрдамиз. Романда Кумушнинг фаоллик даражаси оддий Шарқ аёлига хос тарзда бўлиб, ундан ортиги бадиий мантиқ меъёрининг бузилишига олиб келар эди. Мурфи талаб қилаётган ва назарда тутган фаоллик Хушрўйбиби ва Зайнабга хос бўлиб, бу – айни биз назарда тутган – ахлоқ муаммосининг ёритилишидаги шу образларга юклangan мақсад даражасидадир. X.Мурфининг наздида Шарқ аёлига хос итоаткорлик ва вазминликнинг “пассивлик” деб баҳоланиши бизнинг қаҳрамонга гарбона дунёқараш билан муносабатда бўлишнинг натижасидир.

Иккинчидан, X.Исматуллаев таъкидлаганидек, Абдулла Қодирий Кумуш образини меъёрни сақлаган ҳолда яратган. Уни бундан ҳам фасл қилиб кўрсатиш ўша давр ҳақиқатига тўғри келмас эди⁷⁵.

⁷⁴ Murphy Ch. The Relationship of Abdulla Qadiriy's Historical novels to the Earlier Uzbek Literaty Traditions.- Washington University Press, 1980, pp.137–138.

⁷⁵ Исматуллаев X. Абдулла Қодирий абадияти // Ўзбекистон адабиёти ва съннати. 1994, 11 ноябрь.

Бошқа бир жиҳатдан Х.Мурфининг бадиий асарда қаҳрамон эволюцияси билан боғлиқ кузатишлари Кумушбиби образи ҳақидағи ижобий тасаввурларимизни янада тиниқлаштиради⁷⁶.

Ўзбек ва инглиз адабиётшуносларининг муайян муаммо масаласидаги турлича муносабатларига уларнинг бир-биридан фарқли, ўзига хос бўлган миллат, дин вакили эканлиги, шу билан бирга ҳаёт тарзи, тафаккури, мутахассислик савияси, дунёқарашидаги тафовутлар ҳам ўз таъсирини кўрсатади. Бу, биринчидан, нима бўлганда ҳам юқоридағи ва уларга ўхшаш бир-биридан кескин фарқланувчи таҳдиллар бадиий асарни турлича нуқтаи назар, мезон ва талаблар асосида тадқиқ қилишга туртки беради.

Қодирий романларини тадқиқ қиласан X.Мурфи “Ўткан кунлар”, “Мехробдан чаён”ни таҳдил қилганида асарда ёритиленган мавзуларни асосий ҳамда иккичи даражалига ажратиб ўрганган. Тадқиқотчининг фикрича, “ҳар икки роман (“Ўткан кунлар”, “Мехробдан чаён”)нинг асосий мавзуси романтик севгининг жамият томонидан қабул қилиниши ёки қилинмаслигига асосланади. Лекин муаллиф ёқловчи (ошиқмаъшуқ)лар ўртасидаги зиддиятларни ривожлантиришда икки романда икки хил йўлдан боради”⁷⁷. Ўзбек адабиётшунослари бу ҳақда ўз фикр-мулоҳазаларини турлича баён этганлар. Жумладан, Ҳ.Ёқубов романдаги севги-муҳаббат мавзуси мамлакатнинг миллий тақдири масаласи билан уйғун ҳолда бир хил ривожлантирилганлигини эътироф этади. “Адаб Отабек, Юсуфбек ҳожи ва Кумуш билан бирга, ўзини ҳам азоблаётган мухим феодал тартибларни фош қилиш учун фисқ-фасод уясини қидиради”⁷⁸, – деб ёзади у. Қодирий ижоди билан

⁷⁶ M u r p h y Ch. The Relationship of Abdulla Qadiriy's Historical novels to the Earlier Uzbek Literary Traditions.- Washington University Press, 1980. P.55.

⁷⁷ M u r p h y Ch. The Relationship of Abdulla Qadiriy's Historical novels to the Earlier Uzbek Literary Traditions. Washington University Press, 1980. P.123; 145.

⁷⁸ Ё қ у б о в Ҳ. Йирик санъаткорнинг тўнгич романи. Абдулла Қодирий. Ўткан кунлар. Тошкент: Гафур Гулом номидаги Адабиёт ва

боғлиқ кўплаб илмий асарлар яратган М.Қўшжонов “Ҳаёт ва қаҳрамон” китобида юқоридаги масала хусусида батафсил тўхталиб, “романда икки йўналиш бирлигидан – мұҳабbat мөжароси ва тарихий воқеалар оқимидан марказий тугун ҳосил бўлади”⁷⁹, – деган хуносага келади. Ҳ.Ёқубов “бадиий қаҳрамон ҳамиша адебнинг диққат марказида турса ҳам, лекин тарихий фон (хонлик инқирозининг бадиий тасвири) характерни ҳаракатга келтирувчи асосий омил бўлиб қолаверишини”⁸⁰ қайд этади. Бизнингча, ҳар икки романда воқеалар ривожига туртки бўлган севги-муҳабbat бош мавзу бўлса-да, Қодирий илк романи (“Ўткан кунлар”)нинг сўзбошисида тарихнинг “энг кир ва жирканч кунларини” кўрсатиш мақсадини таъкидлаб, ўша даврдаги хукмрон доираларнинг истибододидан эзилган “қора ҳалқ” турмушини, энг мухими, Туркистоннинг аянчли аҳволини аниқроқ ифодалашни биринчи планга қўяди ва у танлаган мавзулар, воқеа-ҳодисалар, образлар, ҳатто ҳаракат ўринлари ҳам адаб мақсадини китобхонларга етказиш учун хизмат қиласади. Профессор У.Норматовнинг фикри юқоридаги қайдларимизни яна-да тўлдиради: “Ўткан кунлар” романининг маъно мундарижаси доираси ғоят кенг, унда хилма-хил ижтимоий, маънавий муаммолар кўтарилиган. Улар ичида, менимча, энг мухими юртнинг, миллатнинг тақдири, мустақиллик масаласидир”⁸¹.

ХХ асрнинг 20–30-йилларига мансуб адабий асарларни ўқиган сайин янгиликларни кашф этиб бораверамиз. Маълумки, бадиий асарда ижодкор шахсияти, дунёқарashi ҳам ўта мухим роль ўйнайди. Қодирий романларидағи Отабек ва Анвар образлари тасвирида муайян маънода муаллифни кўргандек,

санъат нашриёти, 1976. 395-бет.

⁷⁹ Қўшжонов М. Ҳаёт ва қаҳрамон. Тошкент: Fafur Fулом номидаги Адабиёт ва санъат нашриёти, 1979. 26-бет.

⁸⁰ Ёқубов Ҳ. Йирик санъаткорнинг тўнгич романи. Абдулла Қодирий. Ўткан кунлар. Тошкент: Fafur Fулом номидаги Адабиёт ва санъат нашриёти, 1976. 393-бет.

⁸¹ Норматов У. Қодирий боғи. Тошкент: Ёзувчи, 1995. 122-бет.

Чўлпон, Беҳбудий, Фитрат асарларида яратилган “идеал” образларда уларнинг ўзини кашф қилгандек бўламиз.

Хориж олимлари Беҳбудий ва Фитратнинг ислом қонуниятлари, мусуамонлик, Куръон ва ҳадислар билан боғлиқ масалалар ёритилган асарлари таҳдилига ҳам атрофлича тўхталишган⁸².

Исломда, шу жумладан ўзбек халқида инсон ҳаётидаги гайриоддий салбий ҳодисаларнинг содир бўлишини гуноҳ ишларимиз учун берилган жазо ёки ижобий ҳодисаларни савоб ишларимиз учун мукофот, деб қабул қилиш керак, деган қараш бор. Назаримизда, Беҳбудий ҳам “Падаркуш” драмасида ана шу “фалсафа”га ишора қиласи. Э.Олворт Беҳбудийнинг ижодкор сифатидаги позициясига баҳо бериб, у: “Жамият ҳаётини ўзгартиришда таълим ва тарбия асосий ижтимоий восита бўлишига ишонади. Драманинг машҳурулиги ҳам шундаки, унда муаллиф типик характерларнинг ҳаракати орқали уларга (мусуамон халқига – З.М.) яхши таниш бўлган муаммо ҳақида ўзтилида сўзлайди”⁸³, – дейди.

Олим бошқа тадқиқотларига нисбатан пъесадаги мотив ва мавзуларни жуда аниқ илғасига, фикримизча, АҚШда ҳам, Ўзбекистонда ҳам ёшлар муаммосига жиiddий эътибор берилиши, иккала мамлакатда ҳам ҳеч қандай жиноят жазосиз қолмаслигига ишонч, айниқса, бу борада “Инжил” ва “Куръон”даги қатор гоя ва фикрларнинг ҳамоҳанглиги асос бўлган. Шу нуқтаи назардан қараганда, “Падаркуш”даги Бой ислом моҳиятидаги “фарзандларни билимли қилиш” ҳақидаги мажбуриятини адо этмайди. Оқибатда гуноҳкор сифатида жазосини олди.

⁸² Қаранг: Khalid A. The Politics of Muslims Cultural Reform. Javidism in Central Asia. - Berkeley – LosAngeles – London:University of California Press,1998; Allworth E. Murder as Metaphor in the First Central Asian Drama // Ural-Altaic Year-book. –58 (1986), pp.65–95.

⁸³ Allworth E. Murder as Metaphor in the First Central Asian Drama // Ural-Altaic Year-book. –58 (1986). P.68.

Америкалик жадидшунослар давр адабиёти намуналарига хронотоп нуқтаи назаридан ёндошиб, уларни турлича талқин қиладилар. Улар бир асарнинг турли қирраларини замон ва ма-кон яхлитлигида тадқиқ этиб, бизлар учун мутлақо кутилмаган, бетакрор ва ўзига хос хуносаларга келишган. Шунингдек, хориж олимларининг изланишларида билдирилган фикрларнинг ҳаммаси ҳам бирдек илмийлик касб этмаса-да, барибир, жадид асарларига четдан туриб, менталитетимизни, ўзларига бутунлай ёт бўлган шарқона қарашларимизни, тушунчаларимизни, бошқача, аниқроги, гарбона тафаккурловчи тадқиқотчилар таҳдил қилиши катта аҳамиятга эга. Америкалик адабиётшуносларнинг ишларида тадқиқот учун танланган асарнинг мазмун моҳиятига баҳо беришда, муаллиф йўналишидан келиб чиқиб фикрлаш, унинг асл мақсадини аниқдашга интилиш нисбатан камроқ бўлиб, маълум бир факт, деталь ёки эпизоднинг бирор жиҳати ёки шаклини таҳдил қилишга бўлган иштиёқ кўпроқ учрайди. Бундай ўзига хосликлар ёки бир ёқлама тадқиқ биз ушбу бобда мурожаат қилган Э.Олворт, Х.Мурфи, А.Холидларнинг илмий ишларига хосдир.

Чўлпонни ёки Қодирийни ўзбек олимидаги назар билан чуқур ва муфассал тушуниш американлик тадқиқотчилар учун мушкул бўлиши табиий. Бу миллатга хос хусусият, колорит, тарих, айниқса, маданият, хусусан, сўз санъатига муносабат каби жуда кўп омиллар билан узвий боғлиқ масала. Лекин хориж олимларининг изланишларидағи кузатишлар натижалари, хуносалар аксар ҳолларда объективлиги билан муҳимдир. Шу билан бирга улар ўзбек адабиётшунослигида муайян асарга янгича ёндашувларнинг яратилишида туртки бўлиши мумкин. Бунга мисол тариқасида бошқа американлик мутахассисларга нисбатан ўзини адабиётшунос олим сифатида теранроқ на-моён қила олган, Қодирий ҳаёти, ижодий меросини нисбатан бадиият мезонлари асосида тадқиқ қилган Х.Мурфи изланишларини, Э.Олворт ва А.Холиднинг “Падаркуш” асарига оид тадқиқотларидаги таҳдилларини келтириш мумкин.

Юқоридаги муаллифларнинг илмий тадқиқотларини ўрганиб, уларни таҳдил этиб, қуидаги хуносаларга келдик:

– *биринчидан*, американлик мутахассислар асарда қўйилган мавзу, муаммо, ғояни ижтимоий ва адабий-бадиий уйғунлик сифатида тадқиқ этадилар. Муайян асарни давр ва муаллиф дунёқарashi билан чамбарчас алоқада ўрганадилар;

– *иккинчидан*, американлик олимлар масалани генетик-типологик ўрганишга алоҳида эътибор берадилар. Ижодий жараёнлардаги анъана ва новаторлик муаммоси доимо уларнинг диққат марказида туради;

– *учинчидан*, американлик жадидшунос тадқиқотчилар ижтимоий масалаларнинг бадиий асарда рамзий-мажозий услубда ифодаланишини ҳар бири индивидуал суратда талқин этиб, баҳс ва мунозара қиласилар. Мунозаралар асносида муаллиф услубидаги нозик бадиий унсурларни аниқлашга интиладилар;

– *тўртинчидан*, олимлар мавзу ва асар қаҳрамонларини бош ва иккинчи даражалига ажратиб, уларнинг асар сюjetи ва композициясидаги ўрни масаласи хусусида ҳам баҳс юритишиади. Бу масалани Х.Мурфи “Ўткан кунлар”, “Мехробдан чаён” романлари мисолида ўрганса, Э.Олворт “Падарқуш” драмаси орқали тадқиқ этади.

Маърифатпарварлик концепциясининг бадиий-гоявий тадқиқи

Э.Олворт, А.Холид ва Х.Мурфининг жадид адабиётига доир тадқиқотларида маърифатпарварлик гояларининг бадиий-гоявий талқинига алоҳида эътибор берилади. Хусусан, Э.Олвортнинг Беҳбудий қаламига мансуб “Падаркуш” драмасидаги, А.Холиднинг Фитрат асарларидағи, Х.Мурфининг Қодирий ҳикоялари ва кичик шеърларидағи маърифатпарварлик гоялари ҳақидаги мулоҳазалари фикримизни далиллайди.

Э.Олворт “Падаркуш”даги “қотиллик”ни изчил суръатда тадқиқ этиб, драма моҳиятига сингдирилган бадиий-ижтимоий гоя – маърифатпарварлик ҳақида шундай дейди: “Беҳбудий “Падаркуш” драмаси орқали ўз даврида зиёлиларга бўлган муносабатнинг қанчалик паст даражада эканлигини халққа намойиш қилди”⁸⁴. Олим драмадаги маърифатпарварлик гояларини тадқиқ қиласр экан, Бой уйини билимсизлик, жаҳолат ва қайсарлик қўргонига, машшатхонани эса шайтон малайларининг уйига ўхшатади. “Нодон фарзандлар ва жаҳолат қасри ўртасида юз берган жиноятга даҳлдор кишиларни кўрган ҳар қандай томошабин драманинг охири фожиа билан тугашини англайди ва бунга гувоҳ ҳам бўлади”⁸⁵, – дейди у. Америкалик жадидшунос жаҳолатни келтириб чиқарувчи асосий омиллар ва уларнинг илдизларини метафорик услубга таянган ҳолда изоҳлаб, тўғри хуносаларга келади. Жаҳолат ботқоғига бот-

⁸⁴ Allworth. E. Murder as Metaphor in the First Central Asian Drama// Ural-Altaic Year-book. –58 (1986). P.69.

⁸⁵ Allworth E. Murder as Metaphor in the First Central Asia Drama // Ural-Altaic Year-book. –58 (1986). P.68.

ган “кўргон” бирон-бир жиiddий ва мудҳиш фожиага сабаб бўлмагунча унинг мустаҳкам девори ўпирилмайди. Шу маънода, жадид адабиётининг айрим намуналари сюжет марказида ўлим турганлигининг сабабини ҳам юқоридаги ғояни ифодалаш мақсади билан боғлаш керак бўлади, назаримизда.

Э.Олворт Беҳбудий маҳоратини драмада танланган қаҳрамон исмлари орқали ҳам намойиш этган. Унинг бу бора-даги фикрларини қўйида айнан келтирамиз: “Жадидлар мажозий конфликтларнинг турлари орқали ёвузликка – жаҳолатга қарши курашиб керак, деган даъват билан чиқадилар. Драмадаги бაъзи персонажлар учун танланган исмлар замирида ҳам юқоридаги тарғиботга муайян ишора бордек. Пичоқ кўтариб олган қўл “Оллоҳнинг қули” (Тангриқул) эди. Яна бошқа ким бўлиши мумкин? Лекин ислом анъаналари, шариат қонунлари ва руҳонийларнинг танбеҳларини (панд-насиҳатларини) назар-писанд қилмайдиган, уларни оёғости қилиб таҳқирлайдиган мусулмонларга қудратли Оллоҳнинг ўзи ҳам даҳшатли жазо бериб огоҳлантириши мумкин эди. Лекин муаллиф бу ишга Тангриқул (Оллоҳнинг қули) ни танлади”⁸⁶. Юқоридаги иқтибосдан кўринадики, Э.Олворт драмадаги баъзи персонажлар учун танланган исмларнинг маъноларини, келиб чиқиши этимологиясини ҳам ўргангандай. Тадқиқотчи драмадаги Зиёли образи ҳақида фикр юритиб: “Зиёли ўзбекларда илм берувчи, ақл-заковатли деган маъноларни беради”, – дейди. Жадидшунос олимнинг юқоридаги фикрлари муҳим аҳамиятга эга, биз ҳам уларни қувватлаймиз. Дарҳақиқат, драмадаги бошқа образларнинг исмлари ҳам уларнинг характеристига мос танланган. Илм олишдан йироқ бўлган Бойнинг ўғлига танланган исм ҳам, бизнингча, Беҳбудийнинг китобхонга айтмоқчи бўлган ғоявий мақсадини етказишида калит вазифасини бажарган. “Тошмурод” – ўзбекчабарча сўзлардан иборат бўлиб, тошдек мустаҳкам бўлсин, умри

⁸⁶ Allworth E. Murder as Metaphor in the First Central Asia Drama // Ural-Altaic Year-book. -58 (1986). P.70.

узоқ бўлиб, муродига етсин, деган маънони англатади⁸⁷. Лекин, Беҳбудий бу исмга қаҳрамон табиатидаги, феъл-авторидаги маънони усталик билан сингдиради. Яъни муаллиф талқинига кўра, у ўсадиган, ривожланадиган мурод эмас, ўзгармайдиган, тошдай қотиб қолган, бошқача айтганда бошни ёрадиган мурод бўлиб чиқди. Бунинг сабаби унга яхши таълим, тарбия берилмаганидир. Асар композицияси, муаллиф гоявий мақсадидан келиб чиқиб “Тошмурод” исмини қуидагича ҳам таҳдил қилиш мумкин. **Тошмурод** (муроди, мақсади тош қотган) нинг айшишратга бўлган истаги ҳатто отасига бўлган муҳаббатидан ҳам устун бўлди. Мақсаднинг оғирлиги, мудҳишлiği сабаб, ўғил фожиага юз тутди ва “падаркуш” деган тавқи лаънат тамғасини олишга ҳукм этилди. Демак, драмадаги персонажларнинг ўзини тутиши, характерлари, асарда тутган ўрни ва муаллифнинг уларга юклаган бадиий-гоявий мақсадидан келиб чиқилса, гўё улар исми билан туғилгандек таассурот қолдиради. “Гапирувчи исмлар”ни ўша давр адабиётига хос бўлган, ёзувчи услубидаги муҳим хусусиятлардан бири сифатида кўрсатиш мумкин. Чунки, юқорида келтирилган жадид сўз санъатидаги бундай усувлар нафақат Беҳбудий, балки унинг сафдошлари Абдулла Қодирий, Ҷўлпон, Фитрат ижодининг ҳам муҳим жиҳатлари саналади.

Э.Олвортнинг “Падаркуш” драмаси ҳақида тадқиқотини ўрганиб, олим маърифатпарварлик гояси ҳақида ҳам тўғри ва муҳим илмий хуносалар билдирган, деган тўхтамга келдик.

Х.Мурфи “Абдулла Қодирий ва большевиклар: ислоҳотдан инқилобгача” мақоласида Қодирийнинг ҳаёти ва ижоди тўғрисида, хусусан, адабнинг 1918 йил атрофидаги жамиятни маърифатли қилиш билан боғлиқ фаолияти ҳақида маълумот беради. Шунингдек, ушбу мақоладан Қодирийнинг кичик насрый ҳикоялари, жумладан, “Тинч иш”, “Отам ҳам большевик”, “Улоқда”, “Жинлар базми”, “Жувонбоз” ва “Ўткан кунлар” асари

⁸⁷ Б е г м а т о в Э. Ўзбек исмлари маъноси. Тошкент: Энциклопедия, 1998. 422-бет.

хусусида олимнинг индивидуал талқин ва таҳдиллари ҳам ўрин олган⁸⁸.

Х.Мурфи Қодирий асарларини таҳдил қиласар экан, даставвал ёзувчи шахсига эътибор қаратади. Яъни, адабнинг маърифатпарвар шахс бўлганинги ва бутун ижодининг асосини маърифатпарварлик гояси ташкил этганлигини айтиб, унинг маърифатпарвар ёзувчи сифатида шаклланиш омилларини белгилаб, шундай дейди: "...Қодирий адабий фаолиятининг ilk даврларидан одаларни билимли қилишга интилган, иккичидан, "Турон" жамиятининг фаол аъзоси – ёзувчи А.Авлоний билан яқин алоқада бўлган. Шуни ҳам айтиб ўтиш жоизки, Авлоний "Садои Туркистон" рўзномасини нашр этадиган гуруҳнинг асосий раҳбарларидан бири бўлиши билан бирга 1915 йилда Қодирийнинг "Бахтсиз куёв" драмасини саҳналаштиришда кўмаклашган"⁸⁹. Демак, Х.Мурфи фикрларидан англашиладики, у санъаткор асарларининг ўзак моҳиятини ташкил этган маърифатпарварлик гоясининг бадий асосини илмий талқин қилишдан олдин ёзувчи шахсини, биографиясини, уни ўраб турган жамият ва муҳитни атрофлича ўрганади. Шу тариқа адаб асарларида бўй кўрсатган ўлмас гоя – зиё, маърифатпарварликнинг аввало шахсиятда, адаб ботини ва зоҳирида чуқур илдиз отиб, асарларига ҳам кўчганлигини ҳаққоний далиллайди. Қодирий асарларидағи маърифатпарварлик гоясининг бадий талқини Х.Мурфи тадқиқотида фақат шу таҳлитда талқин этиладими? деган саволга ойдинлик киритсак. Олим Абдулла Қодирийнинг "Отам ҳам большевик" ҳикояси ҳақида шундай дейди: "Қодирийнинг кўпгина асарларида илм олиш зарурати етакчи мавзу ҳисобланади ёки уларда ҳеч бўлмагандаги кишиларнинг вазиятни тўғри тушуниши кераклиги ҳақида

⁸⁸ Muslims in Central Asia / Ch.Murphy and etc.; Durham-London: Duke University Press, 1992, pp.190–203.

⁸⁹ Muslims in Central Asia / Ch.Murphy and etc.; Durham-London: Duke University Press, 1992. P.195.

фикр-мулоҳаза юритилади. Бу мавзу “Отам ва большевик”да ҳам ўз аксини топади. Лекин ҳикояда инқилобий руҳ биринчи ўринда турса-да, унинг замирига беркитилган баъзи бир фикр-мулоҳазалар жуда қимматлидир. Қодирийнинг қисқа ҳажмдаги ишларини нашрга тайёрловчи И.Султонов “Отам ва большевик” ҳикоясини юмористик асар сифатида баҳолайди. Тўғри, ҳикоя юмор билан йўғрилган, лекин бу юмор бутунлай бошқача йўл билан ифодаланган. Суҳбатни ҳикоя қилиб берувчи ўғил, гарчи майнинлик билан бўлса-да, ўз отасини баъзи ҳолларда масхара қиласди. Бу ҳолат янги жамият ва маданият кириб келаётган даврда эски тузум томонидан белгиланган урф-одатларга қарши урилган бонг эди. Анъанага зид бўлган бурилиш, яъни ота ўз ўғлини урушга жўнатиши ўрнига фарзандининг ўз отасини урушга юбориши кўп ёшлилар дунёқарашининг ўзгаришига таъсир этди. Бу ҳикоя балоғатта етган, маърифатпарвар ва соғлом фарзандларни қадимдан давом этиб келаётган анъанага қарши, отанинг чизган чизигидан чиқа оладиган ёшлиарнинг ўқиши учун мўлжалланган”⁹⁰.

Китобхоннинг X. Мурфи фикрлари хусусида яхлитроқ тасаввурга эга бўмишини таъминлаш мақсадида мана шундай узун иқтибос келтиришни жоиз деб билдик. Иқтибосга эътибор қаратсак, олим ҳикоя хусусида фикр билдирап экан, ўзбек адабиётшуноси билан баҳсга киришади. Хусусан, у ота ва ўғил муносабатидаги айрим “янгича” ошкорлашувни, эски урф-одатларга қарши кўтарилган “бонг” дея изоҳлайди. Қолаверса, қайднинг сўнгги жумласини тафаккур чигиригидан ўтказсак, жадидшуноснинг муайян даражада гарбона фикрлаш тарзи бўртиб туришини кўрмаслик мумкин эмас. X.Мурфи “маърифатпарвар ва соғлом фарзанд” деганида, ота-онасидан мустақил, анъанавий ўзбекона урф-одатлар руҳидан баъзи қарашларда мосуво бўлган ёшлиарни назарда тутади.

⁹⁰ Muslims in Central Asia / ChMurphy and etc.;Durham-London: Duke University Press, 1992. P.200.

Мақоланинг хulosавий қисми ҳам диққатга лойиқ: “Қодирий ижодининг илк давриданоқ ўзбек ёшларига таълимтарбия бериш билан қизиқар эди. 1922 йилда ўн ийллик адабий фаолияти, сиёсий ва ижтимоий инқилоблардан сўнг Қодирий фақат таълим-тарбия билан ҳеч бир иш чиқмаслигини яхши тушунади, у ўзбек жамиятини қайтадан тузиш, ислоҳ қилиш ва яхшилаш учун одамлар ўртасида маърифатнинг ривожланнишини кутиб турмаслик кераклигини англаб етади. “Отам ва большевик”да тасвирланганидек, ёшлар ўз оталарининг маслаҳатчиси ва тўғри йўлга солувчилари бўлиб, жамиятни янгилашлари лозимлигини таъкидлайди”⁹¹. Тадқиқотчи юқорида қайд этганидек, Қодирийнинг нафақат бадиий ижодда, ҳаётда ҳам ёшлар таълим-тарбиясига жиҳдий эътибор қаратган зиёли, маърифатпарвар шахс бўлганилиги ҳақида тўғри хulosалар чиқаради. Бундан ташқари, мақоладан яна шу нарса англашиладики, жадидшунос X.Мурфи маърифатни фақат билим олиш, илмли бўлишдангина иборат, деб билмайди. Бу сўзнинг чуқур маъносини, қамров доирасининг чексизлигини илғаб, маърифат, маърифатпарварлик деганда илғор, ривожланган, замонавий, маданий ҳаётни қарор топтиришни ва иқтидорли ёшларни тарбиялаш маъноларини ҳам идрок этади. Янада аниқроқ айтсак, олим маърифатпарварлик – бу жамиятнинг ҳар томонлама ривожидан иборат, деб баҳолайди.

Бу фикрларнинг нечоглик тўғри бўлганини ҳозирги давр – XXI асрнинг бошларидағи ҳаётимиз ҳам кўрсатиб турибди. Юртбошимиз томонидан маърифат ва маънавият масалаларига катта эътибор берилаётгани, хусусан “Юксак маънавият – сенгилмас куч” асарида маърифатнинг жамият тараққиётида тутган ўрни ҳақидағи қимматли фикрлари, ғоялар, концепциялар бунинг ёрқин далилидир. Жумладан, бу борада Президентимизнинг қўйидағи мулоҳазаларини келтириш ўринлидир:

⁹¹ Muslims in Central Asia / Ch.Murphy and etc.; Durham-London: Duke University Press, 1992, pp.197–198.

“Халқимизнинг асл табиатида мавжуд бўлган ана шундай илмий-маънавий салоҳият ва фазилатлар ҳақида гапирав эканмиз, “Оқсан дарё оқаверади”, деган нақл беихтиёр ёдимизга тушади. Чиндан ҳам, тарихимизнинг қайси даврини олмайлик, юртимизда илму маърифат ва юксак маънавиятга интилиш ҳеч қачон тўхтамаганини, халқимиз даҳосининг ўлмас тимсоли сифатида энг оғир ва мураккаб даврларда ҳам яққол намоён бўлиб келганини кўришимиз мумкин.

Масалан, чоризм мустамлакаси даврида маърифат гоясини баланд кўтариб чиқсан жадид боболаримизнинг фаолияти бунга яна бир ёрқин мисол бўла олади. Маҳмудхўжа Беҳбудий, Мунавварқори, Абдулла Авлоний, Исҳоқхон Ибрат, Абдурауф Фитрат, Абдулла Қодирий, Абдулҳамид Чўлпон, Усмон Носир каби юзлаб маърифатпарвар, фидойи инсонларнинг ўз шахсий манфаати, ҳузур-ҳаловатидан кечиб, эл-улус манфаати, юртимизни тараққий топтириш мақсадида амалга оширган эзгу ишлари авлодлар хотирасидан асло ўчмайди”⁹².

Ўзбек жадид адабиётининг узоқ йиллардан буён жаҳон олимлари эътиборида бўлиб келаётгандиги сабабларини Юртбошимизнинг юқоридаги фикрлари билан ҳам изоҳлаш мумкин.

Маърифатпарварлик гоясининг америкалик тадқиқотчи талқинидаги яна бир қирраси шундан иборатки, эски тузумда яшаб, умргузаронлик қилган кекса авлод – “ота”лар ҳаётини, алалхусус, янги тафаккур ва тамаддундан боҳабар ёшларгина “тўғри йўлга” сола билади, уларгина жамиятни янгилашлари лозим”. X.Мурфи Қодирий дунёқарашидаги шу муаммони жуда ўринли таҳдил қилади. Дарҳақиқат, ҳаётда янгиликни кексаларга нисбатан ёшлар тезроқ илгаб олади. Ўзбекшунос жамият ривожида ёшлар фаоллигини тўғри англаб, юқоридаги илмий хуносаларга келади.

Жадидшунос тадқиқотларида “Ўткан кунлар” асари ҳақида ҳам ўз фикр-мулоҳазаларини билдиради. Муаллиф ушбу ро-

⁹² И сл о м К а р и м о в . Юксак маънавият – енгилмас куч. Тошкент: Маънавият, 2008. 49-бет.

маннинг яратилишини анъанавий мумтоз адабиёт ва ўзбек ҳикоячилиги анъаналари билан боғлаб таҳдил этишга интилади. Тадқиқотчи ўз таҳдилий услубига монанд “Ўткан кунлар” асаридан ҳам реал воқеликка мутаносиб бадиий мажозий мазмун ва маъноларни топишга ҳаракат қиласди: “Агар романнинг иккинчи жиҳатини оладиган бўлсақ, муаллиф ушбу эски тузумни ўзгартириш зарурлигини фарзандларнинг пароканда бўлаётган, ҳатто қурбонларга дуч келинаётгани тарзида кўрсатади. Фожиага юз тутган бу жуфтликлар (Отабек, Кумуш)ни ва бошқа барча асар қаҳрамонларининг хатти-ҳаракатларини, туйгуларини ҳис эта олиш, улардан тўғри холосалар чиқариш керак бўлади”⁹³. Олим севишганларнинг фожиавий тақдирини таҳдил этиб, жамиятнинг, ўтмишнинг айрим номаъқул анъана ва одатларини фош этади. Зоро, Қодирийнинг ўзи ҳам тасвир объектини “тарихимизнинг энг чиркин, қора кунлари бўлган кейинги “хон замонлари”дан белгуладим”, дейиши бежиз эмас. Кўринадики, жадидшунос романда муаллиф асос қилиб олган гоя – эски тузумни ўзгартириш, янгича ҳаёт бошлиш лозимлигини тўғри таҳдил қиласди ва бунинг асосида маърифатпарварликни кўради.

Асар таҳдилига янада чуқурроқ кириб борар экан, Х.Мурфи маърифатнинг жамият тараққиёти учун нақадар зарур эканини етакчи қаҳрамонлар ҳаракатидаги аниқ мисоллар билан исбот қилишга ҳаракат қиласди. Иккинчи бир иқтибос эса турли парадоксал мулоҳазаларга чорлайди: “Романнинг дастлабки бобларида Отабек русларнинг идора қурилиши, қўшин кучи ҳақида ўз ҳайратларини яшира олмай Кўқон хонлигидаги танишлари даврасида гапириб берган эди ва у шуни аниқ тушунганки, уларга қарши жанг олиб бориш умид қилиб бўлмайдиган иш. Гарчи, Отабек бу урушда ғалаба қозонишига умидсиз бўлсада, урушга кетади, бу эса китобхонни чуқур мулоҳаза юритишга чақирадиган яна бир мураккаб, рамзий маъно касб этади”⁹⁴.

⁹³ Muslims in Central Asia / Ch.Murphy and etc.; Durham-London: Duke University Press, 1992. P.199.

⁹⁴ Muslims in Central Asia / Ch.Murphy and etc.; Durham-London: Duke University Press, 1992. P.200.

Назаримизда, бу ўринда олим бош қаҳрамон характеридаги ушбу масалага муносабатдаги моҳиятни етарлича тушуниб етмаган. Иккинчидан, ёзувчи томонидан ўз қаҳрамони характерига юкланган мақсад-моҳиятни етарлича идрок этмаган. Учинчидан эса, қаҳрамон характеридаги намоён бўлувчи бадиий тадриж муаммосини назардан қочирган.

Олим Отабекнинг урушга кетиш сабаби турлича рамзий маънолар талқинига ҳам асосланган, демоқчи бўлади. Жумладан, **биринчи муроҳаза:** чор Россияси босқинчиларига бас келиш мумкин эмаслигини тушунган ҳолда қаҳрамоннинг урушга жўнаш сабабини жамиятга қарши норозилик сифатида баҳолаш. Бундан ташқари, аслида бу ҳаракат руҳият ва онгдаги истибоддага қарши уйғониш ҳам эмасмиди?

Иккинчи муроҳаза: Отабек учун ҳаёт маънисиз бўлиб қолди, унинг ҳаракатини тақдирга қарши исён сифатида ҳам баҳолаш мумкин. Лекин тақдирга қарши бу исён замирида, шу тақдирга тушов солган куч ичидан мустабидлик ҳам пинҳон эканлигини Отабек англамаган, деб ким айта олади?

Учинчидан, империянинг мустамлакачилик сиёсатини англаб, миллат эрки, мустақиллиги ҳақида қайгуриб, эркесвар, ҳаётсевар, ватанпарвар шахс сифатида шаклланиб келаётган эди. Мана шу руҳ унинг қалбида оташга шай бўлган вулқон каби етилиб бормоқда эди. Ва ниҳоят, энг муҳими, бу масала замирида ёзувчининг наинки эстетик, балки ижтимоий ва сиёсий идеали ҳам ифодаланганини назардан қочирмаслигимиз лозим бўлади.

Х.Мурфи Қодирийнинг “Тинч иш” ҳикоясидаги маърифатпарварлик ғоялари ҳақида ҳам бирмунча эътиборли фикрлар билдирган. Америкалик олим “ёзувчи ижодининг ilk даврларида яратилган асарлари уламо, бойларни танқид қилишга қаратилган”, дейди ва бунга мисол қилиб “Тинч иш” ҳикоясини кўрсатади: “Қодирий ушбу асарида қотиб қолган ғоя ва таълимотга асосланган билимларни ўрганувчи, яъни таълим олишга ижодий ёндашмайдиган, ташаббуси йўқ муллани танқид остига

олади... Бу асарда фош этилган иллатлардан бири – дастлабки асарларида ҳам тасвирланган билимсизлик ва лоқайдлиқdir. Агар ҳикоя фақатгина дин пешволарини бир томонлама танқид қилишдан иборат бўлганида, асар бу даражада таъсири бўла ол-мас эди”⁹⁵.

Х.Мурфи “Тинч иш” ҳикоясининг туб моҳияти ҳақида тўғри хulosага келади. Лекин “Қодирий илк асарларининг барчаси уламо ва бойларни танқид қилишга қаратилган”, деган мунаққид фикрига баъзи эътиrozларимиз бор. Аксар дин вакиллари, шу жумладан домла ёки элликбошига ўхшаган зиёли ва пешволар жабрдийда оммани сўзи билан бошқара оладиган даражада бўлса-да, улар аксар ҳолларда маърифат тарафдори бўлмаганликларини инкор эта олмаймиз. Лекин, улар орасида ҳам ҳалқ илмли бўлишини хоҳловчи илғор фикрли уламолар бўлган. Баъзи асарларда аксар дин вакиллари, хусусан, уламолар маърифатга, янгиликка қарши курашувчилар тимсолида гавдалантирилган. Лекин, Беҳбудийнинг “Падаркуш” пьесасидаги Домулла, Қодирийнинг “Бахтсиз куёв” драмасидаги Элликбоши образлари маҳаллий ҳалқ вакили, маърифатпарвар миллатдошларнинг ҳақиқий тимсоли сифатида талқин этилган.

А.Холид⁹⁶ жадид асарларидағи маърифатни тарғиб қилувчи образлар ҳақида фикр билдириб, рус кишилари жадидлар прототипи қилиб олинган, деган фикрни билдиурса, Э.Каримов⁹⁷ давр маърифатпарварлик гояларининг маълум бир жиҳатлари европаликлар образида жамланган, дея таъкидлайди.

Лекин жадид асарларида бевосита ерлик ҳалқ вакиллари образлари акс эттирилган бадиий ижод намуналари ҳам оз эмас.

⁹⁵ Muslims in Central Asia / Ch. Murphy and etc.; Durham-London: Duke University Press, 1992, pp.194–195.

⁹⁶ Russia’s Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini, A.Khalid and etc.; ed.Daniel R.Brower and E.J.Lazzerini.-Bloomington: Indiana University Press, 1997. P.189.

⁹⁷ Каримов Э. А. Развитие реализма в узбекской литературе. Ташкент: Фан, 1975. С. 99.

Чунончи юқорида таъкидлаганимиздек, Қодирийнинг “Бахтсиз куёв” драмасидаги Элликбоши, Беҳбудийнинг “Падаркуш” пьесасидаги Домулла маҳаллий халқ вакилларининг образлари-дир.

Бу образлар юқорида олимлар фикрларини тўлиқ қабул қиласмигимиз мумкинлигини далиллайди. Қайд қилинган ҳар икки бадиий асарда европаликлар ёки руслар эмас, маҳаллий аҳоли вакиллари бўлмиш ватандошларимиз образлари маърифат гояларини тарғиб қилишда етакчи роль йўнайди.

Яна шуни алоҳида таъкидлаш керакки, аксар жадид адаблари ўз асарларида илғор миллатдошларини маърифат учун курашувчилар сифатида талқин қилишни хоҳдашган, аммо мустабид тузум, давр, чор цензураси бунга йўл қўймаган. Шу туфайли улар ватанпарварлик йўлидаги орз-умидларини баъзан бошқа миллат вакиллари, хусусан, руслар, европаликлар тимсоли орқали талқин қилишга мажбур бўлишган. Лекин баъзан етакчи қаҳрамон рус ёки европаликлар бўлишига қарамасдан, жадидлар шу образ ва бошқа персонажларга муносабат ҳамда уларнинг нутқи орқали халқимизнинг маърифатга интилиши, шу йўналишда нималар қилиш зарурлиги ҳақидаги ўйларини юртдошларимизга етказишга ҳаракат қилганлар. Иккинчидан, жадид драматургиясида етакчи персонаж билан бирга иккинчи даражали образлар ҳам ўз қараши, характеристи, нутқи, портретига эга бўлишини унутмаслик лозим. “Бахтсиз куёв” драмасидаги Элликбоши, “Падаркуш” пьесасидаги Домулло образларини маданий-маърифий ислоҳотлар тамойилидан келиб чиқиб тадқиқ қилсак, улар асар гоясини ташувчи бош бадиий образлар қаторида туради, дея оламиз. Чунки ҳар икки драмадаги ушбу қаҳрамонлар бошқа персонажларга, уларнинг характеристи, маърифатга бўлган интилишига, тараққийпарвар фикрларни ҳаётга татбиқ қилиш йўлидаги ҳаракатларига фаол таъсир кўрсатадилар.

Адабиётшунос Э. Каримов фикрича, Элликбоши – рационалист. Унинг гояси маърифатпарварларнинг дастури каби

чуқур мулоҳаза ва мантиққа асосланган. У аниқ дунёқарашга эга. Шу билан бирга фожиавий фигура⁹⁸. У Файзобой образига таъсир этаркан, барча ота-оналарни ижтимоий адолатга чорлайди, уларни маърифатга чақиради⁹⁹.

Юқоридаги мулоҳазалардан кўриниб турибдики, жадидлар дин вакилларига, уларнинг шахсий фазилат ёки қусурларига муносиб тарзда турлича, аниқроқ қилиб айтганда, реал муносабатда бўлишга интилишган. “Падаркуш”, “Бахтсиз куёв” асарларида европалик ёки руслар эмас, татар зиёлилари, қолаверса, маҳаллий аҳоли вакиллари бўлмиш ватандошларимиз образлари маърифат гоялари тарғиботида етакчи роль ўйнайди. Шунингдек, ҳатто жадид адабиёти даврида ҳам дин вакиллариниг ҳаммаси бирдек ижобий ёки салбий бўлиши мумкин эмаслигини, давр ижодкорларининг маърифатпарварлик, миллатни саводли қилиш билан боғлиқ ислоҳотларни маҳаллий халқ вакиллари тимсолида чиройли бир тарзда намоён эта олганлигини яна бир бор эътироф этиш лозим. Шу ўринда ўтган асрнинг 20–30-йилларида рус ёки европа кишисини деярли доим ижобий тасвираш, давр сиёсати билан алоқадор бўлганини ҳамда жадид қиёфасини ўзбек миллатига мансуб образ тимсолида очиқ, эмин-эркин тасвираш осон бўлмаганини ҳам унутмаслигимиз керак. Адабиётшунос А.Жалолов жадид адабиёти намуналари, хусусан “Падаркуш”даги етакчи гоялар таҳлилига тўхталиб, Беҳбудийнинг маърифатпарварлик, тараққийпарварлик ҳақидаги юксак қарашлари Домла ва Зиёли образларига моҳирлик билан сингдириб юборилганлигини таъкидлайди¹⁰⁰.

⁹⁸ К а р и м о в Э. Развитие реализма в узбесской литературе. Ташкент: Фан, 1975. С.136.

⁹⁹ Қаранг: Абдулла Қодирий. Бахтсиз куёв / Нашрга тайёрловчи Ш.Ризаев; Ризаев Ш. Жадид драмаси. Тошкент: Шарқ, 1997. 176–194-бетлар.

¹⁰⁰ Ж а л о л о в А. Ўзбек маърифатпарварлик адабиётининг ривожланиш жараёни: Филол. фанлари док. дисс. ... Тошкент: ЎзРФА ТАИ, 1994. 99-бет.

Х.Мурфи изланишларидағи айрим қарашлар турли баҳс-мунозараларга сабаб бўлса-да, у бошқа ўзбекшунос америкалик олимлар Э.Олворт, А.Холидлар сингари бадиий асарлардаги, аниқроги, биз объект сифатида ўрганаётган маърифатпарварлик ва унга зид бўлган жаҳолат, билимсизлик, қолоқлик иллатларини атрофлича талқин этишга ҳаракат қилади. Хусусан, Қодирий ҳикоялари ва романларидағи маърифатпарварлик гояси Х.Мурфи таҳлили ва талқинида кенг кўламда тадқиқ этилгани юқоридаги хўлосамизга тасдиқ бўла олади.

Ўтган асрнинг 20-йиллари адабиётининг асосий мавзу мундарижаси ҳисобланган маърифатпарварлик ғоялари жадид даври адабиётининг ҳамма жанрларида ўз ифодасини топган эди. Жумладан, шеърият ҳам маърифатпарварлик ҳаракатларини амалга оширишда муҳим ташвиқот манбаи сифатида хизмат қилди. Бу даврда Фитрат, Абдулла Авлоний, Ҳамза, Беҳбудий, А.Мажидий, ҳатто Абдулла Қодирий каби ижодкорлар у ёки бу даражада ҳалқни илм олишга чорловчи шеърлар яратдилар.

Америкалик олим Х.Мурфи Қодирийнинг насрый асарлари қаторида “Аҳволимиз” шеъридан айрим мисраларни таҳлил қилиб, ўз фикр-мулоҳазаларини келтиради: “Қодирийнинг 1913 йилдаги қарашларини акс эттирган:

*Кўр бизнинг аҳволимиз, гафлатда қандай ётамиз,
Аҳлимизга на адаб, на фан, на яхии сўйламоқ,
На Худонинг буйруги бўлгон илм ўргатамиз*

мисраларидаги манзарада ислоҳотчининг асосий мақсади оддий ва аниқ тилда тасвиrlenган. Бу вақтгача ижтимоий шароитлар оқибатида одамлар жуда суст, пассив, ҳаракатсиз бўлиб қолганлар ва натижада ўз болаларига дин асосларини ўргатишдан ҳам чекинар эдилар¹⁰¹. Тадқиқотчи муаллифнинг ушбу қисқа ҳажмли

¹⁰¹ Muslims in Central Asia / Ch. Murgphy and etc.; Durham-London: Duke University Press, 1992. P.193 (Шеърнинг инглизчалаштирилиши билан боғлиқ таҳдилларга монографиянинг З-бобида батафсил тўхталамиз – З.М).

шеъридаги тасвирлаш услубини, унинг мавжуд аҳволини жуда содда тилда акс эттирганлигини тўғри эътироф этади. Лекин, инглиз китобхонларига адидаги бундай тасвир услубига асос бўлган сабаблар ҳақида ҳеч қандай маълумот бермаган. Чиндан ҳам жадидлар халқ оммасига етказмоқчи бўлган бадиий-ғоявий мақсадларини имкон қадар содда, тушунарли тилда ифодалашга ҳаракат қилишган. Буни ўз вақтида Қодирийнинг ўзи ҳам эътироф этган эди¹⁰². Лекин, маърифатпарварлик, истиқолол йўналишидаги асарларга муносабат ўзгариб, сиёсий вазият мурakkabлашгач, жадидлар ғоявий мақсадларини асарнинг яширин моҳиятига сингдириб, уларни ифодалашда турли бадиий тасвир воситаларидан, рамзий образлардан фойдаландилар ва тасвирлашнинг тагзамин усулини қўллай бошладилар. Шароит тақозоси билан рамз (символизм) ва мажоз (аллегория) давр ижодкорлари учун “маҳсус тил” вазифасини бажарди. Фитратнинг “Ўқитғувчилар юртига”¹⁰³ шеърини маърифатпарварликни тарғиб этишда бадиий тасвир воситаларидан фойдаланишининг гўзал намунаси сифатида кўрсатиш мумкин.

Америкалик олимлар жадид шеъриятида илгари сурилган маърифатпарварлик ғояларини бадиий жиҳатдан атрофлича таҳдил этмаганликлари, улардаги бадиий тасвир воситалари, рамзий образлар тасвирининг илмий тадқиқига чуқур эътибор бермаганликлари боис, уларнинг бу борадаги қарашларига мурожаат этмадик.

Жадид шеъриятида етакчи мавзу сифатида айни маърифатпарварликнинг акс этиши миллый уйғониш адабиётининг тадрижий такомилини кўрсатади. Бунингсиз жадид адабиётини тасаввур қилиш қийин. Шу гоя туфайли жадид адабиёти ўз даври учун ҳаёт-мамот масаласига айланган муаммоларни ёритган. Шундай вазифалардан бири халқни саводли қилиш эди. Барча

¹⁰² Қаранг: А б д у л л а Қ о д и р и й. Ижод мاشаққати. Тошкент: Ўқитувчи, 1995. 14-бет.

¹⁰³ А б д у р а у ф Ф и т р а т. Танланган асарлар. 1-жилд. Тошкент: Манавият, 2000. 42–43-бетлар.

жадид адиллари ўз асарларида, улар қайси жанрда яратилишидан қатъи назар бу масалага жиddий эътибор беришган.

Бизнингча, америкалик тадқиқотчилар маърифатпарварлик гоялари акс этган шеърларни таҳдил қилмаганликларига сабаб, уларда сиёсий қарама-қаршиликлар, аниқроғи ҳукумрон мағкурага қарши фикрлар насрдаги каби кескин ёки деярли мавжуд эмаслиги бўлса керак.

Америка жадидшунослари ўз изланишларида ўрганилган жадид асарларидаги маърифатпарварлик гояларининг бадий-гоявий талқини уларнинг тадқиқотлари юзасидан қуидагича назарий хулосалар чиқаришга имкон берди:

биринчидан, америкалик тадқиқотчилар жадид адабиётидаги маърифатпарварлик гояларининг ёритилиши масаласини таҳдил қилишда бадий асарларда иштирок этувчи қаҳрамонлар исмлари, асарларнинг мавзуси ва гояси, мазмунидан рамзий маъноларни топиб, ўзбек олимлари эътиборидан четда қолган жиҳатларни ўрганиб, асар муаллифларининг ўзига хос қирраларини тадқиқ этишга интилганлар.

иккинчидан, улар маърифатпарварлик гояси тарғиботини ёзувчи шахсияти, таржимаи ҳоли, у яшаб турган мұхит, жамият билан боғлиқ ҳолда ўрганадилар;

учинчидан, америкаликлар жадид адабиётида етакчи ўринда турган маърифатпарварлик гояларини гарбона дүнёқарашларидан келиб чиқиб таҳдил қиладилар ва улар томонидан билдирилган хулосаларнинг баъзилари баҳс-мунозараларга сабаб бўлади;

тўртинчидан, АҚШ олимлари тадқиқ учун обьект сифатида танланган давр адабиёти намуналаридағи маърифатпарлик гояларини ўрганиш, айрим ўринларда, ўзбек адабиётшунослигига маълум бўлган жиҳатлар хусусида ҳам батафсил тўхталиб, илмий маълумотларни қайта такрорлашга ҳам йўл қўядилар;

бешинчидан, Америка ўзбекшунослари томонидан жадид шеъриятидаги маърифатпарварлик гояларининг ифодаланиши бадий-гоявий жиҳатдан чуқур таҳдил этилмаган.

Миллий истиқлол ва миллатпарварликнинг ғоявий-бадиий таҳлили

ХХ аср нафақат ўзбек халқи тарихида, умуман, бутун инсоният ҳаётида тамаддун ривожи жиҳатидан энг шиддаткор ва айни пайтда фожиаларга тўла аср бўлди. О.Шарафиддиновнинг “Истиқлол фидойилари” рукни остида чоп этилган рисоласи сўзбошисида Бобур Алимов бу ҳақда шундай ҳаққоний эътироф этади: “Тарихшуносларимизнинг қайдича, ХХ аср жаҳон тарихидаги энг машъум, фожиали юз йиллик бўлиб қолса ажаб эмас. Чунки бу асрда инсоният ўз қавмини маҳв этишнинг кўз кўриб, қулоқ эшитмаган усулларини ўйлаб топди. Шу асрда турли ноҳақлик, зулм, зўрлик туфайли қатағон қилинган ўзбеклар сони миллионларга тенг бўлса, бунга шубҳа йўқ. Асримиз тонгида отилиб майдонга чиқсан юзлаб фидойи зиёлиларимиз ўша миллионлар сирасида. Биз бугун жадидчилик ҳаракати деб гурур билан баралла айттаётган ижтимоий ҳодиса бугунги истиқлолимиз учун ўша даврлардаёқ кураш бошлаган эди”¹⁰⁴.

Мунаққид тўғри таъкидлаганидек, жадид адабиётини том маънода истиқлол адабиёти, миллатпарварлик адабиётининг сарчашмаси, илк дебочаси дейиш мумкин. Европа, жумладан, Америка олимларининг тадқиқот объекти ҳам моҳият жиҳатидан жадид адабиётидаги ватанпарварлик, истиқлол, юрт мустақиллиги учун кураш каби етакчи ғояларга багишлиланглиги билан эътиборли. Ўтган асрнинг 50–70-йиларида илмий изланишлар олиб борган Э.Олворт, А.Бенингсен, В.Хоновей ва бошқа тадқиқотчиларнинг асарларида сиёсий қарашлар устувор бўлганлиги учун уларнинг жадид адабиёти таҳдилига оид

¹⁰⁴ Шафадинов О. Мустафо Чўқай, Чўлпон, Отажон Ҳошим. Тошкент: Шарқ, 1993. З-бет.

фикрларининг барчасига эмас, балки адабиётшунослик мезонлари асосида билдирилган объектив таҳдилларигагина муносабат билдиришни жоиз деб билдик.

Агар илмий тадқиқот ва изланишлар муаллифлари ўз ишларида ўрганилаётган бадиий асарга холис фикр билдирысаларгина, бу ишлар кейинги тадқиқотлар учун манба вазифасини бажариши мумкин.

Ўрганилаётган даврда шўролар сиёсатининг мағкурадаги сиёсий тазиёти туфайли жадид ёзувчилари ижодида рамзий образларга мурожаат кучайди. Жумладан, мажозий-аллегорик образлар бир қатор ёзувчиларимиз ижодида бўй кўрсата бошлади. Улар ўзларининг дилдаги яширин орзу-истакларини, мустабид тузум туфайли ҳукмронликни эгаллаган корчелонларга нисбатан нафрат ва ғазабларини бевосита ана шу образлар орқали ифодалай бошладилар. Масалан, аср бошидаги жадид адабиёти намуналарида Чаён образи жиддий рамзий-мажозий маънони ифодалаган.

Э.Олворт 1920 йиллар ўзбек адабиётида қўлланилган аллегорик (allegorical) образлар ҳақида тўхталар экан, жадид асарларида кўп учраган Чаён образи ҳақида қўйидаги фикрни айтади: “Чаён образи ўзбек адабиётида мустамлакачилар Туркистонни босиб олишларидан анча олдин ёки большевиклар бу номни ўзларига орттиришларидан бурун ҳам мавжуд бўлган... 1914 йилда Ҳамза “Тошбақа билан Чаён” номли қисқа шеърий асарини яратиб, Чаён образига янгича талқин берди. Шу йилларда яратилган йирик асарлардан бири А.Қодирийнинг романи ҳам “Мехробдан чаён” деб номланган. Ҳатто 1918–1919 йиллардан кейин нашр этилган икки ўзбек рўзномаси ҳам “Чаён” ва “Чол чаён” деб аталган”¹⁰⁵.

Кўринадики, америкалик тадқиқотчи жадид адабиётига хос бўлган эрк, миллий истиқдол, миллатпарварлик гояларининг

¹⁰⁵ Allworth E. Uzbek Literary Politics. The Hague: Mauton and Co., 1964. P.239.

ифодаланишини ўрганар экан, рамзий образларга алоҳида тўхталади. Бадиий асардан кўпроқ мафкуравий гояларни изласа-да, олимнинг ёзувчи яширин берган маъноларни топишга, аллегорик рамзларни гапиртиришга ҳаракат қиласиган кузатилади ва бизнинг назаримизда, унинг шу тарздаги таҳдил йўсини ўзини оқлаган.

Аниқ фактларга мурожаат қиласиган Э.Олворт жадид адабиётида кўп учрайдиган Чаён образи хусусида билдириган илмий мушоҳадалари билан ҳақ, деган холосага келдик. Хусусан, олим бу образнинг нафақат XX аср жадид адабиёти намуналарида учраши, балки унинг генезислари мумтоз адабиётга бориб боғланишини таъкидлаб, Гулханий ижодида учрайдиган “Тошбақа билан Чаён” масалини эстга олади.

Биз Чаён образининг генезиси ва бадииятини аввало ҳалқ оғзаки ижодидаги табу ва эвфемизм билан боғлаган бўлар эдик.

Э.Олворт ўз фикрларини қуидагича давом эттиради: “Ўша йиллардаги асарларда, рўзнома, ойномалардаги мақолаларда учрайдиган Чаён образида умумий бир яхлит жиҳат мавжуд. Ўзбек адабиётида Чаён заҳарханда, ёмон, ёвуз кишилар образи сифатида намоён бўлган. Бу ҳам советлар сиёсатига қарши пайдо бўлаётган норозиликнинг бир кўриниши”¹⁰⁶. Америкалик олим ушбу фикрида яна юқоридаги “анъанаси” ни очиқ намоён қилиб, субъектив фикр билдириган. Зотан, ушбу даврдаги Чаён образи зинҳор советлар сиёсатига қарши эмас. Ушбу мажозий образ орқали ўзбек адабиётида пайдо бўлаётган норозилик ифодаси, ўрни келганда, умуман салбий шахслар, маҳаллий ҳукмдорлар, масалан, Абдураҳмон (“Мехробдан чаён”) га ўхшаган кишиларга ҳам нисбат берилган. Шунингдек, Чаён образи генезиси ва бадииятининг ҳалқ оғзаки ижодидаги табу ва эвфемизм билан боғлиқлиги, Э.Олворт таъкид этган Гулханийнинг “Тошбақа билан Чаён” масалидан ҳам маълум.

¹⁰⁶ Allworth E. Uzbek Literary Politics. The Hague: Mauton and Co., 1964, pp. 239–240.

Истиқдол учун кураш олиб борган адилар ўз замонасида содир бўлган воқеаларга муносабатларини, сиёсий ва ижтимоий мустақилликни қўлга киритиш учун олиб борилаётган ислоҳотларини очиқдан-очиқ ўз асарларида акс эттира олмас эдилар. Зеро, бу даврда истиқдол руҳини ҳалқа сингдиришини бурч ва вазифа деб ҳисоблаган жадид ёзувчилари пролетар танқидчилари томонидан ҳамиша қаттиқ сиқув остида тутиб турилган. Ҳатто мажозий асарлар орқали ҳам ижтимоий мақсадларни амалга ошириш улар учун осон кечмаган. Бу давр ёзувчилари ўз ижодида фойдаланган мажозий образларнинг маъноларини тушунтириб беришга мажбур қилинар эди. Шу боис улар сиёсий мақсадларни имкон қадар асарнинг ғоявий мазмунига, мавзу мундарижасига эҳтиёткорлик билан сингдиришга ҳаракат қилгандар. Кейинчалик эса жуда кўп асарларда истиқдол ва мустақилликни ифодаловчи мотивлар аниқ, ошкоша ифода этила бошлади.

Шу ўринда миллат, ватанпарварлик муаммоларини ёритиш учун “махсус тиа” вазифасини бажарган “символизм” “аллегория” ҳақида, шунингдек, улар ўртасидаги яқинлик ва тафовутлар хусусида қисман тўхталиш жоиз, деб ҳисоблаймиз. Бизнингча, миллатпарварлик, истиқдол ғоялари акс эттирилган асарларда қўлланилган ушбу ҳар икки (символ ёки аллегория) образли тафаккур тушунчасида жадидлар даври билан боғлиқ ҳолатлар мавжуд. Жадидлар мамлакатдаги вазиятни тўла англаб, тузум сиёсатига бўлган норозилкларни дастлаб рамзий-мажозий образларда, символик асарларда ифодалаганлар. Маълумки, адабиётшунослик атамаларининг русча-ўзбекча изоҳди лугатида символизм (XIX аср охири – XX аср бошларида) ижтимоий-сиёсий мақсадларни ифодалаш учун юзага келганлиги тўғрисида фикр мавжуд. Аллегория эса нисбатан олдинроқ пайдо бўлган. Символизмнинг ўзбек адабиётида юзага келиши билан жадидларнинг шаклланиш даври яқинроқ. Улар бадий адабиётда аллегориядан кўра кўпроқ символизмдан кенг фойдаланишган. Аллего-

рик образ символ образга нисбатан фикрни аниқроқ ифодалайди ва унда катта ижтимоий муаммоларни акс эттириш имкони кенг. Иккинчи томондан, аллегорик образ орқали намоён этилган фикрни оддий халқ ҳам тез ва осон илгай олиши мумкин. Вазият мураккаблашгач, жадид ижодкорларига бундай усулдан фойдаланиш қийин кеча бошлади. Шу боис образни фикрнинг бошқа йўналишига мурожаат қилиш кучайди. Символизм (рамз) йўналишида фикрлаш ижобий натижалар бера бошлади. Чунки шеърий (поэтик) рамзда катта ижтимоий мазмун, шоир нияти зоҳирий композицияда акс этади. Образ моҳиятига яши-ринган фикрни ўқиш, аниқроғи, ўқиш учун ўқувчидан юксак мушоҳадага эга бўлиш талаб этилади. “Рамзий мажоз асосига қурилган шеърларда ифода этиувчи мазмун-маъно рўйирост, очиқ айтилмайди ва символ учун танланган предмет-нарса ўз моҳиятига кўра кўп маънолидир”¹⁰⁷, – дейди Асқарали Шаропов рамзий-мажозий асарлар ҳақида фикр юритиб. Фитратнинг “Миррих юлдузига”, “Мунозара”, “Қор”, Чўлпоннинг “Бузилган ўлкага”, “Ёруғ юлдузга”, “Бинафша”, “Хазон” ва бошқа асарлари ҳам шундай рамзийлик асосига қурилган.

Э.Олворт “аллегория”, “символизм” каби атамалар ҳақида фикр билдираркан, Фитратнинг “Миррих юлдузига” (“To Mars”) шеърини озодликни рамзий образлар воситасида тараннум этувчи асарларнинг гўзал намунаси сифатида баҳолайди, ҳатто уни инглиз тилига ўгириб, таҳлил қиласи. Шу маънода америкалик тадқиқотчи биз учун наинки адабиётшунос олим, балки айни вақтда Фитрат, Беҳбудий бадиий меросини, халқаро миқёсда тарғиб ва ташвиқ этувчи таржимон сифатида ҳам қимматлидир. У шеърдаги бош гоя (мустамлакачиликдан хўрланган ўлканинг ҳолати) ни тўғри англаган, лекин шеър таҳлилида бирмунча саёзлик сезилади. Асарнинг бадиияти, Фитрат иходига хос хусусиятларни сақлаш, сатрларга сингди-

¹⁰⁷ Шаропов А. Оламлар ичра оламлар. Тошкент: Ғафур Ғулом номидаги Адабиёт ва санъат нашриёти, 1978. 53-бет.

рилган кўчма, ички маъноларни аниқлаш олим учун қийин кечган кўринади.

Шеърнинг ички моҳиятига чуқурроқ кириб борилса, унда муаллиф нафақат чор ҳукумати сиёсатидан хўрланиш, балки “ўксуз йўқсилнинг қонин чогир каби ичкан” ерлик амалдорлар зулмидан азобланганлар фарёдини ёритишни ҳам мақсад қилиб қўйилганлигини кўрамиз. Бундан ташқари, ушбу шеърда ватанпарварларни “халқ душманига” чиқарган, ғоявий кураш майдонида юрт фидойиларига қарши чиққан “икки юзли ишбузар, ўртоқ”ларнинг хиёнатидан бағри қон бўлган лирик қаҳрамоннинг фифону нолалари ҳам мужассамлашган. Бу сатрлар билан шоир “қорин-қурсоқ, мансаб, обрў йўлида элини, юртини, борин-йўғин сотқон” ҳукмрон мафкуранинг ерлик малайларига ҳам ишора қилган. Оддий рамзий символик образ – юлдузга муаллиф Туркистондаги жамики зулм, ижтимоий, маданий ва маънавий истибодод, оғирликларни сидира олган.

Тадқиқ этилаётган даврдаги икки томонлама зулмнинг даҳшатли кўринишлари ва оқибатларини нафақат Фитрат, балки бошқа ижодкорлар ҳам ўз асарларида акс эттиришга интилганлар. Хусусан, Анбар Отиннинг қўйидаги тўртлигига Фитрат замонидаги муҳит янада яққолроқ тасвириланган:

*Ва лекин ҳукмронлиқ важҳидин охир бўлиб ишилар.
Яроқлар икки хил, зарбидин оғриқ бедаво бўлди...
Қилич ёнига, тўппонча қўшулиб ҳайбати ошиди.
Ки аксар пойловчилар ҳибсда мотамсаро бўлди¹⁰⁸.*

Жадид адабиётининг етук намояндалари ўз асарларига мавзу танлашга жиiddий эътибор беришган. Мирриҳ юлдузи Фитрат учун маълум маънода Озодлик, Эрк, Баҳт тимсоли. Санъаткор юқоридаги тушунчаларни ўзида мужассамлантирган юлдузни она-Ватанидан нақадар узоқда жойлашганини би-

¹⁰⁸ А н б а р О т и н . Шеърлар, Рисола. Тошкент, 1960. 27-бет.

лади ва Миррихга мурожаат қила туриб, ўз ҳалқининг турмуш тарзи учун янада қаттиқроқ руҳий изтироб чекади. Жумладан, шоирнинг Озодлик (хуррият) рамзи бўлмиш Миррихга мурожаатида шундай сатрлар бор:

*Гўзал юлдуз, еримизнинг энг қадрли туқгани
Нега биздан қочиб мунча узоқларга тушибсан...?¹⁰⁹
Бизнинг ерда бўлиб турган тубанликлар, хўрликлар,
Сўйла, юлдуз, сенинг даги қучогингда бўлурми?*

Озодликка интилиш туйғусини шоир Юлдуз орқали ифодалайди. Истиқдол ҳақидаги истакни унинг рамзи сифатида тақдим этилаётган предмет моҳиятига яширади. Фикр ичидаги фикр муаллиф мақсадини ифодалаш усулидир. Фитрат ижодида, хусусан шеърларида Туркистондаги миллий адолатсизлик билан бирга зулмнинг барча кўринишлари бадиий образлар орқали акс эттирилганлигини унинг яна кўплаб бошқа асарларида ҳам кўрсатиш мумкин.

Юлдуз образига мурожаат жадид адабиётида кўп учрайди. Фитрат Юлдуз тимсолидан Туркистонга истиқдол шабадалари ни олиб келишини, юртда “яширин ётган пардаларни, зулматни” ўз “нури билан йиরт”иб ташлашини сўрайди. Юлдуз – ёруғлик тимсоли. Чўлпоннинг “Ёруғ юлдуз”га шеърида ҳам у “Парвардигорнинг тимсоли”¹¹⁰ сифатида қўлланилган.

Чўлпон поэзиясидаги лирик қаҳрамон ўзлигини, шахсиятини ифодаловчи “мен” дарди ҳалқ дарди билан уйғунлашиб кетган. Шоир шеърларида юртга содиқлик туйғуси, ўзига хос нағислик, гўзаллик ва латофат, сатрларидағи таъсиричанлик, турли хил рамз ва метафора воситасида бадиий ифодаланади.

Чўлпон лирикасининг асосини, шубҳасиз Истиқдол ва Ватанпарварлик ғоялари ташкил этади. Америкалик ўзбекшунос

¹⁰⁹ А б д у р а у ф Ф и т р а т. Танланган асарлар. 1-жилд. Шеърлар, настрий асарлар, драмалар. Тошкент: Маънавият, 2000. 36-бет.

¹¹⁰ К а р и м о в Н. Истиқдолни уйғотган шоир. Тошкент: Маънавият, 2000. 8-бет.

олимларнинг илмий изланишларида ҳатто Чўлпон лирикасидаги соғ бадиий ифодаларга ҳам ортиқ даражада сиёсий тус бериб шарҳлаш кузатилди. Улардаги гўзал сатрлар ҳам фақат “қора ўйин” учун хизмат қилиш билан чегаралангандек таассурот қолдиради. Адабиётшунос И.Ҳаққул ёзади: “Адабий асарга, айниқса шеърга сиёсий тарафкашлик билан ёндашилганда талқинда холислик бўлмайди. Шеър таркибидан чиқарилиши зарур бўлган ички маъно, яъни образли моҳият четда қолиб, унга айтарли алоқаси йўқ фикр-мулоҳазалар илгари сурилади. Бу камчилик Чўлпон шеърларини таҳқирлаб ёхуд танқид қилиб келган ўзбек совет олимлари учун қанчалик хос бўлса, Чўлпон шеърларини мақтаб, уларга юксак баҳо берган хориждаги олимларнинг ишлари учун ҳам шунчалик хосдир”¹¹¹. Дарҳақиқат, юқорида эътироф этилган ҳолат бизнинг тадқиқот объектимиз ҳисобланган америкаликларнинг айрим ишларига ҳам бевосита тааллуқлидир.

Э.Олворт “Ўзбек адабий сиёсати” монографиясида Чўлпон ҳақида сўз юритиб, “Куз” шеъридаги бошига булат, қора кўланка ташланган ўлка бу Шарқ – Туркистон тимсоли эканлигини тўғри таъкидлайди. Чўлпоннинг истиқдолни тараннум этувчи ушбу шеърини ёш американлик таржимонлардан бири – Ж.Маккейн тўлиқ инглизчалаштирган¹¹². Таниқли ўзбек олимлари Н.Каримов¹¹³ ва Б.Қосимов¹¹⁴ “Куз” таҳдилига багишланган тадқиқотларида шоир Туркистонни назарда тутганигини қўллаб-қувватлайдилар. Ўз монографияларида бу олимлар Э.Олворт таъкидини тўлдириб, Чўлпон шеърларида “Шарқ эли” сўzlари замирида фақатгина ўзбек халқини кўзда

¹¹¹ Ҳаққулов И. Чўлпон шеъриятининг хорижда ўрганилишига доир // Ўзбек тили ва адабиёти. Тошкент, 1992. 3–4-сон. 20-бет.

¹¹² Маккеин Ж. Буюк Чўлпон шеърияти инглиз тилида // “Ўзбек сўзи”. Американинг ўзбек тилидаги биринчи газетаси. 2000, 17 март.

¹¹³ Каримов Н. Истиқдолни уйготган шоир. Тошкент: Маънавият, 2000. 68-бет.

¹¹⁴ Қосимов Б. Миллий уйғониш. Тошкент: Маънавият, 2002. 369–371-бетлар.

тутмаганини, ўша йилларда ўзбек халқи билан бирга Россия империяси тасарруфидаги бошқа туркй халқлар ҳам, Англия исканжасида яшаган ҳиндлар ҳам назарда тутилганини тўғри эътироф этишади. Кўринадики, адабиётшунос Н.Каримов ва Б.Қосимовлар Э.Олвортга нисбатан масала моҳиятига анча теранроқ назар солиб, атрофлича мұлоҳаза билдирадилар. Ҳақиқатан ҳам Чўлпон Шарқ деганды нафақат Туркистонни, балки истибдод остидаги бошқа Шарқ мамлакатларини ҳам назарда тутган ва буни ўзбек ва Америка олимлари тўғри эътироф этишган.

Э.Олворт ўз тадқиқотларида Чўлпон, Фитрат, Қодирий, Беҳбудий, А.Авлоний, А.Мажидий, Г.Зафарий, Боту каби жадид ижодкорларининг асарлари таҳдилига маҳсус тўхталган. Бироқ, улар аксар ўринларда асосан сиёсий мақсад доирасида туриб таҳдил қилинган¹¹⁵. Жадид адабиёти намуналарини кўпроқ сиёсат оламида ўрганиш Э.Олвортнинг издошлари ҳисобланган америкалик олимлар В.Хоновей, Матушевский, А.Бенингсен, Ж.Баррет тадқиқотларига ҳам хосдир. Ўзбекшуносликнинг кейинги вакиллари А.Холид, Х.Мурфи изланишларида нисбатан холислик мавжуд, лекин айрим шеърий асарлар таҳдилида улар ҳам устозлари бошлаб берган “анъана”дан тўлиқ воз кечак олмаганинги кузатиш мумкин.

Америкалик қодирийшунос Х.Мурфи Қодирий ҳикоялари (“Жинар базми”, “Улоқда”, “Жувонбоз”, “Отам ва большевик”), драма (“Бахтсиз куёв”) ва романлари (“Ўткан кунлар”, “Мехробдан чаён”)даги миллий қадрият, колорит, ўзликни англашга қаратилган ҳаракатнинг бадиий талқинини тадқиқ қилишига интилган¹¹⁶. Айниқса, олимнинг “Ўткан кунлар” рома-

¹¹⁵ Бу ҳақда қаранг: All w o r t h E. Uzbek Literary Politics. The Hague: Mauton and Co., 1964.

¹¹⁶ Қаранг: Murphy Ch. The Relationship of Abdulla Qadiriy's Historical novels to the Earlier Uzbek Literary Traditions: Washington University Press, 1980; Muslims in Central Asia / Ch. Murphy and etc.; Durham and London: Duke University Press, 1992.

ни ҳақидаги фикр ва мулоҳазалари диққатга сазовордир. У асар таҳлилидан “Қодирий ўз фаолияти давомида ижодининг илк даврларидан ислоҳот йўналишларидан инқилобий йўналишга ўтганми?”¹¹⁷ деган саволга жавоб топишни мақсад қилиб, романдаги миллийлик белгиларини кўрсатиш билан бирга асардан инқилобий йўналишни излашга ва буни исботлашга ҳаракат қилган. Фикримизча, америкалик олимнинг бу қарашлари баҳслидир.

Маълумки, шу давргача “Ўткан кунлар” асаридаги миллийлик масаласи билан боғлиқ жуда кўп тадқиқотлар вужудга келди. Ўзбек олимларининг мустақилликкача бўлган изланишларининг деярли барчасида “Ўткан кунлар” романида ҳеч қандай миллатчилик, миллий, сиёсий қарашлар ифодаланмаган, “А.Қодирий Октябрь революциясидан аввал ҳам, кейин ҳам миллатчиларнинг реакцион сиёсий қарашларини ҳимоя қилган эмас”¹¹⁸, деган фикрлар устунлик қилган бўлса, мамлакатимиз истиқлолга эришгандан кейинги даврда жадид адабиётига муносабат ўзгаргач, қарашларда ҳам бутунлай бошқача фикрлар ўз аксини топа бошлиди. Кейинги ўн йил ичida яратилган тадқиқотларда ўтган асрнинг 20-йилларида ёзилган асарларнинг барчаси фақат озодлик учун олиб борилган ислоҳот натижасидир, деган хуласалар кўпайиб кетди. Натижада яна адабиётшунослар орасида тарафкашлик бошланди. Жадид адабиёти, хусусан, Абдулла Қодирий ижоди бадиияти ҳам фақат “юрт мустақиллиги масаласи” билан белгиланди.

О.Шарафиддинов Чўлпон ижодига доир бир ёқлама қарашлар хусусида шундай ёзади: “Чўлпонни англаш, уни мақтаб кўкларга кўтариш эмас... Чўлпонни англаш – сўз санъатининг ботиний қонуниятларини теран англаш, уларнинг

¹¹⁷ Muslims in Central Asia / Ch. Murphy and etc.; Durham and London: Duke University Press, 1992. P.198.

¹¹⁸ Ё қ у б о в Х. Йирик санъаткорнинг тўнгич романи. Абдулла Қодирий. Ўткан кунлар. Тошкент: Faafur Furom nomidagi Adabiёт va sanъat nashriyoti, 1976. 388-bet.

шоир ижодида қандай зоҳир топишини англашдир. Чўлпонни англаш – унинг буюқ, умумбашарий гояларини, юксак инсоний туйғуларини юракка сингдириб олишидир”¹¹⁹. Ушбу фикрлар бошқа жадид адиллари, хусусан, Қодирий ижоди билан шуғулланувчиларга ҳам тегишлидир.

Биз олимларнинг турли йўналиш ва турлича мақсадларда яратилган тадқиқотларини кузатиш натижасида ўзбек ва америка олимларининг Отабек образи, романдаги миллатпарварлик, миллий истиқол гояларини тадқиқ қилишдаги бир қатор ўхшаш хуносаларга ҳам дуч келдик. Улар баъзан бир-бирларининг изланишлари натижаларидан бехабар равища муштарак фикрга келишган бўлса, айрим ўринларда маълум тадқиқотлардан хабардор бўлиб, уларга ўз муносабатларини билдиришган. Ёки, янада аниқроқ айтганда, америкалик олимларнинг бу йўналишдаги тадқиқотлари ва мулоҳазаларига ўзбек олимларининг кучли таъсири яққол сезилиб туради. М.Қўшжонов ва Х.Мурфи тадқиқотларидағи йўналиш, услугуб ва, ҳатто хуносалар устоз-шогирд анъаналарини эслатади, уларнинг асосий тадқиқот обьекти ҳисобланган “Ўткан кунлар” романни ҳақидаги фикрлари қайсиdir жиҳатлари билан бир-бирини тўлдиради. Тўғрироғи, Х.Мурфининг ишларини ўқиши асносида Америка олимига ўзбек адабиётшуноси йўналиш бераётгандек туюлади. Ҳар икки тадқиқотчи ҳам асардаги мавзу ва образларнинг жойлашиш ўринларини тасниф қиласди. Романдаги миллатпарварлик гояларини таҳлил қиласар экан, Отабекнинг халқ ташвишини ўйлаши билан боғлиқ эпизодларни улар қуийдагича изоҳлашади: “Отабекдаги миллат ғамини ейиш ҳисси катта маънодаги ватанпарварлик даражасига кўтарилиган эмас”, – деб ёзади М.Қўшжонов, – Отабек учун ҳаётнинг маъниси қолмаган. Ҳукмрон ижтимоий ҳаётдан олинган фожиалар уни шу ҳолга соглан эди. Шунинг учун ўлимнинг қаерда ва қачон бўлиши чо-

¹¹⁹ Шафидинов О. Чўлпонни англаш. Тошкент: Ёзувчи, 1994. 46-бет.

ризм билан курашдами, ўзаро қирғиндами ёки бошқа бир муносабат биланми – Отабек учун бунинг фарқи қолмаган”¹²⁰.

Америка олимининг бу ҳақидаги фикрини айнан келтиришга ҳаракат қиласиз: “...романинг хотима қисмида асар қаҳрамони Отабекнинг босқинчиларга қарши урушга кетишига миллат нуқтаи назаридан қарамаслик керак. Аслида бу турмушнинг фожиавий азобларидан чарчаган Отабекнинг асар сўнгида руҳан исёнкор бўлиб қолганлигини кўрсатади. Романинг дастлабки бобларида Отабек русларнинг идора қурилиши, қўшин кучи ҳақида ўз ҳайратларини яширмай Кўқон хонлигидаги танишлари даврасида гапириб берган эди ва шуни аниқ тушунганки, уларга қарши жанг олиб бориш умид қилиб бўлмайдиган иш. Гарчи, у бу урушда ғалаба қозонишга умидсиз бўлса-да, урушга кетади, бунга эса яна ўша эски тузумнинг урф-одатлари, анъаналари сабаб бўлади. Бу китобхонни чуқур мулоҳаза юритишга чорлайдиган яна бир мураккаб, рамзий маъно касб этади¹²¹. Бундан шундай хulosага келиш мумкинки, масалага муносабатда М.Кўшжонов концепцияси американлик тадқиқотчига ўз таъсирини ўтказган. Э.Олворт ва Б.Ҳайитлар Қодирий тўгрисидаги мақолаларида Отабек чор босқинчиларига қарши жангда қаҳрамонларча ҳалок бўлган, деган фикрни илгари суради¹²². Кўриб турганимиздек, фикрлар бир-бирига зид, деярли бири иккинчисини инкор этади. Лекин, иккинчи бир томондан, бир-бирини тўлдиради ҳам. Эътибор берилса, М.Кўшжонов ва Х.Мурфи, Э.Олворт ва Б.Ҳайитларнинг хulosаларида мантиқий асос бордек туюлади. Бу эса, ўз навбатида Отабек образи, унинг руҳияти, муаллиф унга юклаган вазифа ҳали тўла-тўқис англамаганини, ҳар бир

¹²⁰ Қўшжонов М. Ҳаёт ва қаҳрамон. Тошкент: Faafur Fўlom nomidagi Адабиёт ва санъат нашриёти, 1979. 91-бет.

¹²¹ Muslims in Central Asia / Ch. Murphy and etc.; Durham and London: Duke University Press, 1992. P. 200.

¹²² Тоявий кураш ва ўзбек адабиёти / Л.Қаюмов, М.Нурмуҳаммедов, М.Кўшжонов ва б. Тошкент: Фан, 1985. 63-бет.

тадқиқотчи қаҳрамоннинг фақат ўзи тушунган қиррасини ўз мақсадидан келиб чиқиб ёритишга ҳаракат қилғанлигини билдиради. Отабек образини тадқиқ қилишда асар яратилган давр, жадид гоялари, Абдулла Қодирийнинг миллатга муносабати, истиқололга эришиш ҳақидағи ўйларига суюниш лозим. Бу орзу-умидлар романда ўз аксини топган. Маълумки, жадидлар мустақиллик учун курашни маърифатпарварликдан, миллатни саводхон қилиш, феодал идора усулини ислоҳ қилишдан бошлаган. Ушбу интилишлар Отабек учун ҳам ёт эмас. У Шамайга бориб, русларнинг идора қилиш усулини кўргач, бир миллат-парвар инсондек, кўрганларини имкони бўлса хонликда ҳам амалга оширишни орзу қиласи: "... Шамай маним фикримни ост-уст қилиб, ўзимни ҳам бутунлай бошқа киши ясади. Мен ўриснинг идора ишларини кўриб, ўз идорамизнинг худди бир ўйинчоқ бўлганилигини иқрор этишика мажбур бўлдим... Бизнинг идорамиз бу кунги тартибсизлиги билан кетаберса, ҳолимизнинг нима бўлишига ақлим етмай қолди. Шамайда эканман, қаноптим бўлса, ватанга учсан, тўппа-тўгри хон ўрдасига тушсам-да, ўриснинг ҳукумат қонунларини бирма-бир арз қиласам, хон ҳам арзимни тингласа-да, барча элга ёрлиг ёзиб ўриснинг идора тартибини дастуриламал этишика буюрса, мен ҳам бир ой ичида ўз элимни ўрисники билан бир қаторда кўрсам..."¹²³. Бу нафақат Отабекнинг, балки XX аср биринчи чорагидаги барча ўзбек жадидларининг орзуси эди. Шу нуқтаи назардан қараганда, Отабек – резонёр. Бош қаҳрамоннинг нутқи қайси бир маънода муаллифнинг ўйлари баёни. Бундай фикрлар кўпроқ маърифатпарвар жадидларга хос. Улар ҳалқни саводсизлик, билимсизлик зулматидан ҳолос қилиш орқали миллат истиқололига эришиш мумкин, деб ўйлашарди. Отабек Шамайдан қайтгач, кўрган-билғанларини айтганда, унга хайриҳоҳ, ёрдамлашувчилар топилмади. Шунда у: "дарҳақиқат, мозористонда "ҳайя

¹²³ А б д у л л а Қ о д и р и й. Ўткан кунлар. Тошкент: Шарқ, 2000. 21–22-бетлар.

алалфалах” хитобини ким эшитар эди¹²⁴, – деган холосага келади. Мозористон – метафора. У ўша даврдаги Ватан тимсоли. Жадидлар, хусусан Абдулла Қодирий ҳам халқни ўз атрофида, қўшни мамлакатларда бўлаётган ислоҳотлар билан танишишга, улардан орқада қолмасликка, юртдаги ўзаро низоларга, маҳаллийчиликка барҳам беришга, Ватан равнақи учун курашга даъват этади. Шуларни эътиборга олсак, мозористонда, яъни гафлат уйқусида ётган ватандошларини аzon айтиб, истибод зулмидан қутулишга чақираётган Отабекни маърифатпарвар жадид образи дейиш мумкин. Демак, асардаги марказий қаҳрамон Отабекнинг ўлими хусусидаги ушбу таҳдилларда муайян ҳақиқат мавжуд ва бу образ динамикасига ҳам тўғри келади. Лекин шундай бўлса-да, Отабекнинг ўлими эпизодини таҳдил қилган тадқиқотчилар, назаримизда, айrim ўринларда бир ёқламаликка оғиб кетишган. Отабек – мураккаб образ. Унинг ўлимини тадқиқ қилишда муаллифнинг асарга, образ моҳиятига сингдирган бадиий концепцияси, қаҳрамон характерининг шаклланиш жараёнлари, айниқса, ҳаёт зарбалари остида тобланган ғоявий-маънавий эволюциясини кўздан қочирмаслик керак. Отабек мулоҳазакор, кўрганларидан умумий ва яхлит холоса чиқара оладиган, бир сўз билан айтганда, теран тафаккурга эга шахс. Фикримиз исботи сифатида унинг Шамайдан қайтгач, “манимча, ўриснинг биздан юқоридалиги унинг иттифоқидан бўлса керак, аммо бизнинг кундан-кунга орқага кетишимиизга ўз аро низоъимиз сабаб бўлмоқда деб ўйлайман”¹²⁵, – дея айтган гапини келтириш мумкин. Унинг бундай фикрлашида падари бузруквори Юсуфбек ҳожининг таъсири катта. Ҳожи образида миллатимиз кексаларига хос бир қатор ижобий хислатлар мужассам: у тадбиркор, яхши маслаҳатчи, узоқни кўра билувчи, бирорвга ёмонликни раво кўрмайдиган, элу улус, юрт фаровонлиги учун қайғурадиган

¹²⁴ Ўша асар. 22-бет.

¹²⁵ Ўша асар. 22–23-бетлар.

миллатпарвар инсон. Шундай отанинг тарбиясини олган Отабек шубҳасиз миллат, истиқдол учун курашувчи шахс бўлиб етишишини ҳётий мантиқ исботлаб турибди. Бошқаларга нисбатан Отабек тез орада ўлкани босқинчилар эгаллаб олиши мумкинлигини яхши англайди, отаси унга бу ҳақда айтгач, ўз тахминлари тўғрилигига амин бўлади.

Юсуфбек ҳожидек эл тинчлиги, юрт маърифати ҳақида қайгурувчи инсон яккаю ягона ўғли тарбиясига жиддий аҳамият берishi, уни ўзи тўғри ва ҳақ деб билган йўлга бошлиши, барча билганларини ўргатиши ва уни шу руҳда тарбиялаши муқаррар¹²⁶. Юсуфбек ҳожи Отабек орқали бутун Туркистон ҳалқига, ёшларга “ўғлим” деямурожаат қилиб, уларни огоҳликка, бирлашишга чақиради. Шу сабабли ҳам Юсуфбек ҳожидек ота фарзандининг Авлиёотага чор босқинчиларига қарши жангга бориши табиий ҳол ва буни ҳёётдан зерикиш туфайли эмас, ватанпарварлиги боис дейиши, бизнингча тўғрироқ бўлади. Демак, Х.Мурфи таъкидлаганидек, “Отабекнинг урушга кетишига Кумушнинг ўлими”, М.Қўшжонов айтганидек, “севгилисининг ўлимидан кейин Отабек учун ҳёётнинг маъниси қолмагани”, унга қаерда, қачон ўлишининг фарқи йўқдек туюлиши сабаб бўлганилиги ҳақидаги ҳукм-хуласалар унчалик ҳам мантиққа тўғри келмайди. Албатта, Отабек ушбу вазиятда ниҳоятда қийин аҳволда қолади. Лекин у ота-онасининг ёлғиз фарзанди. Қарамогида томирида Кумушнинг қони оқаётган дилбанди бор. У ота-онаси ва ўғли учун яшashi керак. Бу, биринчидан. Иккинчидан, Қодирий назарда тутган мусулмон қаҳрамоннинг ўзига ўлим тилаши муаллиф мақсадларига ҳам мутлақо зиддир. Учинчидан, унга қаерда, қачон ўлиш аҳамиятсиз бўлса, у ўзини истаган жойда, истаган йўсинда нобуд қилиши мумкин эмасмиди? Фикримизча, Кумушнинг ўлими ҳам асар қаҳрамонининг урушга кетишига маълум маънода таъсир кўрсатган. Лекин бу асосий сабаб бўла олмайди. Бизнингча, қаҳрамоннинг босқинчиларга

¹²⁶ А б д у л л а Қ о д и р и й. Ўткан кунлар. Тошкент: Шарқ, 2000. 295–296-бетлар.

қарши урушга кетишига у ўсган оиласидаги муҳит, отаси билан қилган сұхбатлари, жамиятдаги носоғлом турмуш тарзи, асосан, Юсуфбек ҳожининг юрт бирлиги, Ватан озодлиги хусусидаги таълим-тарбияси сабаб бўлган. Бундан ташқари, унинг Авалиётадаги урушда қатнашиши образнинг эволюцияси, асар услуби ва ёзувчининг бадиий мақсади билан боғлиқ. Отабек образини асарнинг композицияси, бадиий концепциясидаги ўрни жиҳатидан тадқиқ қилганимизда унинг динамик образ эканлиги, муаллифнинг у орқали жадидчи-ислоҳотчиларнинг умумлашма образини яратганлигига амин бўламиз.

Э.Олворт ва Б.Ҳайитлар Отабекнинг Авалиёта тогида босқинчиларга қарши курашда ҳалок бўлишини қаҳрамонлик, деб баҳолашган. Уларнинг бу фикрлари ҳақиқатга яқин. Чунки кишининг ўз миллати, Ватани озодлиги йўлида жон фидо қилиши қаҳрамонлик саналади. Демак, унинг Авалиётадаги босқинчиларга қарши олиб борган кураши замирида Қодирийнинг асар моҳиятига сингдирган мақсадининг энг баланд, авж нуқтаси ётади. Бу хуроса асосида асарни тоявий-эстетик жиҳатдан тадқиқ қилиш принципи мавжуд. Лекин асарни бадиият талаблари нуқтаи назаридан таҳдил қиласак, унинг кульминацияси қабристондаги эпизод, яъни Отабекнинг Кумуш қабрида Зайнаб билан учрашиши эканлигини тан олишимиз керак. Чунки муаллиф бекорга уларни қабристонда учраштиргмаган. Суюкли ёридан ажралгач, Отабек ҳам маълум маънода ўлган. Жуда катта умидлар билан бир ёстиққа бош қўйган турмуш ўртогидан ажралган Зайнабнинг тақдири эса Кумушникидан ҳам аянчлироқ.

Отабекнинг қабристондаги руҳан ўлишини муаллиф қай даражада бадиий пафос билан тасвирлагани ва унинг Авалиётадаги жисмоний ўлимини қуруқ баён этганини қиёсласак, юқоридаги таъкидимиз асосли эканлиги маълум бўлади.

“Ўткан кунлар”ни бугунги кунимизгача кўп тадқиқотчилар турли нуқтаи назардан, ўз мақсадларидан, замон ва макон талаб-

ларидан келиб чиқиб таҳлил қилишган. Бу жараён то ҳануз давом этапти. Фикримизча, бундан кейин ҳам давом этади. Чунки, “Ўткан кунлар”ни ўқиган ҳар бир авлод вакили ундан ўз тафаккур тарзига кўра турлича бадиий озуқа олади.

Асосий ўрганиш объектимиз ҳисобланган америкалик олимлар Э.Олворт, Х.Мурфи, А.Холид тадқиқотларида Чўлпоннинг насрий асарларида жадид образи, миллатпарварлик ва миллий истиқдол гоялари таҳдилига тўхталган ўринларни учратмадик. Ваҳоланки, Чўлпоннинг “Кеча ва Кундуз” романинаги Мирёқуб образини жадидларга яқин бўлган шахс сифатида баҳолаш мумкин. Ушбу образнинг жадидчилик ҳаракатидаги ижтимоий-маънавий тадрижини олим Д.Куронов атрофлича тадқиқ қилиб, Мирёқубни “ижтимоий ҳаракат бўсағасига келган”¹²⁷ одам деб баҳолаган эди.

Америка олимларининг ўзбек жадид адабиёти борасида олиб борган илмий тадқиқотларида миллий истиқдол ва миллатпарварликнинг гоявий-бадиий талқинларини ўрганиш натижасида қўйидагича илмий-назарий хуносаларга келдик:

биринчидан, американлик тадқиқотчилар ўтган асрнинг 20-йиллари ўзбек адабиётида аллегорик образлар ижтимоий-сиёсий мақсадларни амалга ошириш учун хизмат қилганлигини, миллий истиқдол гояси декларатив тарзда ёки мажоз ва рамзлар воситасида ифодаланганини тўғри таъкидлайдилар (масалан, Э.Олворт: Чаён образи хусусида);

иккинчидан, американлик ўзбекшунослар жадид адабиёти намуналарида символизм, рамзий-мажозий образлар катта аҳамиятга эгалигини холис ва асосли тарзда эътироф этадилар (Э.Олворт: Фитратнинг “Миррих юлдузи” шеърида истиқдол рамзи, Чўлпоннинг “Куз” шеърида маглуб, мазлум Туркистон тимсоли);

¹²⁷ Қаранг: Қуронов Д. Чўлпон насли поэтикаси. Тошкент: Шарқ, 2004. 127–157-бетлар.

учинчидан, хорижда, шунингдек, Ўзбекистонда ҳам жадид асарларидағи миллатпарварлик, миллий истиқол ғоясини нисбатан бадиият талаблари асосида тадқиқ қилиш, асосан 1991 йилдан кейин бошланди. Бу ғоя таҳдиди америкалик олимларга қараганда ўзбек адабиётшуносларининг тадқиқотларида теранроқ ва объективроқ ёритилган. Шу билан бир қаторда америкалик жадидшуносларнинг қатор тадқиқотларида ўзбек олимларининг концепциялари таъсири сезилади.

ЖАДИД АДАБИЁТИ НАМУНАЛАРИНИНГ ИНГЛИЗЧА ТАРЖИМАЛАРИ

Таржима ва адекватлик

Собиқ СССР парчалангач, жаҳон илм-фани тараққиётида янгича йўналишлар ва қарашлар юзага келди. Энди собиқ империя таркибида давлатларнинг бугунги тақдиригина эмас, уларнинг ўтмиш ва келажак истиқбол дастурини ўрганиш ҳаракатчилиги анча кучайди. Бинобарин, собиқ тузум таназзули сабабларини ўрганиш баробарида ўз мустақиллигини қўлга киритган давлатлар маданиятини тадқиқ қилиш тарихга янгича ёндашиш заруратини юзага келтиради. Жумладан, ана шу эҳтиёж ва қизиқишининг ортиб бориши натижаси ўлароқ кўплаб жадид адабиёти дурданалари хорижий тилларга таржима қилинган. Бунга сабаб ушбу бадиий санъат намуналарида XX аср бошидаги миллатимиз ҳаёти халқимизнинг иағор, янгиликка интигувчан, ўз юртдошларини озод, эркин яшашини орзу қиласланган вакиллари томонидан бадиият талаблари асосида реал тасвиранганидадир.

Айтиш лозимки, 50-йиллардан Мустақилликкача бўлган даврда жадидлар ва уларнинг ижодини тадқиқ қилишни мақсад қиласланган ўзбекшунослярнинг аксари жадид адабиётидан намуналарни кўпроқ ўз сиёсий-ижтимоий маслаклари исботи учун таржима қиласланлар. Лекин, бу фикр уларнинг илмий тадқиқотларида маданий, маърифий моҳият йўқлигини билдирамайди, албатта. Бинобарин, американлик мутахассислар шеърий ва насрый асалардан парчалар таржима қилишган. Бу ҳақдаги манбаларни ўрганиб, жадид асаларини инглизчалаштириш,

асосан, 50-йилларнинг охири – 60-йиллардан бошланган дейиш мумкин. Бу даврда Эдворд Олворт, Вилям Хоновей, Жон Соупер каби таржимон-олимлар жадид даври адабиётини тадқиқ қилиш билан бирга уларни инглиз тилига ўгиришда ҳам фаол иштирок этганлар.

Юқорида номлари қайд қилинган мутаржимларнинг ишларини қиёслаганда, таржималарининг нисбатан аслиятта яқинлиги, савияси, кўлами жиҳатидан Эдворд Олворт ажраби туради. Шуни эътиборга олиб, биз мазкур фаслда унинг бошқа таржималарига нисбатан мукаммалроқ ўгирмалари (А.Мажидий “Лоҳутий хотираси”, Беҳбудий “Падаркуш”)дан айрим намуналарни таҳдил қиласиз.

Э.Олворт жадид адабиёти намуналарини фақат таҳдил қилиш билан чекланмай, баъзан улардан парчалар таржима қилса, айрим ҳолларда асарларни инглиз тилига тўлиқ ўтирган. Тадқиқотчининг таржимонлик маҳорати Фитратнинг “Қиёмат”, “Бедил бир мажлисада”, “Шайтоннинг Тангрига исёни”¹²⁸, Чўлпоннинг “Бузилган ўлкага”¹²⁹, Фози Олим Юнуснинг “Луқмони ҳаким”¹³⁰, Ҳ.Ҳ.Ниёзийнинг “Тошбақа билан Чаён”¹³¹, “Туркистон”¹³², Фитратнинг “Миррих юлдузига”¹³³, С.Айнийнинг “Байнамиллал

¹²⁸ Allworth E. Evading Reality. Devices of Abdürauf Fitrat, Modern Central Asian Reformist. Netherladr: Brill Academic publishers, 2002.

¹²⁹ Бу ҳақда қаранг: Сholopon. To a Devastated Land // Central Asian Journal.-10(1965). pp.61–70 (translated by Edward Allworth); Чўлпона. Бузилган ўлкага // Ўрта Осиё журнали. 10 (1965). 61–71-бетлар. (Э.Олворт томонидан таржима қилинган).

¹³⁰ Allworth E. Uzbek Literary Politics. The Hague: Mauton and Co., 1964, pp.219–222 (Мутаржимнинг кейинги таржималари ҳам асосан шу монографиясига киритилган – 3.М).

¹³¹ Allworth E. Uzbek Literary Politics. The Hague: Mauton and Co., 1964. P.23.

¹³² Allworth E. Uzbek Literary Politics. The Hague: Mauton and Co., 1964, pp.38–39.

¹³³ Allworth E. Uzbek Literary Politics. The Hague: Mauton and Co., 1964. P.58.

марши”¹³⁴, А.Мажидийнинг “Лоҳутий хотираси”¹³⁵, Беҳбудийнинг “Падаркуш”¹³⁶ драмаси кабиларда кўринади. Шулардан Фитратнинг юқорида қайд қилинган асарлари ва Беҳбудийнинг “Падаркуш” драмаси, Чўлпоннинг “Бузилган ўлкага” шеъри тўлиқ таржима қилинган. Бу намуналарнинг баъзилари таржимон-олимнинг асарга сиёсий ёндашуви ва қарашларини исботлаш учун таржима қилинган бўлса, айримлари адабий-илемий заруратдан келиб чиқиб инглизчалаштирилган. Айнан “Падаркуш” ва “Лоҳутий хотираси” каби асарларда ушбу давр адабиётига хос бадиийлик, “жонли образларда мазмун ва фояни мужассамлаштириш”¹³⁷ маҳоратининг энг муҳим жиҳати, муаллиф ижодий нияти давр руҳиятига мос тарзда қайта яратилган.

А.Мажидийнинг инглизчалаштирилган “Лоҳутий хотираси” шеъри ўзбек адабиётшунослигида деярли тадқиқ этилмаган. Шуни эътиборга олиб, ушбу фаслда айнан А.Мажидий шеърлари ҳамда Америкада ўзбек ва инглиз тилларида нашр қилинган “Падаркуш” драмаси хусусида имкон қадар фикр юритамиз.

Тарихчи олим Ҳ.Узоқов А.Мажидийнинг “Танланган асарлари”га ёзган кириш сўзида адабни “ўзбек адабиётининг 20–30-йиллардаги даргаларидан бири, миллий истиқдолчи шоир, 38 йил умр кўриб, истиқдол ва мустақилликни орзу қилиб ўтди”¹³⁸, дэя эътироф этади ҳамда ижодкорни истиқдол қаҳрамонларидан бири сифатида тан олади. Муаллиф адаб ҳақидағи фикрларини давом эттириб, “сайланмага киритил-

¹³⁴ Allworth E. Uzbek Literary Politics. The Hague: Mauton and Co., 1964. P.200.

¹³⁵ Allworth E. Uzbek Literary Politics. The Hague: Paris, Mauton and Co., 1964. P.203.

¹³⁶ Bebudi (from or through Russian – E.A). The Patricide. Translated and published by E.Allworth / Ural Altaic Year book.- 58 (1986), pp.83–96.

¹³⁷ Кўшжонов М. Ижод масъулияти. Тошкент: Faafur Ғулом номидаги Адабиёт ва санъат нашриёти, 1981. 15-бет.

¹³⁸ Мажидий А. Танланган асарлар / Тўпловчи Ҳ.Узоқов. Тошкент: Маънавият, 2000. 160-бет (Истиқдол қаҳрамонлари). Сўзбоши Ҳ.Узоқовники. 5-бет.

ган асарлар 20–30-йиллар мұхитида вужудға келген бўлиб, ўз моҳиятига кўра сиёсатдан узоқ, холис ҳаётий асарлардир”¹³⁹, дея бу хислатни давр ижодкорларидан фарқли равища А.Мажидийга хос бўлган хусусиятдек таъкидлаб ўтади. Бу, назаримизда бир ёқдама фикр. Чунки ҳар қандай ижодкор ўз даврида бўлаётган тафовутларни, шу билан бирга орзу-армонларини, айниқса озодлик ҳақидағи истаклари, орзу-умидларини асарларида намоён этади. Олим А.Жалолов ёзади: “Ҳар қандай шоир ва ёзувчига у яшаётган шароит таъсир қиласдан иложи йўқ. Ҳар бир адид ўз билими, ўз таланти, мушоҳада кучи асосида ўз даврининг буюк ҳодисаларини акс эттиради”¹⁴⁰.

Жаҳон адабиётидан жой олган қатор сўз усталарига ҳам мана шундай тарихий шароит ва ундаги эврилишлар катта таъсир ўтказган. Шундай экан, А.Мажидийнинг ижодий месросини давр сиёсий жараёнидан холис асарлар сифатида қабул қилишимиз на тарихий, на бадий ҳақиқатга тўғри келади. Унинг “замон сенга боқмаса, сен замонга боқ” қабилидаги шеърлари ҳам бор, лекин бундай замонасозликнинг ҳаммамизга маълум сиёсий сабаблари мавжуд.

Ҳ.Узоқов А.Мажидий “ўзбек адабиётининг 20–30-йиллардаги даргаларидан бири”¹⁴¹, деб ёзган, лекин у Чўлпон, Қодирий, Фитрат даражасидаги адабиёт даргаси даражасига етмаган ижодкорлардан бири бўлганди. Тенгдош бўлмаса-да, маслақдош, ҳамдард эди. Улардаги руҳий яқинлик муносабатларини янада чуқурлаштирган.

Б.Мейлаҳ машҳур ёзувчилар билан бирга “иккинчи даражали” деб аталган ёзувчилар хусусида сўзлар экан, уларнинг адабиёт тарихидаги ўзига хос хизматларини объектив баҳолаш

¹³⁹ М а ж и д и й А. Танланган асарлар / Тўпловчи Ҳ.Узоқов. Тошкент: Маънавият, 2000. 160-бет (Истиқлол қаҳрамонлари). Сўзбоши Ҳ.Узоқовники. 5-бет.

¹⁴⁰ Ж а л о л о в А. Ўзбек маърифатпарвалик адабиётининг ривожланиш жараёни: Фил.фан.док. дисс.... Тошкент: ЎзР ФА ТАИ, 1994. 193-бет.

¹⁴¹ Шу саҳифадаги биринчи манбага қаралсин.

лозимлигини қайд этади. “Умумий адабий ҳаракатни ўрганиш билан гениал ёзувчиларнинг ҳам аҳамияти аниқ ва тўла гавдаланади”¹⁴², – деб ёзган эди у. Шу ўринда таъкидлаб ўтмоқ жоизки, ҳақиқий санъаткор ҳар қандай қолипга сифмайди. Айни пайтда, ХХ аср аввалидаги ижтимоий-бадиий тафаккур маданий сажиаси ҳам жиддий тадқиқотларни тақозо этарди. Қатагон йилларигача бўлган адабий жараён, унинг демократик хусусият касб этишидаги омиллар асосида айнан “гениал бўлмаган ёзувчилар” ҳам мавжуд эканлигини унутмаслигимиз керак. Олим таъкидлаганидек, улар ижодини тўғри мушоҳада этиб, бадиий мавқеини янада теранроқ ифодалаш зарур¹⁴³.

Албатта, бу ўринда америкалик жадидшунослар эътиборидан четда қолмаган сиймолар, хусусан, А.Мажидийнинг ҳаёти ва ижоди, шеърларининг инглизчалаштирилиши ва кенг оммага эълон қилиниши, унинг асарларида илгари сурилган ғоянинг янги қирралари кашф этилиши диққатга сазовор.

А.Мажидий “Хандон лолалар” (1923), “Қалдиргоч” (1935) шеърий китоблари, “Ҳангома” (1937) ҳажвий ҳикоялар мажмуасининг муаллифи. Унинг тўпламларга кирмай қолган, аммо матбуотда эълон қилинган асарлари ҳам талайгина. Адабиётшунос С.Сирожиддинов: “А.Мажидий 10000 мисрадан кўпроқ лирик ва сатирик шеър, шунингдек достонлар, 40 дан ортиқ ҳикоя, 20 дан зиёд интермедија, 5 та драма, кўплаб публицистик мақола, илмий-адабий тадқиқотлар муаллифи”¹⁴⁴, – дея маълумот беради.

Она юрт ва унга бўлган муҳаббат, ватанпарварлик (“Қўриқлайман”, 1937, “Лоҳутий хотираси”, 1933), саводсиз-

¹⁴² Қаранг: Турсидев Ш. 20-йиллар ўзбек ҳикояси: Филол.фан. ном. дисс. Тошкент: ЎзРФА ТАИ, 1968. 12-бет.

¹⁴³ Мустақилликдан кейин Ўзбекистонда А.Мажидий ҳақида фақат биттагина китоб нашр қилинди. Унда ҳам муаллиф ҳаёти, ижоди ҳақида тўлиқ маълумот бермасдан, ижодидан намуналар келтириш билан чекланилган.

¹⁴⁴ Сирожиддинов С. Абдулхамид Мажидий. Тошкент: Ғафур Гулом номидаги Адабиёт ва санъат нашриёти, 1982. 4-бет.

лик, унинг ёмон оқибатлари (“Ойхон”, 1935) нафақат муаллиф яшаган давр, балки бугунги кунимиз учун ҳам мұхим “ўлмас мавзу”лар (асосан сатирик шеърларида) А.Мажидий ижодида етакчи ўрин эгаллади.

Маълумки, жадидчилик ҳаракатининг баъзилари ҳуррият учун сиёсат майдонида курашган бўлсалар, бошқалари озодлик гоясини ўз бадиий асарларида акс эттирганлар. Лекин ҳар икки ҳолатда ҳам маърифат ва истиқололга чорлаш, ватандошларини огоҳ бўлишга чақириш каби даъватлари асар моҳиятига мажоз ва рамзлар ёрдамида сингдирилган. Н.Каримов таъбири билан айтганда “тарихий вазият мантиқи мутафаккирлар мантиқи билан ҳисоблашмаган”¹⁴⁵. Ижод аҳди ана шу “ҳисоблашмас”ликдан омон қолиш мақсадида мажозий образлардан, метафоралардан кенг фойдаланганлар. А.Мажидий ҳам бундай ҳушёрликдан мустасно эмас эди. У “Лоҳутий хотираси” шеърининг “Боғ” парчасида айнан жадидлар анъанасини сақлаган ҳолда ўз орзу-истагини бадиий ифода этиш ва халққа етказиш учун рамзий поэтик образлардан фойдаланади. Бинобарин, шоир шеърда Боғ Ватан ва Туркистон рамзий маъноларини ифода этиб, шу йўл орқали сиёсий тазиийлар билан муроса қилиб, рамзий образлар яратган. У мазкур шеърида Ватанини ҳақиқий юрт ўғлонлари кўзи билан кўриш, уларнинг юраги билан севиш, ардоқлаш ҳиссини камол топтиришга интилади. Уни бегона, “ўгри-телба”лардан асрараш, вайрон қилишларига йўл қўймаслик каби фарзандлик бурчларини улуғлади. Натижада инглиз олимининг ҳам эътиборини торта оладиган гўзал асар яратди. Э.Олворт уни айнан қачон таржима қилганилиги ҳақида маълумотга эга эмасмиз. Лекин таржима ва унинг таҳдили олимнинг машҳур монографияларидан бирига киритилган¹⁴⁶.

Таржимадаги эътиборимизни тортган масала мутаржимнинг шеърдаги асосий гояни, муаллиф даъватини ўзбек олим-

¹⁴⁵ Каримов Н. Истиқолли уйғотган шоир. Тошкент: Маънавият, 2000. 11-бет.

¹⁴⁶ Alworth E. Uzbek Literary Politics. The Hague: Mouton & Co., 1964. Р.203.

ларига нисбатан тўғри ва чуқурроқ англаганиги дадир. Ўзбек тадқиқотчилари мустақилликдан кейинги даврда ҳам асар моҳиятини америкалик тадқиқотчи даражасида чуқур очиб бермаганлигининг гувоҳи бўламиз. Э.Олвортнинг ютуғи ҳам А.Мажидий яратган образларда (“Бог – Ватан, хусусан, Туркестон; боғбон – лирик қаҳрамон, аниқроги маҳаллий, ерлик шахс тимсоли; телба – келгинди, она юртга кўз олайтирувчи босқинчи; ўғри – мустамлакачи) акс эттирилган гоянинг боғбон-шоир образи билан уйғунлашиб, мақсадга мувофиқ тарзда талқин этилганида бўлса керак. Олим бадиийлик нуқтаи назаридан келиб чиқиб шеърдаги ўзига хосликни сақлаб қолиш билан бирга муаллиф мақсадига мос тарзда мушоҳада юритган. Оригиналдаги метафорик образлар деярли тўғри таҳлил этилган. Уларга юклатилган гояни аслиятдагидек ифодалашга ҳаракат қилган. Асардаги асосий бўёқни таржимада мувофиқ бериш билан бадиий мантиқни сақлаб қолган. Асар оқ шеър шаклида инглизчалаштирилган ва унинг асосий хусусиятларидан предикативлик, таъкид қолдирилган. Фикримизни исботлаш учун шеърнинг аслиятини ва инглизчалаштирилган вариантидан парчани мисол сифатида келтирамиз:

Олов ёнган кўзлар билан қарадим,
Бир телбани кўрдим кенг bog ичида,
Девор ошиб бокча тушган.
Атроф жим...
Мева термай титрар дарахт учида.
Аччиқландим, дедим унга:
-Эй, телба!
Ваҳм босиб ётлар каби бу бодга
Ўғрилардек қўрқиб, писиб, титрама!
Сен ҳам ишила, Мехнат сарф эт.
У чогда
Хавотирсиз яйраб, яшнаб оласан.

Лекин бу бог боиқа болгар сингари,
 Карвонсарой эмас,
 Кирсанг, қоласан,
 Ё қол, ё йўқол, кем нари!...¹⁴⁷

*Once I saw how a silly thief
 Got through a fence into a garden.
 He crawled up a tree, sat in the top,
 Perplexedly looked, was silent and trembled;
 He picked no fruit...
 It was quiet all around...
 And this angered me then
 "Fool!... Hey",
 I screamed:
 "Unfortunately
 You got into this garden
 Like a cowardly thief;
 Don't fuss,
 Climb down from the tree
 And go about your business!
 Idle tramps don't enter our garden
 Is not like others,
 There is no place in it..."¹⁴⁸*

Катта муваффақиятлар билан бирга таржимада бъзи камчиликларга ҳам йўл қўйилган. Ўтирунинг нуқсонлари қўйидагиларда кўринади: Шарқ шеъриятига хос нафислик, мусиқийлик, хусусан А.Мажидийнинг ушбу асарида ҳам мужассам бўлган эҳтирос, таъсиранлик Гарбдаги совуқон мушоҳада билан алмаштирилган. Ундаги ритмика, оҳанг, вазн сақланмаган.

¹⁴⁷ А б д у л ҳ а м и д М а ж и д и й. Танланган асарлар. Тошкент: Маънавият, 2000. 8–9-бетлар.

¹⁴⁸ A l w o r t h E. Uzbek Literary Politics. London, The Hague: Mouton & Co., 1964. P.203.

Шеърнинг биринчи қисмлари аслиятдагидек бўлимларга ажратилмасдан бир устун қилиб таржима қилинган. Иккинчи “Қиёматдан” деб бошланувчи парча охиригача тўлиқ инглизчалаштирилмаганлиги натижасида мантиқий изчилик, тартиб бузилган, қаторлар сони ошиб кетган.

Айрим мисраларда, кўпроқ мажозий маъноли иборалар ноўрин қисқартирилган, қаторлар ташлаб кетилган. Баъзи ҳолларда эса сиёсий таъсирга берилиб кўп сўзларнинг маъноси аслиятдагидан бошқача ўгирилган ва пафос ортиқ даражада кучайтирилиб ифода этилган. Масалан, шеърнинг “Олов ёнган кўзлар билан қарадим” деб бошланувчи биринчи мисраси умум таржима қилинмаган. Бизнингча, икки хил ҳолат таржимоннинг қаторларни ташлаб кетишига, матнни нотўғри таржима қилишига ва бадиий мақсад моҳиятига тўлалигича етиб бормаслигига олиб келади. Биринчиси, агар мутаржимнинг таржимада кўзлаган мақсади бўлса, иккинчиси, соф миллый көлоритга эга ўзбекча иборани, жумла конструкциясини тўғри англаб етмаганлигиdir. Фикримизча, Э.Олвортнинг таржимасидаги камчилик иккинчи сабаб билан боғлиқ. Чунки, айнан шу қаторда А.Мажидий китобхонга етказмоқчи бўлган фикр аниқроқ ифодаланган. Яъни муаллифнинг ҳолати, ўзгаларнинг “боғ”ига рухсатсиз кириб борган “ўғри-телба” – босқинчиларга бўлган нафрати акс эттирилган. Бу мисрада муаллиф мақсади, асосий ғоя чуқур ва теран акс эттирилган.

Демак, мутаржим “Олов ёнган кўзлар билан қарадим”ни тушунмаганлиги учун ташлаб кетган. Юқоридаги ибора “нафрат тўла кўзлар” иборасига синоним бўлиб, “ғазаб билан ёвга қараш” маъносини беради. Олимнинг ушбу фразеологик иборани тушунмаганлиги натижасида унинг ўрнига “қачонлардир”, “кунлардан бир кун” маъносини берувчи “Once” сўзи билан иккинчи мисрадан бошлаб таржима қилинган. Бу фикрни инглиз тилида қуйидагича бериш мумкин эди:

I glower (to scowl, to lour, to stare at) at the garden

Инглиз тилида “қарамоқ” сўзи мазмунига қараб 36 тага яқин сўз ёки ибора билан ифода этилиши мумкин. Булардан “to glower” жаҳд билан қарамоқ, ўзбек тилидаги “Олов ёнган кўзлар билан қарааш” иборасига маъно жиҳатидан тўғри келади¹⁴⁹. Бундан ташқари, мутаржим “ранги қути учиб” иборасини ҳам тушуммагани учун таржима қилмаган.

Э.Олворт тадқиқотларида учрайдиган сиёсатни бадииятдан устун қўйиш, унга кўпроқ урғу бериш ҳолати ушбу изланишда ҳам тақрорланган. У муаллиф даъватидан фойдаланиб, ўз сиёсий мақсадини ифодалашга ҳаракат қилган, айрим жумлаларни нотўғри таржима қилган ва ортиқча тафсилотларга йўл қўйган.

Масалан: “Аччиқландим дедим унга,-

“Э телба”

даги “дедим” (screamed) “to scream” сўзи билан алмаштирилади. Булар моҳиятига кўра бир-биридан узоқ бўлган сўзлардир, яъни “scream” “айтди”дан фарқли қаттиқ, баланд овоз билан қичқириш, шовқин кўтариш маъноларини ҳам беради.

Таржимадаги бу номутаносибликларнинг иккинчи жиҳати гарбона фикрлаш ва дунёқараш билан боғлиқ. Маълумки, гарбона бадиий шартлилик мушоҳадани кучайтирилган ҳолда беришни тақозо этади ва ўз-ўзидан бадиийлик иккинчи ўринга тушиб қолади. Шунинг учун ҳам шарқликлар учун хос бўлган мулоқот ҳулқи, ҳатто нафрат ва ғазабни оҳиста (мулойим) лик билан билдириш, американча тафаккур тарзидан келиб чиқиб ана шундай (scream) сўз билан берилган кўринади.

Яна бир характерли мисол аслиятдаги “ўгрилардек”, “ўгри” сўzlари инглиз тилига “idle tramps” шаклида берилган. Ўзбек тилида “idle – дангаса, tramps – дайди, дарбадар” маъноларини беради. Бунда “ўгри” сўзига нисбатан “дайди” сўзининг қўлланилиши пафосни кучайтиргандек. Таржимон таъсиричаликни ошириш учун шу сўзни танлаган бўлиши мумкин. Лекин

¹⁴⁹ Қаранг: Longman Language Activator / The World's First production Dictionary. First Indian Reprint, 1999. pp.799–801; Lingvo 6.0 варианти, электрон лугат.

у бадиий маънога жиддий путур етказади. Э.Олворт таржимасида ана шундай номутаносиблик, сўз ва иборалар танлашда қусурлар кўп учрайди. Бу эса шеър бадииятига боғлиқ равишида шарқона фазилат, услуб, миллий колоритнинг бузилишига олиб келади. Оқибатда асар моҳиятига жиддий таъсир қиласада, шоир туйғуларининг тўгри ҳис этилиши ва тушунилиши қийинлашади. Таржимон шеър ритмини, оҳангини бера олмаслигига инглиз ва ўзбек тилларидағи фонологик система ҳамда грамматик қурилишнинг тубдан фарқ қилишини сабаб қилиб кўрсатишимиш мумкин. Аммо ҳар қандай китобхон таржимани ўқиётганда шоирга хос миллий рух, унинг миллатига, юртига хос хусусиятларни ҳис қилиш билан ушбу шеър инглиз шоирининг эмас, айнан А.Мажидий туйғуларининг маҳсули эканлигига ишонч ҳосил қилиши лозимлигини ҳамма вақт ҳис этиши шарт. Таржимон ана шу жиҳатларни эътибордан қочирмаслиги лозим. Гёте айтқанидек, шеъриятни тушунишни истаган киши шеърият оламига: “Шоирни тушунишни хоҳлаган киши унинг юртига саёҳат қилиши керак”¹⁵⁰.

Шунга қарамай, Э.Олворт жадид адабиётини, хусусан, А.Мажидий ижодини ўрганиш, асарларини инглиз тилига ўгириш билан унинг ўзбек адабиётшунослигига маълум бўлмаган қирраларини очиб, хориж китобхонларига танишириш йўлида катта жонбозлик кўрсатди. Шунинг учун ҳам ўз юртида эътибордан четда қолиб кетаётган, ҳатто мустақилликдан кейин ҳам атрофлича ўрганилмаган А.Мажидий ва унинг ижодини хорижда, анча йил бурун, хусусан, Э.Олворт томонидан тадқиқ қилиниши, асарларининг инглизчалаштирилиши билан боғлиқ ҳаракатлар биз учун ниҳоятда қимматлидир. Озодлик учун курашган ўзбек фарзандининг қисмати, ижоди хорижлик олимни эътиборсиз қолдирмаган. Америкалик тадқиқотчининг айнан А.Мажидий ҳаёти ва ижодини ўрганишга багишланган илмий иши шоир ижодини тўгри англашдаги илк изланишлардан бири. Келажакда ушбу тадқиқот юртдошимиз ижодини

¹⁵⁰ Гёте И. В Западно-Восточный Диван. М.: Наука, 1988. С.137.

тадқиқ қилиш ва атрофлича ўрганиб, янгича таҳдил қилиш учун асос бўла олади.

Америкалик мутаржимлар фақат Мажидий, Фитрат, Чўлпон, Беҳбудийни эмас, "ўзбек романчилик мактабининг асосчиси" Абдулла Қодирий асарларини ҳам ватандошларига янада яқинроқ танитиш йўлида анча жиҳдий, мустақил тадқиқот объекти бўла оладиган ишларни амалга оширишган. Масалан, америка таржимони Марк Рейес шу кунларда "Ўткан кунлар" романни таржимасининг энг сўнги лойиҳаси устида иш олиб бормоқда¹⁵¹.

Қодирийшунос X.Мурфи адаб романларини тадқиқ қилиш билан бирга унинг "Аҳволимиз" шеърини ҳам инглизчалаштирган.

Маълумки, Қодирий ижодининг дастлабки босқичида шеърлар ҳам ёзган. Мазкур шеър ана шу даврдаги ижод намуналаридан биридир¹⁵². Мурфи Қодирийнинг ислоҳотчи сифатидаги қарашлари ҳақида фикр билдирганида қуйидаги тўртликни мисол қиласи:

*Kўр бизнинг аҳволимиз гафлатда қандай ётамиз
Ўғлимизга на адаб, на фан, на яхши сўзламоқ
На худони буйруги бўлган илм ўргатамиз¹⁵³.*

(Қодирий)

*Look how we lie heedless of our condition
We are teaching our youth neither Good's commandments
Nor manner, nor science, nor proper speech¹⁵⁴.*

(Х. Мурфи таржимаси)

¹⁵¹ Олим билан бўлган сұхбатимиздан.

¹⁵² А б д у л л а Қ од и р и и. Тўла асарлар тўплами: б жилдлик. 1-жилда / Нашрга тайёрловчи А.Акромов. Масъул мұхаррир Н.Каримов. Тошкент: Фан, 1995. 11–12-бетлар.

¹⁵³ "Аҳволимиз" шеъри таржимаси Мурфи тадқиқотидаги нусха асосида таҳдил қилинди. Қаранг: М у р ф и Х. Абдулла Қодирий ва большевиклар: ислоҳотдан инқилобгача. Марказий Осий мусулмонлари / Х.Мурфи ва б. Дурҷам – Лондон: Дуюк университети нашиёти, 1992. 193-бет.

¹⁵⁴ Muslims in Central Asia / Ch. Murphy and etc.; Durham and London: Duke University Press, 1992. P.193.

Таржимада қўпол хатолар учрамаса-да, у баъзи камчиликлардан мустасно ҳам эмас.

Қодирий юқоридаги шеърида “илм ўрганиш”ни “Оллоҳнинг буйруги” деб айтади. Бизнингча, муаллиф “одобни, фанни ва яхши сўйламоқни ўрганиш ва ўргатиш ҳар бир кишининг инсонийлик бурчи” деган гояни илгари сурган. Лекин Мурфи таржимасида муаллиф фикри бир оз бошқача ифодаланган. Яъни

Ёшлиаримизга на Худонинг буйруқларини –

На одоб, на фан, на яхши сўйламоқ ўргатамиз.

Таржимадан кўринадики, мутаржим “Худонинг буйруқларини” (God's commandments) умумлаштириб берган. Аслиятда эса Оллоҳнинг буйруги (буйруқлари эмас) деб илм ўргатиш назарда тутилган.

Фикримизча, айнан шу жумлани қўйидагича инглизчалаштириш мақсадга мувофиқдир:

We are teaching neither science (knowledge) – God's commandment

... пог... мана шунда муаллиф айтмоқчи бўлган фикр (*На Худонинг буйруги бўлган илм ўргатамиз*) тўғри ифодаланган бўлар эди. Таржимадаги баъзи кемтикликлар тил грамматикаси ва фонологияси билан боғлиқ бўлганлиги боис, уларни таҳдил қилишни лозим топмадик.

Таржимашунос F.Саломов бадиий таржиманинг ўзига хос хусусияти ҳақида шундай дейди: “Бадиий таржиманинг бошқа турдаги таржималар – илмий-техника китоблари, ижтимоий-сиёсий асарлар таржимасидан фарқи бадиий адабиётнинг фан соҳаларидан фарқланишига ўхшайди. Бошқача айтганда, бадиий таржиманинг ўзига хослиги бадиий адабиётнинг ўзига хос сифати билан белгиланади. Лекин бадиий таржиманинг оригинал бадиий адабиётдан фарқи унда филологик таҳдил ва лисоний-услубий қиёснинг иштирок этиши билан белгиланади. Чунончи, ёзувчи, шоир ёки драматургдан шу жанрлардаги асарларни ўз тилига ўгериш иши билан шугулланувчи ижодкорнинг фарқи шундаки, у (таржимон) авторнинг муддаосини бошқа

тилда қайта ифодалайди, унинг асарини қайта тиклайди. Бунда эса, тасвирдан ташқари, қиёс ва таҳдил иштирок этади”¹⁵⁵.

Америкалик олим ва таржимон Э.Олворт F.Саломов айтётган қиёс ва таҳдил асосида ўзининг таржимонлик маҳоратини Маҳмудхўжа Беҳбудийнинг “Падаркуш” драмаси орқали яна бир бор, тўлалигича намоён қила олган. Олим пъесани 1986 йили “Ўрол – Олтой йилномаси” журналида лотин ёзувида ўзбек ва инглиз тилларида нашр эттирган. У “Падаркуш” драмаси нашри ва таржимасини амалга ошириш учун Беҳбудийнинг 1913 йилда ўзи чоп эттирган Самарқанд нусхасини асос қилиб олади. Мутаржим бадиий асар хусусида “Илк Ўрта Осиё драмасида қотиллик метафора сифатида”¹⁵⁶ сарлавҳаси билан каттагина кириш сўзи ҳам ёзади. Америкалик тадқиқотчи ушбу таржима асарининг муқаддимасида “Падаркуш”нинг янги қирраларини кашф қиласи ҳамда Беҳбудий ижодининг очилмаган жиҳатларини кўрсатишга ҳаракат қилган. Тадқиқотчи асарни чуқур ва атрофлича таҳдил қилиб, яратилиш даврига кўра уни ўзбек адабиётининг етук, ҳақиқий бадиий ижод намунаси эканлигини таъкидлайди.

Хар қандай таржима қилинган асар муаллиф бадиий маҳоратидан, у яратган образлардан таъсиrlаниш натижасида вужудга келади. Таржима асарлари орқали таржимонлик қобилияти намоён бўлади. XX аср бошида Туркистон, хусусан Ўзбекистон мисолидаги Шарқу Farb синтезининг намоён бўлиши, унинг жадид адабиётига таъсири шу даврда бевосита ва билвосита рус тили орқали кўплаб инглиз, немис, француз ва бошқа халқлар бадииятининг энг яхши намуналарини ўзбекчалаштирилиши ёки, аксинча ўзбек адабиётининг шоҳ асарларини инглизчалаштирилиши билан белгиланади.

¹⁵⁵ Саломов F. Таржима таъвишлари. Тошкент: Адабиёт ва санъат, 1983. 16-бет.

¹⁵⁶ Ш.Турдиев «Ўрта Осиё драмасида фожиавий асос» деб таржима қилиб, бу ҳақда “Ўзбекистон адабиёти ва санъати” газетасида мақола ҳам эълон қилган (1992 йил 17 апрель).

Жадид адабиёти, жумладан, “Падаркуш” ўз даврининг сара асарларидан бири сифатида тан олиниши ва инглизчалаштирилиши Шарқу Farb синтезининг адабий анъана сифатида давом этиб келаётганлигини кўрсатади. Таржима қилинган асарлар ана шу синтезнинг асосий омилларидан бири ва маҳсулидир. Шуни алоҳида таъкидлаш керакки, турли тил ва адабиётлар таъсирида қайта яратилган бадиият намуналарини атрофлича тадқиқ қилиниши Шарқ ва Европа маърифатпарвар адабиётига хос умумий жиҳатларни типологик йўсинда ўрганишга имкон яратади.

Бугунги адабиётшунослигимизнинг муҳим вазифаларидан яна бири “Падаркуш” арамасининг турли вақтлардаги нашрлари матнидаги фарқларни ўрганиб, муаллиф вариантига адекват нусхани белгилашдан иборат. Бу вазифани тадқиқ қилиш учун Ш.Турдиев (“Падаркуш”, “Шарқ юлдузи”, 1989. 7-сон), Ш.Ризаев (Жадид драмаси. Тошкент: Шарқ, 1997), Б.Қосимов (Беҳбудий. Танланган асарлар. Тошкент: Маънавият, 1998) ва Э.Олворт (“Ўрол-Олтой йилномаси”. 58 (1986)), Темур Хўжа ўғли (Timur Kocaoglu. Turkistanda turkce ilk tiyatro eseri: Mahmud Hoca Behbudi'nin “Pederkus” (Baba katili) piyesi-1913. Turkluk Arastirmalari Dergesi. Istanbul, Bahar 2004.) нашрлари биз учун манба бўлди. Шунингдек, таржималарни 1913 йилдаги Самарқанд нусхаси асосида бугунги кун адабиётшунослиги нуқтаи назаридан текстологик жиҳатдан қиёслаб, улардаги ютуқ ва камчиликларни объектив таҳлил этишга ҳаракат қиласиз.

Э.Олворт пьесани таржима қилишда олдига қўйилган барча талабларга жавоб беришга ҳаракат қиласан. Жадид адабиётидаги бошқа асарларни инглизчалаштиришда йўл қўйилган камчиликлар (сўз ва мажозий маъноли ибораларни тушунмаслиги оқибатида қаторларнинг ноўрин қисқартирилиши, айримларининг ташлаб кетилиши, сиёсий таъсирга берилиб, ўзбекча жумла конструкциясининг аслиятдан фарқли ўзлаштирилиши, пафосни ортиқ даражада кучайтириб ифода этилиши ва, ҳатто, сўз-ибораларни тўлалигича тушуна олмаслик билан боғлиқ Шарқ ва Farb тафакку-

рига оид муаммоларни бартараф эта олмаслиги натижасида юзага келадиган таржимадаги номутаносибликлар)ни бартараф этиш билан бирга муаллифга хос услубни сақлаб қолган. XX аср адабиётида муомалада бўлган, хусусан, “Падаркуш”да қўлланилган ва бу-гунги кунимиизда “тил тарихи” (историзм) га айланган сўзларнинг деярли барчасини атрофлича тушунишга, уни таржимада тўғри қўллашга муваффақ бўлган. Бу билан чекланмасдан, асардаги рус тилидан ўзлаштирилган сўз ва терминларга изоҳ беради.

Э.Олворт ўзга нашрларда маълум сабабларга кўра ташлаб кетилган ёки хато ўқилган жумлаларни тўғри, аслиятдагидек мукаммал инглизчалаштиришга интилган. Масалан, биринчи пардадаги Бой нутқи Ш.Турдиев¹⁵⁷ ва Б.Қосимов¹⁵⁸ нашрларида “иккисига ҳам бормайдур” тарзида берилган. Э.Олворт эса уни “иккисига ҳам ўқиймайдур”¹⁵⁹ (“he studies in neither”¹⁶⁰) деб аслиятдагидек¹⁶¹ ўқиган ва тўғри таржима қилган. Ушбу жумла ўзбек олими Ш. Ризаев¹⁶² ҳамда турк таржимони Темур Хўжа ўглиниң ўзбек ва турк нашрларида ҳам аслиятдагидек (“иккисига ҳам ўқиймайдур”, “ikisinde de okituyor”) берилган¹⁶³. Айнан шу пардада “пайғамбаримиз”¹⁶⁴

¹⁵⁷ Б е ҳ б у д и й. Падаркуш. Ш.Турдиев нашрга тайёрлаган // Шарқ юлдузи. Тошкент, 1989. 7-сон. 151-бет.

¹⁵⁸ Б е ҳ б у д и й. Танланган асарлар. Падаркуш. Б.Қосимов нашрга тайёрлаган. Тошкент: Маънавият, 1998. 40-бет.

¹⁵⁹ Б е ҳ б у д и й. Падаркуш. Э.Олворт нашрга тайёрлаган / Ўрол Олтой йилномаси. 58 (1986), (Лотин алифбосига асосланган ўзбек тилида.) 73-бет.

¹⁶⁰ B i h b u d i y. The Patricide.Ural-Altaic Yearbook.-58 (1986). P.84. (translated by Edward Allworth).

¹⁶¹ М а ҳ м у д ҳ ў ж а Б е ҳ б у д и й. Падаркуш. Самарқанд, 1913. 2-бет.

¹⁶² Б е ҳ б у д и й. Падаркуш. Ш.Ризаев нашрга тайёрлаган / Ризаев Ш. Жадид драмаси. Тошкент: Шарқ, 1997. 138-бет.

¹⁶³ T i m u r K o c a o ġ l u. Türkistan'da türkçe ilk tiyatro eseri: Mahmut Hoca Behbudi'nin 'Pederkiüs' (Baba katili) piyesi-1913. Türkük Araştırmaları Dergisi. İstanbul, Bahar 2004. S. 219.

¹⁶⁴ М а ҳ м у д ҳ ў ж а Б е ҳ б у д и й. Падаркуш. Самарқанд, 1913. 8-бет.

деган сўз бор. Ш.Турдиев нашрида бу “парвардигоримиз”¹⁶⁵ шаклида берилган.

Б.Қосимов¹⁶⁶, Ш.Ризаев¹⁶⁷, Темур Хўжа ўғли¹⁶⁸ ва америкалик мутаржим¹⁶⁹ “пайгамбар” деб ҳақиқатга яқин талқин қилган. Чунки муборак Ҳадиси шарифда илм олиш тўғрисидаги бу дониш фикрлар Ҳазрат Пайгамбаримиз тилидан айтилган, “Ҳазрат” сўзи ҳам “Расулуллоҳ” сўзига нисбатан қўлланилган.

Ш.Турдиев¹⁷⁰ ва Б.Қосимов¹⁷¹ нусхаларида, тўртингч манзарада муаллиф нутқидаги қўйидаги жумлалар аслиятдагидан фарқли “писиб бориб кирар” деб берилади. Асар моҳиятидан келиб чиқиб таҳдил қилинса, юқоридаги гап (писиб бориб кирар) “Тўртингч манзара”ning воқеа-ҳодисаларини, Тангрикул ва Тошмуроднинг қотиллик содир қилиб келгандан кейинги ҳолатини тасвирлаш учун зарур бўлган фикрни бера олмаган. Улар бажармоқчи бўлган “иш” осон эмас эди. Унинг устига режалаштирилгандек амалга ошмади ва қотиллик билан тугади. Уларнинг “пишиб ҳориб” келиши табиий. Бошқа бир тарафдан **пішіп** “пишиб”даги **ш** араб алифбосига асосланган эски ўзбек ёзуви-даги “шин” товушини бериши билан “се”га шаклан яқинлигига асосланиб “писиб” шаклида ифодаланган бўлиши мумкин де-

¹⁶⁵ Б е ҳ б у д и й. Падаркуш. Ш. Турдиев нашрга таёrlаган // Шарқ юлдузи. 1989. 7-сон. 153-бет.

¹⁶⁶ Б е ҳ б у д и й. Танланган асарлар. Падаркуш. Б.Қосимов нашрга тайёрлаган. Тошкент: Маънавият, 1998. 44-бет.

¹⁶⁷ Б е ҳ б у д и й. Падаркуш. Ш.Ризаев нашрга тайёрлаган; Ризаев Ш. Жадид драмаси. Тошкент: Шарқ, 1997. 142-бет.

¹⁶⁸ T i m u r K o c a o ġ l u . Türkistan'da türkçe ilk tiyatro eseri: Mahmud Hoca Behbudi'nin 'Pederkuş' (Baba katili) piyesi-1913. Türklük Araştırmaları Dergisi. İstanbul, Bahar 2004. S.222.

¹⁶⁹ Б е ҳ б у д и й. Падаркуш. Э.Олворт нашрга тайёрлаган // Ўрол Олтой йилномаси. 58 (1986), (Лотин алифбосига асосланган ўзбек тилида). 76-бет.

¹⁷⁰ Б е ҳ б у д и й. Падаркуш. Ш.Турдиев нашрга таёrlаган// Шарқ юлдузи. 1989. 7-сон. 155-бет.

¹⁷¹ Б е ҳ б у д и й. Танланган асарлар. Падаркуш. Б.Қосимов нашрга тайёрлаган. Тошкент: Маънавият, 1998. 48-бет.

ган қараш ҳам туғилади. Аммо кейинги “ҳориб” (“бориб эмас”) сўзидағи биргина ҳарф хуласаларимизни узил-кесил ҳал қиласди. Аслиятда ҳам ҳарп һарп “ҳориб” шаклида ёзилган¹⁷². Э.Олворт ўз маҳоратини яна бир бор намоён қилиб, юқорида қайд этилганидек, “пишиб ҳориб кирав”, яъни инглиз тилида “Enter sweating and exhausted” деб тўғри ўқиган¹⁷³ ва тўғри инглизчалаштирган¹⁷⁴. “Sweat” инглиз тилида “терламоқ” деган маънони беради. Турк олими Темур Хўжа ўғли вариантида ҳам мазкур бирикма “pişib harib kicer” деб тўғри талқин қилинган¹⁷⁵ ва айнан “kan-ter içinde girer” шаклида туркчалаштирилган¹⁷⁶.

Таржимонлик маҳорати “бадий асарда ёритилган воқеаликни кўра билиш ва чуқур ўрганиши... тилнинг лугат таркиби-даги турли қатлам ва ёзувчилик санъатининг қудратли унсури ҳисобланган сўзнинг барча нозик маъно жилваларини аниқ, тўла-тўқис сеза олиш қобилиятидир”¹⁷⁷. Эдворт Олворт “ҳориб”га мос “exhausted” сўзини танлай олган. Одатда, “чарчамоқ” инглиз тилида “to get tired” билан ифода этилади. Сўзнинг бадиий-эстетик функциясининг асардаги ўрнини сақлаб қолиш учун юқоридаги “exhausted”ни танлайдики, бу сўз мумтоз Америка адабиётида XX асрда, хусусан бугун ҳам адабий сўз сифатида талқин қилинади. Ушбу сўз аслиятнинг таржимадаги ғоявий-бадиий вазифасини таъминлашда ўзига хос ўрин тутган. Бундай мисолларни кўплаб келтиришимиз мумкин.

¹⁷² Маҳмудхўжа Беҳудий. Падаркуш. Самарқанд, 1913. 15-бет.

¹⁷³ Беҳудий. Падаркуш. Э.Олворт нашрга тайёрлаган // Ўрол Олтой йилномаси. 58 (1986), (Лотин алифбосига асосланган ўзбек тилида). 80-бет.

¹⁷⁴ B i h b u d i y. The Patricide. Ural Altaic Yearbook. 58 (1986). P.93. (translated by Edward Allworth).

¹⁷⁵ Timur Kocaoglu. Türkistan'da türkçe ilk tiyatro eseri: Mahmud Hoca Behbudi'nin 'Pederkuş'(Baba katili) piyesi – 1913. Türkük Araştırmaları Dergisi. İstanbul, Bahar 2004. S. 215.

¹⁷⁶ Шуманба. 226-бет.

¹⁷⁷ Таржимонлик маҳорати / Ф.Саломов ва бошқалар. Тошкент: Фан, 1979. 137-бет.

Яна бир мисол, Ш.Турдиев ва Б.Қосимов нашрларида бекора – “бечора”, гондурма – “қўндирма” деб нотўғри берилади¹⁷⁸ ва воқеа мазмунига бироз ғализлик киритади. Тангриқул ва Тошмурод қилиб қўйган “шўхликлар”идан ҳадиксираб, безовта бўлавергач, Давлат бўлиб ўтган ишлардан “бекора” (бекорга) ташвишланаётганларини айтиб, уларни “хотиржам қилади”. Кўринадики, аслиятда ифодаланган сўз мантиқий изчиликни таъминлайди¹⁷⁹.

Биз ишонамизки, Ш.Турдиев ва Б.Қосимовдек араб имлосидаги эски ўзбек ёзувини яхши биладиган зукко олимларнинг баъзи ҳарфларни ўқишида хато қилишлари унчалик ҳам ҳақиқатга тўғри келмайди. Шунинг учун олимларнинг билим ва иқтидорларига асосланиб, ҳарфларни ўқилишида учрайдиган фарқлар нашриётнинг хатоси бўлса керак, деган тахминларга ҳам бордик. Ш.Ризаев, Темур Хўжа ўғли ва Эдворт Олворт нашрларида эса бу нуқсонлар бартараф этилган ва тўғри ифодаланган. Америка тадқиқотчиси Э.Олворт асарни инглизчалаштириш жараёнида бадиий асаддаги ҳар бир образ руҳиятига кириб, уларнинг нутқини аслиятдагидек бера олган. Масалан, биринчи пардадаги Бой ва Зиёли сұхбатида шундай ўрин бор:

бай – (اَلا اَلَّا قُرْبٌ) ایندی بىلدىم سز هم او غلونگ نى او قوت دىپ منى قىساريakan سز
(آدم لرغه قلاراب) بوکون چې قوليم ايله تورگان من. اويله مە گن ايشلار آليمند چيقار.

Мضمони قардин قوتолуб ياغмурғе او чраймиз. خيرالله! چليم қитлер (طرفин скот)
Яъни, “Бой: (ола-ола қараб) Энди билдим, сиз ҳам ўглунгни ўқут деб мени қисар экансиз, (одамларга қараб) букун чап қўлим ила турганман, ўйламаган ишлар олдимдан чиқар. Мазмуни: қордан қутулуб ёғмурга учраймиз. Хайрулла! Чилим келтур (Тарафайн сукут...)”¹⁸⁰.

¹⁷⁸ Беҳбудий. Падаркуш Ш.Турдиев нашрга тайёрлаган // Шарқ юлдизи. 1989. 7-сон. 155-бет; Беҳбудий. Таланган асарлар. Падаркуш. Б.Қосимов нашрга тайёрлаган. Тошкент: Маънавият, 1998. 48-бет.

¹⁷⁹ Махмудхўжа Беҳбудий. Падаркуш. Самарқанд, 1913. 15-бет.

¹⁸⁰ Ўша асар. 6-бет.

"Mr. Rich (Staring, again and again) Now I understand. You, too want to press me, saying "educate" your son" (toward the audience) Today I got up on the wrong side of the bed. Things I had not even thought of happened to me. Evidently, we fall out of the frying pan into to the fire... (Both silent)"¹⁸¹.

Бунинг туркча варианти эса қўйидагича ифода этилган : "Bey (Kötü kötü bakarak) Şimdi anladım, siz de oğlunu okut diyerek beni sıkıştıracaksınız. (Insanlara bakarak) Bugün sol yanım ile kalkmışım. Düşünmediğim işler başıma geliyor. Anlamı, kardan kutularak yağtura tutuluyoruz... (Karşılıklı sessizlik)"¹⁸²

Эътибор берилса, Бой характерига хос қўпоплик, жиззакилик унинг нутқидан кўриниб турибди. Табиийки, Бойнинг фикрлаши Зиёлиницидан фарқли чапани, баъзида тўпори. Мутаржимлар ҳар бир қаҳрамон характерини яратишда муаллиф фойдаланган деталларни, образларга хос хусусиятларни очиб беришда қўлланилган халқ мақолларини, мажозий маъноли ибораларни инглиз ва турк тилидаги муқобил вариантини тўғри топиш ҳисобига асар қийматини, бадий жозибасини инглиз тилида ҳам сақлаб қолган. Муаллифнинг образларда мужас-самлантирган тил маҳорати бадий асарнинг наинки ижтимоий, балки бадий таъсир кучини ҳам оширади. Ана шу муҳим жиҳатлар таржимада тўлалигича ифодаланган. "Падаркуш"нинг аслияти унинг турк ва инглиз тилидаги вариантларини қиёслаганда буни яққол кўриш мумкин.

"Падаркуш" драмасида "жўралар" деган сўз қўлланилган. Яна бир ўринда бу "улфат" шаклида берилган. Э.Олворт "жўра" ва "улфат" сўзларининг бир-биридан фарқли томонларини, қўлланилиш ўринларини англай олган. Шунинг учун ҳам булар ўрнида оддийгина "дўст" маъносини берувчи "friend", "friend

¹⁸¹ B i h b u d i y. The Patricide.Ural-Altaic Yearbook.-58 (1986). P.86 (translated by Edward Allworth).

¹⁸² Timur Koca oğlu. Türkistan'da türkçe ilk tiyatro eseri:Mahmud Hoca Behbudi'nin 'Pederkuş'(Baba katili) piyesi – 1913. Türklük Araştırmaları Dergesi. İstanbul, Bahar 2004. S. 221.

of mine" каби сўз ва бирималарни қўлламаган. Юқоридаги сўзларнинг моҳиятини тўла ифодалайдиган сўзлардан фойдаланган. Масалан, "жўралар" учун "pals"; "улфат"га эса "buddy"ни танлаганки, булар дўст сўзидан қўлланилиш доираси билан фарқ килади. Бу Беҳбудий асаридаги муҳитни, муаллиф бермоқчи бўлган ҳолатни таржимада ҳам беридишини таъминлаган.

"Мутаржим бегона тилдаги матнни ўзи учун талқин этиш билан уни ўз тилида бошқаларга атаб қайта (бошқатдан – З.М) яратади. У асарни она тили воситасида қайта яратиш иштиёқи билан ёнади"¹⁸³. Шунингдек, "таржима маълум бир миллат вакилларига нотаниш бўлган иккинчи бир халқнинг маданияти, сиёсати ва менталитетини таниширишда кенг имкониятлар яратиш билан бир қаторда бадиий асар, маълум маънода "ривожланиш" жараёнини ҳам бошидан кечиради"¹⁸⁴. Беҳбудий пъесанинг кўп ўринларида сўзларни такрор қўллаган. Масалан, учинчи пардадаги Домла нутқида уч марта кетма-кет "сабр" сўзини ишлатади. Бунинг маълум сабаблари бор, албатта. Тасвирлананётган воқеанинг содда, халқ тушуниши керак бўлган тилда баён этиш жадид адабиёти вакилларининг асосий принципларидан бири ҳисобланишини айтиб ўтгандик. Шу хусусиятни яхши илғаган Э.Олворт "асарни қайта яратиш" мобайнида инглиз китобхонларига "сабр"ни уч ўринда уч хил ифодалаган¹⁸⁵. Бу унинг сўзлардаги жилони илғай олганидан, ўз она тилида драманинг бадиийлигини сақлаб қолиш учун катта куч сарф қилганлигидан далолат беради.

Таржимашунос олим Қ.Жўраев таржимачилик ва таржимон иши хусусида шундай фикр билдиради: "Таржимачилик иши миллий адабиётларни ўзаро айирбошлиш, бирида учрай-

¹⁸³ Таржимон маҳорати / F.Саломов ва бошқалар. Тошкент: Фан, 1979. 151-бет.

¹⁸⁴ Lawrence V. The Scandals of Translation. London: Routledge, 1998. P.161.

¹⁸⁵ Bihudiy. The Patricide. Ural-Altaic Yearbook. 58 (1986), pp.91–92 (translated by Edward Allworth).

диган миллий биқілдік ва камчилікни иккінчісіда бартараф қылашга имкон берувчи әңг ишончли воситалардан бири. Таржимон эса шу іжодий жараённи амалга оширувчи адіб. Уннинг фаолияти фақат тил билиш ёки истеъод билан, ёнкі таржимачилик ишига зұр иштиёқи билангина белгиланмайды. Шоирона дид, нафосат, зеҳн, зийраклик, үқувга әга бўлмаса, ундей таржи-мондан ҳақиқий санъат асари кутиш амри маҳол”¹⁸⁶.

Махмудхўжа Беҳбудийнинг “Падаркуш” пьесаси муста-қилликкача ва ундан кейин ҳам нашр қилинган. Масалан, 30-йилларда Ўзбекистонда профессор Абдураҳмон Саъдий ва Порсо Шамсийнинг “Адабиёт дарслари учун ёрдамчи материаллар” (1933), Ҳомил Ёқубов, С.Паластрев ҳаммуаллифлигидаги “Адабиёт хрестоматияси” (1936) китобларида ҳам босилган эди. Лекин улардаги сталинизм даврининг сиёсий-мағкуравий тазиикі таъсирида “Падаркуш”даги чор Россиясининг Туркистандаги босқинчилік сиёсати натижасыда кириб келган ич-килиkbозлик ва маънавий-аҳлоқий бузукликларни фош этувчи саҳналар (майхоначи арманни Артун ва фоҳиша аёл Лизанинг нодон бойваччаларни ўз пуллари эвазига ёмон йўлларга тортиши) тушириб қолдирилган. Узоқ муддатдан кейин олимлар Ш.Турдиев, Ш.Ризаев ва Б.Қосимовлар бу савоб ишга қўл уриб, “Падаркуш”нинг аслият асосидаги варианtlарини нашрга тайёрладилар. Уларда шу вақтгача чоп этилган “Падаркуш”даги камчиліклар, тушириб қолдирилган сатрлар тўлдирилди. Аммо, бу нашрларни ҳам тўлиқ, деб айта олмаймиз. Ҳар учала нашрда ташлаб кетилган ўринлар учрайди.

Масалан, биринчи пардадаги Зиёли нутқидаги:
يا بر مسلمان بله سى نظامى مكتب فورمە سىدە يورسە مىسخە قىلە دورلىرى
Яъни: “Ё бир мусулмон баласи низомий мактаб фўрмасида
юрса масхара қиласурлар” жумласи ҳар иккала олим¹⁸⁷

¹⁸⁶ Ж үраев К. Таржима санъати. Тошкент: Фан, 1982. 31-бет.

¹⁸⁷ Беҳбудий. Падаркуш. Ш.Турдиев нашрга тайёрлаган // Шарқ юлдзузи. 1989. 7-сон. 153-бет; Беҳбудий. Танланган асарлар. Падаркуш / Б.Қосимов нашрга тайёрлаган. Тошкент: Маънавият, 1998. 44-бет.

(Ш.Турдиев, Б.Қосимов) нинг нашрларида тушириб қолдирилган. Ёки айнан шу пардада Домла нутқидан айтилган... **نرى تورسون فقط روزگار او تىگار مق** (“нари турсун фақат рүзгор ўтгармоқ...”) бирикмаси Ш.Ризаев нашрида¹⁸⁸ берилмаган. Бунинг сабаби, эҳтимол, ўзбек олимлари драманинг оммавий, Э.Олворт ва Темур Хўжа эса унинг танқидий матнини яратишни мақсад қилиб қўйғанликларидаир, деган холосага келиш мумкин. Ёки бунинг устозларга маълум, лекин биз билмаган сабаблари ҳам бордир, эҳтимол. Үқишидаги бу каби кемтикликлар Америка ва турк олимлари нашрларида учрамайди. Инглиз (*Or, if a Muslim boy wears the uniform of the regular government primary school, they jeer*)¹⁸⁹ ҳамда турк (*Veya bir müslüman çocuğu resmi okul formasıyla gezerse, onu alaya alırlar*)¹⁹⁰ тилларига ҳам бу гап ва бирикмалар аниқ таржима қилинган.

Учинчи манзарада Домулла нутқидан яна бир жумла (*Сизни беилмлик хонавайрон қилди*)¹⁹¹. Б.Қосимов нашрида қолиб кетган¹⁹². Бошқаларда бу камчилик такрорланмаган.

Биламизки, американлик олим “Падаркуш”ни араб имлосидаги эски ўзбек ёзувидан лотин алифбоси асосида ўзбек ва инглиз тилларида нашр эттирган. Лотин ёзувидаги ўзбек тили нашрида, деярли барча ўринларда “о”ни “а”, “ў”ни “у”, “е”ни “ж”, “ҳ”ни “kh” шаклида қўллаган. Масалан: chay – чой; jetar – етар; asan – осон; ata – ота; adam – одам. Бундай мисоллар таржимада кўп учрайди. Юқоридаги сўзлар соф ўзбек тилининг лугат

¹⁸⁸ Беҳудий М. Падаркуш. Нашрга тайёрловчи Ш.Ризаев; Ризаев Ш. Жадид драмаси. Тошкент: Шарқ, 1997. 139-бет.

¹⁸⁹ B i h b u d i y. The Patricide.Ural-Altaic Year-book. 58 (1986). P.88 (translated by Edward Allworth).

¹⁹⁰ T i m u r K o c a o ġ l u. Türkistan'da türkçe ilk tiyatro eseri:Mahmud Hoca Behbudi'nin 'Pederkuş'(Baba katili) piyesi-1913. Türklük Araştırmaları Dergesi. İstanbul, Bahar 2004. 222-s.

¹⁹¹ М аҳмудхўжабеҳудий. Падаркуш. Самарқанд, 1913. 14-бет.

¹⁹² Беҳудий. Падаркуш. Танланган асарлар / Б.Қосимов нашрга тайёрлаган. Тошкент: Маънавият, 1998. 48-бет.

қатламига киради. Булар хорижлик олимнинг ўз она тилидаги алифбо системаси билан қоришиб кетгани учун шу ҳолда берилган бўлиши мумкин. Балки, бу Олвортта драмани ўқишида ёрдам берганлардан бири “ж”ловчи шевада сўзлашиши билан боғлиқдир. Бу кемтикликнинг яна бир жиҳати араб тили асосига қурилган эски ўзбек ёзувидағи ҳаракатлар билан ҳам белгиланади.

Маълумки, араб алифбоси асосидаги эски ўзбек ёзувида 4 та ҳаракат бўлиб, улар 4 (тўрт) унлини ифодалаш учун хизмат қиласди. Бу ҳаракатлар, одатда, ҳарфларнинг устига ёки остига қўйилиши керак бўлган ҳолатда тушириб ёзилади. Бу араб тилининг фонологик системаси, грамматик қурилиши билан боғлиқ ҳодиса. Шу боис мутаржим асл (Самарқанд) нусхани мутолаа қилиш жараёнида тилнинг бу жиҳатларига эътибор бермаганлигидан юқоридаги бузилишлар вужудга келгандир. Аслида бир ҳарф ёки товуш сўзларнинг маъноларини тубдан ўзгартириб юбориши мумкин. Агар таржимон тилнинг бу томонларига ҳам аҳамият берганида эди, инглизчалаштирилган ва ўзбек тилида нашр этилган асар бундан ҳам мукаммалроқ бўларди.

Учинчи пардада “تپرلار” – типирлар сўзи бор¹⁹³. Э.Олворт нашрида бу “тапирлар” деб хато берилган¹⁹⁴. Ўзбек тилида юқоридаги икки сўз моҳият жиҳатдан бир-биридан фарқланади. Асадаги шу сўз билан боғлиқ ҳолатнинг акс эттирилишида улар ўртасидаги тафовут янада аниқ кўринади. Б.Қосимов ва Ш.Турдиев нашрларида бу сўз “типирлар” деб тўғри берилган. Лекин Э.Олворт инглизчалаштиришда шундай сўз қўллаганки, (“Tumbles”) у “типирлар” маъносини тўла берга олган¹⁹⁵. “Tumbles” сўзининг инглиз тилида бир қанча

¹⁹³ М а х м у д х ў ж а Б е ҳ б у д и й. Падаркуш. Самарқанд, 1913. 13-бет.

¹⁹⁴ Б е ҳ б у д и й. Падаркуш / Э.Олворт нашрга тайёрлаган // Ўрол Олтой йилномаси. 58 (1986), (Лотин алифбосига асосланган ўзбек тилида). 79-бет.

¹⁹⁵ B i h b u d i y. The Patricide.Ural-Altaic Year-book. 58 (1986). P.91 (translated by Edward Allworth).

лугавий маънолари бўлиб, улардан бири “тўлғанмоқ”. Чалажон одамнинг жон бериш ҳолатини “тўлғониш” билан ҳам ифодалаш мумкин. Олим нашридаги хатолик унинг таржимасига таъсир этмаган. Лекин ўзбек тилидаги нашрида ҳам тўғри талқин этилганда мақсадга мувофиқ бўлар эди. Биринчи парданинг муаллиф нутқидаги تۇرار – тураг¹⁹⁶ сўзини Э.Олворт تۇزار – тузар¹⁹⁷ деб ўқиган ва ўзбек тилидаги нашрида “тузар” кўринишида ифодалаган. Аммо бунинг “мунтазир тураг” бўлиши кераклиги, қўлёзмада нотўғри берилганилиги ҳақида изоҳ беради. Инглиз тилига ҳам “stands waiting”¹⁹⁸ деб тўғри ўгирган. Шуниси қизиқки, аслиятда Э.Олворт айтганидек, تۇرار – тузар эмас, – тураг деб ифодаланганд. Ушбу парданинг сўнгти қисмида “бой бучча” (бойнинг хотини) эрининг аҳволини кўриб дод кўтариб одамларни ёрдамга чақиради. “Вой-дод” бирикмасини мутаржим “Help police” шаклида таржима қилган. Агар аёлнинг ҳолатини ёки умумий вазиятни ҳисобга олсак, унинг дод солишида, одамларни ёрдамга чақиришида мантиқ бор. Аммо мутаржимнинг “полиция” сўзининг орттиришида давр ва этник жиҳатдан ғализлик юзага келган. Бойбучча ўқимаган, содда, оми аёл. Унинг “иккисидан ҳам айрилдим,вой,вой болам... боламни Сибирга юборарлар”, деб дод солиши эридан айрилиб қолгани етмаганидек, ўғлидан ҳам ажралиши муқаррарлигини сезган онанинг қалбидан отилиб чиққан фарёдидир. Беҳбудий юқоридаги асосларга кўра “полиция” сўзини персонаж нутқида умуман ишлатмаган. Мутаржим таржимада фойдаланганд бу сўзнинг воқеа тасвиридаги аҳамияти, пъесадаги персонаж нутқи, қаҳрамон характеристики очиб беришдаги Бойбуччанинг “вой-дод” деб фарёд

¹⁹⁶ М а ҳ м у д ҳ ў ж а Б е ҳ б у д и й . Падаркуш. Самарқанд, 1913. 4-бет.

¹⁹⁷ Б е ҳ б у д и й . Падаркуш. Э.Олворт нашрга тайёрлаган // Ўрол Олтой йилномаси. 58 (1986), (Лотин алифбосига асосланган ўзбек тилида). 74-бет.

¹⁹⁸ B i h b u d i y . The Patricide. Ural-Altaic Year-book. 58 (1986). P.91 (translated by Edward Allworth).

солишини, нега бундай йиглаганилиги сабабини, айниқса, бу иборанинг этник яшаш тарзи билан боғлиқ моҳиятини таржимон англаб етмаган. Чунки миллый характерга кўра жиноят устида ўзбеклар “милиция” (ўтмишда ҳам ҳозирда ҳам) деб бақиришмайди. Буни инобатга олмаган таржимон онанинг ҳолатини полиция чақириши билан таъкидлаган. Аслида аёл эрининг ўлими ва бунга ўгли сабабчи эканлигидан огоҳ бўлгач, “вой-дод” деб бошига тушган кулфат, айрилиқни, дарду аламмалини сиртига чиқарган. Бу Шарқ аёлларига хос бўлган типик ҳолат. Бойбучча бу эпизодда ҳеч кимни ёрдамга чақирмаган. Полиция (миршаб) чақириши ҳақида эса гап ҳам бўлиши мумкин эмас. Бу аёл ўқимаган, содда ва оми бўлса ҳам, маҳаллий шароитни яхши тушунади, қонун-қоидалардан хабардор. У полиция чақирмаса ҳам ўғлининг Сибирга сургун қилинишини яхши билади. Шунинг учун Э.Олворт нимага асосланиб шундай таржима қилгани ҳақида инглиз ўқувчисига изоҳ берганида, “вой-дод”ни “полиция” шаклида таржима қилиш ўринли бўларди.

Ўзбек ва турк тиллари бир хил қатламга хос бўлгани учун Бойбуччанинг мазкур нутқини туркчалаштириш Темур Хўжа учун ҳеч қандай мураккаблик тугдирмаганлигини унинг куйидаги, аслиятга адекват таржимасидан ҳам кўриш мумкин: “*Eyvâh, vây vây evladim. Yandım vây evladim. Vây beyim, ah vây – y – y. İkisinden de ayrıldım. Kocamı mezara, çosugutu Sibiryâ'ya yollacaklar, vây vây vây – y – y*”¹⁹⁹.

Америкалик олимнинг таржимасидаги яна бир жиҳат, тилимиздаги форс тилидан ўзлаштирилган, 20–30-йилларда ҳаммага тушунарли бўлган, ҳозир эса историзмга айланган сўзларни қандай ўгирилганлиги билан боғлиқ. Иккинчи пардада Давлат тилидан айтилган اى توته بروت تىگر يقل

¹⁹⁹ Timur Koçaoğlu. Türkistan'da türkçe ilk tiyatro eseri: Mahmud Hoca Behbudi'nin 'Pederkuş' (Baba katili) piyesi – 1913. Türkük Araştırmaları Dergesi. İstanbul, Bahar 2004. 226-s.

табурут, Тангриқул²⁰⁰ жумласи бор. Шу гапни мутаржим бир оз бошқачароқ, яъни *Heu, come on, Tangriqul*²⁰¹ шаклида инглизчалаштирган. “Тутабурут” тушеб қолган. Четдан қараганда бу сўзнинг ташлаб кетилиши асар мазмунига унча таъсир қилмагандай туюлади. Бу ерда “come on” “бўла қол”, “жим турма” деган маънода қўлланилган. Лекин ҳар қандай бадиий асарнинг ўзига хослигини, уни бошқалардан ажратиб турувчи жиҳатларини белгиловчи омиллардан энг муҳими – муаллиф тили ва услуби эканлигини унутмаслигимиз керак. Қолаверса, “таржимон ўзга миллий олам ичига қоришиб кетиши, уни ўзига сингдириб олиши, унга чин дилдан берилган бўлиши, ўз қалбидан жой олган санъат асарини яратган юртнинг муҳибига айланиши керак. Таржимон ўз китобхонларини бошқа халқ билан таништирар экан, унинг ўзи ҳам маълум даражада ўша халқнинг вакили бўлиб қолади, акс ҳолда, автор унга ўзининг барча ҳис-туйғулари ўй-фикрларини, оригинал асарда ўз ифодасини топган юксак рух ва жўшқинликни ишониб топширмаслиги мумкин (Украин ёзувчиси ва таржима назариётчиси А.Кундзич эътирофи)”²⁰².

Мутаржим таржима жараёнида қаҳрамон характеристики, персонажлар хусусиятларини, уларнинг ғоялари ва қарашларини, фикрлаш тарзларини аслиятта мос, муаллиф тилигахос бўлганхалқона сўзлашув услуби, Шарқхалқлари оғзаки ижодида кўп учрайдиган чапанича сўзлашиш, қочириқлар билан фикр етказиш, хуллас, асарнинг халқчиллигини таъминлайдиган, образлиликни кучайтиришга хизмат қилувчи жиҳатларни ҳам кўздан қочирмаслиги керак. Чунки айнан ана шу “кўз илгамас сўзлар” муаллифга хос шарқона фазилатларни, асарнинг миллий колоритини, 20–30-йиллар руҳини, айниқса

²⁰⁰ Маҳмудхўжа Беҳбудий. Падаркуш. Самарқанд, 1913. 9-бет.

²⁰¹ B i h b u d i y. The Patricide.Ural-Altaic Year-book. 58 (1986). P.89 (translated by Edward Allworth).

²⁰² Бу ҳақда қаранг: Жўраев К. Таржима санъати. Тошкент: Фан, 1992. 18-бет.

тилини сақлаб қолади. Немис таржимони таъкидлаганидек: “Ҳар қандай миллатнинг муҳим, ўзига хос маданияти, тафаккур тарзи ва сўзлашув меъёрлари мавжуд. Мана шулар ўгирманинг аслиятга адекватлигини таъминлашда жавобгар бўлган энг муҳим жиҳатлар ҳисобланади”²⁰³. “Тута” – форсча сер, гич, “бурут” – туркча – мўйлов дегани. Икковининг қўшилмасидан “сермўйлов” сўзи ҳосил бўлган. Бизнингча, буни инглиз тилига – Hey bushy-moustachoid Tangriqul Ёки: Hey Tangriqul, bushy-moustachoid! кўринишида бериш мумкин эди. Ҳар иккиси ҳам сермўйлов, мўйловдор деган маъноларни англатади. Юқоридаги таржима вариантлари Тангриқулнинг қалин мўйловли йигит эканлигини тасвиrlаш имкониятларига эга деб ўйлаймиз. Бундан ташқари изланишларимиз натижасида, Самарақандда форсча сўзлашувчи аҳоли тида XX асрнинг 30-йилларида “тута” сўзи зиёли аёлларга нисбатан “оитута” шаклида; “эркакларча иш тутмайдиган, хотинчалиш, қўрқоқ, номард”²⁰⁴ шахсларга эса “ҳажиқиз” маъносида ишлатилган. Тангриқул образининг моҳиятидан келиб чиқсан, муаллиф ушбу персонаж орқали “сермўйлов”, балогатга етган эркак бўлишига қарамасдан мустақил, соғлом фикрга эга бўлмаган, “хотинчалиш” эркакларни киноя билан тасвиrlаганлиги маълум бўлади.

Темур Хўжа ўғли мазкур эпизоддаги Давлат нутқини “Hey sivri-biyik Tangriqul!”²⁰⁵ шаклида турк тилига ўгирган. “Сиври бийик”нинг турк тилидаги маъноси «ингичка мўйлов» демакдир.

²⁰³ Translating Literatures. Muller-Vollmer and Michael Irmschar.ed.; Stanford, CA: Stanford University Press, 1998. P.164.

²⁰⁴ Ўзбек тилининг изоҳди лугати. Икки томлик. 2-том. М.: Рус тили, 1981. 673-бет.

²⁰⁵ Timur Koçaoğlu. Türkistan'da türkçe ilk tiyatro eseri: Mahmud Hoca Behbudi'nin 'Pederkuş'(Baba katili) piyesi – 1913. Türkük Araştırmaları Dergesi. İstanbul, Bahar 2004. S. 223.

Тарихий шароит ҳар жиҳатдан бугунги кун, шунингдек, келажак билан ҳам ҳеч қачон бир хил бўла олмаслиги ҳаммага маълум. Шу нуқтаи назардан қараганда, таржимон муаллиф давридаги ўзига хос томонлар, уларнинг бугунги кундан фарқли жиҳатлари, энг муҳими персонаж нутқидаги тарихий сўзларга жиiddий эътибор қаратиши зарур ва таржимада уларни имкон қадар тушунарли қилиб тасвирлаши керак бўлади. Зоро, китобхон уларни нотўғри тушуниб, миллат тафаккурига мос келмайдиган холосаларга эга бўлиб қолмаслиги лозим.

Хулоса қилиб айтиш мумкинки, устозларимиз Шерали Турдиев, Шухрат Ризаев, Бегали Қосимов, турк ҳамда Америка олим – таржимонлари Темур Хўжа ўғли ва Эдворт Олворт “Падаркуш”ни китобхонларга тақдим этиш учун ўз умрларининг энг сермаҳсул даврини багишлашган. Драмани бугунги кунда bemalol, ўзимиз тушунган ва билган ҳарфларда ўқишимиз, у ҳақида фикр билдиришимиз, шунингдек, асарнинг бошқа жиҳатларини ҳам ўрганиб, тадқиқ қилишимиз – буларнинг барчаси устозларимиз амалга оширган меҳнатлари натижасидир. Жадид адабиётини, хусусан, Беҳбудий, Чўлпон, Қодирий, Фитрат, Ҳ.Ҳ.Ниёзий, А.Мажидий ижодини ўрганиш, асарларини она тилига ўгириш билан уларни бизга маълум бўлмаган қирраларини очиб, бутун дунёга тарғиб қилиш йўлида жуда катта меҳнат қилинди. “Падаркуш” драмаси нашрларининг тартибланиш даври – Абдураҳмон Саъдий ва Порсо Шамсий (1933), Ҳомил Ёқубов, С.Паластрров ҳаммуаллифлигидаги “Адабиёт хрестоматияси” (1936), Эдворт Олворт (1986), Ш.Турдиев (1989), Ш.Ризаев (1997), Б.Қосимов (1998), Темур Хўжа ўғли (2004) ҳамда пьеса матнининг қиёсий таҳдилидан келиб чиқсан натижалар Америка олими ва таржимони Э.Олворт хорижлик ўзбекшунослар, шунингдек, ўзбек адабиётшунослари орасида биринчи бўлиб “Падаркуш” драмасини инглиз тилига таржима қилиб, унинг тўлиқ танқидий матнини яратган олим деб холосалашимизга асос бўлади. Адабиётшунос Ш.Турдиевнинг

қўйидаги фикрлари ҳам бизнинг хуносаларимизни қўллаб-кувватлади: Э.Олворт нашрини “нафақат хориждаги ватандошларимиз учун, балки Ўзбекистонда яшаб турган ўзбек китобхонлари учун ҳам биринчи тўла нашр дейиш мумкин”²⁰⁶. Драманинг Олворт таржимаси ва нашридаги муваффақиятлари билан бирга унга ёрдам берган таржимон, профессор Жанос Икман ҳамда Карл Х.Менгес ва бошқаларнинг меҳнатларини ҳам таъкидламоқ жоиздир²⁰⁷.

Бизга маълумки, таржима асар ҳеч қачон аслият билан тенглаша олмайди. Айниқса, вақт ўтган сари оригинал асарни бошқа тилга ўгириш шунча қийинлашади. Асар қардош бўлмаган узоқ тилга ўгирилса, таржимондан катта масъулият ва меҳнат талаб қиласди. Чунки таржимон “Падаркуш”дек драмани ўгириш учун ўзга юрт, миллат тарихи, унинг менталитети, дини, ирқи, яшаш тарзи ва тафаккури каби нарсаларни яхши билмоғи, муаллиф яшаган, асарда сўз юритилган давр ҳақида чукур билимга эга бўлиши лозим. Э.Олворт шуларга эътибор берган ва таржимани аслиятга мос ўгиришга ҳаракат қилган.

90-йилларгача бўлган даврда америкалик олимларнинг жадид адабиётидан қилган таржима асарларини аслият билан қиёслаш, шунингдек, ўзбек олимлари томонидан амалга оширилган вариантларни муқоясада ўрганиш натижасида биз қўйидаги илмий-назарий хуносаларга келдик:

биринчидан, америкалик жадидшунос олимлар 20-йиллар адабиётининг етук намояндалари қаторида иккинчи дарражали, адабиётшунослар эътиборидан четда қолиб кетаётган А.Мажидий, F.Юнус, Ш.Сулаймон, F.Зафарий каби ёзувчи ва шоирларнинг ҳам ижодини тадқиқ этиш билан бирга асар-

²⁰⁶ Т у р д и е в Ш. Беҳбудий Америкада // Ўзбекистон адабиёти ва санъати. 1992, 17 апрель.

²⁰⁷ Бу ҳақда қаранг: Allworth E. Murder as Metaphor in the First Central Asia Drama. The Patricide/ Ural-Altaic Year-book. – 58 (1986). P. 96 (translated by E. Allworth).

ларидан парчалар таржима қилдилар (Э.Олворт, В.Хоновей, Ж.Соупер, Э.Лаззерини, Ж.Маккейн);

иккинчидан, Америка тадқиқотчилари таржима қилиш жараёнида асарнинг гоявий мазмунига муносабат билдириб, шахсий мулоҳазаларини баён этишади ва асаддаги рамзий образларни тўғри таҳдил қилишади. Бир вақтнинг ўзида ҳам таржимон, ҳам танқидчи олим сифатида фаолият юритишади. Лекин, американлик олимларнинг 90-йилларга қадар қилинган тадқиқотларида кўзга ташланадиган сиёсатга ургу бериш ҳолатлари уларнинг таржимадаги изланишларида ҳам такрорланган (Э.Олворт: А.Мажидийнинг “Лоҳутий хотираси” шеъридаги “Боғ” парчаси);

учинчидан, инглиз тилида мувофиқ эквиваленти бор, миллий колоритни берувчи сўзларни таржима қилишда американлик мутаржимлар транслитерация усулига мурожаат этмаганликлари боис миллий хусусиятли лексемалар ва лексематик бирликлар таржимон тилида акс этмаган. Аслиятдаги хос сўзлар, фразеологизм ва идиомаларни тўғри англамаслик натижасида нуқсонлар кўзга ташланади (Э.Олворт: А.Мажидий “Боғ”, Беҳбудий “Падаркуш”);

тўртинчидан, “Падаркуш” драмасининг ўзбек, турк ва инглиз олимлари (Ш.Турдиев, Б.Қосимов, Ш.Ризаев, Э.Олворт, Темур Хўжа ўғли) томонидан амалга оширилган бешта нашр варианatlари, пьесанинг инглиз ва турк тилларида таржима нусхаларини текстологик жиҳатдан тадқиқ этиш асносида аслиятга (Самарқанд, 1913) энг яқин нусха ҳамда таржима вариантидаги камчилик ва ютуқлар ойдинлашди. “Падаркуш” драмасининг Э.Олворт томонидан илк бор инглиз тилига таржимаси ва лотин ҳарфлари асосида ўзбек тилидаги нашри ўз даврининг мукаммал нусхаси сифатида баҳоланди.

Таржимада сўз танлаш муаммоси

Мустақилликка қадар бўлган даврда жадид адабиёти билан танишиш, уларни таҳдил қилишга эҳтиёж ва қизиқиши хорижда, аниқроғи Америкада анчагина юқори даражада бўлганилигининг сабаби мафкуравий-сиёсий мақсад билан боғлиқ эканлигини кўриб чиқдик. Бу даврда Беҳбудий, Чўлпон, Қодирий, Фитрат, Ҳамза ижодини ўрганишга эътибор бирмунча кучайди. Аммо Маҳмудхўжа Беҳбудийнинг “Падаркуш” драмаси, Абдурауф Фитратнинг “Мунозара”, “Ҳинд сайёхи баёноти”, “Қиёмат”, “Шайтоннинг Тангрига исёни” каби асарлари, Ҳамза Ҳакимзода Ниёзий ижоди, Абдулла Қодирий, Чўлпон каби миллий сўз санъатимиznинг бетакрор намояндалари адабий мероси мустақилликдан кейинги йилларда ҳам америкалик ўзбекшуносларнинг эътиборида бўлганилигини алоҳида таъкидлаш ўринидир. Юқоридаги фаслларда кузатганимиздек, 60–90-йилларда америкалик тадқиқотчиларнинг изланишларида бадиий асардаги ижтимоий-сиёсий муаммоларни таҳдил қилиш устунлик қилган бўлса, 90-йиллардан кейинги ишларда асарлар ҳам бадиият, ҳам мафкуравий гоя нуқтаи назаридан талқин этилди. Шундай қилиб, бир асарнинг ҳар икки даврда таржима қилиш намуналарига назар ташлайлик. Масалан, Э.Олворт Беҳбудийнинг “Падаркуш” пьесасини асл (Самарқанд) нусхасидан инглиз тилига тўлиқ ўгириб, фикрларини билдирган бўлса, ундан анча кейин (мустақиллик даврида) Адид Холид ҳам ушбу драмадан парча таржима қилиб, асар хусусидаги мулоҳазаларини баён этганилигини кузатамиз²⁰⁸.

Чўлпоннинг “Бас энди”, “Куз”, “Бузилган ўлкага” шеърларини дастлаб Э.Олворт, сўнгра Темур Хўжа ўғли амери-

²⁰⁸ Russia's Orient. Imperial Borderlands and Peoples, 1700–1917 / M. Khodorkovsky, Y. Slezkin, E. J. Lazzerini, A. Khalid and etc.; ed. Daniel R. Brower and E.J.Lazzerini. Bloomington: Indiana University Press, 1997.

калик шоир Мел Кенне ёрдамида инглизчалаштирган²⁰⁹. Хорижда жадид адабиёти, унинг таҳлили ва таржимаси билан боғлиқ тадқиқотлар Қўшма Штатларнинг баъзи университетларида изчилилк билан нашр этиляпти. Масалан, 2000 йилда Голландиянинг Харлам шаҳрида “Reform Movements and Revolutions in Turkistan: 1900–1924. Studies in Honour of Osman Khoja” (Яъни, “1900–1924 йилларда Туркистонда ислоҳот ва инқилоб. Усмон Хожага армуғон”) номи билан тўплам чоп этилди. Китобда Чўлпоннинг Европада 1923–1999 йилларда нашр қилинган асарлари ҳамда уларнинг танқидий матни берилган. Унда жадидлар ҳақидаги илмий тадқиқотлар ҳам ўрин олган. Шунингдек, Чўлпон шеърлари муҳлиси Ж.Маккейн ҳам шоир ижодидан намуналар таржима қилган²¹⁰.

Мавжуд барча таржималарнинг таҳдилини бериш бизнинг вазифамизга кирмайди. Шу боис ушбу фаслда Мустақилликдан кейин Америкада энг кўп мурожаат қилинган, ўз даврида ва ҳозир ҳам миллий адабиётимизда муносиб ўрин тутган айrim бадиий асарлар таржимаси таҳлили ҳақида тўхтаалмоқчимиз.

А.Холид “Падаркуш”га бағишлиланган тадқиқотида асосий эътиборни драмадаги рус кишилари образлари таҳдилига қаратган. Муаммони чуқур ва аниқ фактлар таҳдилида исботлаш учун шу масала билан боғлиқ ўринларни таржима қилган. У ҳам Э.Олворт каби пьесанинг асл (Самарқанд, 1913) нусхасидан фойдаланган. Олворт таржимада тарихий руҳ ва тилни сақдаш мақсадида тарихийлик принципига кўпроқ суюнган, А.Холид эса асарни тилнинг бугунги

²⁰⁹ Allworth E. Uzbek Literary Politics. The Hague: Mauton and Co, 1964. P.76; Cholpon. To Destroyed Land // CentralAsianReview. 10(1995). P.61 (Таржима Э.Олвортники); Чўлпон шеърлари инглиз тилида // Жаҳон адабиёти. Тошкент, 1998. 4-сон. 134–138-бетлар.

²¹⁰ Маккейн Ж. Буюк Чўлпон шеърияти инглиз тилида // “Ўзбек сўзи”. Американинг ўзбек тилидаги биринчи газетаси. 2000, 17 март.

ҳолатидан келиб чиқиб таржима қилгани боис қаҳрамонлар руҳи бирмунча замонавийлашган. Натижада, А.Холид ўз таржимасини Э.Олвортга нисбатан анча, содда тарзда берган. Асарнинг биринчи пардасида муаллифнинг қуидаги гапи бор: ضيالي مسلمان (كرار، پلت و عصاسيي ميخ گه قويار) (باي آلا آلا فرارخواه لمس) Яъни: “Зиёли мусулмон (кирап, пальто ва асосини михга қўяр), (бой ола-ола қарар, хоҳламас)”²¹¹. А.Холид ушбу иқтибосдаги “пальто” сўзини инглиз тилига “coat”²¹², деб таржима қилган. Агар бу сўзларнинг моҳиятига чуқур кириб борсак “overcoat” ва “coat”нинг ўртасида хийла фарқ борлигини гувоҳи бўламиз. Яъни Э.Олворт фойдаланган вариантда узун пальто ёки шинель назарда тутилган бўлса, А.Холид қўллаган сўз эса “полупальто” (калта ва қалин пиджак) деган маънони англатади. Албаттa, бу сўзлар ўртасидаги тафовут матн мазмунига у даражада таъсири этмайди, лекин давр руҳиятини янада мукаммалроқ ва аниқроқ бериш, асардаги миллий руҳ (ёки колорит)ни сақлаш учун муаллиф тасвирлаган кийимлар ҳам аҳамиятга эга. Бизнингча, Э.Олворт Зиёлига хос хусусиятни унинг эгнидаги пальтосини тўғри инглизчалаштириш билан тўлдирган ва у А.Холидга нисбатан ҳақ. Чунки, тарихдан маълумки, Беҳбудий даврида Европа маданиятига яқин бўлган зиёлилар руҳида исломий дунёқараш ва руҳият етакчи бўлгани ҳолда замонавий, яъни узун пальто (ёки шинель) кийиш урф бўлган. Бу ўша даврга хос хусусиятлардан бири. Бу икки ўзбекшуноснинг таржималаридағи фарқ кейинги жумлада янада аниқ кўзга ташланади. *Бой ола – ола қарар, хушиламас.* Ушбу гапни Э.Олворт “*Mr Rich glances reluctantly again and again*” А.Холид эса “*Rich Man looks at him with hesitation*” кўринишида ўтирган.

Юқоридаги таржималар қиёсланганда, Э.Олвортнинг А.Холидга нисбатан кўп йиллик тажрибага эга эканлиги, яъни

²¹¹ М а ҳ м у д ҳ ў ж а Б е ҳ б у д и й. Падаркуш. Самарқанд, 1913. 5-бет.

²¹² Russia's Orient. Imperial Borderlands and Peoples, 1700–1917 / M. K hodorkovsky, Y. Slezkinе, E.J. Lazzerini, A. Khalid and etc.; ed. Daniel R.Brower and E.J.Lazzerini. Bloomington: Indiana University Press, 1997. P.193.

моҳир таржимон экани намоён бўлади. Чунки у Бойнинг Зиёли келган вақтдаги ҳолатини ва унинг Зиёлига муносабатини аслиятдагидек берган. Олворт “қарамоқ” сўзи ўрнида “glance”дан фойдаланган. “Хушламас”ни эса “reluctantly” деб берган. Glance сўзининг инглиз тилида бир неча маънолари мавжуд бўлиб, улар орасида доминант сўз “кўз югуртиromoқ”. Reluctantly эса “истамай, хоҳишсиз” каби маъноларни ифодалаш учун хизмат қилади. Изоҳлардан кўриниб турибдики, Э.Олворт драмадаги ҳар бир сўзнинг қўлланиши, ўрни ва маъносини чуқур ўргангани ҳамда ҳис эта олгани туфайли уларни таржимада тўғри бера олган.

А.Холид “қарамоқ”ни “look at”, “хушламас”ни “hesitation” дея ифодалаган. Таржимон фойдаланган “look at” ҳам “қарамоқ” маъносини берса-да, муаллиф мақсадидаги моҳиятни “glance”чалик аниқ ифодалай олмайди.

Шу ўринда яна эътиборимизни тортган “hesitation” (иккиланмоқ) ҳақида ҳам тўхталмоқчимиз. Олим бу сўздан қайси мақсадда фойдаланганлигини тушунишимиз мушкул бўлди. Шундай бўлса-да, бизнингча “hesitation” “ола-ола” ёки “хушламас” кабилар ўрнида ноўрин қўлланган. Чунки пьесадаги манзарани беришга яқин бўлган маъно варианти ”hesitation”да мавжуд эмас.

Бу икки мутаржим таржималарининг кейинги сатрларини таҳдил қилганимизда Э.Олвортнинг таржимаси А.Холидниги нисбатан анча мукаммал ва аслиятга адекватроқлигига яна бир бор гувоҳ бўлдик. А.Холиддаги камчиликни бошқа бир жиҳатдан ҳам изоҳлаш мумкин. У Беҳбудийнинг “Падаркуш” драмасидан парча таржима қилишда имкон қадар ўз услубини сақлаб қолишга ҳаракат қилган ва Э.Олворт таржимаси билан бир хил бўлиб қолишини олдини олмоқчи бўлган. Шунинг учун ҳам у Э.Олворт истифода этган сўзларни четлаб, гарчи улар асар моҳиятини тўла ифодалаш учун ўта муҳим бўлса-да, ўз йўлидан боришига ҳаракат қилган.

Мамлакатни ислоҳ қилишдан озодлик ҳаракати томон илгарилаб борувчи жараён кучли ва муросасиз ижодий курашлар мұхитини юзага келтирди ва бетакрор истеъдодларни тарих саҳналарида боқий муҳрланишига асос бўлди. Бундай истеъдод эгалари тақдири ва ижодини ўрганишига бўлган эҳтиёж эса йиллар ўтган сари ортиб бормоқда.

Беназир шоир ва истеъодди адиб, нуктадон таржимон Абдулҳамид Сулаймон ўғли Чўлпон мана шундай иқтидорлардан бири эди. Шоирнинг ижодий меъросидан боҳабар ҳар қандай мутахассис унинг тенгсиз салоҳият соҳиби эканига гувоҳ бўлади.

XX асрнинг биринчи чорагида Туркистанда мавжуд бўлган сиёсий-ижтимоий турмуш, шу йилларда содир бўлган тарихий воқеалар ўзбек адабиётида кескин бурилиш ясалиши ва ўзбек адабиётининг ўзига хос шакли пайдо бўлишига асос яратди. Бу давр ижодкорлари томонидан бадиий ижоднинг ижтимоий вазифасига, гоявийлигига ургу берилиши, унинг муайян мақсадлар асосида яратилиши, бир жиҳатдан, жадидчи ислоҳотидаги сиёсий-ижтимоий турмуш муаммоларини ечимини топишдаги энг тўғри йўл сифатида хизмат қилган бўлса, бошқа бир томондан ушбу ҳолат мавжуд адабиётдаги бадиият, шакл ва мазмун бирлиги каби масалалар тобора оқсоқланиб бораётганлигини очиб берган эди. Давр адабиётида гоявий ташвиқтотга қаттиқ ургу берилаётган бир пайтда адабиётнинг ҳам ижтимоий, ҳам бадиий таъсир кучини бирдек таъминлай олган Чўлпон бадиий ижодда ўзига хос йўналиш яратди. У давр руҳи билан тўйинглан мазмунгага ўзга либос, янги ва муносиб шакл кийидирди²¹³. Чўлпоннинг ижодий меъроси реалистик тасвирлашга асослангани, адибнинг ўлмас мавзулар орқали долзарб миллий муаммоларга мурожаат этиши, гўзал бадиий тасвир, бетакрор поэтик образларни ифодалашда айрича маҳоратга эгалиги ўзбек адабиёти ривожида муносиб ўрин тутади.

²¹³ Ҳамамов У. Бадиий тафаккур тадрижи. Тошкент: Янги аср авлоди, 2002. 19-бет.

Чўлпон ижодининг бошқа ёзувчи ва шоирларга нисбатан хорижда кўпроқ тадқиқ этилгани, ҳатто Европа мутаржимлари эътиборидан ҳам четда қолмаётгани, унинг ижодидан намуналар кўплаб тилларга таржима қилинаётгани, бизнингча, юқорида қайд этилган омиллар билан изоҳланади. Чет тилларга энг кўп таржима қилинган ўша даврга хос шеърлар ҳам, асосан, Чўлпонга тегишли эканлигини алоҳида таъкиддаш жоиз. Буни Чўлпон ижодиётига бўлган муносабатнинг яна бир қирраси, деб айтиш мумкин.

Чўлпон шеърларидан намуналарни туркиялик чўлпоншунос олимлар – Иброҳим Ёрқин, Саодат Чигатой, Темур Хўжа ўғли турк тилига, Арслон Субутой, Йоҳаннес Бензинглар эса немис тилига ўгирган. Англиялик ўзбекшунос Олаф Кероу, американлик тадқиқотчи Элворт Олворт ва Маккейн Жон каби олимлар ҳам Чўлпон шеърларини инглиз тилига таржима қилиб, шоир ижодини дунё адабиёти доирасига олиб чиқмоқдалар.

Шоирнинг “Кишан”, “Бас энди”, “Бузилган ўлкага”, “Кўнгил”, “Куз” каби шеърлари тоталитар тузум, ҳукмрон мафкура исканжасида чексиз хўрлик ва азоблардан чарчаган муаллиф матонатининг авж паллаларида яратилган. Айнан мана шу тарздаги ижод намуналарида шоир руҳиятидаги оғриқли нуқталар янада ёрқинроқ намоён бўлган. Шу боисдан бўлса керак, хориж чўлпоншунослари тадқиқотларини кузатганимизда аксарият ҳолларда шоирнинг айнан юқорида қайд этилган шеърлари тадқиқ ва таржима қилинганига гувоҳ бўламиз.

Чўлпон ҳаёти ва ижодининг оловли йилларида яратилган “Бас энди” шеъри турли миллат олим ва таржимонлари эътиборини бирдек тортгани билан характерлидир. Шеърни илк бор Э.Олворт, кейин турк таржимони Темур Хўжа ўғли Мел Кенне билан биргалиқда, сўнгра ёш ўзбек таржимони Аъзам Обидов инглизчалаштирган. Ўзбек тилидаги бир

шеърни ўзбек, турк ҳамда инглиз таржимонлари томонидан инглизчалаштирилиши ҳозирча кам учрайдиган ҳодиса. Уларни қиёсан тадқиқ қилиш эса Чўлпон шеърияти, унинг поэтикаси юзасидан муайян назарий ва амалий хуносалар чиқаришга хизмат қиласди.

Э.Олворт ушбу шеърни тўлиқ таржима қилмаган, балки муаллиф дард-аламларининг кульминацион нуқтаси акс эттирилган парчаларинигина инглизчага ўтириш билан чекланган. “Муайян оригинал шеърнинг маълум бир қисмининг таржима қилиниши... аниқ таржима талабларини қастдан бузиш демакдир, бундай ҳолатда таржимон асарнинг яратилиш ибтидосида иштирок этмайди ва, натижада таржима асар шунчаки яратилиш воқеасигина бўлиб қолаверади”²¹⁴, деб ёзади адабиётдаги бундай ҳолатлар хусусида словак олимни ва таржимашуноси Диониз Дюришин. Инглиз олими О’Брайен Жасти эса, аксинча, “таржимон фақат ўзига матькул бўлган, ўзи таъсирланган бадиий асар намуналарини бир тилдан бошқа тилга таржима қилиши керак”²¹⁵, деб таъкидлайди. Таъсирнинг маҳсулидан яратилган муайян таржима асар унинг (таржиманинг) бирламчи шарти, аммо, шунингдек, автореферат муаллифи таъкидлаганидек, таржима амалга оширилаётган давр шарт-шароитлари ва эҳтиёжлари ҳам ўтирма манбани танлашга таъсир этиши мумкин. Америкалик олимнинг шеърдан таъсирланганини инкор этмаган ҳолда у яратган таржима вариантининг яратилиш эҳтиёжини бадиий таржиманинг иккиласми шарти билан изоҳдаймиз. Аникроқ қилиб айтганда, Е.Олворт ўтирмаси фақат индивидуал фикр исботи учун хизмат қиласди.

Шу ўринда Олворт таржимасидаги яна бир кемтиклик хусусида фикр юритсак. Америка олими Чўлпоннинг “Бас энди”

²¹⁴ Дюришин Диониз. Теория сравнительного изучения литературы. М.: Прогресс, 1979. С.160.

²¹⁵ Қаранг: Бақоева М. Англия, АҚШ адабиётидан ўзбек тилига шеърий таржима ва қиёсий шеършунослик муаммолари. Филол. фан. докт. дисс. ... автореф. Тошкент, 2004. 9-бет.

шеърининг иккинчи ва тўртингч мисраларини таржимада чалкаштирган, ёки юқорида таъкидланганидек, фикр исботи учун шеърнинг энг муҳим қаторларини танлаб, икки қатор бирлигидан ўз она тилида янги бир тўртликни ҳосил қилган. Америкалик олим аслиятдаги тартибга риоя қилмагани сабаб унинг айнан қайси мисрани инглизчалаштирганинг аниқлаш мушкул.

Бундай ҳолатлар таржимашунослар таъкидлаган услубдан-услугба кўчиш ҳодисасининг бир кўриниши сифатида ёки олим – таржимоннинг ўзига хос услуби, тадқиқотлари йўналишларидан келиб чиқиб баҳоланса, Э.Олворт туттган йўлга эътиrozимиз йўқ. Лекин таржима талаблари ва тамоийлларига кўра аслият муаллифининг табиатини теранроқ англаш ва англатиш учун бундай йўл ўзини мутлақо оқламайди. Баҳоланки, ижоднинг ҳар қандай йўналишида ҳам бадииятнинг асосини ташкил қилувчи элементлардан бири услубдир. В.Г.Белинский: “Услуб – бу иқтидорнинг ўзи... услуб бу фикрнинг ойдинлиги, сезирилиги. Услуб мудом шахсият, характер каби оригинал”²¹⁶, – дей услубнинг аҳамияти муҳимлигини алоҳида таъкидлаган эди.

Турк таржимони Темур Хўжа ўғли ва Мел Кенне, шунингдек Аъзам Обидов қаламига мансуб ушбу шеър таржимаси эса мукаммаллиги, энг асосийси, таржимонлар муаллиф руҳий олами билан муштарак фикрлашлари замирида юзага келгани билан қимматлидир²¹⁷.

Мазкур таржималарни тадқиқ қилиш жараёнида шеърнинг мазмун, моҳияти ва шоирнинг руҳий кайфияти ҳар учала таржимада тўлалигача намоён этилганини, шеърнинг инглизча талқинида кусурлар деярли мавжуд эмаслигини айтиб ўтиш лозим.

Э.Олворт учун шеърнинг мазмунини ўз тилида баён этиш муҳим бўлиб, у ушбу ижод намунасини тақдим этишда она тили-

²¹⁶ Б е л и н с к и й В. Г. Полное собрание сочинений. Т.8. М., 1955. С. 79

²¹⁷ Қаранг: Чўлпон шеърлари инглиз тилида // Жаҳон адабиёти. Тошкент, 1998. 4-сон. 136–137-бетлар; A z a m O b i d o v . Dream of lightsome dawns. Tashkent:Yangi asr avlod, 2001. English translations of the Uzbek verses. Chulpon, Usmon Nosir, pp. 17–18.

да тушунтириш бериш билан чегараланган. Олимнинг бундай йўл тутганини унинг тадқиқотларидағи асосий мақсад: сиёсий-мағкуравий ёндашув экани билан изоҳдаш мумкин. Бинобарин, у шеърни, юқорида таъкидлангандек, сиёсий-ижтимоий маслаклари исботи учун таржима қилган.

Э.Олворт ўз таржимасини тушунарли ва содда тилда беришга интилади. Бадий асарни халқ тушунадиган тилда ифодалаш ҳар қандай давр адабиётининг ҳам энг муҳим жиҳати эканлигини инкор этмаймиз. Лекин, назмни насрдан фарқ қилдириб турадиган услубий воситалар, айниқса сўз қудратининг шеърдаги инъикоси таржимада ифода этилмаса, бадий фикр ўз хусусиятини йўқотса, унда шеърнинг оддий гапдан фарқи қолмайди. Қолаверса, Чўлпон поэзияси бетакрорлигини таъминлайдиган асосий унсур, исталган мавзуда – хоҳ у ижтимоий, хоҳ сиёсий ёки муҳаббат мавзулари бўлсин, сўз қудратининг чексиз ифодаси, руҳий изтиробининг шоир сатрларида ниҳоятда жонли акс эттирилгани билан характерланади.

Олворт таржима қилган вариантда эса Чўлпон шеърларига хос бадий хусусиятлар деярли ифода этилмаган.

Шоир руҳиятидаги ўша даврда ҳукмрон бўлган мустамлакачилик зулмига қарши исён, шоирнинг қаҳру газаби Темур Хўжа ўғли ва Аъзам Обидов ўтиргаларида бирмунча чуқуuproқ ифодаланган. Лекин турк таржимони вариантида шеър бадииятини сақлаб қолиш, Чўлпон шеъридаги ҳар бир сўз, хусусан, лисоний жилоланишлардаги изчилликни атрофлича ўрганиб, инглиз ўқувчисига ҳам шеър аслиятдагидек таъсир қилишини таъминлашга кўпроқ эришилгани кўзга ташланади.

Фикримизни қуйидаги далиллар асосида исботлашга ҳаракат қиласиз:

*Кўйимда сўнгги тош қолди
Ёвумга отмак истаймен!
Кўзимда сўнгги ёш қолди,*

Амалга етмак истаймен!..²¹⁸

This last stone I hold in my hand

I long to fling at my enemies

This last tear that my eye contains

I long to shed for my lifelong aims²¹⁹

(Темур Хўжа ўғли талқини)

The last stone left in my hand

I want to fling at my enemy;

The last wish left in my heart

I want to reach the goal²²⁰

(Э.Олворт таржимаси)

On my hand kept latter stone,

I the enemy want attack.

In the eyes late tears shown,

And I wish to have high rank²²¹

(А.Обидов варианти)

Қайд этилган сатрларда шоирнинг “ёв”ига қарата айтган, нафратга йўғрилган аламли хитоби, руҳиятидаги тушкун кайфияти акс этган. Мазмунга шакл, халқона оҳанг эшdir. Шеър кескин ижтимоий фикр билан йўғрилган. Мазкур сатрлар шоирнинг “фикр ва туйғуси” муштараклигида яралганлиги сабаб ўзига хос таъсир кучига эга.

Аслиятдаги “ёвумга отмак истайман” мисрасидағи “истамоқ” феълинини Темур Хўжа ўғли “long”, Э.Олворт ва А.Обидов “want” шаклида ифодалаган. Ҳақиқатдан бу

²¹⁸ Чўлпон. Ойдан-да гўзал... Шеърлар. Андижон, 1997. 24-бет.

²¹⁹ Чўлпон шеърлари инглиз тилида // Жаҳон адабиёти. Тошкент, 1998. 4-сон. 136-бет.

²²⁰ All w o r t h E. Uzbek Literary Politics. The Hague: Mauton and Co., 1964. P.76

²²¹ A z a m O b i d o v. Dream of lightsome dawns. Tashkent: Yangi asr avlod, 2001. English translations of the Uzbek verses. Chulpon, Usmon Nosir. P.18.

сўзларнинг лугавий маъноси “истамоқ”. Лекин бу сўзлар маъно товланишига кўра фарқланади. “Long” – хоҳишнинг энг юқори даражасини (жуда, астойдил) акс эттириш учун қўлланса, “want”да бундай маъно хусусияти йўқ. Шу сабабли Темур Хўжа ўғли таржимасидаги “long” Чўлпон қалбидаги “истак”ни тўлалигича намоён қилиш билан бирга шоир рухиятидаги ҳолатни ва шеърдаги пафосни аниқ кўрсатиб бера олган, дейиш мумкин.

Қуйидаги мисоллар турк мутаржими вариантининг Аъзам Обидов, Э.Олворт ўгирмаларига нисбатан мукаммалроқ эканлигини яна бир бор исботлайди.

“Амалга етмак истайман” сатрини “I long to shed for my lifelong aims” Темур Хўжа ўғли “ҳаётимдаги олий мақсадга етмак учун кўз ёш тўкмоқни истайман”, деб инглизчалаштирган бўлса, А.Обидов “And I wish to have high rank”, (“олий мақсадга эга бўлмоқ истайман”), Э.Олворт эса “I want to reach the goal” (“мақсадга етмоқ истайман”) шаклида берган. Кўринадики, турк таржимони вариантида “Бас энди” шеъридаги бадиий тил ва нутқ аслиятга муқобил бўлиши билан бирга Чўлпон руҳий олами ҳасратларига яқин ифодаланган. Бу, шубҳасиз турк таржимонининг ютуғидир.

Таржимонлик маҳорати “бадиий асарда ёритилган воқеликни кўра билиш ва чуқур ўрганиш... тилнинг луғат таркибидаги турли қатлам ва ёзувчилик санъатининг қудратли унсури ҳисобланган сўзнинг барча нозик маъно жилваларини аниқ, тўла-тўкис сеза олиш қобилиятидир”. Сўз ва туйғу аслият руҳини таржимада сақлаб қолища мухим аҳамият касб этади²²².

Олворт икки таржимондан фарқли ўлароқ ўгирмани фақат тушунарли ва содда тилда беришига интилади, холос. Натижада

²²² Таржимонлик маҳорати / Г.Саломов ва бошқалар. Тошкент: Фан, 1979. 137-бет.

Чўлпон бадиий санъатига маълум даражада зиён етади. Турк таржимони Темур Хўжа ўғли сўз, фикр тиниқдиги омухталигида шеър бадииятини, аслиятга муқобил поэтик ифодавийликни, эстетик таъсир кучини ўз таржимасида А.Обидовга нисбатан аниқроқ беришга ҳаракат қилган.

Юқорида ХХ аср бошларида яратилган асарларнинг жуда кўпчилигига гоявийлик устун бўлиб, адабиётнинг сўз санъати сифатидаги ўзига хос хусусиятларига эътибор берилмаётгани, оқибатда унинг бадиий-эстетик таъсир кучига путур етаётгани, адабиётнинг ижтимоий функцияси биринчи ўринга кўтарилиб, шакл ва мазмун бирлигининг йўқолишига сабаб бўлгани хусусида тўхталган эдик. Дарҳақиқат, маълум бир асарнинг гоявий асоси билан ёзувчи бадиий маҳоратининг уйғунашган нуқтасида вужудга келган асар чинакам бадиий асар ҳисобланади, зеро айнан мана шу нуқтада адабиётнинг тугал қудратини намойиш қила олиш мумкин бўлади.

“Чўлпон назарида бу вазифани муваффақиятли ҳал қилмоқ учун Шарқ ва Farb санъатларини синтез қилмоқ ва мазмун билан шаклнинг уйғуналигига эришмоқ керак, зинҳор-базинҳор санъатни қуруқ гоялар мажмусига айланиб қолишига йўл қўйимаслик керак”²²³.

Чўлпоннинг ушбу таъкиди ўзи учун дастуруламал бўлган бўлса-да, бошқа аксарият жадид маърифатпарварларнинг асарлари бундай қарашлардан йироқ эди.

Чўлпон бадиий мероси айнан мана шу жиҳатлардан аҳамиятлидир. Бундан кўринадики, Чўлпон мунтазам изланишда, унинг бадиий-эстетик қарашлари эса (айниқса шеъриятда) доимий ривожланишда бўлган.

“Бас энди” шеъридаги шоир руҳий олами, бадиий маҳорати ва эстетик принципи, шунингдек, поэтик ифодавийлик яхлитлиги асосида юзага келган шакл ва мазмун бирлигини бошқа мутаржимларга нисбатан тўлиқроқ сақлаб қолиш ҳам Темур

²²³ Қаранг: Шарифиддинов О. Истиқлол фидойилари / Мустафо Чўқай, Чўлпон, Отажон Ҳоним. Тошкент: Шарқ, 1993. 59-бет.

Хўжа ўғли вариантига хос эканини қўйидаги мисол яна бир бор исботлайди:

*Етар бас, чекдан оишгандир
Бу қарғиши, бу ҳақоратлар!
Тўлиқдир, балки тошгандир
Тубанлик ҳам сафолатлар!*²²⁴

*That's enough! There is finally a limit
To all these insults, this humiliation!
The edge that's arrived at bit by bit
Is only self-doubt and deprivation!*²²⁵

(Темур Хўжа ўғли варианти)

*That will do, enough, no limit
This reviling and damnation.
May be full or flowed out,
Baseness with low-down action.*²²⁶

(А.Обидов варианти)

Аслиятдаги “Бу қарғиши, бу ҳақоратлар”! сатрини “To all these insults, this humiliation!” деб инглизчалаштирган турк олими “қарғиши” ва “ҳақорат” сўзларини аслиятга муқобил беришга ҳаракат қиласа. Маълумки, бир сўзнинг бир неча маънога эга бўлиш ҳодисаси бошқа тиллар қаторида инглиз тилида ҳам мавжуд. Одатда, сўзларнинг лугатдаги тартибланишига кўра, у англатадиган етакчи маъно ҳар доим биринчи рақам билан белгиланади. Бизнингча, мутаржимлар маълум бир сўзга маъно юклатишдан олдин унинг қўлланилиш доираси билан бирга ифода чегарасига ҳам аҳамият берсалар, мақсадга мувофиқ

²²⁴ Ч ў л п о н. Ойдан-да гўзал... Шеърлар. Андижон, 1997. 24-бет.

²²⁵ Чўлпон шеърлари инглиз тилида // Жаҳон адабиёти. Тошкент, 1998. 4-сон. 136-бет.

²²⁶ A z a m O b i d o v. Dream of lightsome dawns. Tashkent: Yangi asr avlod, 2001. English translations of the Uzbek verses. Chulpon, Usmon Nosir. P.17.

бўлади. Чунки бадий таржимада сўзнинг маъно ўринлари ҳам муҳим аҳамият касб этади, деб ўйлаймиз. Шунга кўра “insults”, “humiliation” кабилар “қарғиш”, “хўрлаш ва ҳақорат” каби маъноларни англатища инглиз тилидаги етакчи сўзлар (доминант) ҳисобланади. Турк олими ва таржимони шеърни сўз маъноларининг тиљдаги ўрни, маъно чегарасига эътибор берган ҳолатда инглизчалаштиришга ҳаракат қилган. Сўзлар моҳият доирасидан четлашмаган тарзда таржима қилингани боис, муаллиф фикри аниқ ва чуқур очиб берилган.

Фикримизча, А.Обидовнинг илк таржималарига хос мазкур вариантда мутаржим танлаган инглизча сўзлар аслиятдаги маънони тўлиқ бера олмаган²²⁷. Шеърдаги шакл ва мазмун яхлитлигига ҳам эришилмаган.

Бизнингча, турк таржимони ўгирмаларида мукаммалик Мел Кенне ҳамкорлигининг натижасидир. Нима бўлганда ҳам мазкур Чўлпон асарлари таржимачилигидағи ўзига хос ютуқдир.

Маълумки, “бадий таржиманинг ўзига хослиги бадий адабиётнинг ўзига хос сифати билан белгиланади”²²⁸. Шеърий таржима насрий асарларга нисбатан анча мураккаб бўлиб, бу мураккабликнинг дастлабки сабаблари қофия, ритм, пафос кабиларни ўгирмада ҳам аслиятдагидек бериш лозимлиги билан изоҳланади.

Чўлпоннинг юрт озодлиги мавзусида ёзилган сиёсий-ижтимоий руҳдаги шеърларининг эҳтиросли жаранглаши сабаби

²²⁷ Қаранг: Мюллөр В.К. Англо-Русский словарь. М.: Государственное издательство иностранных и национальных словарей, 1962; W. N a t a l i e . Uzbek-English Dictionary. New York, New York, USA: Oxford University Press, 1980. Мюллөр В. К. Англо-Русский словарь. М.: Русский язык, 1989; K r i p p e s K. A. Uzbek-English Dictionary. Kensington, Maryland, USA: Dunwoody Press, 1993. Longman. Language Activator / The World's First production Dictionary. First Indian Reprint, 1999.

²²⁸ С а л о м о в Е. Таржима ташвишлари. Тошкент: Faafur Ғулом номидаги Адабиёт ва санъат нашриёти, 1983. 16-бет.

– шоир фикр ва туйғуси бир вақтда иштирок этувчи “мен”идан отилиб чиқади²²⁹. Турк таржимони Темур Хўжа ўғли Чўлпон қаламига мансуб бошқа ижод намуналарида шоир “мен”ини, шеърларида ҳароратни ўз таржималарида сақлаб қолишга ҳаракат қилган. Масалан:

Бу қаргиси, бу ҳақоратлар
Кучимни тортмак истайдир
Тубанлик ҳам сафолатлар
Ўзимни ютмак истайдир!
(“Бас энди”)

*These insults and this humiliation
Conspire to drain me of my strength,
This self-doubt and deprivation
Come to swallow me whole, at length.
(“That's enough”)*

Ёки:

Юмилмас кўзларингнинг ҳар бири бир элни қаҳр айлар,
Фақат бир борлигингдирким, бутун борлиқни заҳр айлар!
(“Кишиан”)

*In each of your locked- open eyes a nation is bent down,
And through your being corruption makes itself known.²³⁰
(“Chains”)*

Юқоридаги ўғирмаларни қиёсий таҳдил қилиш натижасида Темур Хўжа ўғли фойдаланган сўзлар Аъзам Обидов ва Э.Олвортникуга нисбатан аслиятдагига маъно жиҳатидан анча яқин, шоир руҳиятига мос талқин қилингани намоён бўлди. Лекин, бу ерда асосий гап сўзнинг аслиятдаги маънога яқинлигида гина эмас, балки ўша сўзда ифода топган маъно ва у

²²⁹ Ҳамдамов У. Бадиий тафаккур тадрижи. Тошкент: Янги аср авлоди, 2002. 31-бет.

²³⁰ Бу ҳақда қаранг: Исматуллаев Х. Чўлпон ва жаҳон // Жаҳон адабиёти. Тошкент, 1998. 4-сон. 134–137-бетлар.

юзага келтирувчи ҳис-ҳаяжоннинг асар руҳиятига уйғун ва мутаносиб эканида ҳамдир. Турк таржимони ва Мел Кенне таржи-маларида бундай ўринлар кўп учрайди.

Чўлпон бадий маҳорати камолотга етган даврида яратилган “Кўнгил” шеъри таржимаси хусусида ҳам тўхталиб ўтамиз. Зеро, мазкур таржима таҳлили шоир шеърларини келгусида инглизчалаштиришда кичик бир йўриқнома вазифасини бажара-ди, деб умид қиласиз.

Маълумки, ҳар бир таржима мутаржим дунёқарashi, муаллиф бадий олами билан бирикиб, юзага келган ўзига хос бади-ий-эстетик ҳодиса сифатида намоён бўлади. Таржимон ва шоир руҳий олами қай даражада муштараклиги, яқинлигига кўра тар-жиманинг турлича варианatlари вужудга келади.

Чўлпоннинг “Кўнгил” шеърини ҳам уч мутаржим уч хил йўсинда инглизчага тўлиқ ўтирган. Улардаги услубнинг ўзига хослиги, бирининг иккинчисига ўхшамаслиги, бир томондан, таржимонларнинг индивидуал таржима услубига эга эканини кўрсатса, бошқа томондан, буюк Чўлпон шеърининг уч хил кўринишда инглизчалаштирилиши шоирнинг ўз давридаги изтиробини, руҳий кечинмалари, ички дунёсини, замондошлари қалби қаърида чўғ бўлиб ётган, лекин очиқ айта олмаган дарду аламларини янада теранроқ англаш имконини беради. Муайян шеърнинг бир муаллифга тегишли экани ва айнан бир шеърнинг уч хил тарзда инглиз тилига таржима қилингани сабаб улар орасидаги жиiddий тафовутни илгаш мушкул.

Ҳар учала таржимон ҳам шеърнинг асосий мазмунини сақлашга ҳаракат қиласан. Сатрлар мазмун-моҳиятини ўз маҳорати, тушунчаси даражасида ўтирган. Ҳар қайси таржи-мада ўзига хос ютуқлар, шунингдек, камчиликлар ҳам мавжуд. Лекин мисраларга юклатилган маънони таъсирчан ифодалаш мақсадида танланган сўз эквивалентлари, улардаги мазмуннинг ёритилиш доираси ва бадий-эстетик таъсири, образли табиа-ти, энг муҳими, бадий бўёқдорлиги, аслиятдаги маънони тўлиқ

бериш, шеърдаги шакл ва мазмун бирлигини сақдаб қолишга интилиш таржималар ўртасидаги умумийлик билан бирга, мурдабланган фарқни юзага келтирган.

Фикримиз исботи учун шеърнинг биринчи тўртлиги таржимасидан мисоллар келтирамиз:

Кўнгил сен бунчалар нега
Кишиналар бир-ла дўстлашидинг?
На фарёдинг, на додинг бор,
Нечун сен бунча сустлашидинг.²³¹

*Oh my heart! Why do you behave
So amicably toward these chains?
You never weep or writhe in pain,
How can you endure your endless silence?*²³²

(Темур Хўжа ўғли варианти)

*Oh, my heart, why do you
Be friend these chains so much?
You neither wail nor lament?
Have you become so lethargic?*²³³

(Ж.Маккейн варианти)

*What is this? My heart? Why such
With the fitters made you friends?
Neither wail you have nor much
Of the voice? And slowly sense.*²³⁴

(А.Обидов варианти)

²³¹ Чўлпон шеърлари инглиз тилида // Жаҳон адабиёти. Тошкент, 1998. 4-сон. 136-бет (Темур Хўжа ўғли томонидан таржима қилинган).

²³² Ўша жойда.

²³³ М а к к е й н Ж. Буюк Чўлпон шеърияти инглиз тилида // “Ўзбек сўзи”. 2000, 17 март.

²³⁴ O b i d o v A. Dream of lightsome dawns. Tashkent: Yangi asr avlod, 2001. English translations of the Uzbek verses. Chulpon, Usmon Nosir (translated by Azam Obidov). P.10.

Таржимада шеър бадиияти ва мазмунини сақлаб қолища да етакчи бўлган турк таржимони бошқа мутаржимларга нисбатан адабий тил меъёрларига кўпроқ риоя қилган. Чўлпон лирикаси-га хос реал воқеликни бадиий ҳақиқат мезонига сингдиришдаги бетакрорликни Темур Хўжа ўғли ушбу шеър таржимасида ҳам сақлаб қолишга ҳаракат қилган. Лекин сўзлар оҳангдошлиги таржимоннинг бошқа таржималарига нисбатан аслиятдагидек ифодаланмаган. Сўзлардаги бадиийликни, ранг-баранглигни сақлаб қолишга интилиш Аъзам Обидов ва Жон Маккейннинг баъзи таржималарига ҳам хос. Аслиятдаги “дўст” сўзини Ж.Маккейн ва А.Обидов “friend” “be friend” деб ифодалаган. Турк таржимони эса Мел Кенне ёрдамида “amicably” билан алмаштирадики, айнан шу сўзга хос бўлган бадиий тушунча шеър савиясини сақлаб қолиш билан бирга унинг ихчам ифодаланишини ҳам таъминлаган “Amicably” (анис, муҳиб каби яқин ва қадрдон дўст маъносидаги) бадиий сўз ҳисобланиб, кўп ҳолларда шеърията қўлланилади. Бундай ўринларни Темур Хўжа ўғли вариантларида кўп учратиш мумкин. Шеърнинг кейинги бандларини Жон Маккейн туркиялик мутаржимга яқинроқ услубда инглизчалаштирган. Яъни, танланган сўзлар, уларнинг сатрларда ифодаланиши, қаторлар кетма-кетлиги, шунингдек, предикативликнинг сақланиши каби таржимадаги асосий унсурлар бир-бирини тўлдиради. Маккейн ҳам шеъриятдаги мусикийликни аслиятдагидек ифодалашга интилган. Аммо ҳар икки мутаржим (Темур Хўжа ўғли, Жон Маккейн) Чўлпоннинг “Кўнгил” шеъридаги оҳангни, ритмни, энг муҳими шеърнинг асосий бадиий воситаси ҳисобланмиш қофияни таржимада муваффақиятли бера олмаган.

Шеърнинг бадиий-эстетик таъсирини, поэтик ифодавийлигини, ғоявий асосини, унинг шаклига монанд сақлаб қолиш учун мутаржимдан инглиз тилини, шеърият қоидаларини мукаммал билиш талаб этилади. Аъзам Обидов шеърнинг шакл ва мазмун

уйғунлигини сақлаб қолишга ҳаракат қилган. Айниқса, шеър жозибаси, жарангдорлиги ва мусиқийлигини таъминлайдиган қофиянинг гарбона йўсинда ифода этилиши, фикримизча, ўзбек таржимонининг ютуғидир. Шоирнинг “Кўнгил” шеъри бармоқ вазнида ёзилган бўлса-да, унда арузнинг айрим мусиқавий унсурлари ҳам мавжуд. Мутаржим шеър мусиқийлигини таъминлашга хизмат қиласидиган қофиядош сўзларни топа олган. Ритм, оҳанг инглиз тили вариантида ҳам сақданган. Масалан, мутаржим “such”га “much”ни, “friends”га “sense”ни қофиядош қиласиди ва шеърнинг “устуни”ни аслиятга яқин беришга ҳаракат қиласиди. “Кўнгил” шеърининг қофияланиши аслиятда а-б-в-б шаклида. Бу (“intersecting”) ички қофияланиш турига киради. Мазкур қофияланиш сўзларнинг қаторлардаги қўлланиш ўрнига кўра фарқланади. Аъзам Обидов буни инглиз тили вариантида а-б-а-б шаклида беради. Қофияланишнинг бундай кўриниши адабиётшунослик назариясида тўқ қофия деб аталади. Бизнингча, мутаржим шеърнинг мусиқийлигини, жозибадорлигини янада ошириш мақсадида юқоридаги қофия туридан фойдаланган. Таржимада, Европа шеъриятидаги “клавузла” (сўзлардаги баъзи ҳарфларнинг кучсиз ёки умуман талаффуз этилмаслиги) ҳодисасига мурожаат этилган ўринларни учратамиз. Масалан, soul-hobble каби ушбу ҳолат мутаржимнинг Farb шеърияти назариясидан ҳам хабардор эканидан далолат беради. Аммо юқорида келтирилган шеърий парчанинг учинчи ва тўртинчи қаторларида қофиянинг сақлаб қолиниши ҳисобига инверсия бузилган.

Масалан:

На фарёдинг, на додинг бор,
Нечун сен мунча сустлашдинг.

Neither woil you have nor much
of the voice and slonly sense.

А.Обидов таржимасида “fitter” сўзи “занжир, кишан” ўрнида қўлланилган. Аммо бу сўз юқоридаги маъноларни бермайди, ак-

синча шу биргина сўз (fitter) шеърнинг мазмунини, айниқса ундағи бадиий савияни саёзлаштириб юборган. Чунки, fitter сўзининг инглиз тилидаги маъноси “кишан” сўзига тўғри келмайди.

Фикримизча, мутаржим “fitter”га талаффуз ва ёзилиш жиҳатидан жуда яқин бўлган “fetters”ни танлаган бўлиши керак. Чунки, айнан “fetters” инглиз бадиий адабиётида кўплик ҳолатида кишан, занжир деган маънони англатади. Шундай катта ишларга қўл уриб, ўзбек шеъриятини дунёга танитиш йўлида изланишлар олиб бораётган ёш мутаржим биргина сўзда адашиши мумкин эмас. Буни унинг бошқа таржималари ҳам далиллай олади. Бир-бирига пароним бўлган сўзларнинг бири ўрнида иккинчисининг қўлланиши таҳририятнинг хатоси бўлиши эҳтимолдан холи эмас.

Аъзам Обидов таржимасидаги ижобий жиҳатлардан яна бири мумтоз адабиётимизга хос хусусият – сўзларни ноўрин такрор қўлламаслик билан муаллиф фикрини айнан беришга ҳаракат қилишdir.

Бизнингча, Аъзам Обидов таржимасидаги ютуқ муаллиф шеъридаги бадиий бўёқдорликни аслиятдагидек сақлаб қолинганидадир. Юқорида қайд этилган шеърдаги “кишан” сўзини мутаржим “hobble” ва “fetters” билан жуда аниқ таржима қилганини айтиб ўтган эдик. Жон Маккейн, Темур Хўжа ўғли эса бу борада эса биргина “Chain” сўзидан фойдаланган.

Шунингдек, шеърда “тубанлик” деган сўз учрайди. Темур Хўжа ўғли (Мел Кенне билан биргаликда) ва Жон Маккейн буни “submission” (қарам) билан ифодалаган. А.Обидов эса “baseness” (тубан) шаклида ифодалайди. “Submission”нинг ўзбек тилида “қарам”, “тобе”, “бўйсуниш” каби маъноларини учратиш мумкин. Ҳар иккала мутаржим шеърнинг ички моҳиятидан келиб чиқиб “тубанлик” учун “submission” (қарамалик) ни танлаган бўлиши керак. Қайсиdir маънода улар ҳақ. Чунки, Чўлпон “тубан кетиш”ни ўз манфаати йўлида эркини сотганлар, “завқли ҳаётга” юрт, миллат хурлигини ал-

маштирган кимсаларга нисбатан айтган. Лекин “тубанлик”ка муқобил бўлган инглизча “baseness” сўзининг қўлланиши аслиятдаги фикрни янада ойдинроқ ифодалашга имкон яратади. Айнан “Baseness”да “тубанлик”, “тубан кетиш” каби маънолар мавжуд.

Тадқиқотчи Қ.Жўраев ёзишича: “Ёзувчи маҳорати” ва “таржимон маҳорати” деган тушунчалар бир-бирига вобастадир. Улар ўртасидаги асосий фарқ шундаки, агар оригинал ижодда автор ўз асаридаги объектга биринчи бўлиб киришиб, бадиий воқеликни ўз она тили имконияти билан акс эттиrsa, таржимон бир варакай икки ишни бажаради. Биринчи босқичда, у ёзувчи кетидан бориб, юқорида қайд қилинган маҳорат талаблари асосида асл нусхада тасвирланган объектни қайтадан, худди муаллиф сингари, бадиий йўсинда ўзлаштиради; иккинчи босқичда эса, ташки тилда ўқувчи – китобхонни кўз олдига келтириб, ўша иккинчи тил хусусиятларини эътиборга олган ҳолда таржима текстини яратади. Демак, биринчидан, таржимон асардаги бадиий воқеликни билиши, бу воқелик ичига асл нусха автори билан биргаликда кира олиши, муаллиф ва китобхон дилини тушуниш, уларнинг дунёкараши, иккинчи томондан, таржима адабиёти вакили ва ўқувчиси сифатида асл нусхани қайта яратиши лозим бўлади”²³⁵.

Юқорида кўрганимиздек, учала таржимон ҳам ўз маҳоратларидан келиб чиқиб, Қ.Жўраев эътироф этган босқичларни босиб ўтган. Ҳар учала мутаржим таржималарида ўзига хос ютуқлар, шунингдек, камчиликлар ҳам мавжуд. Темур Хўжа ўғли ўзига ёт бўлган тил – инглиз тилига Чўлпон шеърларини муваффақиятли (биргина “Кўнгил” шеъри таржимасининг мазмун ва шакл муштаркалигидағи кемтикликни ҳисобга олмагандай) таржима қилган.

Ушбу шеър ўгирмаси билан боғлиқ қонун-қоидаларга, таржима талабларига асосланиб, А.Обидов таржимасини ас-

²³⁵ Жўраев Қ. Таржима санъати. Тошкент: Фан, 1982. 34-бет.

лиятга энг яқин адекват таржима сифатида кўрсатиш мумкин. Ўзбек таржимони шеър мазмунидан ташқари ундаги шакл ва мазмун мутаносиблигига содик қолишга ҳаракат қилган. Мазмун ва шакл бирлигининг таржимада тўлиқ намоён бўлиши ҳақида Қ.Мусаев ёзди: "...Оригиналнинг шакл ва мазмун бирлигини қайта яратишнинг ниҳоятда мураккаблиги баъзи малака ва назарий жиҳатдан унча етук бўлмаган таржимонларни умидсизлантириб қўяди". Бизнингча, шоир ва таржимон А.Обидовнинг ўзбеклиги, Чўлпон юртида униб ўсгани, улар ўртасидаги руҳий яқинлик ва миллый тафаккурнинг муштараклиги ҳам таржимон ўгирмасининг муваффақияти чиқишига ёрдам берган.

Хулоса ўрнида айтиш мумкинки, таржима иши кўпчилик ўйлаганидек асл нусхани иккинчи бир тилда шунчаки талқин этишдек осон иш эмас. Айниқса, Шарқ ва Гарб ўртасидаги тафовутлардан келиб чиқсан ҳолда мавжуд бўлган барча соҳалардаги жиҳатлар, яъни миллый колоритни ташкил этувчи миллый дунёқарашиб, миллый муҳит ва яшаш шароити ҳам ҳамюртларимиз онгида юз берган ўзгаришлар, давр руҳи, яъни қарийб 70 йил аввалги хронотоп билан боғлиқ жиҳатларни таржимада сақлаб қолишдек масъулият бу мураккабликни янада оширади. Шу сабабли ушбу тадқиқотда кўриб чиқилган таржималар ва улардаги баъзи камчиликлардан қатъи назар, улар ўзбек адабиёти, хусусан жадид адабиёти тарихида аҳамиятлидир. Таржима халқлар ўртасидаги умумбашарий гояларнинг тарқалишига хизмат қилиш билан бирга миллатнинг бадиий санъат дурданаларини дунёга намоён қиласи. Миллатлар, халқлар, элатларни бир-бирига яқинлаштиради. Жаҳон маданияти, айниқса сўз санъати юксалишига хизмат қиласи.

Чўлпон лирикаси ва унинг таржимаси қиёсий таҳлили муаммоси юзасидан қўйидағи хулосаларга келдик:

– Чўлпон лирикасининг ўзига хос, бетакрор жиҳати ҳаёт ҳақиқатини, ижтимоий турмуш муаммоларини бадиий эстетик

меъёр билан, шеърият қонун-қоидаларига путур етказмай, китобхон тафаккури кўзгусида жонли суръатда акс эттириши ва шеъриядаги бадиий янгиланишнинг байроқдори бўлганлиги билан характерланади;

– XX аср бошида Туркистон, хусусан Ўзбекистон мисолидаги шарқу гарб синтезининг намоён бўлиши, унинг жадид адабиётига таъсири шу даврда бевосита ва билвосита рус тили орқали кўплаб инглиз, немис, француз ва бошқа халқлар бадииятининг энг яхши намуналарини ўзбекчалаштирилиши ёки аксинча, ўзбек адабиётининг шоҳ асарларини инглизчалаштирилиши билан белгиланади;

– Чўлпон ижодидаги индивидуал услубнинг ўзига хослиги натижаси ўлароқ унинг шеърлари нафақат Америка, балки Европа ва қардош халқлар адабиётшуносларининг ҳам диққат марказида бўлган ва шоир шеърлари жуда кўп тилларга таржима қилинган;

– Чўлпон шеърларини турли даврларда таржима қилган мутаржим олимларнинг тафаккур тарзи, макони, ўй-фикрлари, шоирнинг шахсий қарашлари у яшаган даврдан фарқ қиласа-да, унинг бадиий-гоявий мақсадини таржима тилида, асосан, аслиятдаги бера олганлар. Чўлпоннинг “Бас энди”, шеърини инглизчалаштирган Темур Хўжа ўғли Э.Олворт ва А.Обидовга нисбатан шоир шеърларидағи нафисликнинг мұхим белгиларини, айниқса, миллий руҳни, асардаги пафосни аслиятдаги-дек ўгиришга муваффақ бўлганини кўрамиз. Турк таржимони Чўлпон ижодидаги гўзалликнинг лисоний белгиларини таъминлашга, аслиятдаги сўзлар жилосини инглиз тилида аслият билан мутаносиблиқда беришга муваффақ бўлган (Э.Олворт, Темур Хўжа ўғли Мел Кенни билан биргаликда Чўлпоннинг “Бас энди” шеъри);

– Э.Олвортни жадид адабиёти вакиллари ҳаёти ва ижодидни жаҳон адабиёти меҳварига олиб чиқсан илк Америка олими ва таржимони сифатида эътироф этиш жоиз. Лекин давр

адабиётидаги америка мутаржими қаламига мансуб шеъри таржималарнинг деярли барчаси, хусусан “Бас энди” шеъри таржимаси ҳам индивидуал фикр исботи, ҳукмрон мафкура талаблари учун хизмат қилган. Чўлпон лирикасига хос бадиий-эстетик мезонлар Олворт таржималарида ифода этилмаган. Олим услубидаги бундай йўналишни унинг тадқиқотларидағи асосий мақсад – сиёсий-мафкуравий ёндашув билан изоҳлаш мумкин. У жадид адабиётидаги шеърият намуналарининг деярли барчасини сиёсий-ижтимоий маслаклари исботи учун таржима қилган;

– “Кўнгил” шеърини инглизчалаштирган Темур Хўжа ўғли (Мел Кенни билан биргаликда), Ж.Маккейн, А.Обидов каби таржимонлар шоир бадиий маҳоратини тўғри идрок эта олган ва ҳар бири индивидуал услугга (фарқларга) эга эканини таржимада намоён қилган. Уларнинг таржимадаги маҳоратларини ушбу шеъри мисолида қиёслаганимизда шакл ва мазмуннинг диалектик бирлигини сақлаб қолиш хусусияти бошқаларга нисбатан А.Обидов таржимасида аслиятга яқинроқ кўринишда муҗассам бўлган;

– юқорида таъкидланган таржимада учраши мумкин бўлган кемтикликлар бошқа мутаржимлар таржимасига хос бўлса-да, уларнинг бу йўналишдаги меҳнати, эришган муваффақиятлари, ўзбек адабиётининг жаҳон миқёсида ўрганилиши, тарғиб этилиши, ўзбек адабиёти яхлит жаҳон адабиётининг бир қисми эканлигини кўрсатади. Буларнинг барчаси амалга оширилган улкан ишлар қаторида санаалмоқда ҳақлидир;

– Қодирий, Чўлпон, Фитрат, Беҳбудий каби жадид адабиётининг иирик фигуралари ижодини ўрганишга бўлган талаб ва асаларидан намуналар таржима қилишга бўлган қизиқиш йилдан-йилга кучайиб бораётгани, хусусан ўзбек жадид адабиёти, умуман ўзбек ҳалқи ҳаёти, маданияти, адабиётига қизиқиш ҳалқаро миқёсда ортиб бораётганини кўрсатади;

– жадид адабиётининг бетакрор намояндалари ижодини инглизчалаштириш нафақат Америкада, балки Европа мамлакатлари, шунингдек, қардош халқлар таржимонлари орасида ҳам жуда кўп учрайди (Э.Олворт, Ж.Маккейн, Й.Бензинг, И.Балдауф, О.Кероу, Темур Хўжа ўғли М.Кенни билан биргалиқда, И.Ёрқин). Шундай экан, бу таржималар келгусида янги янги мустақил тадқиқотларни тақозо этиши шубҳасизdir.

АДАБИЙ- ТАНҚИДИЙ МАҚОЛАЛАР

Қодирий романларининг структурал таҳлили ва тадқиқотлардаги етакчи тамойиллар

ХХ аср ўзбек адабиёти, тарихи ва маданиятига доир тадқиқотлар олиб бораётган хорижлик олимлар – Христофор Мурфи, Эден Наби, Роберта Мария Майкеллеф, Эдворт Олворт, Адіб Холид, Рейчел Ҳаррел, Лайонс Шон Абдулла Қодирий ижодий фаолиятини тури аспектларда тадқиқ этганлар.

Масалан, Эден Наби Абдулла Қодирий асарларини назарий йўналишда ўрганишни мақсад қилган. Оима диссертациясида XX аср бошларидағи адабий жараёнга боғлиқ ижтимоий-эстетик тушунчалар моҳияти, бадиий асар сюжети, композициясидағи умумийлик ва индивидуаллик, бу даврда яратилган бадиий асарларнинг жанр хусусиятлари, адабий йўналишлар, уларга таъсир этган муҳим омиллар, романчилик-нинг асосий хусусиятлари, унинг тарихий илдизлари, реалистик методнинг ички имкониятлари ва йўналишлари, ёзувчи услуби, бадиий маҳорати каби масалалар А. Қодирий, С.Айний, А.Фитрат ва бошқа ёзувчи-шоирларнинг бадиий асарлари мисолида таҳдил қиласидан¹.

Роберта Мария эса Марказий Осиё, хусусан Туркистондаги миллий тикланишда санъатнинг ўрни, жамият ва бадиий адабиёт ўртасидаги муносабатни, ватанпарварлик, миллат-парварлик ғояларининг ривожланиш босқичларини муайян даврдаги адабий жанрлар, бадиий образлар ва уларга юклатилган маъно, моҳият, мазмун асосида белгилаб, бу борадаги назарий фикрларини ўзбек адабиёти материаллари, жумладан,

¹ Nabu E. Transitional Central Asian Literature: Tajic and Uzbek prose fiction from 1909 to 1932. Columbia University, 1975.

Қодирийнинг “Ўткан қунлар” романи асосида баён этади². Америка олимлари изланишлари даги муайян бадий асарнинг ижтимоий-гоявий синкетик тадқиқи, миллат тушунчасини оила воситасида англаш, идрок этиш анъанаси Роберта Мария тадқиқотларига ҳам хос. Унинг таъкидлашича, XX аср ўзбек адабиёти вакиллари, шунингдек, А.Қодирий ҳам ўз бадий-гоявий мақсадларини амалга оширишда оиласиб-маиший саҳналардан кенг фойдаланган.

Х.Мурфи Абдулла Қодирий ҳаёти ва ижодини монографик планда ўрганган ягона американлик олимдир. Унинг 1980 йилдаёқ “Ўткан қунлар” ва “Мехробдан чаён” романларини ўзбек адабиётшунослигида деярли қўлланилмаган, кейинги йилларда оммалашиб бораётган структурал таҳдил методи асосида тадқиқ этгани ҳақида Х.Исматуллаев³, Б.Каримов⁴ тадқиқотлари ва бизнинг дастлабки изланишларимизда⁵ қайд этилган. Аммо уларда структурал усульнинг Мурфи тадқиқотида қандай акс этгани, бошқа тадқиқотлардан фарқли жиҳатлари, муаллиф асарларининг структурал таҳдил воситасида талқин этилишининг асосий сабаблари, аҳамияти, Абдулла Қодирий ижодини ўрганишда олим методи ва методологиясидаги инди-видуал ёндашувлар, тадқиқотнинг асосий вазифаси ва қиймати атрофлича ёритиб берилмаган. Шу сабаб ушбу мақолада Х.Мурфи тадқиқотидаги юқорида қайд этилган муаммоларга эътибор қаратамиз.

² Micallef Roberta Maria. The Role of Literature and Intellectuals in National Identity Construction: The Case of Uzbekistan. – University of Texas, 1997, pp.31–40.

³ И с м а т у л л а е в Ҳ. Абдулла Қодирий агадияти // Ўзбекистон адабиёти ва санъати. 1994. 14 октябрь, 11 ноябрь.

⁴ К а р и м о в Б. XX аср адабиётшунослигида талқин муаммоси (қодирийшунослик мисолида): Фил.фан.док.дисс. Тошкент: ЎзР ФА ТАИ, 2002. 255–284-бетлар; Б а х о д и р К а р и м . Абдулла Қодирий: танқид, таҳдил ва талқин. Тошкент: Фан, 2006. 211–214-бетлар.

⁵ М и р з а е в а З. Ўзбек жадид адабиётининг Америкада ўрганилиши. Фил.фан.ном.дисс. Тошкент: ЎзР ФА ТАИ, 2007. –140 бет.

Х.Мурфи А.Қодирий романларини машхур назариячи олимлар Жонотан Куллер⁶, Мария Карти⁷ методлари асосида янгича услубда ўргангандаги масалалар тадқиқини ўз олдига вазифа қилиб қўйган:

Биринчидан, Алишер Навоий достонлари (“Фарҳод ва Ширин”, “Лайли ва Мажнун”), халқ оғзаки ижоди намуналари (“Алпомиш”, “Кунтуғмиш”, “Тоҳир ва Зухра”) ва Қодирий романлари (“Ўткан кунлар”, “Мехробдан чаён”)даги ҳикоя қурилишининг тасвир ва қиёсидағи анъанаалар тадқиқи; бунда Қодирий романларидағи бадиий элементларнинг халқ оғзаки ижоди ва мумтоз асарларга боғлиқлигининг дастлабки омиллари қиёсий, аналогик ва структурал таҳдил методлари во-ситасида ўрганилади. Олим ушбу боғлиқликнинг асосий сабабларидан бири ёзувчи романлари (асосан “Ўткан кунлар”) нинг китобхон эҳтиёжи асосида юзага келганлигида деб билади ва буни қайд этилган усуллар асосида исботлашга ҳаракат киласиди⁸.

Иккинчидан, ҳикоя структураси компонентлари ва унинг ҳикоядаги ўзаро муносабатларини “Ўткан кунлар”, “Мехробдан чаён” романларидағи нореал воқелик (олим Отабекнинг ўз уйидаги бахтсизлиги ва Отабекка бегона бўлган Мирзакарим қутидор хонадонидаги бахтини, муаллифнинг салбий образ концепцияси акс этган Ҳомид ва унинг шериклари амалга ошириши мумкин бўлган қотилликни нореал ҳодиса сифатида қабул

⁶ C u l l e r J o n a t h a n . Defining Narrative Units. In Structure and Style in Literature. Ed. Roger Fowler. Cornell University Press, Ithaca, New York, 1975; Structuralist Poetics. Structuralism, Linguistics, and Study of Literature. Cornell University Press, Ithaca, New York, 1974.

⁷ Corti Maria. An introduction to Semiotics. Bloomington: Indiana University Press, 1978.

⁸ M u r f y Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980.

қилиб, уни англашнинг иккинчи даражаси⁹ орқали идрок этиш мумкинлигини таъкидлайди)ни тушуниш категориялари¹⁰ воситасида тадқиқ этилиши; бунда, энг аввало ҳикоя шакли, структураси, сўнг ҳикоя қурилишига китобхон муносабати ва воқеликнинг ўқувчи тасаввурни қандай акс этгани ўрганилади. Америкалик қодирийшунос Ж.Куллер назарияси асосида “Ўткан кунлар”даги характерларни “ижтимоий жиҳатдан жамият нуқтаи назаридан мусбат (яхши) аммо бадиий жиҳатдан манфий (ёмон)” ёки аксинча “бадиий жиҳатдан мусбат (яхши), ижтимоий жиҳатдан манфий (ёмон)” образларга тасниф қилади. Юсуфбек Ҳожи, унинг рафиқаси Ўзбек ойим Отабек ва Кумуш муҳаббатига хайриҳо бўлиши мумкин бўлган, аммо унинг завол топишига сабабчи Ҳомид ҳамда ҳамтовоқдари – Содик, Жаннат гуруҳига киритиши мумкин деган фикрни айтади, аммо китобхон нуқтаи назарида ота-она ўз фарзандига њеч қачон ёмонликни раво кўрмайди, демак бу хилдаги образларни жамият тушунчаси асосида “ёмон одам” (ёки “салбий образ”)лар қаторига киритиб бўлмайди¹¹.

Учинчидан, ҳикоя қурилишидаги ташқи шакл ва бадиий элементлар – мавзу, символ, сюжет ва характернинг бир мақсадга йўналтириш анъанаси контексда текширилади; анъанавий ҳикоячилик структурасига қўшилган, одатий сюжет бирлигидан ташқарида жойлашган янги элемент – эпилогга романнинг ижтимоий табиати билан боғлиқ китобхоннинг эстетик тушунчасини қўзгатишга хизмат қиласидиган, муаллифнинг гоявий мақсадини, унинг ижтимоий муаммога мурожаатини қатъий асословчи метод сифатида қараш ва буни структурал таҳлил воситасида исботлаш. Образларнинг символик табиатида акс

⁹ Реал бўлмаган воқеликни маҳсус тасаввур орқали тушуниш.

¹⁰ Жонотан Куллер бадиий асарни тушунишнинг беш категориясини яратган.

¹¹ Murphy Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980. P. 131.

этган ижтимоий-гоявий мақсадни Куллер тадқиқотларидағи әмпирик метод¹² (маълум воқеликни амалий фаолият орқали идрок этиш) воситасида тушуниш.

Тўртингидан, биополяр зиддиятлар назарияси асосида “Ўткан кунлар” ва “Мехробдан чаён” романларида бир-бирига зид жойлаштирилган концепциялар кузатуви (образларга танланган исмларда акс этган зиддиятли тушунчалар, бурчдаги конфликт, қобил ва ноқобиллик ўртасидаги муносабатлар тадқики). Бунда Х.Мурфи тасвирий воситалар тадқиқи орқали конфликтларда акс этган яширин мантиқни тафтиш этишга ҳаракат қиласи. Муаллифнинг ижтимоий-гоявий мақсади яширинган, умумлаштирилган кучли илмий хуносаларни келтириб чиқаришга сабаб бўлган символик образлар моҳиятини ўрганиш Х.Мурфи изланишларидағи бош масалалардан биридир. Олим бадиий асар билан боғлиқ бўлган рамзий ифодаларни очиш билан романнинг миллат қурилишида асосий “ижтимоий актёр” сифатидаги ўрнига алоҳида эътибор қаратади.

Жонотан Куллер нуқтаи назаридаги “символ” кўп ҳолларда антитетага асосланади¹³. Христафор Мурфи Абдулла Қодирий романларидағи образларнинг исмларидан қелиб чиқадиган мазмун асосида ҳам асарнинг ички моҳиятини англаш мумкинлигини қайд этади. Шунингдек, образга танланган исмларда характернинг индивидуал хусусиятларини тез суръатда, пинҳона ошкор қила олиши мумкинлигини таъкидлаб, Ж.Куллернинг биополяр зиддиятлар назарияси асосида қизиқарли кузатишлар олиб боради. Олимнинг таъкидлашича, “Ўткан кунлар” романидаги Жаннат ва унинг ўғли Содиқ образларига танланган исмлар уларнинг символик табиатига нисбатан контраст қўйилади, бу эса китобхоннинг турли хил йўллар воситасида бадиий асар

¹² Jonathan Culler. The Literary in Theory. Stanford University, Stanford, California, 2007.

¹³ Jonathan Culler. Structuralist Poetics. Ithaca, New York: Cornell University Press, 1974. P. 225.

Қодирий романларининг структурал таҳлили ва тадқиқотлардаги етакни таъмойиллар
замиридаги яширин мантиқни топишда индивидуал аҳамият
касб этади¹⁴.

Кўринадики, Х.Мурфи бу характердаги концепцияда образларнинг романлардаги семиотик элемент сифатидаги ўрнига алоҳида ургу беради. Дарҳақиқат, “Жаннат”, “Содик” каби исмларнинг маъноси мусулмон дунёсида ижобий характерга эга эканлиги ва уларнинг бадиий асардаги функцияси билан боғлиқ зидданиш муаллифнинг улар ҳақидаги фикрларини тўғри англаш имконини беради. Тадқиқотдаги “Отабек” исмининг генезиси ва унинг символик табиатидаги биополяр зиддият билан боғлиқ фикрлар ҳам эътиборга молик. Олимнинг маълум қилишича, Отабек тарихий аҳамиятга эга бўлган исмлардан бири. Салжуқийлар давридан бошлаб ёш шаҳзодаларнинг устози, маслаҳатчиси ёки иш юритувчи “отабек” деб номланган. Қўқон хонлигига бу атама “оталиқ” деб ўзгартирилган. Бу нисбат фақат эркаклар учун берилган бўлиб, донолик, ақиллилик ва фаросатлиликка ишора. Аммо Отабекнинг муаммолар гирдобида қолиши ва унинг ечимини топа олмаслиги билан боғлиқ ҳолатлар унга танланган исм моҳиятига, унинг символик табиатига зид¹⁵. Америкалик олимнинг ушбу талқинидан бадиий асарда акс этган элементларни ягона мақсадга бирлаштиришда муаллиф маҳорати, қутблардаги зиддиятнинг яна бир ўзига хос шакли маълум бўлади. Аммо иккинчи бир жиҳатдан, Отабек образи билан боғлиқ ўзбек адабиётшунослигидаги талқинлар Америка олими қарашларига жиддий эътиroz уйғотиши табиий.

Америкалик олим “Ўткан кунлар” романидаги Мирзакарим, Офтоб ойим, Ўзбек ойим образлари исмларидағи рамзий маънолар хусусида ҳам қизиқарли мулоҳаза билдирган.

¹⁴ Murphy Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980. P. 57.

¹⁵ Шу манба.

Умуман олганда, XX аср ўзбек адабиётининг бошқа намуналари, жумладан, М.Беҳбудийнинг “Падаркуш” драмасидаги (Тангриқул, Давлат, Тошмурод), Чўлпоннинг “Кечা ва кундуз” романидаги (Акбарали мингбоши), Улугбек Ҳамдамнинг “Мувозанат” романидаги (Амир) образларда акс этган исмларнинг биополяр зиддиятлар назарияси асосидаги таҳдилларда 100 йиллик миллий адабиётимиз намуналарида образлар исмларнинг зидлантириш концепцияси мавжудлиги ва бу муайян анъана сифатида давом этганлиги кузатилади.

Х.Мурфининг таъкидлашича, “Ўткан кунлар”да акс этган кўп тармоқли зиддиятлар тасвири роман сюжетининг энг муҳим, китобхон эътиборини ушлаб турадиган “энigmatik” (жумбоқли) тасвир турига киради¹⁶. Устоз Матёқуб Кўшжонов ҳам “Ўткан кунлар”да воқеаларнинг сирли баён қилиниши билан боғлиқ жиҳатларни маҳсус тадқиқ қилган. Романнинг дастлабки бўлими (“Отабек ошиқ”)да қаҳрамонлар психологиясидаги ўзгаришлар, улардаги зиддияти ҳисларнинг сирли баён қилинишида ёзувчининг ўзига хос услубга эга эканлигини аниқ мисоллар билан далиллаган. Шу ўринда таъкидлаш жоизки, ўзбек олими М.Кўшжонов Х.Мурфидан фарқли конфликтларга сабаб бўлган энг йирик обьект ва субъектларга, романнинг фақат асосий устунлари ўртасидаги зиддиятларга эътибор қаратади¹⁷. Аммо ўзбек ва америкалик олимларнинг Қодирий романлари ва ҳалқ оғзаки ижоди анъаналарининг қиёсий таҳдилларида бир-бирига жуда яқин аналогик тадқиқот методини кўриш мумкин.

Америка олими романда акс этган конфликт турларини тасниф қиласди. Унинг фикрича, Отабек бурчи билан боғлиқ зиддиятлар бадиий асардаги етакчи тояни ифодалашда энг муҳим таянч вазифасини бажариши билан бирга А.Қодирий қўллаган

¹⁶ M u r f i n Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980. P. 130.

¹⁷ Қ ў ш ж о н о в М. Ўзбекнинг ўзлиги. Тошкент: Абдулла Қодирий номидаги ҳалқ мероси нацириёти, 1994.

конфликтларнинг энг яхши намунаси. Бурчдаги конфликтнинг бу жиҳатлари ушбу романтик севгини жамият томонидан қабул қилиш кучини енгиллаштиради¹⁸.

Дарҳақиқат, асар воқеаларини кузатганимизда Отабек бурч билан боғлиқ конфликтларнинг марказида намоён бўлади.

Отабекнинг ота-она олдидағи бурчи

Отабекнинг Кумуш олдидағи бурчи

Отабекнинг Зайнаб олдидағи бурчи

Отабекнинг Ватан олдидағи бурчи

Отабекнинг қайнона ва қайнота олдидағи бурчи

Мурфи тадқиқотларига кўра, Отабекдаги бурч категория-сининг бадиий асар структурасидаги ўрни марказий элемент даражасига кўтариляпти. Чиндан ҳам Отабекнинг объектлар (ота-она, маъшуқ, жуфти ҳалол, Ватан, қайнона ва қайнота) олдидағи бурчи ва бу бурчлар ўртасидаги конфликтлар фожиага айланди. Отабек эса бу фожиаларнинг ечимини топа олмайди. Отабекнинг муқобил ва номуқобиллик қутбида алмашиб туриши билан боғлиқ ҳаракатларидағи биополяр зиддият романдағи улкан мұхаббат шиддатини очиб берган.

Христафор Мурфи “Ўткан кунлар”даги зиддиятларнинг оддий деталлар воситасида ифодаланиши, конфликтлар ривожи, уларнинг бир майдондан кейинги майдонга ҳаракатланишига сабаб бўлган мұхим омиллар, бош образларнинг баҳтли ва баҳтсизлигидағи бир-бирига зид тушунчалар моҳияти, унга бевосита боғлиқ воқеалар, бу боғлиқликнинг энг асосий нүктаси бўлган бурчдаги конфликтлар тадқиқига эътибор қаратади. Халқ оғзаки ижоди намуналаридағи биополяр зиддиятлар анъанавий методининг Қодирий романларидағи инъикоси, конфликтларнинг янги шакллари, унинг бадиий тасвиридаги ўзига хос муаллиф услуби, янги ижодий методи тадқиқ этилади. Америкалик олимнинг фикрича, анъанавий ҳикоячилик (халқ оғзаки ижоди намуналари)да конфликтлар ривожи кўринмайди, бу-

¹⁸ Murphy Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980. P.129.

нинг асосий сабаби муайян воқеликнинг идеал манзарасини кўрсатишдан иборат. Қодирий эса “Ўткан кунлар” романида реал воқелик ифодасини биринчи планга қўяди. Конфликтларнинг кўп тармоқлииги воқелик ва образларни реаллаштириш билан боғлиқ бўлган. Фарҳод ва Тоҳир эса идеал ошиқлардир¹⁹.

Х.Мурфи романнинг ҳар бир қисмидаги китобхон қабул қиласидиган ва қабул қилмайдиган воқеаларни системалаштириш орқали структурага солади²⁰. Ўқувчи қабул қиласидиган воқеалар қийматини мусбат – бирлашиш (Union), қабул қилмайдиган воқеалар манфий (Separation) шаклида таснифлайди.

Масалан:

– Отабек ошиқ, Ҳасанали тўйни тезлаштирадиган шахс: бирлашиш – (Union) мусбат, китобхон қабул қиласидиган воқелик.

– Ҳомиднинг ёлгон хабарлари сабаб Отабекнинг қамоқقا олиниши: ажralиш – (Separation) манфий, китобхон қабул қилмайдиган воқелик.

– Ўзбек ойимнинг Отабекни иккинчи бор уйлантириш режаси ва унинг Отабек томонидан қабул қилиниши: ажralиш – (Separation) манфий, китобхон қабул қилмайдиган воқелик.

– Отабекнинг Кумуш олдига қайтиши ва ота-онасини ташлаб кетишига қарор қилиши: бирлашиш – (Union) мусбат, китобхон қабул қиласидиган воқелик.

– Ҳомид томонидан уюштирилган иккинчи ёлғон мактуб: ажralиш – (Separation) манфий, китобхон қабул қилмайдиган воқелик.

Америкалик олим “Ўткан кунлар” романидаги бошқа воқеаларни ҳам мана шундай шаклда таснифлайди.

Ғарб структуралистлари ва структурал метод асосида тадқиқот олиб бораётган ўзбек адабиётининг Америкадаги

¹⁹ Murphy Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University, 1980. P.132.

²⁰ Шу манба. 124-бет.

Қодирий романларининг структурал таҳлили ва тадқиқотлардаги етакчи тамошлар тадқиқотчилари бадиий асарни тадқиқ этишда қўйидаги аспектлар ва методлар асосига сўянадилар.

1. Ҳикоянинг шаклий қурилиши.
2. Миллий ва жаҳон романчилигининг ўзига хос бадиий, ижтимоий-сиёсий критериялари.
3. Воқеаларнинг энигматик тасвир воситасида ифодаланишида ёзувчининг ўзига хос тасвир усули.
4. Бадиий асарда акс этган кўп маъноли воқеликка ўқувчининг муносабати ва китобхон талқини.
5. Бош қаҳрамонлар эволюцияси. Бадиий асарда иштирок этган характерлар ҳаётида юз берган муайян ўзгаришлар, образнинг асар боши ва охиридаги ҳолатлари ўртасидаги ўхшаш ва фарқли жиҳатларнинг аналогик тадқиқи.
6. Бадиий асар қурилишида азалдан мавжуд бўлган ташқи моҳиятни тадқиқ этиш баробарида бадиий асарнинг ички структурасидаги янги, кутилмаган маъноларни семиологик тадқиқот методи воситасида тадқиқ этиш.
7. Турли хил семиотик анъаналар ва ундаги маъно ишлаб чиқарувчи механизмларнинг аналитик таҳлили.
8. Асар поэтикаси, унда акс этган бадиий санъатлар тадқиқида лингвистик методнинг аҳамияти ва бунга марказий мавзуу сифатида қараш.

Х.Мурфи Қодирий романларини тадқиқ қилишда нима учун асосан структурал методдан фойдаланди, бунинг асосий сабаблари нималардан иборат? Қодирий романларини бошқа методлар воситасида ҳам тадқиқ қилиш мумкин эдику?

Структурализмнинг асосий хусусиятлари ва имкониятлари, шунингдек, олим тадқиқотидаги айрим илмий-назарий қарашлар, хулосалар асосида буни қўйидаги омиллар билан изоҳлаш мумкин:

– “Ўткан кунлар” ва ҳалқ оғзаки ижоди намуналаридағи ўхшаш шаклларнинг китобхон эҳтиёжидан келиб чиқсанлигини асослашда энг қулай тадқиқот усули сифатида қараш;

– 80-йилларда Америка ўзбекшунослари изланишларидағи асосий мақсады мағкуравий йўналишдан фарқли бадий асарга, матнга холис ёндашиш имконини бериш;

– туркӣ адабиётлар билан боғлиқ тадқиқотларнинг барчасида филологик ёндашув мавжудлигига асосланиб, шаклни тадқиқ этиш воситасида тушуниш ва англашни енгиллаштириш, бадий асарни мутахассис бўлмаганлар томонидан ҳам осонгина қабул қилинишини таъминлаш;

– Владимир Проп назариясига кўра, икки ҳикоядаги умумий, туташ хусусиятлар бир хил вазифани бажариши ва бажармаслиги ҳам мумкин. Шу жиҳатдан ҳалқ оғзаки ижоди намуналари ва Қодирийнинг тарихий романлари структуралари ўртасидаги боғлиқлик ва уларни турли хил функциялар намунаси сифатида тадқиқ қилишда структурал методга энг яхши тадқиқот усули сифатида қараш;

– “Ўткан кунлар” романни дастлабки аниқланмаган (тадқиқ этилмаган) услубда ёзилгандек тасаввур үйготиши ва “уни роман деб қабул қилиб бўлмаслиги”²¹.

Кейинги йилларда ўзбек адабиётшунослигида Абдуғофур Расулов²², Ҳамидулла Болтабоев²³, Сувон Мелиев²⁴, Қўрдош Қаҳрамонов²⁵, Ислом Ёқубов²⁶ каби олимларнинг структурал таҳлил усули, унинг моҳияти, поэтик имкониятлари, мазкур методнинг ўзбек адабиёти материаллари тадбиқидаги ўзига хос

²¹ M u r p h y Ch. The Relationship of Abdulla Qadiriy's Historical novels to the Earlier Uzbek Literary Traditions: Washington University, 1980. P. 5.

²² Расулов А. Бадийлик – безавол янгилик. Тошкент, 2007.

²³ Ҳамидулла Болтабоев. Теранлик (Адабиётимиз фахри). Тошкент, 2007. 202–214-бетлар.

²⁴ Мелиев С. Структурализм ва структурал таҳлил ҳақида // Ўзбек тили ва адабиёти. 2008. 2-сон. 12–20-бетлар.

²⁵ Қўрдош Қаҳрамонов. Адабий танқида структурал метод талқини // Ўзбек тили ва адабиёти. 2009. 5-сон. 34–38-бетлар.

²⁶ Ислом Ёқубов. Структурал поэтика имкониятлари // Ўзбек тили ва адабиёти. 2006. 3-сон. 3–12-бетлар.

тамойилларга бағишлиган мақолалари эълон қилинди. Аммо мазкур йўналишдаги тадқиқотлар хронологиясидан американлик қодирийшунос Христофор Мурфи ўзбек адабиётшунослигига “Ўткан кунлар” романининг илк структурал тадқиқотчиси деган холосага келиш мумкин.

Америка олимларининг Абдулла Қодирий ижоди билан боғлиқ тадқиқотларидағи умумий жиҳат бадиий асарларни тарихийлик мезонларига суюниб, қиёсий усул асосида тадқиқ этиб, муайян воқеликни образли сўз ёки рамзийлаштирилган фикрга ёндош таҳдил қилиши, жамиятни ислоҳ этишда маърифат, таълим, дин, маданият ва ёшларнинг ўрни масаласи, озодликка эришиш йўлларини излаш, муайян даврда яратилган асарларни бадиий-гоявий ва сиёсий-ижтимоий мезонларга уйғуналашиб кетиши билан белгиланади. Улар муаллиф асарларини рамзий нуқтаи назардан тадқиқ қилишга ҳаракат қиласидар ва асардаги символлаштирилган образлар хусусида кенг тўхталадилар. Муаллиф яратган ҳар бир эпизод, кўриниш, лавҳа, образни муаллиф давридаги мавжуд ижтимоий-гоявий воқеаларга боғлаб фикр юритади. Бундай кузатишлар, бир жиҳатдан Абдулла Қодирий ижодидаги янги ижтимоий қиёфаларнинг акс этишини таъминласа, иккинчи бир томондан, бадиий асар зоҳиридаги ҳаққоний тушунчалар мантигини қиёсий ўрганишда ўзига хос ўрин тутади. Бадиий асар таҳдилида рус адабиётшуноси Н.Ф.Бельчиков таъкид этган энг имумим талаблардан бири – ҳар қандай ижод намунасини библиографик, текстологик ва манбашунослик нуқтаи назаридан бошлаб тадқиқ этиш²⁷ тамойили айниқса Х.Мурфи, Р.Мария каби олимларнинг Қодирий ижоди меросига боғлиқ ишларида яққол акс этган. Бундай усул санъат асари табиатини мукаммал, изчил, кенг қамровли ҳолда очиб бериш билан бирга асар таҳдилига йўналтирилган ягона мақсадли жараённи юзага келтиради. Шу жиҳатдан, бадиий асарни таҳдил

²⁷ Бельчиков Н.Ф. Пути и навыки литературоведческого труда. М.: Наука, 1965. С. 233.

этишдаги бундай йўналишлар Э.Олворт, Х.Мурфи, Р.Мария тадқиқотларидағи етакчи тамойилларни оқлади.

Инглиззабон олимлар изланишларида бадий асар қамровидаги тугал тушунчалар ёки асарнинг четлаб ўтилган нуқталаридағи реал фикрларнинг аниқ таҳлили турли хил тамойиллар асосида тадқиқ қилиниши кузатилади.

2010 йил

Ўзбек ва хорижлик олимлар бадий асар ғояси талқинидаги тафовутларнинг назарий методологик асослари

Бугунги кунда, миллий тикланиш ғоясининг бадий ифодаси саналувчи асарлар муайян даврдаги сиёсий-ижтимоий вазият тақозоси, ижодкор салоҳияти, ижодий-эстетик концепцияси, бадий маҳорати, эркин интилишларига яратилган имконнинг даражаси, шахсий жасорати сингари кўплаб факторлар билан боғлиқ тарзда аналитик таҳилилни тақозо этади. Жумладан, Фитрат асарларида “Рус доктори”, “Сайёҳ”, “Фаранг” образлари маърифий, ижтимоий-ғоявий мақсадларни тарғиб қилиш, миллий интеллектуал образларни шакллантиришда ўзига хос бадий восита ролини ўйнагани ҳолда, муаллиф ижодий-эстетик концепцияси жадид образида ифодаланади. Бошқачароқ айтганда, ўлкадаги ҳақиқий аҳволни ўзганинг нигоҳи билан кузатиш приёми орқали таназзул сабаблари: ақидапарастлик ва жаҳолат танқид остига олинади.

Америкалик олим Адіб Холид бадий адабиёт бағридаги бундай образлар талқинига қуйидагича баҳо беради: “Кўпғоялиликка асосланган асарлар мұхим ижтимоий-сиёсий масалалар тарғиботини мақсад қилганлигига қарамасдан, уларнинг аксариятида мусулмон бўлмаган шахслар диннинг янги қирраларини намоён қиласди. Араб тилида эркин гапира оладиган зиёли – европалик образи орқали муаллиф даврнинг янги фикр кишиси – жадид қарашларини акс эттиради, аммо эъти-

борлиси шундаки, европалик худди замонавий мусулмонларга ўхшаб мунозара қиласи”¹.

Чиндан ҳам Фаранги ислом қонуниятларини мұжаммал билгап кишидек Куръонни шархлайди, пайғамбаримиз Мұхаммад (с.а.в) ҳадисларидан мисоллар, суралардан парчалар (оялар) көлтириб, изоҳдайди. У Америка олими таъкидлаганидек, гайридин бўла туриб шундай даражада баҳс олиб бориши мумкинми?

АҚШ тадқиқотчисининг бу борадаги хulosаси қуйидагicha: “Фаранги янги услубдаги мактабларда таҳсил олган шахс. Фитрат бу асарида ҳам худди “Ҳинд сайёхи баёноти”даги сингари замонавий таълимга эга христианларни саводсиз мусулмонларга нисбатан ислом дини ва таълимотини яхшироқ тушунишлари мумкинлигини яна бир бор кўрсатган”².

Америкалик ўзбекшунос ушбу типдаги қаҳрамонларнинг бир томонлама талқинига тўғри баҳо беради ва мазкур образга хос ҳусусиятни тўғри англайди. Олим хulosаларида бундай хилдаги образларга қарашиб бир қадар кенгроқ миқёс касб этаётгани, характер тасвирига полифоник тасвир унсурлари кириб келаётганилигини кузатиш мумкин бўлади.

Аммо, афсуски, уммон орти тадқиқотчиси етакчи қаҳрамонлар (Фаранги образи назарда тутилмоқда – З.М.)нинг гайримуслим эканлигини жаҳон адабиётининг тасвир усулларига ҳамоҳанглиқ³, шарқона тафаккур тарзи ва ментал ҳусуси-

¹ Russia's Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini, A.Khalid and etc.; ed. Daniel R.Brower and E.J.Lazzerini. Bloomington: Indiana University Press, 1997. P.196.

² Шу манбага қаралсин.

³ Жаҳон адабиётида бирор мамлакатнинг сиёсий-ижтимоий ва маданий ҳаёти ҳақида мулоҳаза юритиш, танқидий фикрлар айтиш учун бу мамлакат турмушига бошқа бирор мамлакат фуқаросининг кўзи билан қаралган ёхуд бирор мамлакатнинг аҳволи билан тақдосланган. Масалан, француз маърифатпарвари Шарль Монтескьенинг “Француз мактублари” асарида Эронда истиқомат қиласидиган Ўзбек деган йигитнинг мактублари орқали ҳам Эрон, ҳам француз воқелигидаги жаҳолат, нодонлик кораланади. Демак, Абдурауф Фитратнинг “Мунозара”, “Баёноти сайёхи

ятларнинг ўзига хослигидан изламайди. У Фитрат дунёқараши ва эстетик идеалини белгиловчи замонавий таълим масаласига эмас, балки диний-этник тафовутларга кўпроқ эътибор қаратиб, муаммо моҳиятига айирмачилик позициясидан ёндошади. Аникроқ қилиб айтганда, унинг тарафкашликка таянувчи муҳокамаси замонавий таълим олган муслимлар насроний динидаги саводсиз исавийларга нисбатан шу дин моҳиятини тўлиқроқ билиши мумкин эмасми? деган мантиққа бардош бера олмайди. Қолаверса, Фитрат ва француз маърифатпарвари Шарль Монтескье яратган образлар ва қўллаган ифода вситаларининг қиёсий таҳдили Адиб Холиддинг Фитрат эстетик идеалидаги тимсоллар моҳиятига етиб кела олмаганигини далиллайди.

Демак, Фитрат асарларидағи “фаранги” образини миллий-этник гуруҳга нисбат бериш мумкин эмас. Чунки фарангি моҳият эътибори билан, ислом таълимотини, диний ва дунёвий билимларни чуқур ўрганиш баробарида, Европа маданиятини ҳам ўзлаштирган Туркистонда пайдо бўлаётган маърифатпарварларнинг образи. Яна ҳам аникроқ айтганда, Фитрат эстетик идеалидаги тимсолдир. Агар ў ёхуд бу асарнинг етакчи қаҳрамонлари ҳаёт тарзи ва характеристига ёзувчи ўзини асос қилиб олиши мумкинлиги назарда тутилса, Фаранги образига прототип сифатида ҳам қараш мумкин бўлади. Аникроқ қилиб айтадиган бўлсак, бу образнинг юзага келишига Фитратнинг ўзи ва унга таниш бўлган жадидларнинг кўринишлари, характеристлари хизмат қилган. Фитрат форс тилини мукаммал билувчи Ислом дини билимдонларидан бири ҳисобланган. У тасаввуф адабиётини яхши тушунган. Жадид зиёлиси сифатида Фитрат ақидапарастларни танқид остига олиши, диний маҳдудликни

ҳинди” асарларидағи рус ва Европа кишиси образларининг яратилишида жаҳон адабиётидаги бундай усувларнинг муносаб таъсири ҳам бўлган. Бу ҳақда қаранг: Шарқ иади и О. Ижодни англаш баҳти. Тошкент: “Шарқ” нашриёт-матбаа акциядорлик компанияси, 2004. 103-бет.

қораллаши табиий. Демак, “Мунозара” асарида, гарчи фаранги ва бухоролик мударрис образлари яратилган бўлса-да, адаб аслида ўзи билан ўзи баҳсга киришган.

Биз масалага янада аниқлик киритиш мақсадида “фаранги” атамаси этимологиясига кенгроқ тўхташни лозим кўрдик. Бу атама асли арабча бўлиб, тор доирада французларга, кенг доирада эса бутун европаликларга нисбатан қўлланилган. Чунончи, мазкур атама қўйидагича шарҳланади: “Фарангистон – Франция, Европа”. Арабшунос олим Рашид Зоҳиднинг айтишича, араблар “француз” атамасини бузиб, “фаранги” шаклида талаффуз қилишган. Арабларда ўзларига нотаниш сўзни арабча оҳангга мослаб талаффуз этиш одат тусига айланган. Бу одат шу саъй-ҳаракат боис ўртаосиёликлар тилига ҳам кўчиб ўтган. Дейлик, улар Американи Амриқо шаклида, Германияни Кермон шаклида талаффуз қилишган. Абдулла Қодирийнинг “Тинч иш” ҳикоясида ҳам Рашид Зоҳид фикрларини далилловчи маълумотларни кўриш мумкин⁴.

“Ўзбек тилининг изоҳли лугати”да шарҳланишича, “фаранги” атамаси кўчма маънода “уста”, “ҳар бир иш қўлидан келадиган” маъноларни ҳам берган⁵. “Фаранги” атамаси замирида “қаловини топиб қорни ёндирадиган” ёки “сехргар”, “жодугар” маънолари яширинганини пайқаш мумкин. Форсийзабон ўзбек шоири Мирзо Бедил бир газалида ноз-ишвали, аҳдига вафо қилмайдиган аёллар гуруҳини “Фарангистон эли” шаклида номлаган⁶.

Демак, юқоридаги изоҳлардан Фитратнинг “Мунозара”сидаги Фаранги европаликларнинг умумлашма образи дейиш мумкин. Агар шундай бўлганда ҳам, Адаб Холиднинг уни ев-

⁴ Абдулла Қодирий. Кичик асарлар. Тошкент: Faafur Ўломномидаги Бадиий адабиёт нашриёти, 1969.

⁵ Ўзбек тилининг изоҳли лугати. Иккى томлик. 2-том. М.: Рус тили, 1981. 295-бет.

⁶ Азизлар анжумани. Баёз. Форсийдан Матназар Абдулҳаким таржи-маси. Тошкент: Ўзбекистон, 2008.

ропалик инглиз (European Englishman)⁷ деб талқин қилиши дуруст эмаслиги, “Фаранги” мутлақо инглиз кишиси эмас, балки жила қурса, француз миллатига мансуб европалик бўлиши мумкинлиги ойдинлашади.

Айни пайтда, Фаранги образининг яратилиши мутлақо тасодиф меваси ҳам эмас, албатта. Муаллиф уни асарга олиб кириш асосида ўзига ҳаётда шахсан таниш бўлган француз М.Г.Ханатонг шахсидан фойдаланган деган қарашлар ҳам мавжуд. Бундай қарашга кўра ёзувчининг назарий мушоҳадаларига эмас, балки амалий фаолиятига кўпроқ ургу берилади. Жумладан, япон олимни Хисао Коматсу “Мунозара”даги европалик образи хусусида сўз юритиб, асар моҳияти, унга хос хусусиятларни Бухородаги усмонлилар газетаси “Сироту-л-мустаким”да ёритилган мақолалардан излайди⁸. Хисао Коматсу Фитратнинг Муҳаммад Абдуҳ (1849–1905) ва француз М.Г.Ханатонг ўртасидаги мунозарадан таъсирилангани, асаддаги Фаранги образининг яратилиши тасодиф эмаслиги, унинг асарга олиб кирилиши асосида француз нотигининг шахси ётганинги исботлашга урунади. Албатта, Хисао Коматсу фикрмушоҳадаларини асослашга хизмат қилувчи факторларни ҳам инкор этмаймиз. Бироқ, соғлом мантиқ муаммонинг барча жиҳатларини яхлит кузатишни талаб этади. Ахир “Сироту-л-мустаким”даги мунозарада француз М.Г.Ханатонгнинг сұхбатдоши Муҳаммад Абдуҳ эмасмиди. Мунозара томонлар-

⁷ Russia's Orient. Imperial Borderlands and Peoples, 1700–1917 / M.Khodorkovsky, Y.Slezkine, E.J.Lazzerini, A.Khalid and etc.; ed. Daniel R. Brower and E.J.Lazzerini.-Bloomington: Indiana University Press, 1997. P.196.

⁸ X и с а о К о м а т с у . Бухорон Шариф ва Истанбул: “Мунозара” моҳиятини англаш. “Россия ва Марказий Осиёда Ислом ва сиёsat”. Токио: Ничифутсикайкан, 1999. 13–14 октябрь. Қаранг: Фитрат ва жадидчilik. Алишер Навоий номидаги Ўзбекистон Миллий кутубхонаси нашриёти, 2007. 269–273-бетлар. Инглиз тилидан Қ.Исмоилов ва Ҳ.Болтабоев таржимаси.

нинг ҳар иккаласига тегишли саналмайдими. Унда нима учун француз сұхбатдошга күпроқ нисбат берилмоқда. Нега баҳс-мунозара учун айнан Ҳиндистон танланди. Бундан күзланган мақсад ислом тамаддуни ундан аввалроқ Ҳиндистонда куртак ёзиб, жаҳонга ёйилған цивилизация билан боғлаш эмасми. Жадидчilik ҳаракати раҳнамоси Исмоилбек Гаспринский ҳам Ҳиндистондаги тамаддун хусусида: “Ислом цивилизациясига бир вақтлар ҳинд тараққиети таъсир ўтказган. Асосий халифа Абу Жаъфар Абдуллоҳ ал-Мансур VIII аср ҳинд олимларидан фалакиёт илмини ўрганган эди”⁹, – дегани инобатга олинса, Фитрат тарих ҳақиқатларига содиқ қолиб, ҳинд цивилизацияси¹⁰га Фарангистонга нисбатан күпроқ умид назарини тиккан эмасмии. Умуман, Фитрат назариётчи ва Фитрат амалиётчини сунъий равища бир-биридан ажратиш мумкинми. Ахир, назария ва амалиёт Фитрат даҳосининг қўш қанотлари эмасми.

Демак, бу ўринда Фитрат фикр-хаёллари дунёсига яқин шахс М.Г.Ханатонгга фаранги образи яратилишига туртки бўлиши мумкин бўлган факторлардан бири сифатида қараш тўғри бўлади. Ижодий жараён табиати ҳам айнан шуни тақозо этади. Ижодий жараён табиати ҳамда бадиий матн моҳиятидан келиб чиқмаган юқоридалар мұҳоммадарнинг ҳеч бири эса Фитрат эстетик идеаллари ва интеллектуал қаҳрамонлари табиатини, демакки, жадид адабиётидаги мазкур образ эволюциясини изоҳдашга қодир эмас.

⁹ Миллий уйғониш даври ўзбек адабиёти / Б.Қосимов, Ш.Юсупов, У.Долимов ва б. Тошкент: Маънавият, 2004. 231-бет.

¹⁰ Абдурауф Фитратнинг “Баёноти сайёҳи ҳинди”дан ташқари “Чин севиш”, “Ҳинд ихтилочилари” каби асарларида воқелик ҳинд образлари воситасида баён қилинади. Турк олими Темур Хўжа ўзининг “Indian Revolutionaries as Metaphor in Modern Uzbek Literature” номли мақоласида муаллифнинг сиёсий-ижтимоий ва гоявий мақсадини рамзий образлар воситасида атрофлича тадқиқ этган. Қаранг: Т i m u r K o s a o g l u. Indian Revolutionaries as Metaphor in Modern Uzbek Literature. Asian Annual, 2004.

Юқоридаги кузатишлардан маълум бўляптики, муаммо моҳиятига жаҳон адабиётшунослиги назарий концепциялари асосида ёндошиш, жадид адабиёти эстетик идеалига таъсир этган факторларни атрофлича таҳдил ва талқин этиш, унинг тадрижини кўрсатиш, образларни аниқ бадиий асар мавзуси, гояси, сюжет бирлиги, муаллиф ижтимоий-гоявий, эстетик мақсадлари, ифода йўсими асосида таснифлаш лозим. Жумладан, рамзий-мажозий ва ишоравий тасвиirlар нафақат ижтимоий, балки эстетик талқинларни ҳам тақозо қиласди. Ҳатто, қаҳрамонлар фожеавий тақдираидан ҳам ўзига хос рамз ва мажоз мужассамки, эпитетлар моҳиятига диққат қаратмасдан мазкур моҳият ёрқин очилмайди.

Бундай масалаларни ёритишида биз Оғир Аҳметнинг “Ўткан кунлар”, “Қутлуг қон”, “Тушда кечган умрлар” романларига хос образларни характерлашда алоҳида муаллифнинг ҳаёт йўли, уни ўраб турган муҳит, ижодкорнинг индивидуал тарихи, табиити, дунёқараши, шахсий тажрибалари ва гояларига муҳим фактор сифатида қарашини ёқлаймиз. Чунки американлик олим ёзувчиларнинг миллий қаҳрамон яратиш услуби ва принципларидаги индивидуал хусусиятларни анча ишончлай тадқиқ этишга муваффақ бўлган¹¹.

Оғир Аҳметнинг фикрича, ўзбек адабиётида идеал қаҳрамонлар вужудга келишида Россия, рус маданияти, рус кишилари, кейинроқ советлар идеологияси, рус тарихи ва албатта уларнинг мустамлакачилик қудрати муҳим аҳамият касб этади¹². Хусусан, Абдулла Қодирийнинг “Ўткан кунлар” романидаги

¹¹ A h m e t A g' i r. From Colonial to Post Colonial Future: Three Uzbek Novels (Qodiriy, Oybek, Hoshimov) A dissertation submitted in partial fulfillment of the requirements for the degree of Doctor of Philosophy. University of Wisconsin-Madison, 2003.

¹² A h m e t A g' i r. From Colonial to Post Colonial Future: Three Uzbek Novels (Qodiriy, Oybek, Hoshimov) A dissertation submitted in partial fulfillment of the requirements for the degree of Doctor of Philosophy. University of Wisconsin- Madison, 2003. P.13

Отабек образида акс этган эпитетларнинг бир қисми рус модернизацияси билан боғлиқ¹³.

Дарҳақиқат, олим таъкидлаганидек, Қодирий ўз идеалини яратишда европа – рус цивилизацияси ва тамаддун эгаларидан восита сифатида фойдаланган. Отабекнинг Рус цивилизациясига муносабати характерни ёрқинроқ очиш, роман бош ғоясини қуюқ ва бўрттириб ифодалашда таянч вазифасини бажаради¹⁴. Хусусан, Кутидор тилидан айтилган: “Чин савдогар сиз эмишсиз, ... биз шу ёшқа келиб ҳали ўзимизнинг каттароқ шаҳарларимизни ҳам кўралмадик: сиз ўриснинг Шамайигача боргансиз”¹⁵ каби сатрларда ҳам бош образнинг индивидуал, бошқалардан ажralиб турадиган хусусияти ифодаланган. Шамай – Россиянинг ҳозирги Семипалатинск шаҳри. Романда баён этилишича, жуда кам сонли савдогарларгина Россия шаҳарларига тижорат мақсадида бориб келишган. “Ўткан кунлар” романида ўша нотанишилик ҳиссиёти қўйидагича ифодаланади: “Ўрис шаҳарларига бориб савдо қилағучилар Туркистонда жуда оз ҳисобда бўлиб, чет элларни кўрган Отабек мажлисқа тансиқланди”¹⁶.

Оғир Аҳмет идеал образлар кўп ҳолларда романтизм асосига қурилади, деб ҳисоблайди. Чунки романтизмда муаллиф фикрларини баён этиш имконияти кенгроқ. Хусусан, романтик қаҳрамонлар инсон характеристидаги ижтимоий ҳаёт учун зарур жиҳатларни мукаммал акс эттириш ва тарғиб қилишда қулай воситадир. Олим “Ўткан кунлар” романидаги ёзувчи эстетик идеали акс этган Отабек образини ҳам романтик модель, романтик идеал қаҳрамон, шу билан бирга романтик ислоҳотчи ҳамdir,

¹³ Шу манба. 169-бет.

¹⁴ Қўш жонов М. Ҳаёт ва қаҳрамон. Тошкент: Гафур Гулом номидаги Адабиёт ва санъат нашриёти, 1979. 13-бет.

¹⁵ Абдулла Қодирӣ. Ўткан кунлар. Тошкент: Шарқ нашриётматбаа концерни, 2000. 21-бет.

¹⁶ Ўша жойда.

деб айтади¹⁷. У ўз қарашларини исботлашда инглиз олими Жемес Вилсоннинг романтик идеал қаҳрамонлар ақл-идрок воситасида ўз-ўзини англаш, жамиятда мавжуд муаммолар ечимини топишга ҳаракат қилиш ва сўнгида ўз ҳаётини халқ манфаатлари йўлида қурбон қилиш асосида яратилади, деган назарий қарашларига таянган.

Мазкур фикрлардан кўринадики, Оғир Аҳмет романтизмни миллий ва индивидуал ўзига хослик, идеал қаҳрамонлар ва ҳис-туйғуларни тасвирлашга асосланган оқим сифатида талқин қиласди. Отабек образини унинг руҳияти, бадиий асардаги функцияси нуқтаи назаридан таҳлил этишга уринади.

Аслида ҳам романтизмда “реалликдан қочиши”, реал оламдан кўра мукаммалроқ олам – бадиий реаллик яратишга интилиш тамойили мавжуд. Романтизм адабиётининг бош қаҳрамони ҳам ёвузликка қарши курашаётган бўлишига қарамасдан, олами тубдан ўзгартиришга қодир эмас. Шунга қарамасдан, бу шахс сирли ва адағиз ички дунёси (муҳаббатию нафрати, меҳрию қаҳри, изтиробли ўйлари ва ўз-ўзини тафтиш қилиши ва б.) билан реал воқеликдаги майшат қулига айланниб бораётган кишилар (умум ва оломон) дан ажralиб турувчи алоҳида олам. Бинобарин, эстетик идеалдаги образ. Аммо романтик методнинг яшаш тарзи, шу асосда яратилган қаҳрамоннинг ҳаётий вазифаси муаммоси анча мураккабдир. Гап шундаки, мазкур категория роман жанри бағрида, хусусан “Ўткан кунлар”да “етакчи метод”дан реализм бағридаги восита, ўзига хос тамойилга айланади. Яъни ўзининг доминантлик хусусиятини йўқотади. Чунки Абдулла Қодирий Отабек образини реал ҳаётий воқелик заминида яратган. У намунали образ яратишда ҳаёт ҳақиқати ва қаҳрамон мантиғи ўртасидаги мувозанатни сақлай олган. Мавжуд воқеликдан қониқмаган адаб одам ва жамият муаммолари

¹⁷ A h m e t A g ’ i r. From Colonial to Post Colonial Future: Three Uzbek Novels (Qodiriy, Oybek, Hoshimov) A dissertation submitted in partial fulfillment of the requirements for the degree of Doctor of Philosophy. University of Wisconsin-Madison, 2003. P.14.

ни маърифий асосда мувозанатта кеалириш мумкин деб билган. Демак, Қодирий инсон тафаккурининг кучига ишонган. Реал макондаги воқеаларни қаламга олган. Гарчанд, Отабек хатти-харакатларида разолатга қарши кескин курашувчанлик ҳоллари кузатилса-да, у моҳият эътибори билан ислоҳотчилик йўлидан боради. Соғлом ақдга номувофиқ ҳолларни янгилаш тарафдори сифатида намоён бўлади. Шу жиҳатдан “Ўткан кунлар” Қодирийнинг эркин тафаккури, миллат зиёлиси сифатидаги истиробли ўйлари, ижодий методларни синтезлаштириш, роман доирасида турли эстетик белгиларни қоришиқ ҳолда қўллашга интилиш борасидаги илк уринишлари, бир сўз билан айтганда, норматив поэтика канонларини бузароқ яратган тарихий асаридир. Шунинг учун ҳам мазкур роман бадиий тафаккур ривожида бир қадам олга кетиш, жаҳон адабиётига ҳамоҳанглик хусусиятлари жиҳатидан эътибор ва эътирофларга сазовор бўлган.

Таассуфки, Оғир Аҳмет романнинг етакчи образларидағи миллий китобхонга таниш хусусиятларни кўра олмайди. Чунки унинг образга муносабати методни тарихий категория сифатида олиб қарашгагина асосланади. Олим муайян асарда доминантлик қиливчи метод бағрида ўзга методларнинг ҳам поэтик восита мақомида синтезланишини англаб етмайди.

Абдулла Қодирийнинг “Ўткан кунлар” романни тарихий материал асосида яратилган. Асарда тасвиirlанган образлар XIX асрнинг иккинчи ярмидаги ҳаётнинг типик вакиллариdir. Тарихийлик эса реализмнинг асосий шартларидан биридир. Шу жиҳатдан ушбу мулоҳаза-муҳокамалар ўтган аср бошларидағи реалистик асарларда акс этган идеал қаҳрамонлар образи муаллифларга таниш жамият вакиллари, ҳаётдаги жонли кишилар, давр қаҳрамонлари ва айрим ҳолларда уларга ёзувчиларнинг ўзлари асос қилиб олинганлиги ҳақидаги юқоридаги фикр-қарашларимизни тасдиқлайди.

Демак, тасвир принципи муаммоси тарихий тараққиётнинг муайян даври ва миллий адабиётга нисбатан ҳам, алоҳида ижод-

кор ёхуд унинг муайян асарига нисбатан ҳам индивидуал ёндашувни тақозо қиласи. Абдулла Қодирий эстетикаси, хусусан эстетик идеали маърифатчилик ва жадидчиликдан ажralган ҳодиса эмас. Адаб романларида инсон ва муҳит масаласи етакчи мавзуга айланиб, бадиий умумлаштирилиши, ислоҳотчилик руҳининг кучлилиги бежиз эмас. Қодирий ҳаётий материални эстетик идеаллари билан қўша олди. Унга фольклор ва мумтоз адабиётимиз руҳидан маънавий-ифодавий куч ато этди.

Инглиз назариётчиларида ғиби Клеймент романтик қаҳрамонларни ҳаёт қийинчилкларига муносабатига кўра “пассив” ва “актив” тарзида икки категорияга ажратади¹⁸. Романтизмнинг характерини бу тарзда изоҳдаш, бизнингча, тарихга нисбатан тенденциоз муносабатдан келиб чиқади. Унда ижтимоий воқеаликнинг тасдиги ва инкори принципига асосланилади. Шу маънода, у қайсиdir жиҳатлари билан шуро даврида романтизмни “реакцион”, “прогрессив”, “революцион” тарзида гайрииљмий таснифлашга уринишларни эслатади. Жумладан, Оғир Аҳмет ҳам Отабекни “пассив қаҳрамон” деб баҳолайди¹⁹. Унинг наздида етакчи қаҳрамоннинг ота-она истагига қарши бора олмаслиги, Ҳомиднинг бўйтони билан ҳибсга олиниш воқеасидан сўнг бетадбир қолиши сингари ҳолатлар ана шундай ижтимоий нофаоллик белгилари бўлиб кўринади.

Америкалик ўзбекшунос Роберта Мария наздида ўзбек романларидағи оталар бир жиҳатдан, сиёсий тузум вакиллари, яъни ижтимоий фаол шахслар. Айни пайтда, улар оиласининг ички муаммоларини ҳал қилишда муайян роль ўйнашдан ожиз, яъни “пассив, гунг ёки ўлик”. Кўринадики, олма Ўзбек ойим-

¹⁸ Clement N. H. Romanticism in France. New York: The modern language Association of America, 1939. pp. 438–439 (Ушбу манба Оғир Аҳмет диссертациясидан олинди).

¹⁹ Ahmed Ag'ir. From Colonial to Post Colonial Future: Three Uzbek Novels (Qodiriyy, Oybek, Hoshimov) A dissertation submitted in partial fulfillment of the requirements for the degree of Doctor of Philosophy. University of Wisconsin-Madison, 2003. P.101.

нинг Отабекни иккинчи марта уйлантириши билан боғлиқ воқеада Юсуфбек Ҳожининг таъсир кучи бирқадар заифлигини назарда тутиб, “ота образи жамиятда бирор-бир сиёсий мавқега эга бўлса-да, у оиланинг ички муаммоларини ҳал қилишда ҳеч қандай аҳамиятга эга эмас, пассив”, деган фикрни илгари сурмоқда. Унинг фикрича, гунг ота образи ўзгараётган структурал тузумнинг рамзий ифодасидир. Ташқи фаолликдан маҳрум оналарда эса бунинг акси кузатилади. Улар эски ақидалар етоваида ҳаракат қилиб, оилани вайрон қиласиган рамзлашган образ сифатида гавдаланишади²⁰.

Христофор Мурфининг романдаги Кумуш образи ҳар томонлама етук маъшуқа сифатида тасвирланган, Қодирий қаҳрамон номини роман марказига олиб чиқсан бўлса-да, уни етарлича фаоллаштира олмаганлиги, Кумуш ёндош характерларга нисбатан кам ривожланганлиги ҳақидаги бирёқлама хуласалари ҳақида юқоридаги фаслларда тўхталган эдик.

Кузатганимиздек, миллий адабиётимиздаги етакчи қаҳрамон муаммоси масаласи тадқиқида Америка олимлари қарашларида бир-бирига ўхшашлик (аналогия) кўзга ташланади. Мунаққидларнинг роман мазмун-мундарижасини белгилаш, характерлар моҳиятини тайин этишдаги ёндашув та-мойиллари бадиий адабиётдан ижтимоий муносабатларни излашдек мутлақлашган, айтиш жоиз бўлса, вуљгарлашган ақидаларга асосланади. Ваҳоланки, бадиий адабиёт ҳеч қачон ижтимоий ҳаётнинг бадиий иллюстрацияси бўлмаган. Демак, мунаққидларнинг турғун ақидалари ҳар қанча субъектив бўлмасин, улар биринчидан, социологик метод ва вуљгар социологиям ўртасидаги нозик чегарани илғашмайди, иккинчидан, миллий характер мантиғига мутлақо зид фикрлашади. Шунинг учун ҳам Оғир Аҳмет, Роберта Мария ва Христофор Мурфининг

²⁰ Micallef Roberta Maria. The Role of Literature and Intellectuals in National Identity Construction : The Case of Uzbekistan. USA: University of Texas, 1997, pp.37–38.

фикрлари ғайриилмийдир. Биз, “Ўткан кунлар”да америкалик олимлар наздида “пассив образлар” бўлиб кўринган Юсуфбек Ҳожи, Отабек, Кумуш характерлари муаллиф мақсади доирасида бўй-басти билан тасвирланган, деган фикрдамиз. Агар Отабек Оғир Аҳмет таъкидлаганидек, ота-она орзусига зид борганида ёки Азизбекнинг “ҳақсиз жазо”сига қарши кўр-кўронга, натижасиз исён кўтарганида унинг характери асосидаги мантиқ мувозанати бузилган бўлар эди. Отабек маърифатли оиласда тарбия топган, қобил фарзанд. У ота-она олдидағи бурчини фарз деб билади. Қолаверса, Отабекнинг иккинчи марта уйланишга рози бўлиши, ота-она талаби олдида ожиз қолиши ёки ушбу “қабиҳ мұхит”ни ёриб чиқа олмаганлиги “соясиға салом бериб, тўйларида, азаларида, қисқаси, тиқ эткан йигинларида уйларининг тўрини атаған...”, қаттиққўл, бир гапини икки қилмайдиган ва урф-одатларни қаттиқ тутадиган Ўзбек ойим образининг характер мантиғи билан ҳам узвий боғлиқ.

Отабек Ҳомиднинг қуруқ тухмати сабаб қамоққа олинади. Унинг воқеликка совуққон муносабатида персонаж характерига хос бошқа изжобий, гўзал хусусиятлар (ҳақиқат кучига ишонч, сабр, матонат, ўлимдан кўрқмаслик)ни очишга хизмат қилганлигини кўриш мумкин.

Азизбек билан боғлиқ воқеа тасвирида яна бир ҳақиқат мужассам. Яъни, муаллиф ўша мұхитдаги давр ҳонларининг мустақил фикрга эга бўлмаганлигини, фиску фасоднинг илдиз отиши, порахўрлик, умуман ўша даврнинг “кир ва қора” кунларини реалистик бўёқларда тасвирлашга муваффақ бўлган. Айнан ўша вазиятда Отабек айбизз эканлигини исботлашга ҳаракат қилса ҳам, бунинг фойдасизлигини биларди. Романда тасвирланган бадиий вақт ёхуд реал давр назарда тутилганида ҳам у ҳатто гуноҳсиз бўлса-да, ўзини ҳимоя қилиши ва оқлаши имконсиз эди²¹.

²¹ A h m e t A g ’ i r . From Colonial to Post Colonial Future: Three Uzbek Novels (Qodiriy, Oybek, Hoshimov) A dissertation submitted in partial

Демак, Оғир Аҳмет таъкидлаганидек, Отабек ҳаёт қийинчилликлари, муаммолари олдида ожиз, тақдирнинг курбонига айланган “пассив қаҳрамон” эмас, балки асарда ўзига юкланган эстетик функцияни, муаллифнинг гоявий-ижтимоий вазифасини тўлақонли бажарган мукаммал ва юксак бадиий образ, қолаверса Ватан, Миллат қаҳрамонидир. Академик М.Қўшжоновнинг “Ўткан кунлар” романига бағишлиланган тадқиқотларидағи Азизхон воқеаси билан боғлиқ таҳдиллар ҳам америка тадқиқотчисининг Отабек ҳақидаги қайдлари асоссиз эканлигини тасдиқлайди²².

Юсуфбек Ҳожи образига муносабат билдирган америкалик оlima Роберта Мариянинг ёндашув принципи ва хулосаларига диққат қилинса, у персонажнинг символик талқинига эътибор қаратганилиги аён бўлади. Оlima отанинг бадиий асардаги ижтимоий функциясини биринчи планга олиб чиқади. Чунки хорижлик олимлар изланишларига хос асосий йўналиш муайян бадиий асарни ижтимоий таҳдил усули воситасида ўрганишдан иборатдир. Шу сабаб ҳам бундай ёндашув улар тадқиқотларидағи муҳим методлардан бирини ташкил этади. Иккинчи бир жиҳатдан эса, романни турли йўсиналарда тадқиқ этиш, рамзий образлар воситасида бир матннинг турли хил маъноларини келтириб чиқариш ва ниҳоят сиёсий-ижтимоий, психологияк муҳитга муаллиф муносабати ва дунёқараши қай даражада боғланганилигини аниқлаш принципи романнинг ички моҳиятида яширин мантиқни ойдинлаштиришда ўзига хос

fulfillment of the requirements for the degree of Doctor of Philosophy.
University of Wisconsin-Madison, 2003. P.101

²² Қаранг: Қўшжонов М. Ҳаёт ва қаҳрамон. Тошкент: Faafur Фулом номидаги Адабиёт ва санъат нашриёти, 1979; Қўшжонов М. Сайланма. 2-жилдлик. 1-жилд (Сўзбоши муаллифи Н.Худойберганов). Тошкент: Faafur Фулом номидаги Адабиёт ва санъат нашриёти, 1982; Қўшжонов М. Ўзбекнинг ўзлиги. Тошкент: Абдулла Қодирий номидаги ҳалқ мероси нашриёти, 1994. –136-б; Қўшжонов М. Қодирий эрксизлик қурбони. Тошкент: Фан, 1992.

муносиб ўринга эга. Аммо, Роберта Мария таъкидлаганидек, Юсуфбек Ҳожи образида ўзгараётган структурал тузумнинг рамзий ифодаси акс этган эмас. Аксинча, мазкур образ асарнинг асосий мазмунига параллель иккинчи бир йўналишни ташкил этиб, бадий асар гоясини тўлдириб келади. Демак, муаммонинг рамзий-символик жиҳатидан ташқари бадий образга миллий қадриятлар асосида шаклланган шахс мақомидан туриб ҳам ёндашиш лозим. Ҳар иккала жиҳатнинг уйғуналашувигина Юсуфбек Ҳожи образи ҳақидаги тўлақонли тасаввурни туғдиради.

Юқоридаги фикрлардан маълум бўляптики, Роберта Мария Юсуфбек Ҳожи образининг бадий-эстетик талқини, хусусан ушбу образда нафақат мозийдаги, балки роман яратилган бадий вақт ҳамда бугунги кунимиздаги оталарга хос донишмандлик, бошқаларнинг ихтиёри билан ҳам ҳисоблашадиган, узоқни кўзлайдиган, муаллиф мақсади асосида яратилган Ўзбек отасининг типик вакили ифода этганлигини, яъни образдаги миллий руҳни англай олмаган ва буни англашга ҳаракат ҳам қилмаган. Шу жиҳатдан олиманинг Юсуфбек Ҳожи образи хусусидаги хуносаси ўзини ҳеч бир жиҳатдан оқдамайди.

Матёкуб Кўшжонов М.Шевердиннинг мақоласида Юсуфбек Ҳожи образига нисбатан таъкидланган гайрилимий субъектив фикрларни инкор этар экан, “Ўзбекни жоҳил, доим қамчисидан қон томиб турадиган, бошқаларнинг эрк-ихтиёри билан ҳисоблашмайдиган “одам” сифатида тушунадиган мунаққидгина шу хилдаги фикрни айтиши мумкин. Ҳолбуки, Юсуфбек Ҳожи образини яратишда Абдулла Қодирийнинг асл мақсади ҳаётда мавжуд бўлган Юсуфбек Ҳожидек донишмандларнинг инсоний хислатларини улуғлаб, китобхонга сабоқ бўйларлик образ яратиш эди”²³.

Танишганимиздай, М.Шевердин ва Роберта Мария қарашлари бир-бирига ниҳоятда яқин. Шу боисдан ҳам уларни

²³ Кўшжонов М. Қодирий – эрксизлик қурбони. Тошкент: Фан, 1992. 72-бет.

биз сўз юргизаётган муаммога тўла дахлдор деб биламиз ва устоз фикрларини тўлиқ қўллаб-кувватлаймиз. Қолаверса, Юсуфбек Ҳожи образининг характер мантиғи Ўзбек ойим образи ифодаси орақали тўлдирилган. Фикр тасдиғи учун романдан мисол келтириш мақсадга мувофиқдир. “Ўзбек ойим, элли беш ёшлар чамалик, чала-думбул табиатлик бир хотин бўлса ҳам, аммо эрига ўткирлиги билан машҳур эди. Унинг ўткирлиги ёлғиз эригагина эмас, Тошканд хотинларига ҳам ом эди. Ўзга хотинлар унинг соясига салом бериб, тўйларида, азаларида, қисқаси тиқ этган ийғинларида уйларининг тўрини Ўзбек ойимга атаган эдилар. Бир бугина эмас, қиз чиқаратурған, ўғул уйлантирадиган, суннат тўйи қиладирған хотинлар ўз тўйларини Ўзбек ойим кенгашидан ташқари жўната олмас эдилар. Ўзбек ойим аралашқан тўйлик хотинларининг кўнгилларидағи орзу-ҳаваслари ҳам эрлари томонидан камчиликсиз бажариларди...”²⁴. Англашиладики, Абдулла Қодирий бадиий образ яратишда характер мантиғи, ҳаёт ҳақиқати мувозанатини сақлашга қатъий амал қилган.

Абдулла Қодирий ижодини герменевтик асосда ўрганган, янгича услубда талқин қилишга интилган ва ўз изланишларидаги эътиборли кузатишлари натижасида Қодирий ижоди билан боғлиқ муҳим тадқиқот яратган Баҳодир Каримов “Ўткан кунлар”даги Юсуфбек Ҳожи образининг романдаги ўрни ҳакида қуйидаги фикрларни билдиради: “Романда Ҳожи қатнашган саҳналар кўпчиликни ташкил этмайди. Аммо Юсуфбек сиймосининг маънавий қуввати романдаги бошқа қаҳрамонларни ўз аurasiga тортади”²⁵. Шу жиҳатдан, мазкур образ ўша маънавий қувватни адаб инсоний сифатлари, эътиқодий бутунлиги, миллий қадриятларга садоқати, образ моҳиятигаadolat, ҳаққоният, самимият сингари ментал хусусиятларни маҳорат билан синг-дира олганлиги билан боғлиқдир.

²⁴ А б д у л л а Қ о д и р и й. Ўткан кунлар. Тошкент: Шарқ нашриёт-матбаа концерни, 2000. 31-бет.

²⁵ К а р и м о в Б. Қодирий қадри. Тошкент: Абдулла Қодирий номидаги ҳалқ мероси нашриёти, 2003. 25-бет.

Христофор Мурфи эса Кумуш образидан оддий Шарқ аёлига хос табиий-инсоний сифатларни изламайди. У адабиётимизда яратилган образларни улар юзага келган муайян даврларга қараб тасниф қилмасдан, яхлит ёндошмоқчи бўладики, натижада, аввал ҳам таъкидлаганимиздек, Кумуш, Хушрӯйбиби ва Зайнаб образларини бир хил андозалардан баҳолайди. Улардан фаолликни талаб қилиб, аксиологик муаммолар ёритилишидаги ҳар бир образга юклатилган эстетик залворни назардан қочиради. Бу ҳол тадқиқотчини давр ҳақиқати, бадиий меъёр, характер мантиғи каби тушунчалардан йироқлаштиради. Зотан, Аристотель: “Одамларнинг характерлари уларнинг ҳар қандай қилмишида эмас, балки ҳоҳ улуғвор, ҳоҳ тубан – фаол қилмишларида равshan кўринади. Демак, шахснинг фаоллиги ҳам унинг муҳим қилмишлари орқали юзага чиқади”²⁶, – деб ёзган эди.

“Ўткан кунлар” романидаги қаҳрамонлар фаоллиги ҳақида гап кетганда, “Хукмнома” бўлимидаги Кумуш жасоратини эслаш кифоя. Отабек кўнглида севги-муҳаббат туйгуларининг туғилиши ҳам, ота-она орзусини амалга оширишдаги севгилиси тақдирни билан боғлиқ жамики ҳодисалар ҳам Кумушбиибининг фаолияти, иштироки билан чамбарчас боғлиқ.

Ушбу тадқиқотда илгари сурилган фикр-қарашларни қўйидагича хуносалаш мумкин:

1. XX аср ўзбек адабиётидаги Европа маданияти, цивилизацияси ва фарангি образларининг бадиий адабиётдаги синкретик талқини бадиий асарларда интеллектуал образларни шаклантиришда ўзига хос восита вазифасини ўтаган.

2. Америка олимлари баҳосидаги Шарқ менталитетига хос итоаткорлик, қобиллик ва вазминликнинг пассивлик деб баҳоланиши, бизнинг қаҳрамонлар (Кумуш, Отабек, Юсуфбек Ҳожи) га гарбона дунёқараш билан муносабатда бўлиш,

²⁶ Аристотель. Поэтика. Тошкент:Faфур Ғулом номидаги Адабиёт ва санъат нашриёти, 1980. 132-бет.

образдан келиб чиқадиган ҳақиқий маънони тўлиқ англай олмаганликлари туфайлидир. Фарб олимлари Абдулла Қодирий таъкидламоқчи бўлган миллий менталитет ва маданий савияни умуман ҳисобга олмаган. Улар бадиий асардаги воқееликдан келиб чиқадиган моҳият асосида эмас, балки тасвиirlанган воқеанинг ташқи белгиларига қарабгина баҳо беришган.

3. Ўзбек ва хориж адабиётшуносларининг бир мавзуу, образ, сюжет, деталь ёки характерга муносабатлари турлича бўлиши табиий ҳол. Чунки, улар ўзига хос миллат, дин вакили. Бинобарин, уларнинг ҳаёт тарзи, тафаккури, мутахассислик савияси, дунёқарашида ҳам муайян тафовутлар бўлиши, мазкур жиҳат ҳар бир минтақа тадқиқотчиси изланишларида ўз муҳрини қолдириши муқаррар. Юқоридаги таҳдилларда учровчи тафовутлар бадиий асарни турлича нуқтаи назар, мезон ва талаблар асосида тадқиқ қилиш оқибати ўлароқ намоён бўлган.

4. 90-йилларга қадар яратилган тадқиқотларда XX аср ўзбек адабиётида акс этган Европа цивилизацияси, Европа кишиси образларига ўлгадаги қатъий цензура сабаб фақат ижобий муносабатда бўлинган. Мустақилликдан кейин эса бу типдаги персонажлар кенгроқ миқёсда, жаҳон адабиётшунослиги андозалари асосида тадқиқ этилган. Мазкур воқееликка ёндашув тамойилларида муайян меъёрлар ишлаб чиқилмаганлиги боис таҳдилларда гоҳ манфий, гоҳида эса мусбат томонга ортиқча тамойил бўлиш, талқинда эса иқрор ва инкор ўртасида тебраниш жараёни кечганлиги кузатилади. Бошқачароқ айтганда, бизнинг муносабатларимиз ижтимоийлик ва бадиий-эстетик меъzonлар аро аросатда бўлган.

5. Абдулла Қодирий, Абдурауф Фитрат, Абдулҳамид Чўлпон Европа цивилизациясига яқдил муносабатда бўлганлар. Ҳар уч жадид адабиёти вакиллари ҳам европаликларни удабурон эл эканликларини таъкидлашади ва европаликлардан ўрнак олишга даъват этадилар. Ўша удабуронлик ижтимоий ҳаётнинг барча қатламларида аниқ кўрсатилади. Жадид ёзувчиларининг

фикрича, миллий онг жамиятни ҳаракатга келтирувчи кучдир. Шунингдек, у дунёдаги илгор мамлакатлардан ўрганиш ҳамда миллат яқдиллиги самараси ўлароқ воқеликка кўчади. Ана ўша чорлов натижасида XX асрнинг 20-йилларида ўзбек адабиётида европаликлар образи пайдо бўлган эди. Бу янглиғ ҳаракат токи Ўзбекистон мустақилликни қўлга киритгунича турли шаклшамойил касб этиб турди. Мустақиллик даврига келиб, фикрлар плюрализми ва диний толерантликнинг кучайиши натижасида инсон шахсига бағрикенглик билан ёндошув кузатилади.

6. Миллий эстетик идеал ва интеллектуал қаҳрамон ҳар бир асарда у яратилган давр, ижодкор поэтик тафаккури, дунёқараши умумлашмаси – бадиий асар гояси муштараклигига вужудга келувчи феноменdir. Демак, унга ижтимоий-эстетик мезонларнинг тараққиёт даражаси нуқтаи назаридан ҳам ёндошиш тақозо этилади. Ўзбек адабиёти ўз тараққиётининг барча даврларида баркамол шахс ва идеал жамият масалаларини имкон қадар ифода этишга интилиб келган. Миллий адабиётда интеллектуал образларнинг яратилиш омиллари, мезонлари, уларда акс этган тамойилларни аниқлаш асносида интеллектуал персонажларнинг бадиий асардаги функциялари назарда тутилиб, улар макон ва замон нуқтаи назаридан тадқиқ этилиши лозим. Бинобарин, ўзбек ва хорижий адабиётшуносларнинг миллий-эстетик идеал ва интеллектуал образ ҳақидаги кузатишлари даврлар бўйича тасниф этилмоғи, қиёсий-типологик (герменевтик ва компаравистик) йўсинда англанмоғи зарур.

2011 йил

XX аср ўзбек адабиётида ижобий типларнинг юзага келиш омиллари талқини

Маълумки, ўтган асрнинг қирқинчи йилларидан эътиборан ўзбек адиллари ҳукмрон мағкуранинг руслаштириш сиёсатини бадиий ифода этишга мажбурият ҳис этдилар. Натижада, уларнинг асарларига бир қатор миллий-этник ижобий

типлар кириб келди. Агар биз ўша даврда юзага келган бадиий асарлар: Ойбекнинг “Кутлуғ қон”, “Болалик”, Г.Ғуломнинг “Нетай”, “Соат”, А.Қаҳҳорнинг “Томошабоғ”, А.Мухторнинг “Опа-сингиллар” сингари ҳикоя, қисса ва романларини кузатсак, уларда Семён, рус муаллими, Стокголов, Ефим Данилович Надеждин сингари бир қатор европа – рус кишиси образларини учратамиз. Қизиги шундаки, бундай типлар кўпинча бадиий матн эстетик талаблари ва қаҳрамонлар характер-саъжиясидан келиб чиққан ҳолда эмас, балки партиявийлик тамойили асосида танланган. Шу жиҳатдан мазкур даврда адабий-эстетик имконларнинг чекланиши аҳволни бир қадар ўзgartирган.

Миллий истиқлолгача бўлган давр ўзбек адабий танқидчилигида бундай образларни аналитик таҳдил қилиш имкондан хориж машғулот эди. Шунга қарамасдан, Э.Каримов¹, М.Қўшжонов², Т.Бобоев³ ва бошқа ўзбек олимларнинг айрим изланишларида, адабиётшунос А.Абдураҳмоновнинг⁴ номзодлик диссертациясида ушбу персонажлар таҳдилига ҳам тўхталинди. Шу ўринда бундай йўналишдаги тадқиқотлар нафақат ўзбек, балки бошқа туркӣ ҳалқлар адабиётшунослигида ҳам мавжудлигини таъкидлаш ўринли. Бунинг бир мисоли сифатида туркман адабиётшунос олими Б.Яғмуродовнинг тадқиқотини келтириш мумкин⁵. Чунки, сиёсий ва мафкура-

¹ Каримов Э.А. Развитие реализма в узбекской литературе. Ташкент: Фан, 1975.

² Кўшжонов М. Ҳаёт адабиёт кўзгусида. Тошкент: Ғафур Ғулом номидаги Адабиёт ва санъат нашриёти, 1985.

³ Бобоев Т. Замон ва қаҳрамон. Тошкент: Ғафур Ғулом номидаги Адабиёт ва санъат нашриёти, 1976.

⁴ Абдураҳмонов А. Проблема характера русского человека в узбекской прозе (1920–1970г). Дис. ... на соискание учен степ. канд. фил. наук. Ташкент, 1982.

⁵ Яғмуродов Б. Образ коммуниста в послевоенной туркменской советской поэзии. Автореферат дис. ... на соискание учен. степени канд. филол. наук. Ашхабад, 1964.

вий тамойилларни дастуриламал қилган совет цензураси уларни бир томонала мақоматни имкон берди.

Кузатишлар шуну кўрсатадики, Ойбекнинг “Кутлуғ қон” романидаги Йўлчи образи ва унинг эволюцияси масаласи ана шундай субъектив талқинларнинг марказида бўлган. Масалан, рус танқидчилари: “Йўлчининг онгли курашчига айланиш процесси ни психологик жиҳатдан асослаб кўрсатмайди”, “Йўлчи характери ҳаққоний эмас, ёзувчи бу персонажни муваффақиятли чиқара олмаган”, – десалар, айрим ўзбек мунакқидлари: “Йўлчининг турмада Петров билан танишиши кенгайтириб, ривожлантириб берилмаган, натижада бу образ анча схематик бўлиб чиққан”, қабилигидағи фикрларни қайд этганлар. Масалан, Т.Бобоев 1976 йиљда нашр этилган “Замон ва қаҳрамон” китобида Ойбекнинг “Кутлуғ қон” романидаги рус кишиси образи – Петровга муносабат билдириб, асарнинг бош қаҳрамони Йўлчи онгидаги юз берган туб сифат ўзгаришининг моҳиятини Петровсиз англаш мумкин бўлмасди, деган қарашни илгари суради. Олимнинг наздида Йўлчининг ҳаракат-кечинмалари, тафаккур тарзи туб сифат ўзгаришларга учраган. Бу ўзгаришлар эса унинг ўз замонаси илғор фикрли интеллектига айланишида намоён бўлган. Унинг фикрича, Йўлчи дунёқарашидаги ижобий ўзгаришларда рус кишиси образи – Петровнинг муносаб ўрни бор⁶.

“Кутлуғ қон” романидаги айнан Петров образи билан боғлиқ воқелик американлик олим Оғир Аҳметни ҳам эътиборсиз қолдирмаган. Унинг фикрича: “Йўлчи рус кишисини учраттунга қадар оддий колхоз ишчиси (дэҳқон ёки қарол дейилса тўғри, бўларди – З.М.) сифатида тасвиrlenади, Петров билан қилган сұҳбат қаҳрамон дунёқарашининг шаклланишига сезиларли таъсир этади. Шундан сўнг у руҳан етуқ, ўз миссиясига вафодор ва, энг муҳими бошқалар учун идеал шахсга айланади”⁷.

⁶ Б о б о б е в Т. Замон ва қаҳрамон. Тошкент: Fafur Yurom nomidagi Adabiёт va san'yat nashrieti, 1976. 53-bet.

⁷ A h m e t A g ' i r . From Colonial to Post Colonial Future: Three Uzbek Novels (Qodiriy, Oybek Hoshimov) University of Wisconsin-Madison, 2003. P. 17.

Воқеликни инқилобий тараққиётда тавирлаш, гоявийлик, партиявийлик, синфиийлик, пролетарча чекланган интернационализм каби сунъий тарзда қатъийлаштирилган мафкура-вий тамойилларнинг ижод жараёнига тўғридан-тўғри тадбиқ этилиши ижод аҳди эркин интилишларини иҳоталаб қўйди. Натижада, қалам аҳди тоталитар мафкуранинг дастёрига айланишга мажбурият сеза бошлади. Хусусан, шўро адабиётшунослигида ҳам соцреализм аталмиш сохта методнинг турғун ақидаларига эргашиш яққол намоён бўлди. Юқоридаги миссонинг ўзиёқ, ижтимоий-социологик таҳдил жараёнининг вулгарлаша боргани, адабий танқиð тавсия этаётган эталонларнинг оммалашуви эса бадиий адабиётда схематизмнинг барқарорлашувига олиб келганлигини кўрсатади. Қизиги шундаки, Оғир Аҳметнинг мустақилликдан кейинги даврда юзага келган тадқиқотида акс этган Йўлчи образи шаклланишига муносабати ҳам Т.Бобоевнинг ўтган асрнинг 80-йилларидағи қарашларига монанд. Ваҳоланки, американлик олим бундай хуросага келишида ҳеч қандай давр ёки мафкурага эргашиш заруратини сезмаган. Демак, у мавжуд қарашларга кўркўона эргашгани ҳолда, бадиий матн меҳваридаги маъноларни мустақил тадқиқ эта олмаган.

Объектив шароит тубдан ўзгариб, мустақиллик қўлга киритилгач, амалга оширилган тадқиқотларда “Қутлуғ қон”да акс этган рус кишиси образи – Петровга нисбатан муносабатда олдинги талқинларнинг мутлақо акси кузатилади. Эндиликда унинг бадиий асарга мажбуран, зўрма-зўракилик билан, бадиий ҳақиқатга хилоф равишда киритилганлиги эътироф этилади. Ўша давр ҳукмрон мафкураси нотўғри талаблари ҳам, бадиий адабиётни сиёсатлаштириш ва мафкура ҳам танқиð остига олинувчи талқинлар пайдо бўла бошлайди.

Кўринадики, ўзбек, рус ва американлик танқиðчиларнинг фикрлари улар юзага келган давр, таянган ақидаларига кўра бири иккинчисини инкор этади. Шунга қарамасдан, Йўлчи образининг бадиий матнларига тадрижи билан боғлиқ муаммо ҳали ҳам ўзи-

нинг тўлақонли баҳосини олмади. Ойбек бош образни яратишда кўллаган приёмлар яширин моҳияти атрофлича тадқиқ этилмади.

Шу ўринда таъкидлаш лозимки, адабиётшунос олим М.Кўшжонов “Характер эволюцияси” номли тадқиқотида Йўлчи образининг тараққиёт жараёнига таъсир этган омиллар ва характер ривожланиш мантиқи масаласига холисроқ ёндашган ва атрофлича тадқиқ этиб, тўгри хulosалар чиқарган. Олимнинг фикрича, “Ойбек характерлар ўсиши ва шаклланишини ўтқир қарама-қаршиликлар курашининг натижаси сифатида беради... Йўлчининг Петров билан учрашуви ёзувчининг мақсадига кўра аввалдан ривожланиб келган психологик процесснинг охирига етган кульминацияси эди⁸.

Матёкуб Кўшжоновнинг “Кутлуғ қон” романидаги Йўлчи характери эволюцияси хусусидаги хulosаси бадий асар гоявий йўналиши ва муаллифнинг идеал қаҳрамон яратиш ниятидан келиб чиқиб билдирилган бўлиб, мазкур воқелик ҳақидаги фикрларнинг энг тўгри ва объективидир. Чунки, Ойбекнинг Йўлчи характерини яратишда ва уни идеал қаҳрамон даражасига кўтаришда “ҳаёт контрасти” приёмидан фойдаланганлиги муаллиф мақсадининг антitezага асосланиши, рамзий кодларда акс этиши – яширин ифодаланиши билан изоҳданади.

Демак, умуман жадид ёки XX аср ўзбек адабиёти мисолида олиб қараганимизда, интеллектуал қаҳрамонлар ҳам бошқа характерлар қаторида бадий матн талаби асосида киритилган бўлиб, Туркистон халқлари тақдирига даҳдор воқеа-ҳодисаларни рамзий услуг воситасида акс эттиришда муаллифлар сиёсий-ижтимоий, гоявий-эстетик концепцияси ифодасига хизмат қилган. Хорижий олимларнинг қарашлари қайбир жиҳатлари билан бизнинг бугунги фикрларимизга ҳамоҳанглиги эса улар ўтган асрнинг 60-йилларидаёқ нисбатан эркин фикрлаш имконига эга бўлганлиги билан изоҳланади.

⁸ Кўшжонов М. Ҳаёт ва қаҳрамон. Тошкент: Faafur Ғулом номидаги адабиёт ва санъат нашриёти, 1976. 93–132-бетлар.

Америка советологлари ўтган асрнинг 60-йиларида ёқ бадиий асарларимиздаги Европа ва рус кишилари образи фақат сиёсий тазийқ билан боғлиқ деган фикрни илгари сурадилар⁹. Шубҳасиз, бундай қарашлар ўша даврда икки лагерга ажралган ижтимоий-мафкуравий интилишлардан холи эмас. Масалан, Марказий Осиё халқлари тарихи билан боғлиқ изланишлар олиб борган Г.Ж.Дакшлекир ўз тадқиқотларида бадиий адабиёт бағрида мавжуд бундай образларга нисбатан этник гурӯҳ сифатида қарайди ва “ёппасига мустамлакачилар”, деб баҳолашга урунади¹⁰. Назаримизда, ўша даврда икки тузум ўртасида авж олган гоявий-мафкуравий кескинлик Г.Ж.Дакшлекир эстетик қарашларига ҳам сиёсий муҳрини қўйган.

Ўзбек адабиётидаги бу хилдаги образларни бутқул сиёsat таъсирида киритилган дейиш, муайян маънода тарихий ҳақиқат ва мантиқий тафаккур талабларига тўла мувофиқ эмас. Чунки ўша давр ёки бугунги кун нуқтаи назаридан қарагандა ҳам, ижтимоий-сиёсий ва маданий-маиший ҳаёт маҳаллий (ерлик) аҳолининг рус миллати вакиллари билан яқин муносабатда бўлишига имкон берган. Бу жиҳатдан, муносабатларнинг бадиий тафаккур тарзига кўчиши масаласига гоятда табиий жараён сифатида ҳам қарамоқ лозим. Қолаверса, Туркистанда маърифатпарварлик ва жадид адабиётининг тараққийисида Европа ва қардош халқлар адабиёти, маданиятининг ҳам таъсири мавжудлигини унутмаслигимиз керак. 20-йиллар ва ундан кейин яратилган асарларда учровчи янгича фикрлайдиган зиёли (маърифатпарвар) кишилар образларини баҳолашда ана шундай факторлар ҳам назарда тутилмоғи лозим.

Америка олимаси Эден Наби “Ўрта Осиёning ўтиш даври адабиёти: 1909 йилдан 1932 йилгача тожик ва ўзбек бадиий

⁹ Гоявий кураш ва ўзбек адабиёти / Л. Қаюмов, М. Нурумұхаммадов, М.Қўйшонов ва б. Тошкент: Фан, 1985. 36-бет.

¹⁰ D a k s h l e i g e r G. J. The Theme of the Friendship of Peoples in Soviet Historical Research. Asia in Soviet Studies. ed. B.G.Gafurov (Moscow: Nauka Publishing, 1969, pp. 249–250.

прозаси” номли тадқиқотида¹¹ рус характерига муносабатнинг бадий инъикоси муаммосида муаллифларнинг симпатия ва антипатияларини даврдаги колонизациялаштириш жараёни билан боғлайди. Марказий Осиёда мустамлакачилик оғатларининг бир оз сусайиши билан бадий адабиётда ҳам уларга муносабат ижобийлашганлигини таъкидлайди¹². Шунингдек, Чор Россияси давридаги русларнинг фаолиятини тасвирилашда уларга муносабат тўқима образлар иқтисодий категорияларига кўра фарқданишга асосланганлигини, айнан шу хилдаги тўқима образлар цензура томонидан ижобий баҳолангандигини қайд этади¹³.

Тадқиқотчи кўпинчча муаммонинг фалсафий жиҳатларини ижтимоий-иқтисодий омилларга таяниб изоҳдашга интилади. Шу боисдан ҳам ёзувчи дунёқараши муаммосига диққат қаратиб, характерларни ибтидоий тарзда ижобий ёхуд салбийга ажратиб қарайди. Шу боисдан, ижодкорнинг ўзи тасвирилаган образларга нисбатан бетараф позицияда туриши мумкинлигини ҳам назардан қочиради. Бизнинг назаримизда, бундай қараш примитив мантиқа таянгани учун поэтик жиҳатдан ўзини тўла оқламайди.

2011 йил

¹¹ Н a b y E. Transitional Central Asian Literature: Tajic and Uzbek prose fiction from 1909 to 1932. Columbia University. 1975.

¹² Ўша манба. 168-бет.

¹³ Ўша манба. 169-бет.

Ўзбек жадид адабиёти намуналарида интеллектуал қаҳрамон антиподи тасвири ва эстетик идеал

Бир қатор тадқиқотчилар бадий асарлардаги ижобий образларгина эстетик идеал даражасига кўтарила оладилар, деган фикрни илгари сурадилар. Аммо Н.Гей ва В.Пискуновнинг таъкидлашича, “Эстетик идеал фақатгина ижобий қаҳрамон образи билангина чекланиб қолмайди, чунки у бадий воқеликни характерларнинг ўзаро муносабати ва ҳаракатлари, улар-

нинг ўзаро бир-бирларига “интилиши” ва бир-бирларидан “қочиши”ни ҳам ўз ичига олган ҳолда тўлиқ қамраб олади”¹.

Дилмурод Куронов буни ижодкор идеалига зид образлар тарзида беради. Демак, бундай типдаги образлар ўз вақтида, маълум маънода идеал даражасига кўтарилиган. Масалан, миллий қадриятлар асосида дунёқараши шаклланган эътиқоди мустаҳкам зиёли сифатида Беҳбудий фоҳишабозликни миллат пайнини қирқадиган иллат сифатида қоралайди. Чўлпоннинг эса бу борадаги қарашлари бошқачароқ. Ёзувчи интим муносабат масаласига турли жиҳатлардан ёндошади. Масалан, Нойиб тўра, эркак киши битта аёлга қанотланмайди. Лекин бунинг учун никоҳ ўқитиб, масъулиятни зиммага олиш мутлақо шартмас, деб ҳисоблайди ва шариат асосида тўртинчи хотинни олган Акбарали мингбошини орқаворотдан “Аҳмоқ!”², дейди. Нойиб тўра наздида, эркин муҳаббат воқеликка кўчгани маъқул.

Ўзбек адабиёти тарихи, маданияти, адабий сиёсати ва унинг таржималари борасида тадқиқотлар олиб бораётган америкалик олимларнинг энг кекса вакили, тадқиқотлари кўлами жиҳатидан етакчилик қилган Эдворт Олворт илк бор “Падаркуш” тўлалигича рамзий асар эканлигини исботлади ва драманинг Марказий Осиё халқлари адабиёти, сиёсати тарихининг ривожланишидаги ўрнини яна бир поғона кўтарилишига асос яратди. Уамалга оширган таҳдил усули: драма сюжети, образлари, ҳар бир кичик деталь, исмлар этиологияси, қотилликда акс этган рамзий моҳият – миллатни илдиз-илдизидан йўқ қилиш, қуритиш билан боғлиқ ижтимоий-сиёсий гоянинг оригинал тадқики “Падаркуш”да акс этган тарихий ҳақиқатнинг аниқ таҳдили ва тўғри баҳоси эди. Рус кишиси образларида мужассам давр ҳақиқатининг рамзий ифодаси ва унинг Эдворт Олворт томонидан тадқиқ қилиниши драма нафақат ўз даври, балки Туркистон халқларининг бугунги кунигача мавжуд муаммолари акс этган маънавий хазина эканлигини

¹ Гей Н., Пискунов В. Эстетический идеал советской литературы. М., 1962. С.173.

² Чўлпон. Яна олдим созимни. Тошкент: Гафур Гулом номидаги Адабиёт ва санъат наприёти, 1991. 153-бет.

исботлади. Чунки Эдворт Олворт ўзбек олимлари эътиборидан нисбатан четда қолган жиҳатлар – рамзий образларда акс этган ички моҳият сирларини тадқиқ этиб, мазкур драма жадид адабиётининг энг яхши намунаси эканлигини кўрсатиб бериши билан бирга мазкур драмага “зайф асар” қабилидаги қарашларнинг бутунлай нотўғри экалигини исботлади ва Беҳбудий ижодидаги янги концепцияларни очиб берди³.

Эдворт Олворт Баҳбудийнинг “Падаркуш” драмасидаги Лиза образига нисбатан ўз муносабатини қуийдагича билдиради: “Бадиий асардаги рус образи муаллифнинг сиёсатдаги тажрибаси ва ижтимоий раҳбар сифатидаги қобилиятини акс эттиришда восита бўлган. Беҳбудий Лиза образида барча эътиқодли мусулмонларга ёт бўлган, аёлларини жирканч иллатлардан ҳимоя қиласидиган ва уйда сақлайдиган, уларда нафрат, жирканчлик уйготадиган, типик образни кашф қилди”⁴ – деб ёзади. Кўринадики, олим образни баҳолашда муаллиф дунёқараши ва асар яратилган даврдаги ҳалқ психологиясига асосий диққат қаратади. Драманинг маърифий-маиший тарғиботни кўзловчи саҳна асари эканлигини назарда тутади. Адид Холиднинг Лиза образи ҳақидаги фикрлари эса қуийдагича: “Трагедиянинг асосий илдизи, шубҳасиз, билимсизлик. Шуниси мухимки, драмадаги жамики ҳаракатлар Лиза сабаб бўлган нафс балоси атрофида мужассамлашади. Ушбу образ драманинг охирги кўринишида жуда қисқа эпизодларда пайдо бўлса-да, у ўлим ва қотилликка сабаб бўлган асосий образлардан биридир”⁵.

Демак, Э.Олворт ва А.Холиднинг “Падаркуш”даги Лиза образи ҳақидаги фикрлари ўзаро яқин, бир-бирини тўлдиради. Улар асардаги “қотиллик” атрофига жипслашган мавзу, гоя,

³ Allworth E. Murder as Metaphor in the First Central Asian Drama // Ural-Altaic Year-book. -58(1986), pp.65–95.

⁴ Ўша жойда.

⁵ Russia’s Orient. Imperial Borderlands and Peoples, 1700–1917 / M. Khodorkovsky, Y.Slez-kine, E.J.Lazzerini, A. Khalid and etc.; ed. Daniel R.Brower and E.J.Lazzerini. Bloomington: Indiana University Press, 1997. P.192.

образлар ҳаракатини тўғри аниқлаб, муаллифнинг драма моҳиятига сингдирган рамзий маъноларни тадқиқ этган. Америкалик жадидшунослар драмадаги “қотиллик”, яъни “Падаркуш” (отасини ўлдирувчи) метафора, бадий тасвирий кўчим, мажозий-рамзий образ деган холосага келишади. Турк олими Темур Хўжа ўғли Эдворт Олвортнинг тадқиқоти асосида “Падаркуш” асаридағи рус кишиси образларидағи рамзий тушунчалар моҳиятини тадқиқ этган⁶. Драма рус Пристувининг жиноятчиларга “Қани қамоқхонага марш” деган буйруғи билан тугаши миллатни огоҳдантиришдир. Яъни, агар фарзандлар билимсиз ва маърифатсиз бўлса, Чор Россиясининг мустамлака сиёсати остида қолиб кетади ва ўзидан олдинги авлод каби баҳтсизликка маҳқум бўлади. Ё қамалади, ё Сибирга сургун қилинади⁷.

Темур Хўжа ўғли Пристув иштирокидаги воқелик моҳиятини тўғри таҳлил қилиб, драмадаги яна бир яширин моҳиятни тадқиқ этишга эришган. Назаримизда, “Падаркуш”даги рамзий образларнинг жойлашиш ўрнида ҳам яширин моҳият мавжуд. Шу нуқтаи назардан драманинг рус Пристуви ҳукми билан якунланиши ҳам тасодиф эмас. Миллат тақдири бегоналар қўлида, улар хўжайин, нимани хоҳласа шуни қиласидар.

Пристув чор мустамлакачилари рамзи; жиноятга қўл уриб, Пристув ихтиёрида қолган ёшлар – Тангриқул, Тошмурод, Давлат фожеаси истилочилар томонидан Туркистон келажагининг барбод этилиши рамзий ифодасидир.

Қатағон сиёсатининг қурбони Абдулҳамид Сулаймон ўғли Чўлпон “Кеча ва кундуз” романida чор мустамлакачилари орқали кириб келган Европа маданияти ва цивилизацияси моҳияти, уларга муносабатни муайян воқелик асосида объектив баҳолашга ҳаракат қиласиган. Шунингдек, Мария (Маръям)

⁶ Timur Koçaoğlu. Türkistan'da türkçe ilk tiyatro eseri: Mahmud Hoca Behbudi'nin 'Pederküş' (Baba katili) piyesi – 1913. Türkük Araştırmaları Dergisi. İstanbul, Bahar 2004.

⁷ Ўша манба. 188-бет.

Острова образи талқини ҳам мұжаддид образ сифатида ўзига хос құйматтаға әга⁸.

Мария ёш рус аёли, яхши оила фарзанди бўлган. Бир хиёнат сабаб у фоҳишалик кўчасига кириб, “бир ярим минг сўм пул” ортиришни, сўнгра йироқ бир мамлакатга кетиб, у ерда ҳаётини янгитдан бошлашни режа қилган. У Тошкентдаги номерлардан бирида Акбарали мингбоши қўлида хизмат қиласиган Мирёқуб “закончи” билан танишади. Бу “осиёлик харидор” Марияни севиб қолади ва унга уйланади. Ҳатто нотаниш йўловчи – жадид маслаҳатига кўра биринчи хотинидан ортирган ёлғиз ўғил фарзандини ҳам ўз онаси бағридан тортиб олиб, Мария Остро-ва тарбиясига беради.

Ўзбек адабиётшунослигида Чўлпон ижоди, хусусан “Кеча ва кундуз” романы монографик планда, янгича таҳдил методлари асосида ўрганилган. Хусусан, олим Дилемурод Қуроновнинг номзодлик, докторлик диссертациялари ва каттагина монографияси, Ш.Тўйчиеванинг номзодлик диссертацияси, монография ва ўқув қўлланмалари бунга мисол бўла олади⁹. Уларда Мария Острова образининг Мирёқуб характеристери шаклланишидаги таъсири инкишоф этилган бўлса-да, тадқиқотларга вазифа қилиб олинган бош масалалар ушбу персонаж таҳдилига аналитик ёндашиш имконини бермаган.

ХХ аср ўзбек адабиётини хронологик, ижтимоий-гоявий, бадиий-эстетик синкетизм нүқтаи назаридан монографик планда таҳдил қиласан яна бир Америка олимаси Роберта (Мария) Майкеллеф Чўлпоннинг “Кеча ва кундуз” романидаги Мария Острова образини тадқиқ қиласар экан, характерда акс этган мажозий маъно ва ундаги ички моҳият тадқиқини вазифа қилиб

⁸ Чўлпон. Яна олдим созимни. Танланган асарлар. Тошкент: Гафур Гулом номидаги Адабиёт ва санъат нашриёти, 1991.

⁹ Қуронов Д. Чўлпон поэтикаси (насрий асарлари асосида). Тошкент, 1998; Чўлпон ҳаёти ва ижоди меъроси. Тошкент: Ўқитувчи, 1997; Тўйчиева Ш. Чўлпоннинг “Кеча ав кундуз” романыда ижодкор дунёқараши ва бадиий услуб муаммолари. Тошкент, 2006.

қўяди. Мирёқуб фарзандини ўз түкқан онасидан ажратиб, Мария тарбиясига топшириши билан боғлиқ воқеликка Роберта Майкеллеф эътироҳ билдиради ва “фоҳиша аёл ўз түкқан онасидан афзал тарбия беради, деб нечта она ўйлаши мумкин?”¹⁰ деган ҳақди саволни қўяди.

Чўлпон ижоди бўйича тадқиқотлар олиб борган яна бир Америка олимни Лайонс Шоннинг бу ҳақидаги хулосаси қўйидагича: “Нотаниш жадид йўловчиси Мирёқубга ўз фарзанди тарбияси-ни Марияга (аслида Мирёқуб уни деб ўз оиласини ташлаб кетган) ишониб тошириши билан боғлиқ воқеликда муаллифнинг кинояли таклифи акс этган. Аниқроқ қилиб айтганда, савдо-гарнинг юқори даражадаги Россия маорифидан (таълимидан) хайратланиши унинг келажакда маҳаллий аёлларнинг гарбча таълим-тарбия олишлари ривожланиши ва тараққиётнинг муҳим омили бўлади, деган киноявий фикрини ривожлантириди”¹¹.

Ҳар икки Америка тадқиқотчилари кўтарган масала бадиий асарда тасвиirlанган воқелик моҳиятини ички ва ташқи воситалар орқали тадқиқ этиши, уни ҳар тарафлама англаш, бир шаклнинг ҳар жиҳатини кўриш имконини бериш билан жадидлар концепциясидаги ўзига хос янги тенденцияларни кашф этишга туртки бераётгандек. Чиндан ҳам Туркистон келажаги бўлмиш Мирёқуб фарзандига “фоҳиша ўз онасидан ортиқ тарбия бера олиши мумкинми?” Чўлпон бу образ орқали жисм эҳтиёжидан рух эҳтиёжини устун қўяётирми? Унинг наздида илмсиз, дунёқараши тор, адабли аёлдан илмли, маънавиятли, лекин айрим қусурлардан холи бўлмаган аёл афзалми? Ёки бу воқелик замирида унинг яна бошқа бир гоявий мақсади яширинганми?

Қайд этилган саволлар, бизнингча, қатъий ечимга эга бўлмаган баҳсталаб масалалардир. Илмсиз одамнинг ҳеч кимга фойдаси тегмаслиги рост. Илмли киши эса жамиятга, миллатга

¹⁰ Roberta Maria Micallef. The Role of Literature and Intellectuals in National Identity Construction: The Case of Uzbekistan. USA: University of Texas, 1997. P. 53.

¹¹ Shaw T. Lyons. Resisting Colonialism in the Uzbek Historical Novel Kecha va Kunduz (Night and Day), 1936. Inner Asia 3 (2001). P. 180.

фойда келтиради. Айнан шу зиёлilar миллиатни асраб қолувчи, дунё мувозанатини сақдаб қолиш вазифаси юклатилган шахслардир. Шу жиҳатдан қаралганда “Кеча ва кундуз” романидаги рус аёли – Мария чиндан ҳам мураккаб образлардан бири. У муҳтожликдан, пул топиш мақсадида фоҳишаҳонага тушиб қолади. Фоҳиша. Лекин илмали, маърифатли ва маънавиятли аёл. У жамиятда на сиёсий, на иқтисодий категорияга эга, лекин муаллиф бу рус аёли образи орқали нафақат муайян миллат, балки барча замонавий аёлларнинг ҳам реал вазият сабаб жиҳдий муаммолар гирдобига тушиб қолишини ижтимоий ҳаёт қонуниятларига мос тарзда ифодалаш йўлидан боради. Шунингдек, Мирёқуб характерининг шаклланишини ҳам айнан шу персонаж таъсири билан боғлиқликда инкишоф этади. “Падаркуш” ва “Кечва кундуз” романларидағи Лиза ва Мария Острова образлари зоҳирлан қаралганида фоҳиша сифатида тасвир этилса ҳам, даставвал ҳар бир асарнинг жанр талаблари, муаллифларнинг кўзлаган мақсади, у ёхуд бу асар моҳиятида тутган ўрнига кўра улар бир-биридан фарқланадилар. Айни пайтда ҳар бирининг талай бетакрор хусусиятлари ҳам мавжуд.

Мария Острованинг номерга келиб қолиши шартлилик ва вазият тақозоси. Ўз содда мантиғига кўра: “Унга бир ярим минг сўм пул керак, шуни топади, сўнгра йироқ бир мамлакатга кетади”. Муаллиф мана шу аниқ вазият асосида Мария Острова образида аёлларнинг ички дунёси, психологияси, руҳий ҳолати, ҳатто ўй-фикрларини ҳам ишонарли тарзда ифода этади. Мазкур образ ботиний нутқи орқали унинг характерига хос оғир, вазмин маънавий дунёсини ҳам кўриш мумкин. Таъбир жоиз бўлса, айтиш мумкинки, у ўз ижтимоий-типологик қобигига ўралашиб қолмаган аёл образининг ўзига хос намунаси. Чўлпон эстетик идеаллари романидаги акс этган бадиий маконга айнан шундай, яъни нисбатан мужаддид аёл образини олиб киришни тақозо қиласр эди. Бинобарин, Мария Чўлпон мантиғига ҳам мос тарзда тасвирланган. Беҳбудийдан фарқли ўлароқ, Фитрат ва Чўлпон миллий қадрияtlарга эркин ёndoшган. Улар тамаддун ва “сартлар” орасидаги тўсиқдарни олиб ташламоқчи бўлганлар.

Чўлпон русларни “мутараққий миллат” эканлигини образларда гавдалантиради. У масала моҳиятини тўғри англайди, ҳақиқатан ҳам русларнинг “мутараққийлиги” Европанинг кучли давлатлари – “фарангилар” таъсири билан чамбарчас боғланади. Фитрат “кучли миллат” тушунчасини фарангни тилидан баён қилиб берган эди. Тарихга назар ташласак инқилобий ҳаракатларни руслар фарангилардан ўрганишган. Париж Коммунаси инқилобий ҳаракатларнинг яққол таъсири тимсоли бўлган эди. Ойбек эса “Кутлуғ қон” романидаги эркинлик гояларини маълум маънода русларга боғлаган эди.

Демак, ўзбек жадид адабиётининг айрим намуналарида рус образларининг босқинчилар сифатида талқин қилиниши, уларни Туркистондаги фожиаларнинг асосий сабабчилари, миллат илдизини қуритувчи кушандা сифатида айбланиши, мазкур образлар воситасида муаллифларнинг ижтимоий-сиёсий ташвиқот мақсади акс эттирилгани билан изоҳланади. Хусусан, Беҳбудий “Падаркуш” драмасидаги Лиза образини яратиш орқали ўз ижтимоий-сиёсий концепциясини ифодалашга муваффақ бўлган. Аммо, кейинчалик бу типдаги персонажлардан асар сюjetида фойдаланиш ҳукмрон мафкура томонидан сиёсий талаб мақомини касб этган. Аста-секин бу ҳолат адабий кўникма даражасига кўтарилиган.

2011 йил

Абдурауф Фитрат фаолиятининг ўрганилиши: ўзига хос ёндашув ва қарашлар

XX аср бошларида Туркистонда мавжуд сиёсий-ижтимоий воқеалар ўзбек адабиётига ҳам жиiddий таъсир ўтказди. 70 йил давом этган совет цензураси сабаб миллий тикланишда етакчилик қилган Чўлпон, Қодирий, Фитрат, Беҳбудий сингари ижодкорлар яратган бадиий асарлар тагзаминидаги чин моҳият – Озодлик мавзусидаги ижтимоий-сиёсий гоялар бу-

тунлай инкор қилиниб, уларга салбий муносабат билдирила-ётган бир пайтда Америка ўзбекшунослари биринчилардан бўлиб бу ҳақиқатларнинг асл моҳиятини тарғиб қила бошладилар. Улар бундай хурфикрларни хорижда туриб айтганликлари ҳақиқатни баён қилишлари учун асос бўлганлигини ҳам таъкид этмоқ зарур. Аммо шуниси ачинарлики, биз хориж олимлари тадқиқотларини оригинал манбалар эмас, рус тилига қилинган нотўғри таржималар¹ асосида таҳдил қилиб, уларнинг “қарашларини гоявий ва мафкуравий душманларимизнинг кирдикорлари ва тухматлари, буржуа ганимларимизнинг найранглари деб баҳоладик”².

Ўтган асрнинг 50–70-йилларидағи ҳар икки мамалакат (Ўзбекистон ва Америка) да ҳукмрон мафкуравий жараёнлар сабаб тарих ёки давр ҳақиқатига асосланган бадий асарлар аниқ ва объектив таҳдилини, тўғри баҳосини олмагани хусусида олдинги тадқиқотларимизда ҳам фикр юритгандик.

Аммо 90-йиллардан то бугунга қадар яратилган тадқиқотларда Туркистондаги ижтимоий-сиёсий-маиший турмуш воқеалари адабий жараён билан боғлиқ синкретизм нуқтаи назаридан ўрганилгани, даврнинг объектив қонуниятларига асосланган ҳолда ёритилгани, бадий асарга аналитик ёндашиш янада чуқурлашгани кузатилади.

Америкали олим Э.Олворт кўп йиллардан бери Фитрат биографияси, ижодий фаолияти, Ўрта Осиё, хусусан унинг Туркистонда истиқдол, озодлик ғояларининг қарор топиши, шаклланишидаги ўрни масалаларида кенг қамровли тадқиқотлар олиб бормоқда. Унинг Берлинда нашр этилган “Фитратнинг илк ижоди ва фаолияти; бухоролик жадидчи: Фитрат асарлари

¹ Қаранг: Гоявий кураш ва ўзбек адабиёти / Л.Қаюмов, М.Нурмуҳаммедов, М.Кўшжонов ва б. Тошкент: Фан, 1985.

² Н а з а р о в Б. Ижодий ҳамкорлик. Э.Олвортнинг “Биринчи ўзбек драмаси” мақоласи таржимасига ёзилган сўзбоши // Жаҳон адабиёти. 8-сон. 2009 йил (инглиз тилидан З.Мирзаева таржимаси).

таҳдиди ва тартиби” номли китоби мана шундай тадқиқотлар қаторига киради³.

Хорижлик ўзбекшунос мазкур тадқиқотида Ҳ.Болтабоев, И.Ғаниев, Н.Йўлдошев ва турк олимни Юсуф Овчилар тайёрлаган Фитрат асарлари библиографиясига қўшимчалар киритиб, ўзбек – хориж олимлари тадқиқотларидаги⁴ Фитратнинг асарлари нашрлари хронологияси билан боғлиқ чалқашликларга аниқлик киритган ва илк маротаба Фитрат асарларининг тўлиқ алфавитли библиографиясини тақдим этган. Ўзбек ва турк олимлари тайёрлаган библиография дастлабки манбалар қаторига кирса-да, уларни ягона манба сифатида қабул қилиб бўймаслигини Э.Олворт қўйидагича изоҳладайди:

“Тарихий ҳужжатлар ва бирламчи манбалар А.Фитратнинг ўсмирилик йиллари ва сиёсий-ижтимоий фаолияти ҳақида қайсиидир даражада маълумот берса-да, лекин у ҳақида тўлиқ тасаввурга эга бўлиш учун етарли эмас”⁵.

Озод Шарафидинов Фитратнинг ўсмирилик йиллари, биографияси, Истанбулда бошлаган ижоди билан боғлиқ манбалар ишончли эмаслиги ва бу борада қўшимча тадқиқотлар олиб боришини тақозо этадиган масалалар борлигини айтган эди⁶.

Адабиётшунос олим Ҳ.Болтабоев Фитратнинг Истанбул даврини тавсифловчи мақоласида Фитратнинг Истанбул билан

³ Allworth E. The preoccupations of Abdalrauf Fitrat, Bukharan nonconformist:an Analysis and list of his writings. –Berlin: Buch, 2000.

⁴ Timur Kocaoglu. Indian Revolutionaries as Metaphor in Modern Uzbek Literature // Asia Annual. 2004. P.4; Hisao Komatsu. Yuz yil bashlarinda Orta Asya'da Turkculuk ve devrim hareketleri. Ankara: Turhan Kitabaev yayinlari, 1993. s.5–8; Nabi E. The period literarure of Uzbek literature: The Tajik and Uzbek Literary Prose from 1900 till 1932: The dissertation written for taking Ph.D. Columbia University, 1975. – 240 p.

⁵ Allworth E. The preoccupations of Abdalrauf Fitrat, Bukharan nonconformist:an Analysis and list of his writings.-Berlin: Buch, 2000. P. 6.

⁶ Озод Шарафидинов. Ижодни англаш баҳти. Тошкент: Шарқ, 2004. 99-бет.

боглиқ фаолиятидаги баҳсли фикрларга маълум манбалар асосида аниқлик киритишга ҳаракат қилган⁷.

Фитрат асарларининг нашрлари хронологияси билан bogлиқ хилма-хилликларни ҳисобга олганда ўзбек ва америка олимларининг ушбу таъкидлари ўринли. Хусусан, муаллифнинг илк асари ҳисобланган биргина “Мунозара” нашри таснифида ҳам етарлича чалкашликлар мавжуд. Б. Қосимов “Мунозара”ни 1909 йилда нашр этилган деб таъкидласа⁸, фитратшунос олим Ҳ.Болтабоев асарни 1909 йилда ёзиб тугатилган ва 1911 йилда нашр этилган, деган фикрни қайд этади⁹. Бундай ҳолатлар бошқа иккиламчи манбаларда, хориж олимлари тадқиқотларида¹⁰ ҳам учраб туради.

Иккинчи бир жиҳатдан, Фитрат фаолияти билан bogлиқ бундай муаммолар унинг ижтимоий-сиёсий ва адабий оқимдаги ўрнини белгилашда муҳим аҳамият касб этмайди, деган фикрдаги кишилар ҳам топилиши табиий.

Лекин, ҳар қандай ҳолатда ҳам ёзувчи асарларининг ҳар бир парчаси нашрлари тартиби, таснифи, хронологиясини тўлиқ ва тўлақонли далиллар асосида белгилаш ва қатъий хуносаларга келиш қуйидаги масалаларнинг ҳаққоний тарзда ёритилишини таъминлайди:

⁷ Болтабоев Х. Фитрат ва жадидчилик. Тошкент: Ўзбекистон миллый кутубхонаси. 2007. 15-бет.

⁸ А б д у р а у ф Ф и т р а т . Чин севиш. Тошкент: Fafur Yurom nomidagi Adabiёт va san'at нашриёti, 1996. 6-бет. Сўзбоши муаллифи Б. Қосимов.

⁹ А б д у р а у ф Ф и т р а т . Танланган асарлар. 1-жилд. Сўз боши ва изоҳлар муаллифи: Ҳ.Болтабоев. Тошкент: Маънавият, 2000. 235-бет.

¹⁰ Timur Kocaoglu. Indian Revolutionaries as Metaphor in Modern Uzbek Literature // Asia Annual. 2004. P. 4; Hisao Komatsu. Yuz yil bashlarinda Orta Asya'da Türkçülük ve devrim hareketleri. Ankara: Turhan Kitabaev yayinlari, 1993, pp. 5-8; Nabu E. The period Literarure of Uzbek literature: The Tajik and Uzbek Literary Prose from 1990 till 1932: The dissertation written for taking Ph.D.-NY.: Columbia University Press, 1975. -240 p.

бириңчидан, ислоҳотчи-ёзувчининг ижтимоий-сиёсий ва маданий ўзгаришлардаги фаолиятини даврлаштириш, ривожланиш даражаси ва босқичларини белгилаш;

иккинчидан, унинг дунёқараши ўзи яшайтган жамиятга, жамият психологияси ва сиёсий - ижтимоий муҳитга боғлиқлиги даражасини аниқлаш;

учинчидан, ўша даврга хос бўлган “ёзувчи психологиясидаги фикрий йўналишлар” эволюциясини белгилаш;

тўртингчидан, давр воқеа-ҳодисалари билан боғлиқ ҳар бир деталь ёки картина ислоҳотчи-ёзувчи онгига синтезланиши ва адабиёт оқимида акс этиши даражасини аниқлаш;

бешинчидан, ёзувчи шахсияти ва дунёқарашининг шаклланиши, ижодидаги ўсиш, ўзгаришлар, у ёки бу асарининг ёзилиш тарихи ҳақидаги талқинларни ҳаққоний ифода этиш¹¹.

Америкалик олим бирор-бир масалани очиқ қолдирмайди, маълум фактлар асосида уларнинг ечимини топишга ҳаракат қиласди. Жумладан, Фитратнинг “Қон” (ёки “Муқаддас қон”) беш пардалил трагедик драмаси 1921 йилда ёзилган дея худосага келади¹². Ҳ.Болтабоев бу драматик асар тақдири ҳақида яна ҳам мавҳумроқ тасаввурга эгалигини, асар 1921 йилда саҳнага чиққанлигини таъкидлайди¹³.

Америка тадқиқотчиси мазкур рисоласида Фитратнинг сиёсий, ижтимоий ва маданий масалалар билан боғлиқ фаолиятини уч даврга бўлиб тасниф қиласди. Унинг таъкидлашича, ҳар бир даврда Фитрат маданият ва сиёсат билан боғлиқ кенг қамровли асарлар яратган. У яратган асарлар Марказий Осиё маданияти

¹¹ О з о д Ш а р а ф и д д и н о в . Ижодни англаш баҳти. Тошкент: Шарқ, 2004. 100-бет.

¹² A l l w o r th E. The preoccupations of Abdalrauf Fitrat, Bukharan nonconformist: an Analysis and list of his writings. –Berlin: Buch, 2000, pp. 20–21.

¹³ А б д у р а у ф Ф и т р а т . Танланган асарлар. 1-жилд. Сўз боши ва изоҳдар муаллифи: Ҳ.Болтабоев. Тошкент: Маънавият, 2000. 20-бет.

ва айрим ҳолларда миңтақа сиёсати тарихининг ривожланишини тўлалигича акс эттирган¹⁴.

Э.Олвортнинг Абдурауф Фитрат ижодий фаолияти билан боғлиқ холосаларидан уни ўз даврининг маданий маркери¹⁵ сифатида ҳам қабул қилишимиз мумкин бўлади. Маданий маркерлар тил, урф-одатлар, дин, ватан, ижтимоий турмуш, иқтисод, сиёсат, тарих ва миллат ўтмиши билан чамбарчас боғлиқ жамиятнинг асосий қуроли ҳисобланиб, ҳар қандай мушкул вазиятларда миллатни сақдаб қолиш, маданий меросимизни келажак авлодга етказишида муҳим роль ўйнайди. Шунингдек, улар миллат ўзлигини ривожлантиришда, уни қайта тиклаш жараёнини енгиллатишида асосий масъулиятни ўз гарданига олган шахслар ҳисобланади. Э.Олворт томонидан амалга оширилган Фитрат асарлари синхроник таснифи ва таҳлили холосалари Фитрат хусусидаги мавжуд фикрларимизнинг тўғрилигини яна бир бор тасдиқлайди.

Э.Олворт ҳар қандай ёзувчининг, жумладан, Фитрат асарларида бўй кўрсатган маънавий-ижтимоий соҳага оид чуқур мулоҳазалар, ўзига хос идрок унинг индивидуал ўтмиши ва темпераменти асосида кашф қилинади, деган холосага келгани боис у “Фитратнинг ilk ижоди ва фаолияти, бухоролик жадидчи: Фитрат асарлари таҳлили ва тартиби” номли китобида унинг таржимаи ҳолига ва яшаган жамият ҳаётида юз берган ҳар бир сиёсий-ижтимоий воқеага жиiddий эътибор қаратади. Адаб ва аллома асарларининг яратилиши тарихи, уларнинг туғилишига сабаб бўлган вазиятлар, воқеаларни изоҳдашга ҳаракат қиласи. Масалан, у “Қиёмат” асарининг ёзилиш тарихини большевикларнинг Марказий Осиёдаги нотўғри бошқарув тизими ва Фитратнинг большевикларга нафрати билан изоҳлайди.

¹⁴ A l l w o r t h E. The preoccupations of Abdalrauf Fitrat, Bukharan nonconformist: an Analysis and list of his writings. Berlin: Buch, 2000.

¹⁵ “cultural markers” инглизларда мавжуд истилоҳ бўлиб, маданиятнинг жамиятда тутган ўрнини ҳисоб-китоб қилувчи шахсларга нисбатан кўлланилади.

Мазкур асарнинг яратилиши Фитратнинг Бухородан сургун қилинган даврига тўғри келади. Унинг “Хуррият” газетасини 1917 йил 49-сонида (7 ноябрь)ги “Русияда янги бир бало бош кўтарди – большевиклар балоси” номли мақоласи, рус большевиклар ҳокимиятни қўлга олганларидан кейин барча миллий имтиёзлар қоғозда қолиб кетганини ва “Юрт қайғуси” (Темур саганаси олдида) асаридаги большевикларга муносабатини ҳисобга олганда Олвортнинг хulosаси тўғри, деб эътироф этиш мумкин.

Фитратнинг руҳий изтироблари “Қиёмат” асарида тўғридан-тўғри акс этган. У мазкур ҳикоясида ўз гоявий мақсадини бутунлай бошқача йўл билан ифодалайди. Асарнинг бош қаҳрамони Почамир (Рўзиқул) образи орқали муаллиф охиратдаги ҳисоб-китоб жараёнини ўзича идрок этади. Бу дунёда қилинган ҳар бир нобоп иш у дунёда жавобини олажак, гуноҳларга кўмилган Почамир эса жазога маҳкум гуноҳкор. Асар ҳаёлий ҳикоя деб эътироф эътилса-да, ёзувчи ўзига яхши маълум бўлган факт асосида ҳалқ психологиясига яқин картиналар, образлар ва қиёфаларни китобхон руҳиятига тез таъсир қиласидиган шаклда тасвиirlайди.

Б.Қосимов “ҳикояда нариги дунё воқеаларини эмас, улар воситасида бу дунёнинг гавгою шўришларини, Туркистоннинг оёқ-кўлига киshan солдирган жаҳолат ва мутаассибликни фош этиш, улар устидан истеҳзо асосий мақсад қилиб олинган эди”¹⁶, деган фикрни айтган эди. Олим ўзи таъкидлаган бош қаҳрамоннинг “Почамир” (“амир почча”) деб номланишидаги ишорага асосланиб, унинг хulosаларини тўғри деб баҳолаш мумкин.

Америкалик олим тадқиқотидаги бу методологик асос адабижоди бўйича кенг кўлами таҳдилни таъминламаса-да, унинг шахсий ҳаёти билан баглиқ кўплаб воқеаларни ўрганиш, унинг

¹⁶ Б е г а л и Қ ос и м о в . Миллий уйғониш: жасорат, маърифат, фидойилик. Тошкент: Маънавият, 2002. 368-бет.

миллат манфаати билан яшаш шиори, бу билан боғлиқ психолого-гик кечинмаларини ўрганиш, уларнинг адаб асарларида тасвирланишини англаш даражаси намоён бўлади. Шу ўринда Фитратнинг сиёсий-ижтимоий ва адабий фаолиятини бир-биридан ажратиб ўрганиб бўлмаслигини ҳам таъкидлаш жоиз.

Э.Олворт Марказий Осиё ҳалқлари тарихи, жумладан, Ўзбекистон маданияти тарихи ва адабиётига бағишлиган қатор илмий асарлар яратганлиги маълум. Унинг 1985 йиллардан кейинги илмий фаолиятидан бехабар кўпчилик адабиётшунос ва тарихшунос олимларимиз бугунгача унга фақат Фарб “советологи”, тарихшунос ёки сиёсатшунос олим сифатида қарайди. Тўгри, унинг Мустақимлик йилларига қадар яратилган тадқиқотларига, худди бизда бўлгани каби, маълум сиёсий-мафкуравий жараёнлар ўз таъсирини ўтказмай қолмаган. Лекин Э.Олворт Фитрат насрий асарлари¹⁷ “Мунозара” (1909 -1911), “Ҳинд сайёхи баёноти” (1911-1912), “Қиёмат” (1923), “Бедил бир мажлисда”(1923), “Шайтоннинг Тангрига исёни” (1924), “Абулфайзхон” (1924), “Овунчоқ”, “Мирриҳ юлдузига”¹⁸ каби шеърлари, Маҳмудхўжа Беҳбудийнинг¹⁹ “Падаркуш” (1913) драмасига бағишлиган тадқиқотларида бадий асарни тарихийлик принципига мувофиқ, адабиётшунослик меъзонлари асосида таҳдил қилиб, ижодкорларнинг Совет цензурасидан ҳимояланиш ва давр учун муҳим ижтимоий-сиёсий ғояларни тарғиб қилиш учун фойдаланган кўп маъноли, метафорик образларнинг асл моҳиятини тадқиқ этишга эришган. У, шунингдек, бадий асар замиридаги ҳаққоний тушунчалар мантигини ва оригинал топилмаларни кашф қиласди. Турк олими Темур

¹⁷ Allworth E. Evading Reality. Devices of Abdarauf Fitrat, Modern Central Asian Reformist. Netherlandz: Brill Academic Publishers, 2002; Allworth E. The preoccupations of Abdalrauf Fitrat, Bukharan nonconformist:an Analysis and list of his writings. Berlin: Buch, 2000.

¹⁸ Allworth E. Uzbek Literary Politics. The Hague: Mauton and Co.,1964. P.58.

¹⁹ Allworth E. Murder as Metaphor in the First Central Asian Drama // Ural-Altaic Year-book. 58(1986), pp.65-95.

Хўжা ўғли устози Э.Олвортнинг XX аср ўзбек адабиёти, хусусан Фитрат ва Беҳбудий асарлари борасидаги аналитик таҳлилининг ўзига хос йўналиш ва тамойиллари хусусида тўхталиб, унинг адабиётшунослик соҳасидаги хизматини очиб берган эди²⁰. Шу ўринда Э.Олвортнинг ўзбек адабиёти намуналарини фақат таҳдил қилиш билан чекланмай, уларни бирламчи ва айрим ҳолларда иккиласми манбалардан инглиз тилига таржима қилганини яна бир бор таъкидлаш ўринли, деб ўйлаймиз.

Хулоса ўрнида айтиш мумкинки, гарбона тафаккурга эга олимлар ўзларига бутунлай ёт бўлган шарқона қарашларни тарихий аспектда тадқиқ этгани ва улар юзасидан ўзига хос хуносалари, тарихий материалнинг аниқ таҳдили ва тўғри баҳосини беришга интилишлари таҳсинга сазовордир. Олворт тадқиқотидаги бундай синхроник, статистик таҳдил методи ва тасниф усуллари Абдурауф Фитратнинг XX аср бошларидаги ўзбек адабиёти, ижтимоий-сиёсий-маданий муҳитдаги интеллектуал салоҳияти ва эстетик ўрнини белгилаб беришда муҳим аҳамият касб этади. Шу билан бирга, американлик олмининг ушбу тадқиқотлари Фитрат яратган асарларнинг Марказий Осиё маданияти, адабиёти, сиёсати тарихининг ривожланишидаги ўрнини яна бир погона кўтарилишига асос яратди. Шунингдек, олмининг мазкур рисоласидаги Фитрат фаолияти ва асарларига ўзига хос ёндашув принципи адабни мукаммал тушуниш, у ҳақидаги тасаввурларимизни тиниқдаштириш, априор систематик қарашларга барҳам бериш, унинг асарлари нашрларидаги чалкашликларга аниқлик киритиш ва энг асосийси – Фитрат ҳақиқатини тўлалигича англашда муҳим манба бўлиб хизмат қилиши шубҳасизdir.

2008 йил

²⁰ Timur Kocaoglu. Türkistan'da türkçe ilk tiyatro eseri: Mahmud Hoca Behbudi'nin 'Pederküş' (Baba katili) piyesi-1913. Türklük Araştırmaları Dergesi. İstanbul, Bahar 2004. 177–262 s; Timur Kocaoglu. Indian Revolutionaries as Metaphor in Modern Uzbek Literature // Asia Annual. 2004. P. 4.

“Мувозанат”нинг Америкадаги талқини

Муайян бадий асарнинг адабиёт майдонига боқий муҳрланиши, ҳақиқий ижод намунаси бўлишига даъвогар мукаммал асарлар йўл-йўлакай ёки тасодифан эмас, балки кенг қамровли мезонлар асосида яратилади. Шунингдек, бирламчи ҳаёт материали, даврга хос воқеиликнинг ёзувчи онгида, унинг дунёқарashi, психологиясига мос тарзда синтезланиши, тасвир ифодасининг ўзига хос шаклларини яратиш мана шу боқийликнинг етакчи омилларидан биридир.

Шу маънода адаб Улуғбек Ҳамдамовнинг “Мувозанат” романини шу пайтгача яратилган асарлардан маълум даражада фарқ қиласидан, адабиётимизнинг юксалиш белгиларини ўзида мужассам эта олган бадий ижод намунаси сифатида эътироф қилиш мумкин.

Роман нашр қилингандан бошлаб Матёқуб Қўшжонов, Озод Шарафиддинов, У.Норматов, А.Расулов, С.Содик, Д.Куронов, И.Ёқубов ва бошқа адабиётшунос олимлардан тортиб оддий китобхонларнинг ҳам турли хил қарашларини ифода қилган мақолалари эълон қилинди. “Мувозанат” асари бир қанча номзодлик, докторлик диссертациялари учун манба вазифасини ўтади. Кисқаси, асарнинг иқрор ва инкори ўртасида кучли тебранишлари ҳалигача давом этмоқда.

Шундан келиб чиқилса, “Мувозанат” адабий жараёндаги курашчан фикрлар шиддатига таъсир қила олган, китобхон онгини, унинг эстетик фаолиятини қўзгатишга ва кўпдан-кўп баҳс-мунозараларга сабаб бўлган романлар сирасига киради.

Адабиётшунос И.Ёқубов инсон ўзини тушуниши, каشف этиши, англаши орқали оламни ва Яратувчисини идрок эта олиш ҳақиқатининг бадий ифодасини “Мувозант” романни мисолида кузатиш мумкинлигини айтган эди¹. Аслида олим таъкид этган

¹ У лу г б е к Ҳ а м д а м . Мувозанат / Сўзбоши муаллифи Ёқубов И. Тошкент: Шарқ, 2007. –261 бет.

Ҳақиқат бутун инсоният оламининг мангулигига даҳлдор "номаълум Ҳақиқати"дир. Мувозанатда ақл ва кўнгил ўртасидаги адоксиз курашлар, қалб кечинмалари, руҳий азобларнинг ёркин ранглардаги бадиий ифодаси, Ҳақнинг Ҳақиқатлари моҳиятини тўғри идрок этишининг бирламчи қонуниятлари ва мураккабликлари каби тасаввуфий қарашлар ижтимоий фикрлар, маший мумомлар билан боғлиқ ҳолда талқин қилинган. Муаллиф ўз асарида сўзга янгича муносабатда бўлиш орқали мураккаб рамзий картиналар ва образларнинг мутлақо янгича шаклларини яратган.

"Мувозанат" асарида мана шундай сифатлар америкалик олима Рейчел Ҳаррелни ҳам эътиборсиз қолдирмади.

Рейчел Ҳаррел кўп йиллардан бери Мичиган университетида фаолият кўрсатиб, XX аср ва замонавий ўзбек адабиёти, унинг инглиз тилларига таржимаси мавзууда докторлик диссертацияси устида иш олиб боряпти. У шу пайтгача мазкур масалага доир бир неча мақолалар эълон қилган, халқаро конференцияларда ўз маъruzалари билан иштирок этиб, миллий адабиётимизни жаҳонга тарғиб қилаётган олимлардан биридир.

Тадқиқотчининг ўзбек модерн шеърияти ва таржимаси таҳдилига бағишлиланган қизиқарли фикрлари матбуотда нашр этилиб, китобхонлар томонидан юқори баҳоланди².

Ҳаррел хонимнинг "Ўтиш даврида ўзбек адабий овозлари", Улугбек Ҳамдамнинг "Мувозанат" романни воқеаси" номли мақоласи 2007 йилда бўлиб ўтган Марказий Евросиё масалаларига бағишлиланган 8-халқаро конференциянинг маданият шўбасида ўқиб эшилтирилган³.

Маълум бўлишича, Улугбек Ҳамдамнинг мазкур романни университет профессор-ўқитувчилари, америкалик ўзбеклар

² Рэйчел Харрел. "Кўкламдан кўкламга..." Ўзбек модерн шеъриягини инглиз тилига ўгиришга доир мулоҳазалар // Талабалар дунёси. 2008. 1-2-сон. 8-бет.

³ Қаранг: Rachel Harrell. Uzbek Literary Voices in Transition. The Case of Ulug'bek Hamdam's "Muvozanat" // A paper presented at the 8th Annual CESS Conference Program HC - 01 crossing Cultural Borders, 2007.

томонидан катта қизиқиш билан ўқилган ва кафедрада унга бағишиланган кенг кўламли семинарлар ташкил этилган.

Тадқиқотчи романнинг бошқа асарлардан фарқи ва қийматини уч муҳим омил билан изоҳлайди: “Замонавий тилшунослик оқимида ёзилган бу асардаги ўзига хос биринчи омил асар қаҳрамонларининг характерларига хос муомала услуби; иккинчиси, миллат сифатида ўз-ўзини англаш йўлининг миллий характер муштараклигида ифодаланиши, учинчиси, китобхоннинг кўнгил эҳтиёжи сифатида етилган мавзунинг жасорат билан акс эттирилиши натижасида нафақат кичик, балки катта доирадаги (хорижлик) муҳлисларга эга бўлганлиги”.

Тадқиқотчи қайд этган ҳар учала фактор романнинг асосий сифатини белгиловчи жиҳат бўлишидан ташқари, олма матнни чекланган, тор қараш ва изоҳлардан йироқ унумли таҳдил қуроли воситасида тадқиқ этган, деган тасаввурни ҳам уйғотади. Чиндан ҳам асардаги образлар – Юсуф, Саид, Миразиз, Захро, Амирларнинг фожиавий ҳолатлари, зоҳирий ва ботиний нутқлари китобхон руҳий оламига таъсир ўтказади. Ҳар бир қаҳрамоннинг муомала услуби уларнинг характер мантиғи, психологик ҳолати ва дунёқарашига мос тасвир этилади. Ижодкор турмуш воқеаларини образларнинг руҳий ҳолатлари орқали умумлаштириб беришнинг ўзига хос йўлларини кашф этади.

Рейчел Ҳаррел мутахассис сифатида романнинг тили билан боғлиқ жиҳатларига кўпроқ эътибор қаратади ва муаллифнинг тилдан фойдаланишдаги қобилиятини қўйидагича баҳолайди: “Ёзувчининг Тошкент шаҳри диалекти, рус, руслашган ва мөъёрий ўзбек тилини мувофиқлаштиришдаги маҳорати унинг тилдан фойдаланиш санъатини намойиш қилган. Туркий неологизмлар, тил қатламлари асосига қурилган чукур таҳдиллар замонавий ўзбек ҳаётини ифодалайди. Романнинг ўзигача ёзилган асарлардан яна бир фарқли жиҳати, – давом этади Рейчел хо-

ним, – унинг кенг эпик имкониятларга эга эканлигига кўринади. Унда жамиятнинг турфа қатламларига хос, мустақиллик даврида моддий ва маънавий изланишларда ўз ҳақ- ҳуқуқларини ҳимоя қилишга отланган турли характерлар тасвирланади".

Турмушдаги ҳақиқий ахволни кўрсатишнинг бирламчи шарти жамиятдаги барча табақага мансуб вакилларнинг муаллиф эътиборидан четда қолмаслигини ҳам тақозо қиласди. Асардаги бу жиҳатни Америка ўзбекшуноси ҳам тўғри баҳолаган.

Хорижлик олимлар бадиий асар сарлавҳаси, унинг моҳияти, яратилиш тарихи каби масалаларга эътиборни қаратиб, мавзу ва бадиий асар ўртасидаги структурал боғлиқлик даражасини белгилашда ҳам ўзига хос йўл тутганлар. Америкалик Христофор Мурфи⁴ ("Ўткан кунлар", "Меҳробдан чаён", "Тинч иш"); Э.Олворт⁵ ("Падаркуш", "Қиёмат", "Шайтоннинг Тангрига исёни", "Мунозара", "Бедил бир мажлисда"); англиялик Ник Мегоран⁶ (қирғиз ёзувчиларининг Сулаймон тоғ ҳақидаги шеърлари таҳдили билан боғлиқ тадқиқоти); туркиялик Темур Хўжа Ўғли⁷ ("Падаркуш", "Мунозара") каби олимлар ушбу

⁴ M u r p h y Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University Press, 1980; Muslims in Central Asia / Ch. Murphy and etc. –Durham-London: Duke University Press, 1992, pp.191–203.

⁵ A l l w o r t h E. The preoccupations of Abdalrauf Fitrat, Bukharan nonconformist: an Analysis and list of his writings. Berlin: Buch, 2000; Allworth E. Evading Reality. Devices of Abdarauf Fitrat, Modern Central Asian Reformist. Netherlandz: Brill Academic Publishers, 2002.

⁶ Н и к М е г о р а н. Ўш – 3000 тантанасининг замонавий ижтимоий аҳамияти // Жанубий Қирғизистоннинг тарихи, маданияти ва иқти-содига бағишиланган халқаро конференция материаллари. Ўш, 2000 йил, 19–20 май.

⁷ T i m u r K o c a o ğ l u. Türkistan'da Türkçe ilk tiyatro eseri: Mahmud Hoca Behbudi'nin "Pederkuş" (Baba katili) piyesi – 1913, Türklük Araştırmaları Dergisi 15 (Ayrıbasım:Marmara Üniversitesi), İstanbul, (Bahar 2004). S. 185; T i m u r K o c a o ğ l u. Indian Revolutionaries as Metaphor in Modern Uzbek Literature // Asia Annual. – 2004, pp. 1–23.

метод асосида жиддий кузатишлар олиб борганилклари жусусида олдинги изланишларимизда ҳам тўхтаалган эдик. Бундай тадқиқот усулининг ўзбек ва қирғиз адабиёти материаллари асосида олиб борилиши адабиётшунослигимиизда ҳали кенг тарқалмаган структурал усульнинг назарий асослари яратилишига хизмат қиласди, албаттa.

Бундай ёндашув Рейчел Ҳаррелнинг “Мувозанат” романига бағишлиган изланишида ҳам яққол кўзга ташланади. Тадқиқотчи романга танланган мавзуни (“Мувозанат – equilibrium”) интенсив, шиддатли, таъсирили (ёки таъсиричан) (intence) ва ниҳоятда кучли (terrifying) деб эътироф этади. Унинг моҳиятини бадиий асарда илгари сурилган гоя ва образлар структурасига муштарак талқин этиб, оригинал қарашларни ифода этади. Олиманинг юқоридаги хуносасини адабиётшунос олимлар Матёқуб Кўшжонов⁸ ва Дилмурод Қуронов⁹ фикрларининг мантиқий давоми сифатида баҳолаш мумкин бўлади.

“Мувозанат”да иккита йирик фалсафа мавжуд. Мувозанатда қолиш ҳам, мувозанатдан чиқиш ҳам инсоннинг фожиаси. Ана шу фожиалар қаҳрамонларнинг ички ва ташқи конфликтлари асосида тафтиш этилади. Демак, ҳамма гап асарнинг сарлавҳаси (“Мувозанат”)дан бошланади.

Тадқиқотчи асардаги шиддаткор реализмни ундаги ҳаётий воқеликнинг кенг кўламлилиги билан боғлаб, романнинг бу жиҳатини ҳам ижобий баҳолайди.

Ўзбекшунос оима романнинг бошқа ижобий сифатларини белгиловчи қатор, иккиласмчи ҳолатлар ҳақида ҳам тўхталиб, уларни аниқ мисоллар билан изоҳдашга ҳаракат қиласди¹⁰.

⁸ Кўшжонов М. Шиддат билан ёзилган роман. Мувозанат романига ёзилган сўзбоши. Тошкент: “Минҳож” нашриёти, 2004. 3–4-бетлар.

⁹ Қуронов Д. Сўнгсўз ўрнида. Тошкент: “Минҳож” нашриёти, 2004. 198–199-бетлар.

¹⁰ Қаранг: Rachelle Harrell. Uzbek Literary Voices in Transition. The Case of Ulug’bek Hamdam’s “Muvozanat” // A paper presented at the 8 th

Айни дамда олиманинг "Мувозанат"га бағишиланган тадқиқотидаги объектив хуросаларини эътироф этган ҳолда, унинг таҳлилидаги айрим субъектив даъволарга муносабат билдиришни лозим топдик.

Асарнинг 54-бобида Абдулланинг ўлими тасвири ифодаланган. Гўдакнинг фожиали ўлимини Рейчел хоним Юсуфнинг шифокор буюрган дориларга пул тополмаганлиги билан изоҳлайди: "Юсуф Тошкентга ярим кечада, дарғазаб ҳолатда етиб келса ҳам, ўғли учун шифокор кўрсатмасидағи дориларни олишга пул топа олмади, натижада Абдулла ҳалок бўлди. Ўглининг ўлими Юсуф ва Заҳро муносабатларига якун ясади".

Лекин асарда Юсуфнинг жигарбанди дорига пул тополмаслиги натижасида эмас, балки минг мاشаққат билан олиб келинган дориларнинг вақтида берилмаганлиги оқибатида ҳаётдан бевақт кўз юмди¹¹. Шунингдек, Абдулланинг ўлими Юсуф ва Заҳро муносабатларига эмас, балки Юсуф ва Ойгул ўртасидаги риштанинг узилишига сабаб бўлди¹².

Эътибор бериб қаралса, муаллифнинг бадиий-гоявий мақсади ва тадқиқотчи талқини ўртасидаги тафовутлар бирбирига бутунлай зид қарашларни юзага келтирадики, улар устиста чуқур ва атрофлича мулоҳаза юритиш лозим бўлади.

Яна бир мисол.

Рейчел Ҳаррел "Юсуфнинг институтга қайтиши билан роман оптимистик руҳда якунланса-да, жамиятдаги ахлоқий емирилишга олиб келган тургунлик ва жаҳолатга етарлича жавоб бўлмайди", деган фикрни айтади.

Америкалик тадқиқотчининг ушбу кескин хуросаси, бизнинг назаримизда, муаллифнинг гоявий-бадиий мақсадига уйғун эмас. Тадқиқотчининг асар талқини билан боғлиқ бу

Annual CESS Conference Program, NC - 01 crossing Cultural Borders, 2007.

¹¹ Улугбек Ҳамдаев. Мувозанат. Роман / Сўнгсўз ўрнида: М.Қўшжонов. Тошкент: "Минҳож" нашриёти, 2004. 107-бет.

¹² Шу манба. 114-бет.

хилдаги бирёқлама хуносаларини қўйидаги сабаблар билан изоҳлаш мумкин:

биринчидан, Америка ўзбекшуноси “Мувозанат”да касб этган мажозий ўринлар, рамзий ифодаларни тўлалигича идрок қила олмаган;

иккинчидан, шарқ ва гарб ўртасидаги турфа мушоҳада тамойиллари, ўртадаги узоқ масофа ва, шунингдек, гарбча тафаккур тарзи роман моҳиятига чуқур кириб бориш имконини бермаган;

учинчидан, асарни ўқиш жараёнида унда акс этган бадиий ҳақиқат мантиғи ҳақида эмас, ўз тасаввуридаги “ҳақиқатлар” тўғрисида фикр юритган;

тўртинчидан, ўзбек адабиётига доир тадқиқотлар олиб бораётган деярли барча хорижлик олимлар изланишларидағи баъзи субъективлик ва заиф нуқталарнинг асосий сабаби уларнинг айрим ҳолларда ўзларига ёт бўлган ижтимоий тузумдан турли қусурлар қидиришга мойиллиги, белгиланган концепцияга ортиқча оғишлари ва бадиий асарни муайян мақсаддан келиб чиқиб таҳдил қилиш оқибатидир.

Жиiddий ижод намунасини бадиий тасвир воситаларисиз, сўзларнинг тагзамини маъноларисиз, мажозий образларисиз тасаввур қилиб бўлмайди. Зеро, муаллифнинг ҳаёт воқеаларини бадиий акс эттиришдаги индивидуаллиги айнан мана шу тасвир ифодаларининг ўзига хослиги билан белгиланади.

Асардаги бош образ – Юсуфнинг ўз иш ўрнига қайтиши билан муаллиф ҳаётнинг жиiddий, ижтимоий-фалсафий ғоясини илгари сурган. Оlam мувозанатининг бузилишига йўл қўймайдиган, дунёда уйғунликни тутиб туришга қодир улуғ инсонлар Юсуф тимсолида гавдалантирилган. Айнан Юсуфнинг ўз ўрнига қайтиши дунё мувозанатига бўлган ишончга бир ишора. Нега Миразим Юсуфни кўрса таскин топади, Захро Юсуфдан куч олади? Аслида, ҳар бир инсон ботиний ва зоҳирий мувозанатга муҳтож. Юсуф каби инсонлар

бор экан, олам мувозанати йўқолмайди, у ўз ўқи атрофида айланаверади.

Демак, бош образнинг қайтишини фақат ёзувчи яшаётган юрт, уни шакллантирган диёр ёки уни севган миллатга дахлдор ижтимоий-маиший муаммоларга боғлиқ таҳдил этиш бирёқлама ва жўн талқиндир. Чунки Юсуф аслида бугун инсоният, борлиқ олам мувозанатини, рамзий маънода дунёни тутиб турган Мувозанатнинг тимсоли.

“Мувозанат”да тасвирланган ҳар қандай воқелик фақат ташқи хусусият, ягона аломат билангина боғлиқ эмаслиги, тоталитар тузум ва ўтиш давридаги оғир турмуш воқеаларини бадиий ўзлаштириш, уларни замондошларнинг ички дунёси, руҳий олами орқали атрофлича тафтиш этишда кенг имкониятли рамзий образлардан фойдаланишнинг ўзига хос усуллари; жой номлари, танланган исмлар қаҳрамонларнинг ички ва ташқи конфликтларида чуқур мажозий маъно касб этганлиги; энг муҳими, Олам мувозанатининг асоси, унинг меъёрини таъминлаш вазифаси юкланган улуг инсонлар қисмати чуқур бадиий-фалсафий мазмунда ифодалангани учун ҳам мазкур асар алоҳида муваффақият касб этганини таъкидлаш жоиз.

Асардаги Улугтогда ҳам чуқур рамзий маъно яширган. Юсуфнинг болалигидан Улугтоққа интилиши инсоннинг ҳар доим удуғликка талпинишининг рамзий ифодаси. Аммо қаҳрамон унга етолмайди. Бу мангу йўл.

Инсон яралибдики, тақдир унга “танлаш” имконини қолдиради. Романда ҳам Юсуф бир неча бор ана шундай танлов – икки йўл бошидан чиқиб қолаверади (худди эртак қаҳрамонларидек): аслида бу инсон умри синовлари, мувозанатда қолиш ва уни йўқотишнинг бошлангич нуқтаси – ҳаёт фалсафасининг асосий моҳиятига ишорадир.

Асардаги қийшайиб қолган деворга тиргович қўяётган Содик ҳолатини эсланг: “Содикнинг уст-боши, ҳатто юз-кўзлари, бошидаги эски, бир қулоги ипсиз шалпайиб турган

телпагигача лойга ботган...” шароитнинг образга таъсири емирилаётган тузумнинг қулаши ва янги жамиятнинг барпо этилишига муштарак талқин этилган. “Қолганиниям бузиб ташлаб, янгитдан кўтармасанг бўлмайди”, Юсуф тилидан айтилган бу биргина жумла узоқ йиллар чуқур томир отган советлар ҳокимиятини илдиз-илдизи билан йўқотиб, мустаҳкам янги тузум қуриш лозимлигига ишора бор.

Агар эътибор бериб қаралса, ёзувчи кўзлаган мақсад асарда яхлит тарзда акс эттирилган. Муаллиф ижтимоий-иқтисодий ва майший муаммоларнинг бадиий инъикосини ҳар бир кичик эпизод тасвирида романнинг умумий ғоясига уйғун рамзий образлар билан узвий боғлиқликда китобхон ёдига солиб турари.

Образларга танланган исмларда ҳам мажозий маъно мавжуд. Ҳалима ая – кўнгилчан, юмшоқ, кек сақдамайдиган аёл, ҳалимлик рамзи; Одил ака – ҳар қандай вазиятда тўғри фикрлайди ва одил ҳукм чиқарадиган оила бошлиғи – одил ҳукмронлик тимсоли. Амир – шариат амрини кўр-кўрона, мукласидан кетиб, мутаассибларча адо этадиган чала муллалар рамзи.

Хулоса ўрнида айтиш мумкинки, ўзбек адабий асарларининг Америкада ҳам қизиқиб ўқилаётгани, улар ҳақида салмоқли илмий тадқиқотлар олиб борилаётгани эътиборга лойиқ ҳодисадир.

Хусусан, Америка олимасининг “Мувозанат” романни таҳлилига бағишланган тадқиқоти ҳам, ундаги айрим субъектив тамойиллардан қатъи назар асарнинг ўзбек адабий танқиди эътибор қилмаган жиҳатларини кашф қилиши билан ҳам қадрли. Қолаверса, бундай ишлар ўзбек романларининг халқаро миқёсда янада кенгроқ эътироф этилиши ва тарғиб қилинишида муҳим аҳамият касб этиши шубҳасизdir.

2010 йил

Хориж олимлари¹ изланишларида ижтимоий-бадиий синкетик таҳлил принциплари

Муайян асарнинг бадиий-эстетик тушунчалари моҳиятини англаш билан бирга унинг ижтимоий қийматини идрок этиш ҳам адабиётшунослик илмининг вазифалари қаторига киради. Чунки бадиий асар ядроси, шунингдек, таркибий элементлар (мавзу, символ, сюжет ва характер) да ижодкорнинг ижтимоий-бадиий мақсади уйгун ҳолда акс этади. XX аср ўзбек адабиётининг энг сара намуналари, хусусан Абдулла Қодирий, Чўлпон романлари поэтикаси ҳам реал воқелик ва ҳаётий фактлар моҳияти асосида юзага қалқыйди.

XX аср сўз санъати намуналарини сиёсий-ижтимоий, бадиий-гоявий мезонлар асосида тадқиқ этиш, америка олимлари тадқиқотларидағи асосий принциплардан биридир. Уларнинг таъкидлашича, бундай таҳлил методи тадқиқотлар қийматини ошириши билан бирга адабиётнинг шунчаки бўшлиқда яратилмаганлигини далиллайди².

Хориж олимлари изланишларидағи бадиий-ижтимоий синкетик тадқиқни юзага келтирувчи омиллардан бири асарнинг ташқи шакли ҳисобланади. Таниқли адабиётшунос Христофор Мурфининг таъкидлашича, А. Қодирийнинг “Ўткан кунлар” романидаги эпилог (хотима) Юсуфбек Ҳожи ва Ўзбек ойим оиласининг вайрон бўлганлигидан далолат бериши билан бирга муаллиф асарда ижтимоий муаммога мурожаат қилганини ҳам далиллайди³.

¹ Япония ва Америка ўзбекшунослари назарда тутилади.

² M u r p h y Ch. The Relationship of Abdulla Qadiriy's Historical Novels to the Earlier Uzbek Literary Traditions: Washington University Press, pp. 125–126.

³ M i c a l l e f R o b e r t a M a r i a . The Role of Literature and Intellectuals in National Identity Construction : The Case of Uzbekistan. USA: University of Texas, 1997. P.33.

ХХ аср ўзбек адабиётини хронологик, ижтимоий-гоявий, бадиий-эстетик синкретизм нуқтаи назаридан монографик планда таҳдил қилган Америка тадқиқотчиси Роберта Мария эса романдаги пролог (муқаддима) хусусида тўхталиб, унда ёзувчи кўзлаган муҳим ижтимоий мақсад (мозийдан узилиб қолган жамият ўтмишга эътибор бериши зарурлиги, ўтмишсиз келажак яратиб бўлмаслиги, тарихдан воз кечмай уни ислоҳ қилиш орқали янги ҳаётга, жамиятга, тузумга эришиш зарурлиги, ўзбек адабиётининг мумтоз мавзуларини янгича талқинда янги китобхонларга тақдим этиш лозимлиги, хонлар ўртасидаги ўзаро жанглар большевиклар учун қўл келиши ва оқибатда Марказий Осиё ҳалқлари учун “қора кунлар” бошланиши мумкинлиги) концептуал тарзда акс этганини таъкидлайди⁴.

Маълумки, бадиий асардаги муқаддима ва хотима одатий сюжет бирлигидан ташқарида жойлашган ёзувчи ижодий услубидаги ўзига хос хусусиятдир. Икки американлик олим тадқиқотлари орқали бу структурал элемент асосида ҳам муаллифнинг бадиий-гоявий, ижтимоий-сиёсий мақсадининг синкретик шакли мужассамлиги аён бўлади. Анъанавий ҳикоячилик қурилишига қўшилган бу янги элемент, бадиий воқеалик асосидаги ижтимоий тасаввурларни тиниқлаштиришда муҳим аҳамият касб этади. Ёзувчининг бу методи унинг сиёсий-ижтимоий муаммога мурожаатининг ўзига хос йўсини ҳамdir. Аслида романдаги етакчи қаҳрамонларнинг фожиавий ўлими ёки уларнинг бир-биридан жудо бўлиши Туркистон келажагининг барбод бўлишига ишора. Муаллифнинг пролог ва эпилогдан фойдаланиши нафақат адабиётшунос мутахассислар, балки оддий китобхоннинг ҳам бадиий асар туб моҳиятини англаш билан боғлиқ тасаввурларини тиниқлаштиришга хизмат қилган.

Христафор Мурфи ва Роберта Мария бадиий асар шаклини ўрганиш билан ёзувчи дунёқарashi асосида унинг услубидаги

⁴ Michael Roberta Maria. The Role of Literature and Intellectuals in National Identity Construction : The Case of Uzbekistan. USA: University of Texas, 1997. P.33.

ўзига хосликни кашф қилган. Ушбу олимлар тадқиқотларидағи нозик кузатишлар Қодирий романлари табиатининг асл сир-синоатини очища ўзига хос аҳамиятта эга.

Хориж ўзбекшунослари изланишларидағи ижтимоий-бадиий синкетик тадқиқнинг самарасини таъминловчи навбатдаги омил улардаги муайян матнни тарихийлик принципида, манбашунослик характеристи нуқтаи назаридан тадқиқ этиш билан белгиланади. Тадқиқотчилар муайян воқеликни макон ва замон нуқтаи назаридан ўрганиб, асарда тасвирланган даврдаги индивидуал жиҳатларнинг муаллиф ижодига таъсири даражасини белгилаш воситасида бадиий асар замиридаги ижтимоий тушунчалар мантигини тұлалигича фош қилиш йўлидан борадилар. Америка олимлари Э.Олворт, Х.Мурфи, Р.Майкеллеф ва япон фитратшуноси Х.Коматсу бадиий асарни ёзувчининг назарий мушоҳадаларидан кўра кўпроқ амалий фаолияти асосида яратилишини адаб яшаган даврдаги асосли фактлар орқали изоҳлашга ҳаракат қиладилар. Бундай тадқиқот усулида ижтимоий-синфийлик бадиий-эстетиклик билан мунтазам узвий алоқадорликда бўлиб, у тарихий-ижтимоийлик бадиий асар яратилишининг муҳим омилларидан биридир, деган қарашларни бирмунча ойдинлаштиради.

Америка олимлари тадқиқотларидағи ижтимоий-бадиий синкетик тадқиқ принципи муҳим бадиий элементлардан бири ҳисобланган характеристлар воситасида ҳам юзага келади. Бунда образнинг символик табиати асосида унга юклатилган ижтимоий вазифалар тадқиқ этилади.

Роберта Мария Майкеллеф “Ўткан кунлар” романидаги Юсуфбек Ҳожи образи жамиятда сиёсий мавқега эга бўлсада, оиланинг ички муаммоларини ҳал қилишда ҳеч қандай аҳамиятта эга эмас, гунг ёки жонсиз. Бу образ (гунг ота образи) ўзгараётган структурал тузумнинг рамзий ифодасидир⁵, деган

⁵ Micallef Roberta Maria. The Role of Literature and Intellectuals in National Identity Construction : The Case of Uzbekistan. USA: University of Texas, 1997, pp.37–38.

фикрни айтади. Бу ўринда Америка олимаси Отабекни иккинчи марта уйлантириш билан боғлиқ воқеада Юсуфбек Ҳожининг таъсир кучи заифлигини назарда тутаётган бўлса керак. Ўзбек адабиётшунослигида Юсуфбек Ҳожи образи ҳақида турли хил фикрлар билдирилган, лекин кўринадики, Р.Майкеллеф берган таъриф улардан кескин фарқ қиласиди. Образни символлаштириш воситасида даврдаги сиёсий-ижтимоий муҳитга муаллиф муносабати ва роман моҳиятидаги ижтимоий мақсаднинг ошкорлашгани кузатилади. Таниқли рус шоири Николай Николаевич Рубцов: “Бадий образ – бу ихчамлаштирилган символ, символ эса–кенгайтирилган образ”⁶, – деган фикрни айтган эди. Демак, Роберта бадий образни бадий символ, яъни рамзга кўчириш орқали унинг ижтимоий-гоявий имкониятларини ҳам кенгайтирган. Бадий асарнинг ижтимоий табиатини англашдаги ушбу приём бироз баҳсли эса-да, символлаштирилган ҳар бир воқеа ёки образ тарихини рус академиги Дмитрий Сергеевич Лихачов таъриф этган “ижтимоий озуқа манбай” сифатида қабул қиласак, бундай символларнинг тафтиш этилиши идеал ижтимоий фикрларнинг ҳаётга тадбиқ қилинишида ўта муҳим аҳамият касб этиши ойдинлашади.

Хулоса ўрнида айтиш мумкинки, Америка олимлари XX аср ўзбек адабиёти намуналаридағи кўп қиёфалиликка асосланган воқеликка таяниб, уни мукаммал тушунишнинг янгича йўлларини кашф қилмоқда. Асарда акс этган бадий-ижтимоий гояни тафтиш этиш, турли хил йўллар ёки фикрлар рангбаранглиги асосида давр ва асар ўртасида мустаҳкам кўприк ўрнатиш Америка олимлари тадқиқотларидағи умумий хусусиятдир. Ўзбек сўз санъати намуналарининг адабиётшунослигимизда нисбатан кам ўрганилган назариялар асосида тадқиқ қилиниши хориж тадқиқотларидағи индивидуал концепциялар қийматини янада оширади.

2010 йил

⁶ Рубцов Н. Н. Символ в искусстве и жизни. М.: Наука, 1991. С.46.

МАНЗИЛАН – ОЛИС, КЎНГИЛГА ЯҚИН

(америкалик ўзбекшунос олим Э.Олворт билан суҳбат)

Машҳур америкалик олим, Колумбия университетининг фахрли профессори, хориж ўзбекшуносларининг етакчиси ва раҳбари Эдворт Олворт қарийиб 70 йилдан бери ўзбек жадид адабиёти, маданияти, тарихи бўйича изланишлар олиб бориб, миллий маданиятимиз, сўз санъатимиз дурдоналарини дунёга олиб чиқаётган, бутун умрини мана шу машаққатли ишга сафарбар этган фидойи олимлардан биридир. У яратган тадқиқотларда олимнинг ўзига хос тадқиқ услуби, таҳдил принципи, бадиий асар атрофида ўз шахсий фикрларига, муайян манба таҳдилида ўз нуқтаи назарига эга эканлигини кўриш мумкин. Шунингдек, ўрганилаётган масалага нисбатан фикрни жонли сақлаб қолиш хусусияти Эдворт Олворт изланишларидаги энг муҳим жиҳат эканлигини эътироф этиш жоиз.

2010 йилнинг апрель ойида Америка Кўшма Штатларининг Колумбия университетида ҳурматли Эдворт Олворт жанобларининг муборак 90 йиллигига бағишиланган ҳалқаро конференция бўлиб ўтди. Камина ҳам ушбу анжуманда қатнашиб, америка туркшунос олими билан шахсан учрашиш, суҳбатлашиш баҳтига мұяссар бўлганди.

Кичик жуссали, 90 ёшни оралаган бўлса-да, ҳали ҳам дадил, ўз фикрида событ, шогирдларига талабчан ва қаттиққўл олим шижаоти мени ҳайрон қолдирди. Олим шу кунгача амалга оширган тадқиқот ва изланишлари, шогирдлари, Марказий Осиёни ўрганишнинг бугунги муаммолари ҳақида маъруза қиларкан, кўз олдимда у яратган тадқиқотларнинг салобату виқори намоён бўлди. Олимдаги ўзига хослик нафақат унинг услуби, балки фикрлаш қобилияти, эътиқоди ҳам бошқалардан буткул фарқ қилишини яна бир бор хаёлан эътироф этдим. Унинг мана шу ўз таваллуд санаси муносабати билан йўл-йўлакай сўзлаган нутқида ҳам бир олам мазмун, ҳикмат бор эди, ана шу чиқиш асносида қатор муаммолар ечимини топиши мумкин эди.

Ушбу имкониятдан унумли фойдаланиш мақсадида Эдворт Олворт билан шахсан учрашиб, сұхбат қуриш истагим борлинини айтдым. Олворт жаноблари ушбу таклифимни мамнуният билан қабул қылдилар. Конференция ташкилотчилари¹ ва Олворт шотирларининг саъй-ҳаракатлари билан ҳукмингизга ҳавола қилаётган қўйидаги сұхбатни муҳрлаб олдим. Олим рафиқасининг жиiddий бетоблиги сабаб барча саволларимизга тўлиқ жавоб ололмаган бўлсак-да, ушуб сұхбат ўзбек адабиётиниг хориждаги тарғиботчиси, унинг тадқиқотларида акс этган ҳақиқатлар хусусидаги тасаввурларингизни янада бойитади, деган умиддамиз.

З.М.

Эдворт Олворт жаноблари, аввало, Сиз ижодий ишлари тадқиқига умрингизни бахшида этган адилар Беҳбудий, Фитрат, Қодирий, Чўлпонларнинг бугунги авлодлари, ўзбек адабиётшунос олимлар номидан муборак тўқсон ёшингиз билан қутлайман.

Э.О.

Раҳмат, мен ҳам ташрифингиздан миннатдорман.

З.М.

Келинг, сұхбатни Марказий Осиё, хусусан ўзбек адабиёти маданияти ва тарихига қизиқиб қолишингиз, уни тадқиқ қилишга бўлган иштиёқнинг сабабларидан бошласак.

Э.О.

Иккинчи жаҳон уруши даврида ҳарбий хизматни ўтаб, Чикаго университетининг гуманитар факультетига ўқишига кирдим. Рус тилини оз-моз билганим сабаб, мени Чикаго университетининг Славяк адабиёти бўлимига қабул қилишди. Аммо, афсуски, у ердаги мутахассислар худди Британия университетларидағи ўқитувчилар сингари жудаям боқибегам,

¹ Ушбу конференцияда иштирок этиш ва мазкур сұхбатни ташкилаштириша яқиндан ёрдам берган доктор Питр Синнот ва Артур Боннер жанобларига ўз миннатдорчилигимни билдираман.

ўз талабаларига ниҳоятда лоқайд әдилар. “Ўзинг учун ўл етим” қабилида ўз илмий лойиҳам, магистрик дипломини ёзиш жараённида роса бошим қотди. Ҳеч ким менга бирор мавзу ёки бирор йўналиш бериш у ёқда турсин, ҳатто нима қилишим зарураги ҳақида ҳам бир сўз демасди. Илмий иш мавзумини аниқлаш ва у ҳақида тўлиқ тасаввурга эга бўлиш мақсадида жуда кўп рус ёзувчилари, хусусан, Пушкин, Лермонтов, Толстой, Достоевский каби буюкларнинг асарларини, гўзал тил билан битилган ижодий мактубларини ўқиши бошладим. XIX аср рус адабиётининг буюк намояндалари, айниқса Толстой ижодида Осиё кишилари характерлари, ёрқин образлари мавжуд әди. Мен ўқиган китоблар орасида баъзи замонавий Совет ёзувчилари, масалан, Вячеслав Иванов ва бошقا марказийосиёликлар характерини тасвирилашни мақсад қилган ёзувчилар асарлари ҳам бор әди. Мени рус адабиётидаги марказийосиёликлар образи, бу юртлар билан боғлиқ табиат тасвиirlари эътиборимни тортганди. Ушбу асарлар қозоқ, татар, бошқирдлар ҳақида, Кавказ марказидаги Имом Шомил ва унинг қўзғолони билан боғлиқ воқеалар хусусида ҳикоя қиласди. Шундан сўнг 1953 йилда ўрганганд монография “Рус адабиётида Турк-Татар образи” мавзуида магистрик диссертациясини ҳимоя қилдим.

Биласиз, қозоқ, татар, бошқирд каби миллат вакиллари бир-бирлари билан ўзаро яқин алоқада әдилар. Чор ва Совет адабиётида осиёликлар образининг кенг қамровга эгалиги аксарият ҳолларда бадиий асарнинг асосий ғоясини ташкил этарди. Бироқ, уларни мутолаа қиласди эканман, менга Чор ҳукумати осиёликларнинг нима учун улар билан курашаётганликлари можиятини англай олмаётгандек туюларди. Буни уларнинг осиёликларга муносабатидан ҳам сезиш қийин эмасди. Улар, худди Британия, Германия ва Французларнинг Африка ерларига борганидаги каби, ўзларини маҳаллий аҳолидан устун тутардилар.

Умуман, рус адабиёти намуналарида тасвирланган осиё-ликларнинг бу қадар куч-қудратга эга эканлигининг сабабини ҳечам англай олмасдим. Ўша даврлардан бошлаб осиёликлар мени бутунлай ўзига ром этди ва уларни яқиндан билиш, мени қизиқтираётган саволларга жавоб топиш мақсадида мана шу мавзуга қўй урдим.

Ушбу соҳага қизиқишимнинг иккинчи сабаби Нью-Йоркда истиқомат қилувчи туркистонлик муҳожирлар бўлган.

Татар тилини ўрганиш мақсадида Колумбия университетига келгандим. Бу даврда Нью-Йоркда Туркистон муҳожирлари томонидан “Миллий Туркистон” номли вақтли матбуот нашр этиларди. Уларнинг айримлари инглиз тилида бўлиб, унда бериб бориладиган адабиёт, маданият, ижтимоий-сиёсий воқеаларга оид мақолалар мени эътиборсиз қолдирмасди. Аслида “Миллий Туркистон” илк маротаба 1930 йилда Францияда нашр қилина бошлаган. Ушбу газета ходимлари мен ва турмуш ўртогум Жанетни (биз 1952 йилда турмуш қурганмиз) ўз уйларига, байрамларга ва рақс кечаларига таклиф этардилар. Улар орасида Колумбия университети профессори ҳам бор эди. У менга татар тилини эмас, балки ўзбек тилини ўрганиш муҳимлигини таъкидлади. Ҳатто ўзбек тили ўқитувчиси топиб беришни ҳам ўз зиммасига олди ва шундай қилди ҳам.

Мана шундай ўзига хос анъана, маданият, тарих, ўтмишга эга осиёликларни яқиндан билиш ва ўрганиш ҳаётим мазмунига айланишини ўша дақиқалардаёқ ҳис этгандим.

3. М.

XX аср ўзбек адабиётини хорижда, хусусан Америкадаги тадқиқига оид манбаларни ўрганиш жараёнида сиз нафақат Америка, балки бошқа хориж ўзбекшуносларининг етакчиси экансиз, деган хulosага келган эдим. Бу ерда ҳам Сизни Марказий Осиёни ўрганувчи олимларнинг “дуайен” (“doyen”) и, яъни раҳбари сифатида эътироф этилган мақолаларга кўзим тушди. Сизнинг бу таърифларга муносабатингиз қандай?

Э.О.

Мен “дуайен” термини моҳияти ҳақида у қадар чуқур тасаввурга эга эмасман. Қолаверса, ушбу тадқиқотларим билан ўзимни бу соҳанинг асосчиси ёки дастлабки ўрганувчисиман, деган даъводан ҳам йироқман. Аммо бу маълум маннода Америкада туғилиб ўсган олимлар учун ҳақиқат бўлиши мумкин. Мендан олдин бошқа ўзбекшунос олимлар ҳам бўлган. Аммо улар бошқа мамлакатлардан, масалан, венгриялик ёки туркиялик бўлганлар. Яна ўзбекшунос олим Ричард Фрайинг ҳам асли келиб чиқиши скандинавиялик бўлган. Унинг қадим Бухоро ҳақидағи ажойиб бир китоби бор. Ўз пайтида мен уни мириқиб мутолаа қилгандим. Марказий Осиёни ўрганиш бўйича кўплаб тадқиқотлар яратган Ало Раун исмали олим ҳам бор эди. Аммо у ҳам америкалик эмас, балки Финляндия фуқароси бўлган.

З.М.

Тадқиқотларингиздан Сизни Марказий Осиёning ашаддий муҳлислари сифатида эътироф этиш мумкин. Ўзбек жадид адабиёти, айниқса, Фитрат шахси ва ижодига нисбатан кучли хайриҳоҳлигингиз у ҳақида яратган тадқиқотларингиз, айниқса “Ҳақиқат излаб” номли тадқиқотингизда яққол кўзга ташланади. Америкалик касбдошларингиз ҳам шундай фикрда эканлар.

Э.О.

Ҳа, бу ҳақиқат. Жадидларнинг ҳатто энг оғир вазиятларда ҳам ўз ҳалқи, миллати ҳақ-хуқуқларини ҳимоя қилиш йўлидан қайтмай, ўз эътиқодларига содиқ қолганликлари, уларнинг фикр озодлиги курашидаги ўзига хос чора-тадбирлари мени ҳайрон қолдиради. Айниқса, Советлар ҳукумати томонидан кучайтирилган цензурага қарамасдан Беҳбудий, Фитрат, Ҷўлпон, Абдулла Қодирий жуда эҳтиёткор ва зийраклик билан ўзига хос услублар, масалан, сатира, никоблаш, мубҳаллик категориялари, рамзий образлар воситасида барпо этилаётган совет давлатини емириш йўлидан борадилар. Умуман олганда, жадидлар демократик жамият томон борадиган йўлни

кўрсатиб келаётган эдилар. Большевиклар эса ўз мавқеини яна-да мустаҳкамлаш мақсадида уларнинг бу ҳаракатларини узил-кесил йўқ қилиб, миллат фидойиларини шафқатсизларча қатал эттирилар.

Баъзида ўйлаб қоламан. Агар ўша даврда Туркистон озод-ликни қўлга киритганида нима бўларди... ? Қандай вазият юзага келиши мумкин эди...?

3. М.

Нима учун 90-йилларга қадар яратилган тадқиқотларин-гизда Фитрат ижодига кенг тўхталмагансиз?

Э.О.

Бу ўша пайтларда муҳим эмасди. Фитратни ўзбек жадид адабиётининг энг ёрқин вакили сифатида эътироф этсан, юз бора ҳақли бўламан. Зеро, у ўз замонасининг энг зукко, ақл-заковатли, файласуф кишиси бўлган. Адабиёт, фан, маданият, дин боринки ижтимоий-маишӣ турмушнинг барча соҳаларида юксак билим соҳиби эди. Аммо, афсуски, баъзи тадқиқотчилар ҳали ҳам Фитрат шахсияти, ижоди моҳиятини тўлиқ англай олганларича йўқ. Улар бирор-бир муаммо юзасидан фикр билдираётганда унинг юза қисмидаги мазмунига таянадилар-да, бир ёқлама ва саёз хулосалар келтириб чиқарадилар. Масалан, тадқиқотчилар орасида Фитратни даҳрий ҳисоблаб, “Шайтоннинг Тангрига Исёни” асарини атеистик руҳда ёзилан дегувчи-лар ҳам топилади. Бундай қарашларни айрим муҳожирлар ҳам қўллаб-қувватлайдилар. Мен эса бу фикрга қўшила олмайман. Муаллиф асарларида диний мавзулар кенг кўламда акс этти-рилган. Айнан ўша “Шайтоннинг Тангрига исёни”да ҳам бутун бир диалог мұқаддас Куръони каримда акс этган Шайтон ва Одамнинг яратилиши, Шайтони лайиннинг Тангрига исёни ва унинг қай ҳолатда енгилгани ҳақидағи ривоят асосига қурилган эмасми? Аслида Фитратнинг диний мавзуда ёзилган асарлари замирида, масалан “Қиёмат”да ҳам, унинг муайян ижтимоий-гоявий мақсади яширинган. Нидерландиянинг Брил Академик

нашриёти томонидан чоп этилган бухоролик жадидчи Абдура-
уф Фитрат асарлари таҳлилига бағишлиланган “Ҳақиқат излаб”
номли китобимда айнан мана шу муаммолар атрофлича тадқиқ
етилган.

З.М.

Чиндан ҳам дин ва жамиятшунослик жуда катта соҳа. Агар
бирор бир кимса ҳар икки соҳада суҳбат қурмоқчи бўлса, жа-
вобдан кўра саволлар кўпроқ ёғилиб келаверади.

Э.О.

Бу айни ҳақиқат.

З.М.

Америкалик олимларнинг катта авлод вакиллари
тадқиқотлари, хусусан сизнинг илк “Ўзбек адабий сиёсати”
номли китобингизда ҳам советлар сиёсатига қарши концепци-
яда бўлганингизни кузатиш мумкин. Яна уларда “XX асрнинг
биринчи чорагида яратилган ижод намуналари бадиий асар-
дан кўра кўпроқ адабиёт орқали советлар сиёсатига қаршилик
кўрсатиш ёхуд кўллаб-қувватлашдан иборат бўлган жараён
маҳсулидир”, деган қарашлар ҳам илгари суриласди.

Э.О.

Ҳа, тўғри. Ўтган асрнинг 50–70-йилларида яратилган
тадқиқотлардаги асосий хусусиятларни тўғри англаб етибсиз.
Ушбу даврда яратилган изланишларда таҳлил мувозанатининг
бузилганлиги ҳам айни ҳақиқат. Аммо, афсус кўпчиллик касбдош
дўйстларим, ушбу соҳанинг янги авлод вакиллари “Ўзбек адабий
сиёсати” номли монографиямни фақат ва фақат русларга қарши
кураш сифатида баҳолайдилар. Аслида ундан эмас. Китобда
рус халқи, миллати ёки маданиятига қарши ҳеч қандай фикр
йўқ. Унда, асосан, миллий адабиёт нашрларини чеклаш ва ўзбек
сўз санъатини ҳукмрон мафкурага бўйсндириш билан боғлиқ
жараёнлар ҳақида сўз боради. Мен коммунизмни тоқат қилиб
бўлмайдиган идеология сифатида кўрсам-да, китобимда ўз ҳис-
тойгуларимни жиловлашга ҳаракат қилганман. Рус чиновникла-

рининг Марказий Осиё Совет Иттифоқининг бир бўлаги, тобе мамлакат бўлгани учун уларга ўз мулкига қарагандек, қўпол муносабатда бўлишлари, уларни ҳақ-хуқуқларидан маҳрум қилгани етмаганидек, одам ўрнида кўрмай, истаганича ҳақорат қилишларига тоқат қилиш қийин эди. Мен асли мана шундай тартибсиз тизимга қарши эдим. Бу эса рус халқи ёки миллатига қарши дегани эмас. Менимча, бундай фикрларни айтишдан олдин рус халқи ва руслар сиёсати ўртасидаги чегарани англаб етмоқ зарур. Ўрни келганда дастлабки тадқиқотимни рус олими билан ҳамкорликда бошлаганимни ҳам таъкидлаб ўтмоқчи эдим. Илк монографиямда сиз ҳам суҳбат бошида таъкидлаб ўтганингиздек, Совет Иттифоқининг олиб бораётган сиёсати, идеологияси ва системасига қарши концепцияда бўлганимни тан оламан. Бу ҳақида гап бўлиши мумкин эмас.

3.М.

Тадқиқотларингизда жуда кўп араб алфавитига асосланган эски ўзбек ёзуви, араб, турк, форс, рус, немис, француз тилидаги манбалардан фойдалангансиз. Уларни кўриб, Сизнинг тил ўрганишдаги қобилиятингиз кучли бўлса керак, деган хуласага келгандим.

Э.О.

Йўқ, менда бундай қобилият йўқ. Мен фақат ўз устимда кўп ишлайман. Ёшлиқда тил ўрганиш анча самаралироқ бўлади. Шундай бўлса-да, агар сиз йигирма-йигирма беш ёшларда бирор-бир хорижий тилни ўрганишга киришсангиз унинг устаси бўлиш учун кўп тер тўкишингизга тўғри келади. Тил ўрганиш энг машаққатли вазифа, уни мукаммал билиш эса олимнинг энг яхши фазилатларидан биридир. Ва яна айтиш мумкинки, тил билиш – бу олимнинг жаҳон билан ҳамнафаслигини таъмин этувчи энг муҳим восита, қолаверса унинг эришажак барча муваффақиятлари гарови ҳамdir.

Мен рус тилини яхши билишим ҳақида юқорида ҳам айтиб ўтгандим. Аммо бу Марказий Осиёни ўрганиш учун етарли

эмасди. Шу сабаб бошқа шарқ тилларини ўрганиш мақсадида Туркияга йўл олдим. Нью-Йоркдаги устозим Туркияга жўнаш олдидан мени венгриялик олим Жанос Экман билан танишириб, тил ўрганишимга ёрдам беришларини сўради. Жаноб Жанос Экман ҳақиқий полиглот (турли хил тилларни бирдек билувчи киши – З.М.) эдилар. У бутун умрини тил ўрганишга сарфлаган фидойи олимлардан бўлган. Ўзбек тилини ҳам яхши биларди, айниқса унинг ўрта асрлар тилини ўрганишга бўлган қизиқиши баланд эди. У, асосан, қўлёзмалар устида ишларди, мен билан ҳам мунтазам шугулланишга вақт топарди. Жанос билан деярли ҳар ҳафта, ўрта асрларга оид ноёб манбаларни ўқиш билан вақт ўтказардик. Ўзбек, араб, форс тилларини пухта ўрганишимда Жаноб Жанос Экманинг хизматлари беқиёс эди.

З. М.

Суҳбатимиздан маълум бўляптики, Сиз дастлабки манбаларни рус тилида ўқигансиз ва рус тили Сиз учун Марказий Осиёни ўрганишингизда дастлабки таянч бўлган.

Э.О.

Ҳа, рус маърифати бизга илм эшикларини очиб берди. Буни тан олишимиз керак. Аммо мен бошиданоқ маҳаллий тилни билмай туриб Марказий Осиёни ўрганиш мумкин эмаслигини алоҳида таъкидлаб қўймоқчиман. Сиз рус тилидаги манбаларни таҳдил қилиш билан Марказий Осиёга оид муаммоларни яхлит ўргана олмайсиз. Мен дастлабки икки китобим: “Ўзбек адабий сиёсати” ва кейинроқ 1973 йилда нашр қилинган “Совет шарқ миллатлари”ни ёзиш учун ўзбек тили борасидаги билимларимни мукаммаллаштиришим зарур эди. Дарс бериш жараёнида ўзбек тилидаги билимим қониқарли эмаслигини, ўз устимда мунтазам ишлашим зарурлигини яхши билардим. Шу сабаб жуда кўп ўзбек мұҳожирлари ва университетдаги мен билан бирга ишлайдиган ўзбек ўқитувчилари билан кўпроқ мулоқот қилишга ҳаракат қиласидим. Оғзаки нутқни ўстириш

вазифасини ерлик аҳолидан бошқа ҳеч бир кимса қойиллата олмайди. Менга ўзбек тилини ўрганишим учун жаноб Маъсуд Бекни тавсия қилдилар. У киши менга оғзаки ўзбек тилини ўрганишимга кўмаклашди. Кейинчалик эса унинг ўрнини Мадисон шоҳдӯчасида савдо-сотиқ билан шуғулланадиган Жаноб Убайдулла Нурота эгаллади.

3.М.

Сиз Колубия университетида ҳам ўзбек тилидан дарс бергансиз. Айтингчи, ўша пайтда ўзбек тилини ўрганувчи талабалар кўп бўлганми?

Э.О.

Йўқ, мен ўқитган курсларда ўзбек тилини ўрганувчилар сони у қадар кўп бўлмаган. Одатда, уларнинг сони 3-4 тадан ошмасди.

3. М.

Демак, Колумбия уч-тўрт талаба учун ҳам алоҳида курслар ташкил қилиб берган эканда? Бундай тантилик ва жўмардликнинг сабаблари нимада эди?

Э.О.

Ҳа, ўша пайларда университетнинг имкониятлари кенгроқ ва кўп нарсаларга журъат қила оларди. Бу ҳолат бир неча йиллар давом этганди, холос.

3. М.

Ҳозир нима деб ўйлайсиз, Марказий Осиёни ўрганиш бўлимлари мавжуд бўлган АҚШ университетларида кейинги йиллар ичida ўзбек тилини ўрганишга бўлган талаб ортганми?

Э.О.

Ҳа, албатта, бугунги кунда ўзбек тилини ўрганишга бўлган эҳтиёж йилдан-йилга ошиб бормоқда. Бу ҳақида шогирдларимдан ҳам эшитиб тураман. Ҳатто, бу тилни ўрганишга талабгорлар кўплиги, мутахассисларнинг камлиги сабаб ма-софадан ўқитиш тизимини ҳам йўлга қўймоқда эканлар. Масалан, Мичиган университети талabalari мана шундай тизим-

даги ўқув курсларида ўзбек тилидан сабоқ олаётганликлари менга маълум.

З. М.

Билишимча, 1967 йилда нашр этилган “Марказий Осиё: бир аср Рус ҳукмронлиги” номли китоб дунё олимлари эътиборини тортган, Сизга шуҳрат олиб келган тадқиқотлар сирасига киради. Ушбу китобга Сиз масъул муҳаррирлик қилгансиз, ва айни пайтда мақола муаллифи сифатида ҳам иштирок этгансиз. Ушбу китобнинг яратилиш тарихи ҳақида билмоқчи эдим.

Э. О.

Ўша пайтда чиндан ҳам омадим чопган эди. 1965 йилда Кембрижда бўлиб ўтган Америка Шарқшунослик Жамиятининг анжуманида иштирок этиш учун Массачусетсга бордим. Конференциядан қайтиш чогида, кутилмагандা, Колумбия университети нашриётининг масъул муҳаррири билан бирга ўтириб қолдим. Ундан нима учун Марказий Осиёга оид китоблар нашр этишмаётганликлари сабабини, буни амалга ошириш вақти келганигини айтдим. У: “Яхши, агар сен буни уddyалай олсанг, биз китобни нашр қилиб беришни ўз зиммамизга оламиз”, – деб жавоб берди.

Мен ушбу китобга турли соҳа мутахассларини жалб қилишни истардим. Ўша пайларда Колумбия университети нашри билан Марказий Осиёга бағишланган бирор-бир китоб чоп этилмаганлиги боис, ушбу ҳодисани муҳим янгилик сифатида эътироф этиш мумкин эди.

Мана шундай оддийгина бир учрашув ушбу китобнинг дунё юзини кўришига сабаб бўлган.

З. М.

Сизга сўнгги саволим Эдворт жаноблари. Сиз 1953–1959 йиллар мобайнида Колумбия университетининг аспирантурасида таҳсил олдингиз. 30 йил мобайнида, яъни 1961 йилдан 1993 йилларга қадар мазкур университетнинг Ўрта Шарқ ва Осиё тиллари маданияти бўлимида дарс бердингиз. Шундан буён

университетнинг фахрий профессори сифатида кўплаб аспирантларга раҳбарлик қилиб келдингиз. Аммо ҳали ҳам ёзишни канда қилганингиз йўқ. Бунинг сабаби ҳали ҳам ўша навқирон чоғингиздаги осиёликларга нисбатан муҳаббатингизми?

Э.О.

Ҳа, шубҳасиз шундай. Қолаверса, бу ҳақида аёлим Жанет ҳам сўрайверади. Аммо ҳали ҳам қиласиган, жой-жойига қўйишим зарур бўлган жуда кўп ишларим бор.

2010 йил, апрель
АҚШ (Нью-Йорк)

НЕГА ДУНЁ ЎЗБЕҚ АДАБИЁТИНИ ТАНИМАЙДИ?

(Американинг Мичиган университети тадқиқотчиси
Рейчел Ҳаррел билан сұхбат)

Шу йилнинг апрель-май ойларида Колумбия университетида бўлиб ўтган икки халқаро конференцияда иштирок этиш мақсадида Америкага сафар қилдим. Саёҳат давомида Марказий Осиё, хусусан, ўзбек тили ва адабиётини ўрганувчи марказий университетлар – Гарвард, Колумбия, Индиана, Мичаган, шунингдек, халқаро кутубхоналарнинг Осиё бўлимларида бўлиб, у ердаги ўзбек адабиёти ва унинг таржималари билан шуғулланувчи олимлар билан махсус учрашувлар, давра сұхбатлари ўюптиришга ҳаракат қилдим. Сұхбат мобайнида олийгоҳ ўқитувчи ва талабаларининг ўзбек тили ва адабиётига бўлган қизиқиши, Навоий, Бобур, Чўлпон, Фитрат ижодидан намуналарни ёд айтиб берганликлари, “Фарҳод ва Ширин”, “Лайли ва Мажнун”, “Қуштили” достонлари, “Шайтанат”, “Мувозанат” романлари ҳакида тутилиб, қийналиб бўлса-да, фикр айтишлари мени қувонтириди.

Мана шундай ўзбек адабиётининг Америкадаги муҳлисаларидан бири Рейчел Ҳаррелдир.

Рейчел Ҳаррел кўп йиллардан бери Мичиган университети Славян тиллари ва адабиёти бўлимида фаолият кўрсатиб, XX аср ва замонавий ўзбек адабиёти, унинг инглиз тилига таржимаси муаммоларига бағишлиланган мавзуда докторлик диссертацияси устида иш олиб боряпти. Мазкур масала билан боғлиқ бир неча мақолалар эълон қилган. У халқаро анжуманларда ўз маърузалари билан иштирок этиб, миллий адабиётимизни жаҳонга тарғиб қилаётган олимлардан бири. Рейчелнинг фикрича, у ўзбек адабиёти ва шеъриятининг ҳақиқий ихлосманди ва мазкур тадқиқотни келаси йилга ҳимоя қилиниши режалаштирилган. Тадқиқотчининг ўзбек модерн шеърияти ва таржимаси таҳлилига бағишлиланган қизиқарли фикрлари “Талабалар

дунёси” журналининг ўтган йили 1–2- сонларида “Кўкламдан кўкламга (Ўзбек модерн шеъриятини инглиз тилига ўгиришга доир мулоҳазалар)” сарлавҳали мақоласи нашр этилиб, китобхонлар томонидан юқори баҳоланди. Ҳаррел хонимнинг “Ўтиш даврида ўзбек адабий овозлари. Улуғбек Ҳамдамнинг “Мувозанат” романи воқеаси” номли мақоласи 2007 йил Марказий Евросиё масалаларига багишланган VIII Халқаро анжуманинг маданият шўбасида ўқиб эшилтирилган. Унинг китоб жавонида йигилган ўзбек ижодкорларининг насрый, шеърий асарлари мени ҳайрон қолдирди. Ўзбекистондан ҳам макон, ҳам тафаккур жиҳатидан анча йироқ бўлган Farb олимасининг ўзбек адабиёти, шеъриятига муҳаббатининг сабаби, сир-синоати нимада? Руҳий яқинликдами? Жозибаси ёки умумбашарий мезонларга туташлигидами?

Бунга Рейчелнинг жавоби лўнда ва қисқа бўлди: “Ундан излаган нарсамни топаман. Мен нимани ўйласам унда мужассам. Унинг дунё адабиётига тенглашадиган жиҳатлари кўп, фақат гап ўша жиҳатларни етказиб беришдаги муҳим восита – таржимада”.

Чиндан ҳам Рейчел Ҳаррелнинг ўзбек адабиёти, шеъриятига муҳаббати таржималари ва таҳдилларида акс этган. Рейчелнинг миллий адабиётимизга (айниқса миллий шеъриятга) муносабати бошқа Америка олимларидан фарқ қиласди. У бадиий асарни бошқа Америка олимлари сингари ижтимоий ҳодиса сифатида эмас, балки ижодкорнинг қалб ҳарорати, зеҳн мантиқи ва эстетик тафаккури уйғулигига пайдо бўлган санъат ҳодисаси эканлиги билан изоҳлайди. Ижодкор тасаввуридаги ранглар моҳиятини англашга, муайян ижод намунаси характерида индивидуаллашган хусусиятларни аниқлашга, символик образларнинг маъно қатламларини кашф этишга ҳаракат қиласди.

Рейчел Ҳаррелнинг мана шундай ўзига хос ёндашув услуби, XX аср ўзбек адабиётининг инглиз тилидаги талқинида акс этаётган камчиликлар хусусидаги қизиқарли фикрлари бизни

эътиборсиз қолдирмади. Мазкур сұхбат ўзбек адабиёти на муналарининг таржима қилиниши, унинг жаҳон майдонидаги мавқеини мустаҳкамлашга монелик қилаётган муаммолар ечимини топишида, маълум маънода, аҳамият касб этади, деб ўйлаймиз.

3.М.

XX аср ўзбек адабиётига бўлган қизиқишингизнинг асосий сабаби нима? Бошқа Америка олимларидан фарқли сиз кўпроқ ўзбек адабиёти таржимлари билан қизиқасиз ва тадқиқотингизнинг асосий қисми ҳам айнан таржимачилик масалаларига бағишлиланган?

Р.Х.

Аввало, мени ўзбек тили ўзига ром этган. Тўққиз йил олдин Оллоҳ менга мусулмон бўлиш баҳтини насиб этганда Ислом (Мусулмон) давлатларида яшовчи одамлар билан учрашишни, улардан билмаган нарсаларимни кўпроқ ўрганишни истадим. Ўша пайтларда фақат рус тилини яхши билардим. Шундан кейин Ўзбекистонга боришга қарор қилдим. Тошкентга келиб, тез орада ўзбек тилини ўргана бошладим. Тажрибали ўқитувчим сабаб кундан-кун ўзбек тилига бўлган меҳрим орта бошлади ва ниҳоят мен уни чин дилдан яхши кўриб қолдим.

Тошкентга саёҳатимдан олдин “XIX аср Чех адабиёти ва миллий тил ривожида бадиий таржиманинг ўрни” масалалари борасида тадқиқот олиб бораётган эдим. Аммо бу мавзу ва олиб бораётган илмий ишимдан кўнглим тўлмасди. Таржима мен ўрганишни истаган мавзу эканлигини яхши билардим. Аммо мен ўқиётган матнлар зерикарли (мароқсиз) бўлганлиги сабаб уларни тадқиқ қилиш мушкул эканлигини ҳам тушуниб етдим.

Тили ўрганишни бошлаганимдан кейин мени қийнаётган муаммонинг ечими XX аср ўзбек адабиёти эканлигини англа-дим. Тадқиқ жараёнидаги мураккаблик ва қийинчиликлар ҳам бир хил эканлигини кўра олардим. Аммо бугунги кун, бугунги

дунё қиёфаси акс этган замонавий адабиёт йўналишларидағи воқеликларга яқинроқ эканлигим ва уни осонроқ тушуна олишим мумкинлигини тушундим.

Таржима назарияси тиллар қоришмаси асосида тараққий қиласди. Агар яқин кунларда Ҳиндистон, Квебек (Канададаги провинция) ва Бразилия¹ таржима назарияси ва амалиётига оид фаол, қизиқарли гоялар пайдо бўлаётганлигини кўрсангиз Марказий Осиёда шундай гоялар нега пайдо бўла олмас экан, деб ўйлаб қоласиз. Тошкентда ҳам бир вақтнинг ўзида турли хил тилларда бемалол ўқиб, гапира оладиган одамлар кўп. Аҳолиси, асосан, битта тилда гаплашадиган мамлакат вакили сифатида бу мен учун қизиқ ҳолат.

3.М.

Ижодий ҳамкорлик давомида шеъриятта муҳаббатингиз баланд эканлигига гувоҳ бўлдим. Болалигингида ижод билан шуғулланганмисиз?

Р.Х.

Ҳа, фақат мактабда уйга вазифа (*home assignment*) сифатида бундай топшириқ берилганда². Шоирларга бўлган ҳурматимнинг асосий сабаби – улар мен ҳеч қачон қила олмаган нарсани қиласдилар.

¹ Муаллифнинг фикрича, таржима назариясига оид қизиқ гоялар аҳолиси кўп тилли мамлакатларда тез ривожланади. Чиндан ҳам Ҳиндистонда умумий расмий тил инглиз тили ҳисобланиб, аҳоли гужарати, ҳинду, ассамб ва яна бошқа тилларда мулоқот қилишади. Канаданинг Квебек провинцияси эса француз ва инглиз тилларида гаплашадиган ҳудуд. Бразилия ҳам икки тилли мамлакат. Шу сабаб ҳам муаллиф ушбу ўринда бир неча тилда бемалол гаплаша оладиган Марказий Осиёда ҳам шундай гоялар пайдо бўлиши учун замин бор, демоқчи.

² Чет эл мактабларида уйга вазифа сифатида ижодий топшириклар берилади. Муаллиф “*home assignment*” деганда мана шундай уйга вазифани назарда тутяпти.

З.М.

Сизнинг тадқиқотларингизга ҳам мафкуранинг таъсири бўлганми?

P.X.

Ҳар қандай тадқиқот ёки бадий асар сиёсий мафкурадан холи бўла олмаслигига ишончим комил. Аммо бугунги идеология яқин ўтмишдагидек кескин, ҳаётнинг ҳамма соҳасини тўла назорат қила олиш кучига эга эмас. Мен ҳар қандай америкалик учун стереотип бўлиб қолган тушунчаларга – шахс эркинлиги, босқичма-босқич тараққиёт, боринки, “кимёнинг ҳаётни яхшилай олиши” сингари тушунчаларга қаттиқ ишонаман, лекин ҳар доим ўзимга-ўзим “ахир бошқача ҳам бўлиши мумкинку”, деб эслатиб тураман. Таржимоннинг вазифаси ўша бошқачароқ бўлиши мумкин бўлган нарсани шундай ишонарли қилиб тасвирлашдан иборатки, мана шу ишончлилик ўқувчи одатланган реал ҳаётдан қолишмасин.

З.М.

Сиз қандай назарий методга суюнасиз?

P.X.

Балки бу сизга эскича ёндашувдек кўринар,... аммо мен структурал таҳдил методидан фойдаланаман. Матнда, айниқса таржима матнларида мени қизиқтирган асосий нарса унинг структураси: у қандай қурилган? Айнан қандай омиллар матнни жонли бўлишида муҳим аҳамиятга эга?

Бугунги кунда таржимага оид яратилган кўлгина назарий китоблар, мақолалар, бир сўз билан айтган назарий ёзиqlар, мени қониқтиrmайди. Чунки уларда мавзуга етарлича жиддий эътибор қилмайдилар. Замонавий таржима назариётчилари эса таржимага менсимайгина муносабатда бўлаётгандек, худди улар бошқа бир муҳимроқ масалада гаплашишни маъқул кўраётгандек таассурот уйғотади.

З.М.

Бугунги кунда айрим ўзбек олимлари замонавий шеърият (модернизм) га нисбатан салбий муносабатдалар. Уларнинг

фикрича, бундай шеърият кишига эстетик завқ берса олмайдиган, совуқ ва ҳиссиз, қолаверса тарқоқ туйгулар мажмуидан иборат шеър шакли. Сиз қандай фикрдасиз?

P.Х.

Уларнинг модерн шеъриятга бўлган муносабатини тушуман. Аммо мен ундан фикрда эмасман. Тўғри, маълум бир услубдаги шеъриятни ўқиб улгайган китобхон айнан шу услубга ўрганиб қолади ва бошқа услубларни тушуниш унда маълум қийинчилклар туғдиради, аммо бадиий адабиётдан олиш мумкин бўлган эстетик завқнинг турли хил шакллари мавжуд. Замонавий шеърият анъанавий шеърият каби жарангдор ёки оҳангдор бўлмаслиги мумкин. Аммо унинг ўзига хос, бизни мафтун этадиган жиҳатлари ҳам оз эмас. Аслида модерн шеърият янги мазмун моҳият орқали “кўзимизни очадиган” кутилмаган жозибадорлик, сўзлардаги образлилик, олдин биз ҳеч қачон эшитмаган ритмик шакллар каби хусусиятларни ўзида акс этира олиш имконига эга. Модернизм бизга таниш сўзлар, бизга маълум бўлган тил қолиларидан отилиб чиқсан. Тўғри, баъзан у ёқимсиз, баъзан қўпол ва, ҳатто тасаввурларимизни остинустун қилгувчи бўлиши ҳам мумкин, аммо биз ҳеч қачон эътибор қилмаган, хаёлимизга келмаган ўринлардаги гўзалликни ошкор қиласи.

З.М.

Бугунги ўзбек тилидан инглиз тилига ёки инглиз тилидан ўзбек тилига қилинаётган таржималардаги асосий камчилик нимада деб ўйлайсиз?

P.Х.

Ўзбек тилидан инглиз тилига қилинаётган таржималардаги асосий камчилик уларнинг деярли йўқлигида деб ўйлайман.

Инглиз тилидан ўзбек тилига ўгирилаётган таржима асарларидаги етишмовчилик масаласи... . Мен бу борадаги ишлардан етарлича хабардор эмаслигим боис жўяли фикр айтишим қийин. Аммо ўзбек мутаржимларига аллақачон маълум

бўлган бу йўналишдаги ишларнинг мураккабликларидағи икки жиҳатга эътибор қаратишни истардим.

Биринчидан, инглиз тилидан ўзбек тилига тўғридан-тўғри, бевосита таржима қилинаётган асарлар жуда кам бўлганлиги боис, бундай таржималарда анчагина ғализликлар учрайди. Кўпинча таржимонлар қўлларига нима тушса, асарнинг инглиз забон адабиётидаги тутган ўрни ҳақида ҳеч қандай тасаввурга эга бўлмай туриб, таржима қилишаверади. Натижада мутахассис бўлмаган оддий китобхон таржимон замонавий шоҳ асарни тарғиб қиляптими ёки бир мавсумдан нарига ўтмайдиган енгил-елпи асарними каби саволларга жавоб топа олмай, боши қотади.

Яна бир шунга боғлиқ муаммо – бадиий асардаги халқнинг кундалик турмуш тарзига оид ўринларни китобхонга тўғри етказа олишидадир. Ўзбек таржимонлари Европа ва америкаликларнинг бой маданияти хусусида яхши билимга эгадирлар. Аммо улар кундалик ҳаёт ва халқнинг оддий маданиятига алоқадор деталларни таржима қилишда осонгина хатога йўл қўйишлари, янгилишишлари мумкин. Кундалик ҳаётга алоқадор деталларни яхши тушунмаган таржимон улардан воз кечишига ёки силлиқлашга, қолаверса ҳаспўашлашга ҳаракат қиласди, аммо бундай ўзига хос деталларнинг йўқолиши китобхон учун муаммо туғдиради. Асарни жонли қилиб турган қисмлар олиб ташлангандан кейин асарнинг бадиий кучи, ундаги ўзига хослик йўқолади ва бадиий асар бор-йўғи кундалик инсонлар мулоқотининг зерикарли ҳисботига айланаб қолади.

Аминманки, юқорида таъкидланган ҳар икки муаммо ҳам вақти келиб ўз ечимини топади, чунки Ўзбекистон ва инглиз забон мамлакатлар ўртасидаги муносабатлар секин-аста ривожланиб бормоқда.

З.М.

Шарқ ва Farb модернизми ўртасида қандай асосий тафовутлар мавжуд?

P.X.

Асосий фарқ, албатта, жараёнда. Ҳозир Европа ва Америкада модернизм тарихий ҳодисага айланиб, ўз ўрнини анча олдин постмодернизмга бўшатиб берди. Ўзбекистонда эса бу жараён ҳали ҳам давом этаяпти. XX аср бошларидағи модерн шеъриятга хос жиҳатлар: ўз имзосига эга бўлиш, турли шаклларда ўз-ӯзини кашф қилиш тажрибаси, мавхумликка мойиллик, ларзага солиш иштиёқининг кучлилиги, камида мавжуд таъсирчанликка яна янги маъноларни юклаш замонавий ўзбек шеъриятининг ҳам энг муҳим хусусиятлари эканлиги, маълум маънода Farb модернизмiga эргашиб ҳолатлари кузатилса-да, у адабий ҳодиса эканлиги билан фарқданади.

Назаримда, ўзбек модернизми ўтмишни инкор қилиш ёки ундан нусха олишга қизиқмайди. Агар модернистлар совет ҳукмронлиги давридаги қатъий чегараларни кенгайтиришини истасалар, улар буни кўз билан онгни қўзғатиш ва узоқроқ бўлган миллий ўтмишга муносабатлари орқали амалга оширадилар. Шунингдек, ўзбек модернизми ўз овозига эга бўлса-да, унда Farb модернизмидан мавжуд бўлган кучли худбинлик ҳисси йўқ.

Модернистларнинг шахсий инжиқларига қарамасдан, улар ўз овозига, характеристига ва ўз фикрига эга бўлаётганликларини уларнинг ижоди мисолида кўриш мумкин. Айтиш мумкинки, бу овоз Ўзбекистон номидан сўзлай олиш кучига эга.

3.М.

Рауф Парфи ижодини кўпроқ яхши кўрап экансиз. Ижодхонангизга ҳатто шеърларидан парчалар ҳам осиб қўйибсиз. Сизни мафтун қилган сатрларнинг сири нимада?

P.X.

Унинг ижодида хаёлот мураккаблигини кўраман. Рауф Парфининг шеърлари гўзал, силлиқ ўқиладиган, шу билан бирга, китобхон эътиборини тортиб, воқеликка яхшироқ разм солишга, рамзий маъно қатламларини янам чуқурроқ англашга чорлайди.

3.М.

Ўзбек модерн шеъриятининг энг яхши вакиллари кимлар деб ўйлайсиз?

P.X.

Ўзбек модерн шеъриятининг қудрати унинг ранг-баранглигида. Бир шоир ижодида бутун бир йўналиш акс эта олади, деб ҳам айта олмайсиз. Бундан ташқари, бир-икки шоир номини келтириб, бошқаларни камситишни истамайман, чунки мен ўқимаган, модерн усууда ёзилган яна қанча шеърлар мавжуд. Аммо, ўрни келганда “ўзбек модернизми вакиллари” фикридан холи, менга ёқадиган бир-икки шоирлар ижодига тўхталиб ўтсан. Улардан бири Фахриёр, унинг шеърларида кучли сўз ўйинларини кўраман. Яна бири Гўзалбегим – у нафис лирика ва кескин модернизм ўртасида ажойиб мувозанат ўрнатиш йўлидан боради. Ва учинчиси Оидинисо – унинг оддий, қисқа шеърларини унутиб бўлмайди.

3.М.

Хорижда ўзбек адабиётини қай даражада билишади?

P.X.

Афсуски, хорижда ўзбек адабиётини деярли билишмайди. Фақат Марказий Осиёни ўрганишни мақсад қилган айрим олимларгина ўзбек адабиётидан хабардор бўлиши мумкин. Ҳатто, бундай олимларнинг кўпчилиги адабиётдан бошқа соҳаларда, хусусан тарих, иқтисод, сиёсат ёки экология йўналишларида тадқиқот олиб боришга ҳаракат қиласидилар. Америкаликларнинг бугунги Ўзбекистон ҳақида тасаввурлари бирор-бир иш юзасидан юрtingизга саёҳатлари ёки кечки янгиликларда камдан-кам берилиб қоладиган кичик хабарлардангина пайдо бўлган. Албатта, буларнинг ҳеч қайсиси Ўзбекистон ҳақида тўла ва ижобий тасаввурга эга бўлиш учун етарли эмас. Бу қизиқиш умуман йўқ дегани ҳам эмас.

Америкаликлар, ҳеч бўлмагандга уларнинг зиёли қатлами, Ўзбекистон Румий, Хофиз, Саъдий сингари мураккаб, лекин

сирли “Шарқ маданияти”га мансуб, деган мавҳум тушунчага эга. Яна уларнинг ўйлашларича, Марказий Осиё мусулмонлари иноқ, яқдилликда тинчликсевар, мулоҳазали ва бутун дунё муммомларини еча олиш имконига эга. Албатта, бу талқинларнинг ҳаммаси ҳам тўғри эмас, аммо улар дастлабки мулоҳазаларини намойиш этяптилар.

3.М.

Ўзбек адабиётини таржима қилса бўладими? У дунёга қизиқми?

Р.Х.

Бугунги ўзбек ҳаёти акс этган романлар, ҳикояларнинг инглиззабон мухлисларини топишида яхши имкониятлари бор, деб ўйлайман. Бу фикрни мен бугунгача ўқиш имконига эга бўлган ўзбек сўз санъати намуналарининг бадиий қувватига асосланиб айтаяпман. Аммо, афсуски шеърият бу фикрдан мустасно. Чунки АҚШ да шеърият ихлосмандлари жуда кам. Академик аудиториялар учун мўлжалланган хориж антологияларидан ташқарида, кенгроқ доирада муваффақият қозониш деярли имконсиз.

Бугунги кунда бозори чаққон бадиий асарларнинг асосий йўналишларига эътибор қаратсангиз, уларнинг камида учдан икки қисми ўзбек адабиётининг таржима орқали Америка адабий майдонига кириб бориш имкониятлари кенглигига ишора қиласди. Постмодерн йўналишида ёзилган романларга келсак (пост модерн йўналишида ёзилган ўзбек романлари ҳали мавжуд эмас деб ўйлайман, ҳатто бўлганда ҳам, у таржима қилиш мушкул жанр ҳисобланади), уларга бўлган қизиқиш жуда кам, ўзбек асарлари бу бозорда муваффақият қозона олишмаса кепрак, деб ўйлайман. Аммо барча ўзбек ёзувчиларининг мемуар асарларига бўлган қизиқиш доимо бирдек бўлиб, улар илиқ кутиб олинади.

Бадиий таржималар, айниқса, детекив ва фантастиканинг охирги пайтларда машҳур бўлиши америкалик китобхонлар

учун “юқори санъат” чегараларидан ташқаридаги хориж маданияти ҳақида ўрганишнинг янги ва қизиқ йўлларини яратмоқда.

Кисқа қилиб айтганда, Америка китобхонлари Ўзбек ёзувчиларининг янги, кучли мазмунга эга бўлган, китобхонни жалб қила оладиган ва, албатта, сифатли таржима қилинган асарларини ўқишдан мамнун бўлади.

Бу лойиҳа ўзбек ижодкорлари, таржимонлар, олимлар, ноширлар ва инглиззабон мутаржимлар ўртасидаги мана шундай давомли ҳамкорликни талаб этади. Бу ҳамкорлик тез орада йўлга қўйилади, деб умид қиласман.

2010 йил, апрель
АҚШ (Нью Жерси)

ХУЛОСА

Биз “XX аср ўзбек адабиётининг Америкада ўрганилиши” мавзусини истиқлол гояси, бугунги кун адабиётшунослик мезонлари, миллий қадриятлар, менталитетимиз нуқтаи назаридан, сиёсат ва мафкурага бедаҳл равишда, илмий объектив қарашлар, қиёсий-тарихий, қиёсий-типологик методлар асосида тадқиқ қилишга интилиб, қўйидаги илмий-назарий хулосаларга келдик.

Ўтган асрда юртимизда содир бўлган ижтимоий-сиёсий ҳаётни, XX аср ўзбек адабиётини хорижда ўрганиш, уни тарғиб қилишга интилиш 1927 йиллардан бошланган бўлиб, Усмон Хўжа ўғли, Мустафо Чўқай, Заки Валидий Тўғон, Мажиддин Аҳмад, И.Тўлқин, Тоҳир Шокир ўғли Чигатой, Абдуваҳоб Исҳоқ ўғли Ўқтой, Вали Зуннун каби миллатпарвар юртдошларимиз миллий адабиётимизнинг хориждаги ilk тарғиботчилари бўлганлар.

Миллий сўз санъатимизнинг Америкадаги тадқиқи эса XX асрнинг иккинчи ярмидан бошланган. Америка олимлари жадид адабиётини дастлаб Туркистондаги сиёсий-ижтимоий ҳодисаларга мутаносиб равишда сиёсат ва мафкура билан бояглаб ўрганадилар. Кейинги босқичларда асарларга адабий-бадиий мезонлар асосида ёндашиш кучайиб боради. Юқоридаги икки ҳолатни эътиборга олиб, уларнинг тадқиқот йўналишлари, мақсадларидан келиб чиқиб жадид адабиётининг Америкада ўрганилишини шартли равишда уч босқичга бўлиб, таҳдил этиш маъқул кўрилди:

1-босқич: XX асрнинг 50–70-йиллари. Ўзбек жадид адабиётини сиёсий-мафкуравий ёндашув асосида тадқиқ қилиш;

2-босқич: 70–90-йиллар. Ижтимоий ва адабий муаммолар синкетизми мезонлари талаби замирида ўрганиш;

3-босқич: 91-йилдан то бугунги кунгача. Асарни ғоявий-бадиий мезонлар жиҳатидан ўрганиш.

Биринчи босқичда илмий изланишлар олиб борган Э.Олворт бошчилигидаги кекса авлод вакиллари Э.Бенингсен, Э.Уимбуш, Д.Фейерман, Р.Баррет, Д.Монтгомери каби тадқиқотчилар Туркистондаги жадидчilik ҳаракати ва ўзбек жадид адабиётини асосан сиёсий-ғоявий жиҳатдан тадқиқ этишди. Давр адабиёти адабиётшунослик мезонлари асосида чукур ва атрофлича таҳдил қилинмаган. Асарнинг бадииятига эътибор нисбатан четда қолган. Бадиият асосида илмий-назарий хуласалар чиқариш учрамайди. Ушбу йилларда олиб борилган ишлардаги асосий эътибор Ватанимиздаги ижтимоий-сиёсий жараённи таҳдил этишга қаратилганлиги ва тадқиқотчилар ўзларини адабиётшунос эмас, кўпроқ сиёсатшунос олим сифатида намоён қилганлиги билан характерланади. Лекин биринчи босқичда тадқиқот олиб борган олимлар 20–30-йиллардаги, адабиётшунослигимизда деярли тадқиқ этилмаган, Мейлах таъбири билан айтганда, иккинчи даражали ижодкорларнинг ҳаёти ва ижоди билан ҳам шуғулландилар, асарларидан парчалар таржима қилиб, уларнинг ижоди ҳақида тўғри хуласаларга келишган. Э.Олвортнинг ўзбек адабиётшунослари эътиборидан четда қолиб кетаётган, ҳатто мустақилликдан кейин ҳам атрофлича ўрганилмаган А.Мажидий ҳаёти ва ижоди билан боғлиқ изланиши ўз даврида унинг ижодини тўғри англашдаги илк тадқиқотлардан бири эканлигини алоҳида таъкидлаш керак бўлади.

Иккинчи босқичда тадқиқот олиб борган Э.Лаззерини, Ж.Соупер, Э.Наби, Х.Мурфи каби олимлар кекса авлод вакилларидан фарқли, жадидчilik ҳаракати раҳномалари, ўзбек жадид адабиёти намояндаларининг ҳаёти ва ижодига доир манбалар билан шуғулланди. Биографик метод улар илмий ижодининг

етакчи қирраларидан бўлди. Ушбу йилларда тадқиқ этилган жадид адабиёти вакилининг ижодий меросига аналитик ёндашиш шакллана бошлади. Шунингдек, ўрта бўгин вакилларининг мазкур босқичдаги ижодида жадид адабиётига ижтимоий-адабий муаммолар синкрематизми асосида ёндашиш намоён бўлди. 70–90-йилларда тадқиқот олиб борган олимлар орасида ўзининг муайян индивидуал услуби билан ажралиб турадиган Х.Мурфи каби жадидшунослар ҳам мавжудлигини алоҳида эътироф этиш лозим. Унинг қайд этилган ўзига хос тадқиқ йўсими Қодирий романлари (“Ўткан кунлар”, “Мехробдан чаён”)га багишланган илмий ишида акс этган.

Учинчи босқич, янги авлод жадидшунослари Адип Холид, Лайонс Шон, Роберта Мария, Оғир Аҳмет, Жон Маккейн, Марк Рейес давр адабиёти намуналарини мафкурадан холи, бадиият талаблари асосида таҳдил қилиш билан бирга асарлардан парча, баъзан эса жадид адабиёти намуналарини тўлиқ ҳолда инглизчалаштириди.

91-йилдан кейинги ишларда жадид адабиётини аввалги босқичларга нисбатан объектив баҳолаш қарор топди. Иккинчи ва учинчи босқичларда илмий фаолият олиб борган олимларнинг ишларида бадиий асарни бадиият мезонлари асосида тадқиқ этиш ҳолатлари ўз ифодасини топа бошлади. Тадқиқотларининг кўлами жиҳатидан биринчи ўринда турадиган америкалик жадидшунослар устози Э.Олворт ҳам кейинги босқичларда бадиий асарни адабиётшунослик мезонлари асосида тадқиқ этиб, ушбу соҳадаги истеъдодининг янги-янги имкониятлари ва таржимонлик қобилиятини намоён қилди. Унинг “Падаркуш” драмаси билан боғлиқ илмий ишини оригинал тадқиқот сифатида эътироф этиш лозим.

Америкалик жадидшунослар бир асарни турли жиҳат ва хронотоп нуқтаи назаридан келиб чиқиб, турлича талқин қиладилар. Жадид адабиётини тадқиқ қилиш жараёнида улар кўп ҳам бир-бири билан баҳслашмайдилар, лекин ўз қараш-

ларидан келиб чиқиб, муайян масала хусусида турлича, ўзига хос хуросаларга келадилар. Улар жадид асарлари мундарижаси, мавзуғоясига яхлит композицион бирлик сифатида муносабатда бўладилар. Бадий асар тузилиши, жанр хусусиятларини қўйилган муаммолар билан боғлиқ ҳолда тадқиқ этиб, ўзларининг мустақил фикрларини айтишга интилиш билан бир қаторда, уларнинг ўзбек олимлари тадқиқотларидағи концепциялар, кузатиш ва хуросалардан ҳам таъсирлангани маълум бўлади.

Жадидшуносларнинг ишларида асарнинг мазмун-моҳияти, асар бадиияти, адаб дунёқарashi, мақсадидан келиб чиқиб фикрлаш нисбатан камроқ бўлиб, маълум бир факт, деталь ёки эпизоднинг бирор жиҳати, шаклини таҳдил қилишга бўлган интилиш ҳолатлари ҳам кўпроқ учрайди. Бундай ўзига хослик ёки маълум маънодаги морфологик тадқиқ Э.Олворт, А.Холид, Роберта Марияларнинг илмий ишларига хос.

Америкалик олимларнинг жадид адабиётидаги образларни бош ва иккинчи даражали сифатида тасниф этиб, уларнинг асар сюжети, композициясига таъсири хусусидаги қарашлари гарбона миллий рух, тарихий колоритдан келиб чиқиб билдирилганлиги боис, баъзан айрим эътиroz ва баҳсларга сабаб бўлади. Тадқиқотчиларнинг “Падаркуш” драмаси, “Ўткан кунлар” романидаги образларнинг ўрни масаласи хусусидаги индивидуал хуросалари ана шундай баҳсталаб фикрлардир.

20-йиллар адабиёти билан шуғулланган американлик олимларнинг тадқиқотларидағи муштараклик жадид асарларидағи мақсад-ғояни образларга танланган исмлар этимологиясини ўрганиш асосида ҳам кўринади. Улар давр ижодкорларининг қаҳрамон исмларига юклаган ғоявий мақсадлар, образларга танланган исмлар ҳам, ҳатто, уларнинг (“жадидларнинг” деб тушунинг) ислоҳотларини амалга оширишда калит вазифасини бажарганлигини тўғри эътироф этадилар, фикрларини аниқ мисоллар билан исботлайдилар.

Ўзбекшунослар 20-йиллар ўзбек адабиётида аллегорик образлар, бадий тасвир воситалари ижтимоий-сиёсий мақсадларни амалга оширишда, миллатпарварлик, истиқдол ва маърифатпарварлик гояларини умумга етказишда муҳим аҳамият касб этганлигини мисоллар билан далиллаб, тўғри холосаларга келадилар. Айрим ўринларда рамзий-мажозий образларнинг этимологияси ҳақида қатор жиҳдий фикрлар билдирадилар. Лекин 90-йилларгача қилинган тадқиқотларда юқоридаги масалалар асарни гоявий-бадий жиҳатдан ўрганиш билан атрофлича боғланмайди. Ушбу масалага чуқур ёндашиш 90-йиллардан кейин бошланди.

Х.Мурфи Қодирий ижодининг илк даврларида яратилган асарлари (“Тинч иш”, “Улоқда”, “Жувонбоз”, “Отам ҳам большевик”, “Бахтсиз куёв”) да илгари сурилган маърифатпарварлик гоясини ёзувчи шахсияти, биографияси, ижодкор яшаган давр, муҳит ва жамият билан боғлиқ ҳолда тадқиқ этган. Олим ёзувчининг “Отам ҳам большевик” ҳикоясида тарғиб қилган гоясини бошқа асарларига нисбатан чуқурроқ таҳдил қиласди. Асаддаги метафорик йўл билан ифодаланган ўринларга гарбона тафаккур тарзи билан муносабат билдиради.

Америкалик олимлар жадид шеъриятидаги истиқдол ва маърифатпарварлик гояларини бадий-гоявий уйгунилк жиҳатидан чуқур тадқиқ этишмайди. Хориж олимлари Абдурауф Фитрат асарларидаги рус ва европа кишилари образининг жадидлар прототипи сифатида акс этиши сабаблари, муаллиф эстетик идеаллари ва интеллектуал қаҳрамонлари тадқиқида бир тарафлама ёндашувга йўл қўядилар. Масалан, Америка олими Адіб Холид “Мунозара” асаридаги Фарангি образи гайримуслим эканлигини жаҳон адабиётининг тасвир усулларига монанд, шарқона тафаккур тарзи ва ментал хусусиятларнинг ўзига хослигидан изламайди. У Фитрат дунёкараши ва эстетик идеалини белгиловчи замонавий таълим масаласига эмас, балки диний-этник тафовутларга эътибор қаратиб, муаммо моҳиятига

айирмачилик позициясидан ёндошади. Япон олими Хисао Коматсу эса ушбу муаммо таҳдилида ижодий жараён табиати ҳамда бадиий матн мөҳиятини эътибордан четда қолдиради. Шу жиҳатдан қаралганда, у чиқарган хулосалар Фитрат эстетик идеаллари ва интеллектуал қаҳрамонлари табиатини, жадид адабиётидаги мазкур образлар эволюциясини изоҳлаш имконига эга бўлолмайди.

Ўзбек адабиётида яратилган рус ва европа кишиси обраzi ҳақидаги фикр-қарашларнинг юзага келган йилларига хронологик тарзда нигоҳ ташласак: Г.Ж.Дакшлекир (1969), Эден Наби (1975), Т.Бобоев (1976), Э.Олворт (1986), А.Холид (1997) санъаларини кузатишимиz мумкин бўлади. Бу ҳол бизга Г.Ж.Дакшлекир тадқиқотларида бундай образларга нисбатан нима учун этник гурӯҳ сифатида қаралгани, Эден Наби фикр-қарашларида ижтимоий-иқтисодий факторлар ҳамда ёзувчи эстетик идеали муаммосигагина диққат қаратилиши, Т.Бобоевнинг соцреализм методи турғун ақидаларини ёриб чиқа олмаслиги, Э.Олворт дунёқараш, ҳалқ психологияси ва маърифий-маиший муаммоларга, А.Холид характер тасвиридаги полифония масаласига эътибор бергани сабабларини ойдинлаштиргандай бўлади.

Аммо Фарб “советолог”ларининг миллий адабиёти миз бағрида яратилган рус ва европа кишилари образи таҳдилларидағи адабий-эстетик қарашларида ижтимоий-сиёсийликдан эстетик мөъззонлар сари силжиш жараёни кечганилигини ҳам таъкидлаш лозим. Ўзбек адабиётшунослигида эса негадир кейинги йилларда мазкур масалага нисбатан кам аҳамият берилган. Шубҳасиз, бунинг ўзига хос сабаблари, муайян эстетик қонуниятлари ҳам бўлиши эҳтимолдан холи эмас. Бироқ, оқибат шундан иборатки, рус ва европа кишиси образлари мөҳиятига хос жиҳатлар ҳануз назарий жиҳатдан етарлича асосланмай келмоқда. Бунинг яна бошқа сабаблари ҳам мавжуд. Юқорида таъкид этилганидек, бадиий адабиётимизда мавжуд

бундай образлар узоқ йиллар давомида тўлиғича сиёсат ва мағкура билан боғлиқ тарзда бир томонлама талқин этилган. Кези келганда, шуни алоҳида таъкидлаш керакки, рус халқи ва бадиий адабиётдаги рус кишиси образлари ўртасига зинҳор тенглик аломати қўйиш мумкин эмас. Бу гоятда муҳим, айтиш мумкини, методологик аҳамиятга молик жиҳат нафақат ўзбек адабиёти, балки рус ва жаҳон адабиёти маъносидаги англашилганида ҳам ўзгармас қонуниятдир.

20-йиллар адабиёти бўйича тадқиқот олиб борган америкалик олимларнинг жадид асарларини тадқиқ этишдаги ўзига хос, ўзбек адабиётшуносларидан фарқли жиҳати – улар бир вақтнинг ўзида ҳам таржимон, ҳам танқидчи олим сифатида фолијат юритади. Лекин, улар жадид асарларидан таҳдиллари ва илмий мушоҳадаларининг исботи учунгина парчалар таржима қилишганини алоҳида таъкидлаш жоиз.

90-йилларга қадар қилинган таржима асарлари тўлиқ ўгирилмагани боис америкалик мутаржимларнинг маҳоратларини етарлича намоён қила олмайди. Ўзбекистондаги буюк ижтимоий-сиёсий, маданий ўзгаришлар, янги муҳит Америка жадидшунослари тадқиқотида янгича тамойиллар, бадиий таржималарида янгича изланишларнинг юзага келиши, жадид асарларини тўлиқ инглизчалаштирилишига сабаб бўлди.

Э.Олвортнинг таржимонлик истеъоди “Падаркуш” драмасида тўлиқ намоён бўлди. Мутаржим олим А.Мажидийнинг “Лоҳутий хотираси”даги “Бог” парчасини таржима қилишда йўл қўйган хатоларини “Падаркуш” пьесасида бартараф этиш билан бирга, таржимада драманинг “ижодий юзи”ни тиклаган. Лекин, инглиз тилида мувофиқ эквивалентлари бор миллий колорит, миллий хусусиятларни берувчи сўзларни инглизчалаштиришда америкалик мутаржимлар фикрни сиқиқ ҳолда ифодалаш усулуга мурожаат этмаганларни боис, миллатимизга хос лексемалар ва лексематик бирликлар инглизчада акс этмаган. Давр рухига хос сўзлар, иборалар ва фразеологик бирликларни баъз

зан тўғри идрок этмаслик натижасида таржима матнларида айрим нуқсонлар учрайди. Юқоридаги камчиликлар барча америкалик мутаржимларнинг таржимасига хос бўлса-да, уларнинг бу йўналишдаги меҳнати, эришган муваффақиятлари ўзбек адабиётининг жаҳон миқёсида ўрганилиши, тарғиб этилиши, ўзбек адабиёти яхлит жаҳон адабиётининг бир қисми эканлигини кўрсатади. Буларнинг барчаси амалга оширилган улкан ишлар қаторида санаалмоққа ҳақлидир.

“Падаркуш” драмасининг нашр вариантлари ва таржимасини 1913 йилдаги Самарқанд босмаси асосида бугунги кун адабиётшунослиги нуқтаи назаридан қиёсан тадқиқ қилиш учун Ш.Турдиев (Падаркуш // Шарқ юлдузи. 1989. 7-сон), Ш.Ризаев (Беҳбудий М. Падаркуш. Жадид драмаси. Т.: Шарқ, 1997), Б.Қосимов (Беҳбудий. Танланган асарлар. Т.: Маънавият, 1998) ва Э.Олворт (Ўрол-Олтой ийлномаси. 58 (1986)) ва Темур Хўжа ўғли (Timur Kocaoglu. Türkistan'da türkçe ilk tiyatro eseri: Mahmud Hoca Behbudi'nin “Pederkuş” (Baba katili) piyesi – 1913. Türkük Araştırmaları Dergisi. İstanbul: Bahar 2004) нашрлари ва таржима матни асос қилиб олинди. Текстологик жиҳатдан қиёсан тадқиқ қилиш натижасида нашр вариантлари ва таржима текстидаги ютуқ ва камчиликлар кўрсатилиб, асл (дастлабки) матнга айрим аниқликлар киритилди.

“Падаркуш” пьесасининг Э.Олворт томонидан илк бор инглиз тилига ўгирмаси, лотин ҳарфлари асосида ўзбек тилидаги табдили, Темур Хўжа ўғлиниң ўзбек ва турк тилларидағи таржима матни ўз даврининг ва жорий йилларга қадар қилинган нашр вариантларининг энг мукаммал нусхалари эканлигини алоҳида таъкидлаш керак.

Таҳлил жараёнида драманинг Ш.Турдиев, Ш.Ризаев ва Б.Қосимов нашрларида аслиятга муқобил бўлмаган ўринлар борлиги ва асл нусхадаги айрим жумлаларнинг тушурив қолдирилганлиги ойдинлашди.

Жадид адабиётининг кўзга кўринган намояндаларидан бири бўлган Чўлпон ижоди нафақат Америка, балки Европа

ва қардош ҳалқлар адабиётшунослаrinинг ҳам диққат марказида бўлган ва шоир шеърлари жуда кўп тилларга таржима қилинган.

Чўлпон шеърларини турли даврларда таржима қилган мутаржим олимларнинг тафаккур тарзи, макони, ўй-фикрлари, шоирнинг шахсий қарашлари у яшаган даврдан фарқ қиласа-да, унинг бадиий-гоявий мақсадини таржима тилида, асосан, аслиятдагидек бера олганлар. Чўлпоннинг “Бас энди”, “Кўнгил” шеърларини инглизчалаштирган Э.Олворт, Темур Хўжа ўғли (Мел Кенни билан биргаликда), Ж.Маккейн, А.Обидов каби таржимонлар шоир бадиий маҳоратини тўғри идрок эта олган ва ҳар бири индивидуал услугба (фарқларга) эга эканини таржимада намоён қилган. Уларнинг таржимадаги маҳоратларини Чўлпоннинг “Кўнгил” ва “Бас энди” шеърлари мисолида қиёслаганимизда Темур Хўжа ўғли Э.Олвортга нисбатан шоир шеърларидаги нафисликнинг муҳим белгиларини, айниқса, миллий рухни, асардаги пафосни аслиятдагидек ўгиришга муваффақ бўлганини кўрамиз.

“Кўнгил” шеъри таржимасидаги шакл ва мазмун бирлигини оригиналдагидек ифодаланиши, сатрлардаги қофиядош сўзларнинг таржима тилида тўлиқ акс этиши, шеърдаги оҳангдорлик, ритм юртдошимиз А.Обидовнинг ўгирма вариантида тўлароқ мужассам бўлган.

Америка олимларининг 20-йиллар адабиёти таҳдилига бағишлиланган тадқиқотларидағи тамойиллар қандай бўлишидан қатъи назар биз учун ниҳоятда муҳим ва қимматлидир. Айниқса, Америка жадидшунослаrinинг “Падаркуш”, “Мунозара”, “Хинд сайёҳи баёноти”, “Ўткан кунлар”, “Мехробдан чаён”, “Тинч иш”, “Отам ҳам большевик”, “Лоҳутий хотираси” каби асарлари билан боғлиқ тадқиқотлари жадид адабиётининг ўзбек адабиётшунослигига маълум бўлмаган жиҳатларини кашф қилиш билан бир қаторда уларнинг ижодини ҳалқаро миқёсда тарғиб қилишда муҳим аҳамият касб этди.

Америкалик тадқиқотчиларнинг XX аср ўзбек адабиётини чуқур ва муфассал тушунишлари нечоғлик мушкул ва мураккаб бўлмасин, улар бу йўналишда жиддий муввафақиятларни қўлга киритмоқдалар. Менталитетимиздан йироқ бўлган чет эл ўзбекшуносларининг давр адабиёти ҳақидаги қарашлари ўзбек адабиётшунослиги тараққиётига ҳам маълум даражада таъсир кўрсата олиши билан бир қаторда жаҳон адабиётшунослигида ҳам муносиб ўрин эгаллай олишига ишонч билдириш мумкин.

Йўналишлари билан бой бўлган бу тадқиқотлар ҳақида келгусида янги илмий изланишлар олиб борилишига ишонамиз.

Биз эса, бутадқиқотларнинг айрим қирраларини ўрганишга интилиш билан чекландик.

ФОЙДАЛАНИЛГАН АДАБИЁТЛАР РЎЙХАТИ

1. Ислом Каримов. Янгича фикрлаш ва ишлаш – давр талаби. 5-том. Тошкент: Ўзбекистон, 1997. – 384 б.
2. Ислом Каримов. Юксак маънавият – енгилмас куч. Тошкент: Маънавият, 2008. – 176 б.
3. Ристотель. Поэтика. Тошкент: Гафур Гулом номидаги Адабиёт ва санъат нашриёти, 1980. – 152 б.
4. Абдурауф Фитрат. Танланган асарлар. З жилдлик. 1-жилд / X.Болтабоев нашрга тайёрлаган. Тошкент: Маънавият, 2000. – 256 б.
5. Абдурауф Фитрат. Танланган асарлар. З жилдлик. 2-жилд / X.Болтабоев нашрга тайёрлаган. Тошкент: Маънавият, 2000. – 208 б.
6. Абдурауф Фитрат. Танланган асарлар. З жилдлик. 3-жилд / X.Болтабоев нашрга тайёрлаган. Тошкент: Маънавият, 2003. – 256 б.
7. Абдулла Авлоний. Ўсон миллат. Тошкент: Шарқ, 1993. – 144 б.
8. Абдулла Қодирӣ. Ўткан кунлар. Тошкент: Шарқ, 2000. – 394 б.
9. Абдурахманов А. Проблема характера русского человека в узбекской прозе (1920–1970гг): дисс. ... на соискание учен степ. канд. фил. наук. Ташкент, 1982. – 152 с.
10. Allworth E. Uzbek Literary Politics. The Hague: Mauton and Co., 1964. – 366 p.
11. Allworth E. Central Asian Publishing and The Rise of Nationalism. New York: New York Public Library, 1965. – 100 p.
12. Allworth E. Central Asian. A. Century of Russian Rule / ed. E. Allworth. New York: Columbia University Press, 1967. – 552 p.
13. Allworth E. The Beginnings of the Modern Turkestanian Theater // Slavic Review. 23 (1964), pp. 676–687.
14. Allworth E. Nationalities of the Soviet East publication and Writing Systems. New York – London: Columbia University Press, 1971. – 440 p.

15. Allworth E. Central (Soviet) Asia: A compilation of social science and humanities sources on the Iranian, Mongolian, and Turkic nationalities. With an Essay on the Soviet Asian Controversy. New York-London: Praeger Publishers, 1975. – 686 p.
16. Allworth E. Murder as Metaphor in the First Central Asian Drama // Ural-Altaic Year-book. 58 (1986), pp.65–95.
17. Allworth E. Modern Uzbeks.-Stanford: Hoover Institution Press, 1990. – 366 p.
18. Allworth E. The preoccupations of Abdalrauf Fitrat, Bukharan nonconformist: an Analysis and list of his writings. Berlin: Buch, 2000. – 72 p.
19. Allworth E. Evading Reality. Devices of Abdarauf Fitrat, Modern Central Asian Reformist. Seiden-Netherlandz: Brill Academic Publishers, 2002. – 370 p.
20. A State of Nations / D.E.Schafer, D.Northrop, A.Khalid and etc.; ed. R.G.Sunny, T.Martin.-Michigan: Oxford University Press, 2001. – 301 p.
21. Ahmed Ag'ir. From Colonial Past to Colonial Future: Three Uzbek Novels (Qodiry, Oybek Hoshimov) University of Wisconsin-Madison, 2003. – 266 p.
22. Алиев А. Маҳмудхўжа Беҳбудий. Тошкент: Ёзувчи, 1994. – 126 6.
23. Алиев А. Ижод ва изланиш. Тошкент: Ғафур Гулом номидаги Адабиёт ва санъат нашриёти, 1976. – 188 6.
24. A z i z M e h r a n. Abdulla Qodiri. O'zbek Romaninin Dogusu. Ankara, 2008. – 272 s.
25. Акопова А. Эстетический идеал и природа образа: дисс. ... на соискание учен степ. док. фил. наук. Ташкент, 1994. – 222 с.
26. Азизлар анжумани. Баёз. Форсийдан Матназар Абдулҳаким таржимаси. Тошкент: Ўзбекистон, 2008.
27. Беҳбудий. Падаркуш. Самарқанд, 1913.
28. Беҳбудий. Падаркуш // Шарқ юлдузи. 1989. 7-сон. 150–155-6.
29. Беҳбудий. Падаркуш. Ўрол Олтой йилномаси 58 (1986) (Лотин алифбосига асосланган ўзбек тилида). 72–82-6.
30. B e g b u d i y. (from or through Russian – E.A). The Patricide. Ural-Altaic Year-book 58 (1986) (Инглиз тилига Э.Олворс таржимаси), pp.84–96.

31. Б е ҳ б у д и й М. Танланган асарлар. Тошкент: Маънавият, 2006. – 278 б.
32. Б е ҳ б у д и й М. Падаркуш. Ризаев Ш. Жадид драмаси. Тошкент: Шарқ, 1997. – 318 б.
33. Б е ҳ б у д и й М. Танланган асарлар. Тошкент: Маънавият, 1997. – 232 б.
34. Б е ҳ б у д и й М. Падаркуш. Танланган асарлар. Тошкент: Маънавият, 1998. – 280 б.
35. Б е л и н с к и й В. Г. Полное собрание сочинений. Т.8. М., 1955. – 728 с.
36. Б о р е в Ю. Эстетика. М.: Политиздат, 1988. – 496 с.
37. Б е л ь ч и к о в Н. Ф. Пути и навыки литературоведческого труда. М.: Наука, 1965. – 334 с.
38. Б е л о к о н ь С. И. Предмет и задачи литературоведческого источниковедения: автореф. дисс. ...канд. фил. наук. М., 1978.
39. Б е л ь т и н г Х а н с. Образ и культура. История образа до эпохи искусство. М.: Прогресс – Традиция, 2002.
40. Б е г м а т о в Э. Ўзбек исмлари маъноси. Тошкент: Энциклопедия, 1998. – 604 б.
41. Б о б о е в Т. Замон ва қаҳрамон. Тошкент: Faғur Гулом номидаги Адабиёт ва санъат нашириёти, 1976. – 126 б.
42. Б о б о е в Т. Ҳаёт материалидан бадий образга: ижобий қаҳрамон проблемасининг баъзи хусусиятлари. Тошкент: Фан, 1976.
43. Б о л т а б о е в Ҳ. Фитрат ва жадидчилик. Илмий тадқиқий мақолалар / Тошкент: Алишер Навоий номидаги Ўзбекистон Миллий кутубхонаси, 2007. – 286 б.
44. Б о л т а б о е в Ҳ. ХХ аср бошлари ўзбек адабиётшунослиги ва Фитратнинг илмий мероси: Фил.фан. док. дисс. ... Тошкент: ЎзРФА ТАИ, 1996. – 368 б.
45. Б о л т а б о е в Ҳ. Хорижда Фитратшунослик // Ўзбекистон адабиёти ва санъати. 1992 йил, 27 март.
46. Б о л т а б о е в Ҳ. Ўзбек адабиётининг америкалик дўсти // Туркистон. 1997 йил, 15 октябрь.
47. Б о л т а б о е в Ҳ. Хорижда Чўлпоншунослик // Туркистон. 1997 йил, 26 ноябрь.
48. Б а к а е в а М. К. Англия, АҚШ адабиётидан ўзбек тилига шеърий таржима ва қиёсий шеършунослик муаммолари: Фил.фан. док. дисс...автореф. Тошкент: ЎзРФА ТАИ. 2004. – 50 б.

49. Bradley S., Richardson C. B. The American Tradition in Literature. USA: WPC, 1962. – 1582 p.
50. Владимирова Н. В. Ўзбек ҳикояларида гоя ва образ. Тошкент: Фан, 1989. – 136 б.
51. Владимирова Н. В. Чўлпон – ҳикоянавис // Чўлпоннинг бадиий олами. Тошкент: Фан, 1994. 97–114-б.
52. Гёте И. В. Западно-Восточный Диван. М.: Наука, 1988. – 896 с.
53. Гегель Ф. Лекции по эстетике. Наука, 2001 Т.2. – 602 с.
54. Дюришин Д. Теория сравнительного изучения литературы. М.: Прогресс, 1979. – 320 с.
55. Денпр В.Д. Идеи времени и формы времени. Л.: Советский писатель, 1980.
56. Dakhshleiger G. J. The Theme of the Friendship of Peoples in Soviet Historical Research. Asia in Soviet Studies. ed. B.G.Gafurov. (Moscow: Nauka Publishing, 1969.
57. Жўраев Қ. Таржима санъати. Тошкент: Фан, 1982. – 64 б.
58. Жалолов А. А. Ўзбек маърифатпарвалик адабиётининг ривожланиши жараёни: Фил.фан. док. дисс. ... Тошкент: ЎзР ФА ТАИ, 1994. – 256 б.
59. The Nationality Question in Soviet Central Asia/ E.Allworth, Timur Kocaoglu, Eden Naby and etc.;ed. E.Allworth. New York - Washington – London; Praeger publishers, 1973. – 191 p.
60. Исматуллаев Х. Чўлпон ва жаҳон // Reform Movemnets and Revolutions in Turkistan: 1900–1924 ed. Timur Kocaoglu // Sota Haarlem, 2001. 227–286-б. (Мақола ўзбек тилида, китоб турк ва инглиз тилларида).
61. Исматуллаев Х. Ўзбек адабиётининг оламшумул шухрати. Тошкент: Ўзбекистон, 1969. – 36 б.
62. Исматуллаев Х. Абдулла Қодирий абадияти // Ўзбекистон адабиёти ва санъати. 1994 йил 14 октябрь, 11 ноябрь.
63. Каримов Э. А. Развитие реализма в узбекской литературе. Ташкент: Фан, 1975. – 192 с.
64. Каримов Э. А. Реализм узбекской демократической литературы. Ташкент: Фан, 1975.
65. Каримов Н. XX аср адабиёти манзаралари. Тошкент: Ўзбекистон, 2008. – 532 б.

66. К а р и м о в Н. Истиқолни уйғотган шоир. Тошкент: Маънавият, 2000. – 88 б.
67. К а р и м о в Н. Абдулҳамид Сулаймон ўғли Чўлпон. Тошкент: Фан, 1991. – 84 б.
68. К а р и м о в Н. Усмон Носир. Ҳаётий лавҳалар, ҳужжатлар, ривоятлар. Тошкент: Шарқ, 1993. – 206 б.
69. К а р и м о в Н. Ф. ХХ аср ўзбек адабиёти тараққиётининг ўзига хос хусусиятлари ва миллий истиқол мафкураси: фил. фан. док. дисс... автореф. Тошкент: ЎзР ФА ТАИ, 1993. – 48 б.
70. К а р и м о в Б. Қодирий қадри. Тошкент: Абдулла Қодирий номидаги ҳалқ мероси нашриёти, 2003. – 84 б.
71. К а р и м о в Б. Жадид мунаққиди. Вадуд Маҳмуд. Тошкент: Университет, 2000. – 104 б.
72. К а р и м о в Б. Янгиланиш соғинчи. Тошкент: Адабиёт жамғармаси, 2004. – 80 б.
73. К а р и м о в Б. Чўлпон ва танқид / Нашрга тайёрловчи, сўзбоши ва изоҳлар муаллифи Б. Каримов. Тошкент: Адабиёт жамғармаси, 2004. – 84 б.
74. К а р и м о в Б. ХХ аср адабиётшунослигида талқин муаммоси (қодирийшунослик мисолида): Фил.фан. док. дис. ... Тошкент: ЎзР ФА ТАИ, 2002. – 304 б.
75. C u l l e r J o n a t h a n . Structuralist Poetics. Structuralsim, Linguistics and the Study of Literature. Cornell University Press, Ithaca, New York. 1975. – 301 p.
76. C u l l e r J o n a t h a n . Culler Jonathan. T Literary Theory. Oxford University Press. New York. 1997. – 150 p.
77. C u l l e r J o n a t h a n . The Literary in Theory. Stanford University Press, Stanford, California. 2007. – 276 p.
78. K h a l i d A. The Politics of Muslim Cultural Reform: Jadidism in Tsarist Central Asia: Ph.D.diss., Madison: University of Wisconsin, 1993. – 301 p.
79. K h a l i d A. The Politics of Muslims Cultural Reform. Jadidism in Central Asia. – Berkeley – Los Angeles – London: University of California Press, 1998. – 335p.
80. K h a l i d A. Tashkent 1917: Muslim Politics in Revolutionary Turkestan // Slavic Review 55 (1996), pp. 270–296.

81. K h a l i d A. Russian History and the Debate over orientalism // Explorations in Russian and Eurasian History. –4 (2000), pp.691–699.
82. K h a l i d A. Printing, publishing, and reform in Tsarist Central Asia // Middle East Studies. 26 (1994), pp.187–200.
83. K h a l i d A. Visions of India in Central Asian Modernism: The Work of Abd ar – Ra'uf Fitrat // Looking at the Colonizer. Germany: Ergan Verlag, 2004. – 376 p. (Мақола инглиз тилида, китоб немис тилида чоп этилган).
84. Л и х а ч е в Д. С. Историческая поэтика русской литературы. Сank-Петербург: Издательство «Алетейя», 2001. – 508 с.
85. L a z z e r i n i E d w a r d J. Jadidism at the Turn o f the Twentieth Century: A View from Within // Cahiers duminde russe et sovietique. 6(1975), pp.245–277.
86. L a z z e r i n i E d w a r d J. From Bakchisarai to Bukhara in 1893: Ismail Bey Gasprinskii's journey to Central Asia // Central Asian Survey. 3 (1984), pp.77–88.
87. L a z z e r i n i E d w a r d J. Ismail Bey Gasprinskii and Muslim Modernism in Russia, 1878–1914: The dissertation written for taking Ph.D in philology. Washington: Washington University Press, 1973. – 212 p.
88. М а ж и д и й А б д у л ҳ а м и д. Танланган асарлар. Тошкент: Маънавият, 2000. – 160 б.
89. Мустафо Чўқай, Чўлпон, Отажон Ҳошим. Тошкент: Шарқ, 1993. – 142 б.
90. Миллий уйғониш даври ўзбек адабиёти / Б.Қосимов, Ш.Юсупов, У.Долимов ва б. Тошкент: Маънавият, 2004. – 464 б.
91. Мирвалиев С. Ўзбек романни. Тошкент: Фан, 1976. – 314 б.
92. Мирвалиев С. Қалблардан қалбларга (Ўзбек адабиёти чет элларда). Тошкент: Ўзбекистон, 1966. – 42 б.
93. М у с а е в Қ. Бадий таржима ва нутқ маданияти. Тошкент: Ўқитувчи, 1976. – 158 б.
94. М у с а е в Қ. Инглиз тилидан ўзбек тилига бадий таржиманинг стилистик масалалари: фил.фан.ном. дисс. ... Тошкент: ЎзР ФА ТАИ, 1967. – 322 б.
95. Марказий Осиё XX аср бошида: ислоҳотлар, янгиланиш, тараққиёт ва мустақиллик учун кураш // Халқаро конференция материаллари. Тошкент: Маънавият, 2001. – 142 б.
96. M u g r h y Ch. The Relationship of Abdulla Qadiriy's Historical Novels to the Earlier Uzbek Literary Traditions: The dissertation

Written for taking Ph.D.-Washington: Washington University Press, 1980. – 209 p.

97. Micallef Roberta Maria. The Role of Literature and Intellectuals in National Identity Construction : The Case of Uzbekistan. USA: University of Texas, 1997. – 215 p.

98. Muslims in Central Asia / Ch. Murphy and etc.;-Durham-London: Duke University Press, 1992, pp. 191–203.

99. Vollmer M., Irmsschar M. Translating Literatures. Stanford, CA: Stanford University Press, 1998. – 206 p.

100. Ге й Н, П ис кун о в В. Эстетический идеал советской литературы. М., 1962. С.176.

101. Н а з а р о в Б. Ижодий ҳамкорлик. Э.Олвортнинг “Биринчи ўзбек драмаси” мақоласи таржимасига ёзилган сўзбоши // Жаҳон адабиёти. 8-сон. 2009 йил (инглиз тилидан З.Мирзаева таржимаси).

102. Н а з а р о в Б. Маҳмудхўжа Беҳбудий // Ўзбек тили ва адабиёти. Тошкент, 1992. 3–4-сон. 71–74-б.

103. Н а з а р о в Б. Ўзбек адабий танқидчилиги. Гоявийлик. Метод. Қаҳрамон. Тошкент: Фан, 1979.- 286 б.

104. Н а з а р о в Б. Формирование и становление методологических принципов узбекской советской литературной критики: автореф. дис. ... док. фил. наук. Ташкент: ЎзР ФА ТАИ. 1983. – 48 с.

105. Н о р м а т о в У. Қодирий боги. Тошкент: Ёзувчи, 1995. – 218 б.

106. Н о р м а т о в У. “Ўткан кунлар” ҳайрати. Тошкент: Ўқитувчи, 1996. – 80 б.

107. Особые межлитературные общности / Дюришин и коллектив. Ташкент: Фан, 1993. – 156 с.

108. O b i d o v A. Dream of lightsome dawns. Tashkent: Yangi asr avlod, 2001. –32 p. English translations of the Uzbek verses.Chulpon Usmon Nosir (Translated by Azam Obidov).

109. O b i d o v A. Tunes of Asia.-Tashkent:Yangi asr avlod, 2004. - 63 p. Examples from the Uzbek poetry (Translated by Azam Obidov).

110. Р а с у л о в А. Р. Ҳозирги ўзбек танқидчилигида таҳдил ва талқин муаммоси (XX асрнинг 80–90-йиллари материалари асосида): фил.фан. док. дисс... автореф. Тошкент: ЎзР ФА ТАИ, 2002. – 44 б.

111. Р а с у л о в Т. Бадий асар қанотлари. (Образ ва образлилик. Услуб). Тошкент: Адабиёт ва санъат нашриёти, Тошкент, 1976. – 174 б.

112. Рубцов Н. Н. Символ в искусстве и жизни. М.: Наука, 1991. – 176 с.
113. Ризаев Ш. Жадид драмаси. Тошкент: Шарқ, 1997. – 320 б.
114. Nabu E. The period Literarure of Uzbek literature: The Tajik and Uzbek Literary Prose from 1990 till 1932: The dissertation written for taking Ph.D. NY.: Columbia University Press, 1975. – 240 p.
115. Reform Movements and Revolutions in Turkistan: 1900–1924. Studies in Honour of Osman Khoja / Edward.A, Adeeb Khalid, Baymirza Hayit etc.; ed.Timur Kocaoglu. Netherlands: Haarlem, 2001. – 493 р.
116. Russia's Orient. Imperial Borderlands and Peoples, 1700–1917/ M.Khodorkovsky, Y.Slezkine, E.J.Lazzerini, A.Khalid and etc.; ed. Daniel R.Brower and E.J.Lazzerini. Bloomington: Indiana University Press, 1997. – 335 р.
117. Сигал Н. А. Язык и стиль публицистики И.Г.Гердера // Литература и эстетика. Л.: Изд-во Лен-кого ун-та, 1960. С. 51–85.
118. Султон И. Адабиёт назарияси. Тошкент: Ўқитувчи, 1980. – 408 б.
119. Саримсоқов Б. И. Бадийлик асослари ва мезонлари. Тошкент: х/т. А.С.Аҳмедова босмахонаси, 2004. – 128 б.
120. Сирожиддин С. Абдулхамид Мажидий. Тошкент: Гафур Ғулом номидаги Адабиёт ва санъат нашриёти, 1982. – 120 б.
121. Cirtautas I. The Continuing Importance of Autobiographical Writings in Eastern Turkic Literature // A paper presented at the 1981 Middle East Studies Association Annual Meeting. USA. P.65–76.
122. Саломов Ф. Таржима ташвишлари. Тошкент: Гафур Ғулом номидаги Адабиёт ва санъат нашриёти, 1983. – 190 б.
123. Туриев Ш. Беҳбудий Америкада // Ўзбекистон адабиёти ва санъати. 1992 йил 17 апрель.
124. Туриев Ш. 20-йиллар ўзбек ҳикояси: фил.фан. ном. дисс. ... Тошкент: ЎзРФА ТАИ, 1968. – 176 б.
125. Таржимонлик маҳорати / Ф. Саломов ва б. Тошкент: Фан, 1979. – 196 б.
126. Timur Kocaoglu. Turkistanda turkce ilk tiyatro eseri: Mahmud Hoca Behbudi'nin "Pederkus" (Baba katili) piyesi – 1913. Turkluk Arastirmalari Dergesi. Istanbul, Bahar 2004. 177–382-s.
127. Храпченко М. Б. Творческая индивидуальность писателя и развития литературы. М., 1970. – 392 с.

128. Чўлпо н. Адабиёт надур. Адабий танқидий мақолалар. Тошкент: Чўлпон, 1994. – 240 б.
129. Чўлпо н. Гўзал Туркистон. Тошкент: Машнавият, 1997. – 118 б.
130. Чўлпо н. Ойдан-да гўзал... Шеърлар. Тошкент: Андижон нашриёти, 1997. – 80 б.
131. Чўлпо н. Яна оддим созимни. Тошкент: Гафур Гулом номидаги Адабиёт ва санъат нашриёти, 1991. – 576 б.
132. Cholpon. "To a Devastated Land" Central Asian Journal, vol. X, №1, 1965, pp.61–71 (translated by Edward Allworth).
133. Чўлпо н. Бузилган ўлкага // Ўрта Осиё журнали. 1 (1965). 61–71-б. (Инглиз тилига Э.Олворт таржимаси).
134. Чўлпон шеърлари инглиз тилида // Жаҳон адабиёти. 1998-йил. 4-сон. 134–138-б.
135. Шарифиддинов О. Ижодни англаш баҳти. Тошкент: Шарқ, 2004. – 637 б.
136. Шарифиддинов О. Чўлпон. Тошкент: Чўлпон, 1991. – 112 б.
137. Шарифиддинов О. Мустафо Чўқай, Чўлпон, Отажон Ҳошим. Тошкент: Шарқ, 1993. – 144 б.
138. Шарифиддинов О. Чўлпонни англаш. Тошкент: Ёзувчи, 1994. – 48 б.
139. Шаропов А. Оламлар ичра оламлар. Тошкент: Гафур Гулом номидаги Адабиёт ва санъат нашриёти, 1978. – 224 б.
140. Lyons, Shaw T. Resisting Colonialism in the Uzbek Historical Novel Kecha va Kunduz (Night and Day), 1936. Inner Asia 3 (2001).
141. Lyons, Shaw T. Chase Away This Pig from the Mosque: Eastern Politics in the Indian Dramas of Abdurauf Fitrat [Dramas Set in India by an Uzbek Author and Dramatist].» Central Asian Survey 22. 2–3 (2003), pp. 299–313.
142. Lyons, Shaw T. Otabek's Return : Ignoring the Lessons of Jadid Reformism in Modern Uzbekistan.» Journal of Central Asian Studies 5.1 (2000), pp.2–13.
143. Elizabet E. Central Asians under Russian Rule. N.Y.: Ithaca, 1966. – 275 p.

144. Я г м у р а д о в Б. Образ коммуниста в послевоенной туркменской советской поэзии: автореферат дис. ... на соискание учен. степени канд. филол. наук. Ашхабад, 1964. – 22 с.
145. Ўзбек тилининг изоҳди лугати. 2 томлик 1-том. М.: Рус тили нашриёти, 1981. – 632 б.
146. Қ о д и р и й А. Кичик асарлар. Тошкент: Бадий адабиёт нашриёти, 1969. – 214 б.
147. Қ о д и р и й А. Ижод мاشаққати. Тошкент: Ўқитувчи, 1995. – 16 б.
148. Қ о д и р о в М. Ўзбек халқ томоша санъати. Тошкент: Фан, 1981. – 224 б.
149. Қ ў ш ж о н о в М а т ё қ у б. Ўзбекнинг ўзлиги. Тошкент: Абдулла Қодирий номидаги халқ мероси нашриёти, 1994. – 136 б.
150. Қ ў ш ж о н о в М а т ё қ у б. Қодирий – эрксизлик қурбони. Тошкент: Фан, 1992. – 96 б.
151. Қ ў ш ж о н о в М. Ҳаёт ва қаҳрамон. Тошкент: Faфур Гулом номидаги Адабиёт ва санъат нашриёти, 1979.- 366 б.
152. Қ ў ш ж о н о в М. Ижод масъулияти. Тошкент: Faфур Гулом номидаги Адабиёт ва санъат нашриёти, 1981. – 342 б.
153. Қ ў ш ж о н о в М. Ҳаёт адабиёт кўзгусида. Тошкент: Faфур Гулом номидаги Адабиёт ва санъат нашриёти, 1985. – 296 б.
154. Қ о с и м о в Б. Миллий уйгониш. Тошкент: Маънавият, 2002. – 400 б.
155. Қ о с и м о в Б. Маслакдош: Беҳбудий, Ажзий, Фитрат. Тошкент, 1994. – 236 б.
156. Қ у р о н о в Д. Чўлпон насли поэтикаси. Тошкент: Шарқ, 2004. – 288 б.
157. Қ у р о н о в Д. Адабиёт надир ёки Чўлпоннинг мангу саволи. Тошкент: Zarqalain, 2006. – 128 б.
158. Фоявий кураш ва ўзбек адабиёти / Л.Қаюмов, М.Нурмуҳаммедов, М.Қўшжонов ва б. Тошкент: Фан, 1985. – 126 б.
159. Ҳаққулов И. Чўлпоншебъриятинингхорижда ўрганилишига доир // Ўзбек тили ва адабиёти. 1992. З-4-сон. 19–21-б.
160. Ҳ о т а м о в Н., С а р и м с о қ о в Б. Адабиётшунослик терминларининг русча-ўзбекча изоҳди лугати. Тошкент: Ўқитувчи, 1983. – 376 б.

Мундарижа

Б.Назаров. Зулхуморнинг дадил қадами ёки хосиятли изланишилар	3
ДЕБОЧА ЎРНИДА.....	8

ЖАДИД АДАБИЁТИНИНГ АМЕРИКАДА

ЎРГАНИЛИШ БОСҚИЧЛАРИ	16
Талқинда ижтимоий ва адабий муаммолар синкетизми	44
Маърифатпарварлик концепциясининг бадиий-гоявий тадқиқи	63
Миллий истиқдол ва миллатпарварликнинг гоявий-бадиий таҳдили	78

ЖАДИД АДАБИЁТИ НАМУНАЛАРИНИНГ ИНГЛИЗ-ЧА ТАРЖИМАЛАРИ	96
Таржима ва адекватлик.....	96
Таржимада сўз танлаш муаммоси	127

АДАБИЙ-ТАНҚИДИЙ МАҶОЛАЛАР	154
Кодирий романларининг структурал таҳдили ва тадқиқотлардаги етакчи тамойиллар.....	154
Ўзбек ва хорижлик олимлар бадиий асар ғояси талқинидаги тафовутларнинг назарий методологик асослари.....	166
ХХ аср ўзбек адабиётида ижобий типларнинг юзага келиш омиллари талқини	184

Ўзбек жадид адабиёти намуналарида интеллектуал қаҳрамон антиподи тасвири ва эстетик идеал	190
Абдурауф Фитрат фаолиятининг ўрганилиши: ўзига хос ёндашув ва қарашлар	197
“Мувозанат”нинг Америкадаги талқини	206
Хориж олимлари изланишларида ижтимоий-бадиий синкетик таҳдил принциплари	215
Манзилан – олис, кўнгилга яқин (америқалик ўзбекшунос олим Э.Олворт билан суҳбат)	219
Нега дунё ўзбек адабиётини танимайди? (Американинг Мичиган университети тадқиқотчиси Рейчел Ҳаррел билан суҳбат).....	231
ХУЛОСА.....	242
ФОЙДАЛАНИЛГАН АДАБИЁТЛАР РЎЙХАТИ.....	252

УДК 821.512.133(73)

ББК 83.3(5Ў)6

M 54

Мирзаева, Зулхумор

ХХ аср ўзбек адабиётининг Америкада ўрганилиши: монография / З.Мирзаева; масъул муҳаррир Б.Назаров; ЎзР ФА Алишер Навоий номидаги Тил ва адабиёт институти. – Т.: Фан, 2011. – 264 б.

ISBN 978-9943-19-154-9

Ўзбекистон Республикаси Фанлар академияси Алишер Навоий номидаги Тил ва адабиёт институти Илмий кенгаши томонидан нашрга тавсия этилган.

Муҳаррир: М. Содиқова

Тех. муҳаррир: М. Абидова

Мусаҳҳиҳ: Б. Мирзаева

Саҳифаловчи: Д. Абдуллаев

Нашриёт лицензияси AI №138, 27.04.2009 й.

Нашриёт рақами: з-99. Теришга берилди 20.09.2011.

Босишига рухсат этилди 19.12.2011. Қоғоз бичими 84x108¹/₃₂.

Офсет босма. Офсет қоғози. Arno Pro гарнитураси.

Ҳисоб-нашриёт т. 12,0. Шартли-босма т. 12,2.

Тиражи 300. Келишилган нархда.

ЎзР ФА “Фан” нашриёти. 100170, Тошкент, И.Мўминов кўчаси,
9-үй.

Тел/факс (8-371) 262-80-65, 262-70-40

ЎзР ФА “Фан” нашриёти оригинал-макетидан
“Shidasپ” МЧЖ бомаҳонасида чоп этилди. 87-буюртма.
100200, Тошкент шаҳри, С.Рахимов кўчаси, 70⁶-үй.